

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Americae tertia pars, Memorabilem provinciae Brasiliae  
historiam continens**

**Staden, Hans**

**Léry, Jean de**

**Francofurti ad Moenum, 1592**


Navigatio in Brasiliam Americae


**urn:nbn:de:bsz:31-88707**

de Platta,  
abrie, nec  
aducto tā-  
s, naufra-  
nenti Bra-  
regii Poe-  
ater hunc  
Schätzef  
ari possunt

Norman-  
bitaneus e-  
k Horffeur  
His mihi  
leo merce-  
nt mihi in  
nigniter e-  
um me ex-

Illic merca-  
res redditi,  
Hinc sol-  
ardes, quas  
betum, cu-  
telius, nun-  
de tenero,  
viaticum,  
isfacient, is  
oc bonis a-  
cripto





*[Faint, illegible handwritten text or a watermark within the architectural drawing.]*



## ΕΙΣ ΛΕΡΑΪΟΝ.

Ἐνδοίη μάλα θυμὸς ἐμοὶ Φίλε, πῶς σ' ὀνομήνω,  
 Ἡὲ Λαερτιάδην, ἢ Μελισσιγένην.  
 Περὶ γὰρ πολλὰ πάδες τ' εἶδες τ', ἰδὲ πόλλ' ἐπαλιθεὶς  
 Ὅψ' ἀπενόηστας, ἀλλ' ἔων Ὀδυσσεύς.  
 Οὐ μὲντοι πολίπορδος ἔων μάλλον δὲ πολίτας  
 Κείνης ποιήσων, ἔσπερ' ἴκοιο, Θεῶ.  
 Νῦν δ' αὖ Ωκεανὸν τε λέγων ἢ πείρατα γαίης,  
 Καὶ Λαισσυρονίην, ἔλομένεσ τ' αἰέμεσ  
 Κύματα τ' ὀκειόεντα, ἀπολυμνύρους τε ἑταίρους,  
 Πῶς ἔκ' ἄλλος ἔφυσ Φίλε Μελισσιγενής.

Is. Cal.

 AD IOANNEM LERIVM AMERICANÆ  
 Historiæ Scriptorem.

*Ignotas quondam & nostro procul orbe remotas  
 Gentes, monstrosa Barbarieque feras;  
 Stridentesque sonos lingua, ventresque nefandos,  
 Humanis saturos carnibus, ecce, refert.  
 (credo equidem, Lerae: Doces nam visa. Sed euge,  
 Te dignum nodum undice solue precor.  
 Talia, dic, portenta hominum, tam rara benigni  
 Temperies calidum generare queat?  
 Et quos inculta mites creat arbore fructus,  
 Mite solum indomita fertilitate nitens?  
 Horrida Monstra hominū, queris, num gignat amœna  
 Temperies calidæ, fertilitasque soli?  
 Gignit. Sed causas doceant qui semina rerum,  
 Quique arcana tenent interiora viri.  
 Num maiora vides hominum portenta creari,  
 Qua calum multo mitius atque solum?*

S

*Testis culta nouem studiis Europa sororum,  
 Quæ toto, princeps, erigit orbe caput.  
 Hic quam horrenda vigent pudeat memorare, libellis  
 Ut possit nostris maior adesse fides.*

I. I. B.

---

IN HISTORIAM AMERICANAM AB  
 Ioanne Lerio conscriptam.

*Immanes mores tu qui audis & effera monstra,  
 Quæ fert terra orbis nomine dicta noui:  
 Miraris pectus plusquam gestare ferinum  
 Humanos vultus, oraque sueta polo.  
 Primorum sunt hæc noxæ monimenta parentum,  
 Infecit tristi quæ genus omne malo:  
 Hic veri quondam simulacrum numinis, amens,  
 In sæuas meruit degenerasse feras.  
 Sunt quibus indulsit cæli clementia larga,  
 Unde foret cultu mitius ingenium.  
 Cultior his mores, ni vitæ temperet usus,  
 Omnes consimilis barbaries teneat.*

ST. T.

---

IN IOANNEM LERIVM EIVSQUE DE AME-  
 ricana peregrinatione historiam.

*Tanta noui, Lerae, refers miracula mundi,  
 Tamque nouas rerum, tamque hominum facies,  
 Ut cupiam lustrare oculis iam singula, ni me  
 Terreat vnda furens, Barbariesque virum.  
 Atqui tolle moras, cupidum perque omnia deduc:  
 Nobis Oceano sat via tutæ patet.  
 Tuto inter sæuos, humanaque viscera flammis  
 Torrentes, fas est viuere Lestrigonas.  
 Oceanum rabie superat gens Galla furentem,  
 Et superat sæuos, barbara, Lestrigonas.*

G. M. N.

TOTIVS



TOTIVS HISTORIÆ SUM-  
MA CAPITA.

CAP. I.

Auctoris scopus.

CAP. II.

Ascensus in naues Iuliobonæ: itemque occurfus nauium & expugnatio: tempestates, littoraque & Insulæ primum obuiæ.

CAP. III.

Bonitæ, Albakoræ, Auratæque, & sues marini, piscesque volatiles: aliique quos tum vidimus, tum cepimus sub Zona torrida.

CAP. IIII.

De Æquinoctiali circulo, tempestatibus, ventorum inconstancia, pluuiis corruptis, caloribus, siti, aliisque incommoditatibus, quas circa illam mundi plagam sustinuumus.

CAP. V.

De primo Indiæ Occidentalis cōspectu, & incolentium Barbarorum: deque iis, quæ nobis in mari acciderunt ad tropicum vsque Capricorni.

CAP. VI.

Descriptio sinus Ganabaræ, qui & Geneurensis appellatur: Insulæ castellicæ Collignii, atque Insularum adiacentium.

CAP. VII.

De ingenio, robore, statura, nuditate, ornamentis corporis virorum & feminarum Brasiliensium, apud quos annum fere sum commoratus.

CAP. VIII.

De crassis radicibus, & crasso milio, ex quibus Barbari farinam conficiunt, qua in panis vtuntur locum: deq; eorum potione quam *Caon-in* appellant.

CAP. IX.

De feris, prægrandibus lacertis, serpentibus, aliisque Americæ monstrosis animantibus.

CAP. X.

De variis Americanis auibus à nostris dissidentibus, de magnis vespertilionibus, apibus, muscis, culicibus, aliisque regionis illius insectis.

CAP. XI.

De nonnullis piscibus apud Americanos maxime vulgaribus, deq; eorum piscatu.

CAP. XII.

De arboribus, herbis, radicibus, exquisitissimisque fructibus, qui in Americano proueniunt solo.

CAP. XIII.

De bello, præliis, fortitudine, & armis Barbarorum.

## CAP. XIII:

Captiuos suos quo tractēt modo Barbari, quibusque ceremoniis in iisdem mactandis & deuorandis vtantur: quibus per occasionem immanissimæ crudelitatis alia exempla adiecta sunt.

## CAP. XV.

Quid nomine religionis apud Barbaros Americanos veniat; de erroribus in quos ab impostoribus, quos *Caraibes* vocant, inducuntur; deque crassissima Dei ignoratione, quæ apud eos obtinet.

## CAP. XVI.

De coniugio, polygamia, & consanguinitatis gradibus, quos Barbari obseruant; deque liberorum apud eos educatione.

## CAP. XVII.

Quid leges, quidque politia apud Brasilienses nuncupari possit: quam humaniter excipiant hospites; deq; lachrymis ac fictis sermonibus, quibus hospites in ipso ingressu à mulieribus excipiuntur.

## CAP. XVIII.

Quam curam morbis suis adhibeant Barbari; de eorum sepultura & exequiis; deque infano eorum circa mortuos luctu.

## CAP. XIX.

Colloquium in ipso aditu Brasiliensis oræ inter indigenas *Tououpinambaultios Tououpinenk* in Brasiliæ ac Latine conscriptum.

## CAP. XX.

De nostro ab America discessu, deque naufragiis, & aliis non minimis periculis, quæ primum in reditu nostro euasimus.

## CAP. XXI.

De extrema fame, tempestatibus, aliisque non paucis periculis, à quibus in Galliam redeuntes diuina ope erepti sumus.

AUCTORES IN HAC  
HISTORIA CITATI.

<i>Biblia sacra.</i>	<i>Gomara.</i>
<i>Josephus.</i>	<i>Benzo.</i>
<i>Eusebius.</i>	<i>Calchondylus.</i>
<i>Nicephorus.</i>	<i>Viretus.</i>
<i>Plutarchus.</i>	<i>Hist. Eccles. Gallica.</i>
<i>Cicero.</i>	<i>Matthiolus.</i>
<i>Ouidius.</i>	<i>Bodinus.</i>
<i>Appianus.</i>	<i>Popelinerius.</i>
<i>Orosius.</i>	

IOAN-



IOANNIS LERII  
IN HISTORIAM SVAM  
PRAEFATIO.

**A**NTE quam Historiam meam Navigationis in Brasiliam Americae Prouinciam exordiar, pauca quedam de meo instituto dicenda esse duxi.

Religionem inter ea quae diligenti obseruatione digna censentur, primum obtinere locum nemo unquam negauit. Hinc sit ut (quamuis fusius quoniam à Barbaris colatur huius libri cap. 16. sim dicturus) hoc loco nonnulla obiter attingere mihi videatur necesse: praesertim cum narrationis initium a quaestione fecerim quam satis suspicere (meo quidem iudicio) non possum, nedum ut à me soluatur. Video igitur eos, qui optime ex sensu a natura indito de his rebus senserunt, dixisse quidem, notionem illam, quod a supremo quodam pendeant res omnes hominum, animis ita naturaliter infixam esse, ut auelli nullo modo possit. Itaque quamuis in cultus diuini ratione controuersia non pauca exorta sint, fundamentum tamen hoc conuelli non posse, hominem instinctu quodam a natura indito eo pertrahi ut religionem aliquam, seu vera illa sit seu falsa, profiteatur. Attamen istis sapienter determinatis non dissimularunt, ubi ad illud ventum est, quo propensius humanum fertur ingenium, in negotio religionis illud frequenter vsuuenire quod ait Poeta:

--- Sua cuique Deus fit dira cupido.

Quae duo ut Barbaris nostris applicemus, constat eos, homines cum sint, notionem hac omnibus communi praeditos esse, homine aliquid esse maius, a quo bonum malumque pendeat, tale saltem quale sibi fingunt. Quo referri debet cultus ille quem Caraibibus suis exhibent, a quibus statim temporibus bonum malum uel omen sibi adferri credunt. Summum autem bonum in hostium ultione fortiter persequenda (quod olim Ro-

manis, hodie etiam Turcis vsuuenit) ponūt. Cultus vero ille, qui apud alios populos Religionis nomen obtinet, apud eos locum nullum habere dici potest: Quin & illud addi, (si qua gens in toto orbe terrarum) sine Deo vitam hanc transigere. Attamen hac in parte minus fortasse sunt damnandi, quod & miseriam suam excacationemq, aliquatenus agnoscunt, (quamuis nec pœnitentiam agunt, nec remedio vtuntur oblato) suamque mentem non dissimulant.

Ad reliqua quod attinet, summæ capitum, quas ad libri initium apposuimus, quid in toto historiae progressu tractetur, satis indicant.


Ceterum non me latet quod vulgo dici solet: Senes, eosque qui a longinquis peregrinationibus sunt reduces, quod nemo sit qui obsistat, non raro mentiendi licentiam sibi arrogare. Ego vero testor me, qui & mendacia & mendaces odi si qui sint, qui fidem adhibere nolint multis sane ante hæc tempora inauditis, quæ a nobis commemorantur, non eo esse animo, quo in rem præsentem veniant, vt ad ea loca deducam. Nec magis commouebor istis, quam adhuc commotus sum, postquam mihi renuntiatum est non deesse, qui fidem ijs non haberent, quæ a nobis de horrenda illa fame Sancerana sunt scripta, quam ausim affirmare minus asperam, quamuis diuturniorem, ea fuisse quam in medijs undis remigrantes perpessi sumus. Enimvero si isti, de quibus fit sermo, fidem ijs derogare non verentur, quæ in ipsius Gallie veluti meditullio, plus 500. testibus superstites contigerunt, quidni de ijs dubitent, quæ in remotissimis regionibus visa sunt, maioribus vero nostris inaudita, ita vt non nisi experientia ipsa hominum animis insidere possint? Me autem hoc loco fateri non pudebit, ex quo in Americam transportatus sum, quæ & incolarum viuendi ratione, & animantium forma, ipsaque adeo terra factura a nostris Europæis, Asiaticis, & Africanis prorsus alienis respectu nostri nouus Orbis merito dici potest, opinionem abieciisse, quam de Plinio nonnullisque aliis indueram. Vidi enim per multa non minus prodigiosa, quam quæ in eorum scriptis fide indigna censentur. Si quidem ea quæ oculis cernuntur penitus animum penetrant. Ad genus orationis quod attinet, iam ante, tenuitatem meam probe mihi perspectam esse testatus sum. Non dubito autem, quin multorum iudicio phrasibus non sim vsus tum ad rem nauticam, tum alias satis accommodatis. Illis itaque satisfactum non esse certo scio: præsertim vero Gallis nostris, quorum aures delicatissima, nil nisi tersum sermonibusque nouis ornatum admittunt. At vero multo minus ijs placebimus, qui libros omnes vt pueriles & steriles damnant, nisi aliunde desumptis historiis luxuriet: Quamuis enim ad ea quæ tractaui multas accommodare facile mihi e-

rat,

rat, tamen excepta Gomare Ind. Occid. historia, qua ob rerum multarum cum his nostris affinitatem non raro sum usus, vix vllas in medium afferre contigit: nisi quod postrema hac editione nonnulla memoratu digna addidi. Ac sane (quantum mihi cernere datur) historia que proprio suo argumento ornatur, repudiatis aliarum veluti alienis plumis, legentium animos à proposito minus remouet, efficit ut auctoris scopum lectores facilius possint assequi. Præterea ab iis quæro, qui commentarios istius ætatis legunt, annon tædium parit, allegatio illa sententiarum prope infinita quantumuis ad rem accommodatarum? Ne autem mihi quis obiciat, quod Theuetum & alios reprehendens, in eandem tamen incurram reprehensionem: Si quis est, inquam, qui improbet (quasi arrogantius dicta) quod ubi de vitâ & moribus Barbarorum verba facio, frequenter has vsurpem formulas, vidi, intersui, accidit mihi, atque alia eiusdem generis: Respondeo, res illas ad meum ipsius argumentum pertinere: deinde res designare non rumoribus auditas, sed & oculis ipsis & experientia confirmatas, immo ausim dicere a nemine alio vsquam obseruatas, multo minus memoria proditas. \* Quod non de vniuersa America dictum velim, sed de illa plaga quam per annum incolui, nimirum sub tropico Capricorni apud Barbaros Americanos, quos Tououpinambaultios appellant. Denique fidem do iis qui veritatem simplici sermone prolatam mendacio verborum, exquisito ornatu fucato præferunt, fore ut ea que a me sunt in hac historia tractata verissima esse comperiant, quin etiam nonnulla esse, que, quod maioribus nostris fuerunt ignota, admiratione digna sint iudicanda. Deum orbis & tot præstantissimarum rerum conditorem & conseruatorem oro, ut meum hoc opusculum ad nominis ipsius gloriam cedat. Amen.

\* Ioan. Ste-  
dius Hællus  
Brazilianâ  
Historiam  
scripsit 1555.  
& 1557. edi-  
dit: sed vet-  
naculo ser-  
mone, inte-  
gro anno  
antequâ tu  
istinc redi-  
res.







HISTORIA  
 NAVIGATIONIS IN  
 BRASILIAM AMERI-  
 CÆ PROVINCIAM.

CAPVT I.

*Auctoris scopus.*



QUONIAM, quæ sit amœnitas, amplitudo, & vbertas, Quar-  
 tæ Orbis terrarum sectionis, quæ *America* vulgo dicitur, cu-  
 ius pars *Brasilia*; quibusque cingatur insulis, & regionibus an-  
 tiquis penitus ignotis contineatur: quam multis item petita  
 nauigationibus, annis abhinc octoginta, ex quo primum in-  
 notuit: plerique nostra memoria Cosmographi, in explican-  
 disque rebus gestis versati homines docuerunt.

Illo itaque omni argumento longe lateque diffuso liberati, hac Historia  
 duntaxat ea complecti decreuimus, quæ inter eundum & redeundum, & apud  
 feros Americanos, quibuscum circiter annum vixi, experiendo ac obseruando,  
 visu audituque, percepimus. Quod vt planius exponam, ab initio quænam  
 fuerit hæc adeo longinqua difficilisque expeditio, explicandum.

CAP. II.

*Ascensus in naues Iuliobonæ: itemque occurfus nauium & expugnatio:  
 tempestates, littoraque & insula primum obuia.*



V. M. Boisius Villagagnonis nepos, qui ante Iuliobonam ad-  
 uenerat, a pecunia regia tribus instructis nauibus, prouisaque re  
 frumentaria, pro imperio iuberet: 13. Cal. Decembr. anni 1556.  
 in naues conscendimus. Ipse Boisius, ex nauibus vna, quæ Ro-  
 berga minor appellabatur, octoginta nautis militibusque oc-  
 cupata, legati nomen imperiumque habuit. Alteram, duce Mario, Robergæ

*Boisius  
 classi præsi-  
 citur.*

T

maioris titulum præferentem, gubernatore autem Ioannè Humberto Hare-floriensi, vt res ipsa docuit, experientia in nauigando singulari, centū & viginti mortalibus, quo in numero censebar, attribuit. Tertia quæ Rosea, centurionis nomine vocabatur, annumeratis sex puerulis, ad linguā Americanorū addiscēdam, transportandis: quinque autem, vna cum moderatrice, virginibus (quæ primū è Gallia mulieres, magna Barbarorū admiratione, qui tantum nudas ante vidissent, in Brasiliam delatæ sunt) nonaginta circiter hominibus completa est.



*Et portu  
plures sol-  
uunt.*

Eo die ipso, cum è portu solueremus, tormentorum strepitus atque tympanorum, buccinarumque soni, ceteraque eiusmodi, quæ nauibus in expeditionem euntibus, solemnia esse cōsueuere, circa meridiem audita sunt. Primum in mari Cauxio, duobus à portu salutari milibus, anchoræ iactæ. quo in loco, vt assolet, nautis militibusque recognitis, & profectio imperata: eius nauis quam conscenderam funis anchorarius abrupitur, anchoraque labore maximo recuperata, profectio in crastinum indicta est.

Itaque

Itaque 12. Cal. Decemb. è terra prouectis, & Britanniam sub dextra relinquentibus, duodecim dierum tempestate coorta: plerique metu & nausea vehementer conflictati, præcipue qui mare nunquã viderant, singulis se momētis absorbendos esse cogitabant. Resque profecto est admiratione dignissima, nauem è ligno quantumuis magnam atque firmam Oceani vim pati posse. Nam vt è crassissimis trabibus naues fiant, arêteque fibulis vinciantur: quemadmodum qua eram delatus, circiter centum pedes in longitudinem, in latitudinem vero viginti patebat: quænam est cum altissimo latissimoque Occidentali Oceano, magnitudinis tantulæ collatio? Qua de causâ cum nauigandi artem vniuersam, tum sigillatim acum nauticam, ad moderandos cursus maritimos excogitatam, nemo satis vnquam laudauerit: quam tamen ante annis ducentis & quinquaginta esse in vsu, quidam memoriæ prodidère. Igitur, cum dies tredecim magnis difficultatibus, nobis esset nauigatum, Deo fauente, tràquillitas reddita est.

Consequenti post die Dominico, duabus onerariis nauibus Britannicis ex Hispania redeuntibus occurrimus: parumq; abfuit, quin nauæ nostri, cum esse quæ eripere possent, intellexissent, eas penitus expilarèt. Quemadmodum enim demonstraui, tormentis ceteroque omni apparatu bellico instructi, confidebant, neque si infirmioribus occurrissent, ab iniuria facile temperabant.

Et quoniam in hunc sermonem incidimus, quæ nautarum sit rapacitas, hoc primo nauium occurfu, declarare visum est. Qui enim robore & armis præstant, quod etiam in continente nimium sæpe accidit, reliquos prædæ habent. Afferunt tamen, cum vela obuios contrahere iubent, se iamdiu tempestate aut malacia terram non attigisse, rebus egere omnibus, orantque vt pecunia redimere liceat: qua in colloquutione nauibus occupatis, ne scilicet onere pessum eant, præstantissima quæque extorquent. Obiicientibus (quod sæpe nobis erat vsitatum) iniquissimum esse hostes iuxtâ sociosque prædari: solennia terrestribus etiam copiis verba reponunt, More belli accidere, sibi vt quisque prouideat.

Addam, quod exemplis postea comprobabitur, cum Hispani Lusitanique se Brasiliam adiisse primos, omnemque adeo continentem, quæ à freto Magellanico, qui meridiem versus quinquaginta gradibus extenditur, ad Perusium, citraque Æquinoctialem lineam glorientur: eaque de causa possidere affirmant, Gallos vero se in iure suo interpellare: si mari vincant, crudelissime interficiunt, in eamque feritatem aliquando deuenère, cutem vt viuentibus detraherent, terribilissime genere mortis afficerent. Galli contra, se Americae participes esse demonstrant; neque ab Hispanis Lusitanisque vinci facile patiuntur. seq; acerrime tuentes par pari hostibus referunt, qui eadem certe classe manum conferere non audent.

Vt ad nos redeam, iterum tempestate coorta, sex septemve dies mare adeo intumuit, plerique vt fluctus non tantum foros superarent; verum etiam, cum eius rei periculum faceremus, de qua Psalmus 107. meminit, sensibus pene orbati, ebriorum more vacillabamus: nauis autem ita fluctuabat, nemo vt ex nautis

*Nauigationis, acus que adeo maritima præstant.*

*Nautarum rapacitas.*

*Mire Deus mari, pro arbitrio imperat.*



tympa-  
ditionem  
in mari  
vt affolet,  
nam con-  
o recupe-

Itaque

stare posset. Vt eodemq; Psalmo continetur, cum supra montes aquarum altissimos, maximeque timendos erecti, è vestigio infra profundissimos hiatus demersi, tamen inter tot fata conseruamur: sentimus profecto admirandam Dei optimi maximi potentiam. Itaq; cum periculo tam sint affines, qui nauigant; Poëta qui latitudine lignorum, quibus nauigia facta sunt, eos à morte separat, videtur, quam par sit longius seiungere. cuius, quod sint elegantissimi versus adscribere visum est.

*Iuuenalis  
Satyr. 12.*

*Inunc, & ventis animam committe, doloso  
Confusus ligno, digitis à morte remotus  
Quattuor, aut septem, si sit latissima tæda.*

*Sacrum  
Promon-  
torium.*

Tempestate sedata, cum Deus qui mari pro arbitrio imperat, ventum secundum excitasset, ad mare Hispanum peruenimus, Nonisq; Decembr. obiectum habuimus promontorium Sacrum. quo in loco, Hibernica naui obuiam facta arte, de qua paulo ante diximus, nostri epibatæ sex septemve Hispanicis vini dolia, ficus, malaq; Aurantia exportarunt.

*Fortunate  
insula.*

Septimo post die ad tres insulas delati sumus ex Fortunatis: has qui è Neustria nauigant, Gratiolam, & Lancilotam, & Fortaenturam nominant, antiqus autem appellabantur, Aprofitus & Iunonia, Ombriosque: septemq; numero sunt, quas nunc, vt opinor, omnes, Hispani occupant. Et quamuis in orbe describendo quidam Fortunatas insulas sub vndecimo citra Æquatorè gradu collocent: cum me præsentè, Astrolabus litem diiudicaret, inuenimus, ad vicissimum octauum Arcticum versus sitas esse: idcirco fatendum est, suo aliorumq; periculo, decem & septem gradibus, istiusmodi Cosmographos aberrare, quibus eas insulas à nobis remouent longius.

Hic scaphis eduëtis, viginti ex nostris bene armati, ad populandumq; progredientes, conspicati ab Hispanis, & repulsi, fuga naues petière. Attamen cum se in omnes partes conuerterent, nauigiolo piscatorio metu ab suis derelicto facti obuiam, cum maximam vim marinorum canum, circinorumq; nauticorum abstulère, nihilq; omnino, ne velis quidem exceptis, reliquère; tum quod de Hispauis peius mereri non possent, quos vlcisci percupiebant, scapham vnà cum lindre securibus depresserunt.

Dum tres dies ob malaciam prope Fortunatas insulas comoramur, hamis retibusq; ingentem piscium copiam cepimus; ideoque veriti, quod aqua dulcis non suppetebat, ne siti premeremur, plus dimidia parte, in mare coniecimus. Genera, canes marini, Auratæ, piscesque alii, quorum ignorabamus nomina, e-

*Trichides  
prodigiosa.*

rant etiam Trichides, corpore tam paruo, vt caput cum cauda (quæ nihilo minus lata est) cohærere videatur; capite autem galeæ cristatæ persimili, satis prodigiosa. Decimo septimo Cal. Ian. mari tertio intumescente, scapham quæ vni ex nauibus adhærebat, fluctus tam cito compleuit; vt pessum iret: vixque duo nauatæ, qui asseruabant, demissis è nauis fumibus periculum effugerent. Hlud etiam commemorandum videtur quod accidit; tempestate dies quatuor defauiente, coquus quidam laridum in cado ligneo temperans, fluctu supra foros elato, cum ebum in mare longe proiectum amisisset; fluctus alter oppositus, eundem

*Admira-  
bilis fluctu  
um recipro-  
catio.*

eundem in locum vi magna retulit, neq; cadum subuertit, vereq; prandium restituit, quod vt aiunt, præter casam fugerat.

Ad 15 Calend. Ian. die Veneris Canariam in conspectu habuimus. con- *Canaria.*  
 sequenti autem Dominico propius facti, erat constitutum ibi cōmeatum expedire; aduerso tamen vento insulam non tenuimus. Hęc amœna est admodum, quam & incolunt Hispani, gignitque saccharum in arundinibus, & vina præstantissima. Ceterum tanta est altitudine, vt l. x. passuum milibus interiectis conspici possit. A quibusdam Taneriffe dicitur, opinantibus antiquorum Atlantem esse, à quo mare vocatur Atlanticum. Alii contra, autumant duas esse insulas, Canariam & Taneriffen. quæ lis, quod ad me attinet, manebit sub iudice.

Eo die ipso sumus conspicati myoparonem Lusitanum: qui cum neq; fu- *Myoparonis deditio.*  
 gere posset, quod vento ferebatur aduerso, neque armis confideret; contractis de more velis, Boisso se tradit in manus. Nec morati centuriones, vt qui iamdiu decreuissent, suæ classi nauem adiungere, quam Hispanis Lusitanisve sperabāt se erepturos; in myoparonem, ne aufugere posset, quosdam ex suis imponunt. Veruntamen, cum nescio quibus de causis, Lusitano gratificari vellent, si confestim myoparonem alterum inuenisset adduxissetq;, quem eripuissent, redditum iri promissere. Ille, vt qui sibi melius esse vellet, quam alteri, accepta, vt postularat, vna cum armis scapha, viginti autem ex nostris, cum quibusdam ex militibus suis; prædonis more, pyriticam enim, vt opinor factitabat; vt de improviso fortunam experiretur, longe classem contendit anteuertere.

Tum legebamus oram Africae, à Mauritanis occupatam, ab ea fere disjuncti quatuor milia passuum; estque, vt à multis tunc fuit obseruatum, terra valde *Mauritania.*  
 plana, humilisque adeo, vt quantum oculi valebant, montibus nullis officientibus, ea nobis videremur altiores, ita vt breui submergenda crederetur, nauibusque superanda. Et quamuis, oculo iudice, se ad hunc modum res habeat, in omnibus fere littoribus, tamen cum illustrius appareret hoc in littore: cum tantam ego planiciem, quæ vallis habere poterat: contra, mare tranquillissimum, quod altissimi montis effigiem præferbat, intuerer: memoria repetens, quæ, hac de re, sacræ docent literæ: illud excellentissimum Dei opus, magna cum admiratione, contemplabar.

Vt ad piratam redeam, qui vt diximus, scapha erat antegressus, ad 8. Cal. *Iob. 38. 3. 10. 11. Ps. 104. 9.*  
 Ian, quo die natus est Christus, in Liburnicam incidit, quam tormentis petere, vique retinere contendit, & ad nos adducere. Quæ res valde nostris centurionibus placuit. nauis erat enim eximia, & plena sale candido: quam, vt decreuerant, in Brasiliam ad Villagagnonem deduxere. At in fide Lusitanis præstanda, de restituendo myoparone, crudeles adeo extiterunt; vt Hispanis & Lusitanis, in vnum idemq; nauigium coniectis, ne frusto quidem nautici panis relicto, velis dilaceratis, scapha etiam ablata, qua destituti terram tenere non possent: mitiore cōsilio vli esse viderentur, miseris si depressissent, quam si ita dimisissent. *Myoparonis expugnatio.*  
 Nam nisi aliunde scapha laborantibus opitulata sit, certum est, aut naufragio tandem, aut fame perisse. *Nautiarum crudelitas.*

*Duarum  
nanium  
deditio.*

Hoc facinore, compluribus inuitis, perpetrato: lōge fumus in altum pro-  
uecti, secūdo flante Vulturno. Ne autem lectori fastidium pariam, si tot naues  
expugnatas, sigillatim commemorem: crastino, tertioque post die, cum resi-  
steret nemo, duas in potestatem redeгимus. Cum Liburnicam, quæ prius oc-  
currit, epibata nostri, præcipue qui myoparonem Hispanicum ascenderant,  
prædæ habere cuperent: eaque de causa essent minoribus tormentis aggressi:  
ducibus tamen vltro citroque colloquitis, ab iniuria temperarunt. Ex Hispa-  
niensi altera, vinum, panis nauticus, aliaque cibaria direpta. Nullius tamen rei  
iacturam magis conquerebatur Hispanus, quam gallinæ. hanc aiebat, cum  
procelloso mari ponere non intermitteret, ouum sibi quotidie in nauī suffi-  
cere.

Die dominico, qui proxime sequutus est: cum is, qui speculabatur signum  
de more dedisset, animaduersis quinque nauibus (de quarum magnitudine  
atque forma diiudicare nequiuimus) nauæ nostri (quibus fortasse nō sum pla-  
citurus, eorum virtutibus prædicandis) expediti & ante victoriam præana con-  
cinentes, se consequi posse arbitrabantur. Sed cum nos aduerso, illi secūdo vëto  
delati, velis, vt aiunt, remisque fugerent: quamuis, magno ne classis euerteretur  
periculo, pedem vndique faceremus, ad prædandumque milites incumberent:  
frustra defatigati manum conferere non potuerunt.

Ne quis aut quæ commemorauī hæcenus falsitatis accuset: nos videlicet,  
cum Brasiliam peteremus, mare infestum habuisse: obnoxiiis aut fuga saluti  
consulentibus aut vela demittentibus: affirmabo tribus omnino nauibus, quæ  
tormentis erant instructissimæ, adeo vt quæ me accepisset, maiora octodecim  
ex ære tormenta, minora è ferro plus triginta sustineret: nautas militesque de-  
creuisse, vt qui omnes ferè essent Neustrii (gens in naumachiis omnium quæ  
Occidentem versus nauigat, bellicosissima) si Lusitanæ classi occurrissent, con-  
fligere, magna spe victoriæ. Animosum certe consilium, si ab iis qui res gestas  
memoriæ prodiderunt, nominatimque ab Otorio repetamus, quantum armis  
Lusitani excelluerint, quas nationes, quamque varias deuicerint: cum & bello  
contra Mauritanos in Africa contenderent, & Orientem versus contra Indos  
dimicarent. opponi tamen posset Gallos Barbaris dexteritate præstare (ex qui-  
bus cum initio peterentur, exitire qui aluearibus apum in hostes conie-  
ctis se defenderent) neque sine sanguine & sudore, tam  
fortes viros vnquam posse su-  
perari.

*Neustrii  
in nauma-  
chiis excel-  
lunt.*

*Otor. in  
Hist. Lus.  
lib. 8. § 9.*

CAP.



## CAP. III.

*Bonita, Albacora, Aurataque, & sues marini, piscesque volatiles,  
aliique: quos tum vidimus, tum cepimus sub Zona  
Torrida.*



**I**X illo tempore, tranquillitate vsi ventoque accommodatissimo, ad tertium fere gradum citra Æquinoctialem peruenimus. ibi maximam suam marinorum copiam & Auratarum, eorumque piscium cepimus, quos Albacoras & Bonitas, qui è Neustria nauigant, appellare consueuere: ex aliisque generibus quamplurimos. Quo in numero erant & pisciũ volatium. *Piscis volantes.* de quibus, cũ nauetẽ mentionem facerent, existimabam nobis imponere velle: donec ita se rem habere comprobauit experientia. Tum è mari emergere,

& sublime volando gregatim petere pisces vidimus, in morem alaudarum sturnorumq; volatus vero altitudine hactam æquabat, lōgitudine centum passus. Sæpenumero ad malum nauium impingentes cadebant, & manu facile capiebantur. Piscis est, vt eundo & redeundo animaduerti multoties, haleci valde similis: paulo tamen & longior & rotundior: habetq; sub gutture paleolam, alis ad modum vespertilionis toto corpore contextis porrectisque; sapore autem suauissimo & probatissimo. Ceterum, quoniam huius generis nullū citra Tropicum Cancrī videram, primo existimabam quod calore gauderent, sub Torrida Zona degere, in neutramq; partem Polos versus excedere. Sed cum quidam scripserit marinas hirundines, prope Magellanicum fretum videri: quas opinor easdem esse, rem in medio relinquere visum est. \* Obseruavi etiam istiusmodi pisces nusquam tuto agere posse. Nam cum in mari degunt, Albacoras prædonesq; alios è piscibus habent inimicissimos: si subuolando periculum effugere tentant, aues sunt marinæ, à quibus capti vorantur.

\* Sed et in  
mediterræ  
neo sæpe ca  
piuntur:  
cosule Rō-  
deletii lib.  
De Piscib.  
Aues ma-  
rina.

Dicendum quoq; aliquid videtur de his auibus, quæ prædam è mari pro victu habent. Hæ sunt adeo cicures, vt supra foros funesq; nauium sidētes, capi manu patiantur. quarum certissima, vt qui de iis gustauerim, penitusq; cognouerim, hæc est descriptio: luma sunt, vt accipitres, leucophæata; magnitudine cornicum esse videntur, nudati paulo plus carnis habent passere: vt mirum sit corpore tam paruo capere posse, atq; in vsum vertere pisces multo se maiores, atq; crassiores. Deniq; vno sunt intestino, pedibusq; planis, vt anates.

Bonita pi-  
scis.

Quod ad ceteros pisces attinet, de quibus paulo ante diximus: Bonita nulli sapore cedit, Cyprinis communibus assimilis, cum squamis tamen careat: illas maximo vidi numero, circiter quadraginta dies, quibus fere nostris nauibus adhæserunt, idq; accidere verisimile est, quod pice naues vnctæ sint.

Albacora.

Albacora autem à Bonitis forma non admodum aliena, tamen cum & viderim, & comederim Albacoras, quinque pedum longitudine, crassitudine corporis humani, quod ad earum magnitudinem, nulla esse potest cum Bonitis collatio. Deinde cum nullo modo sint Albacora viscosa, sed carne vt salar friabili, nullis aculeis, paucis visceribus, inter pisces optimos sunt annumeranda. Et quamuis quæ ad condiendam Albacoram, necessaria videbantur, præsto non essent (vt accidit peregre nauigantibus) ideoq; sale contenti, latis orbibus, igne tostam ederemus: tantillo tamē apparatu erat nobis gratissima. Quamobrem si Cupidiariorum natio, quæ mare tentare non audet, nihiloq; secius (vt de fele vulgo dicitur) siccis pedibus, abligurire pisces percipit, Albacoram in cōtinenti tam facile mercaretur, quam reliqua genera; ecquid dubitatis quin vna cum pisce digitos sæpe circumlamberet? vt enim dixi de hirundinibus marinis, cum Albacora degant inter Tropicos, in altoq; mari versentur, non ita littoribus appropinquant, vt à piscatoribus integræ ad nos peruenire possint. Quod vero ad Africanos attinet, qui mare ad Orientem accolunt, Perusiosq; qui Occidētem versus, tum & Albacoras facile piscari: tū incorrupte suis apponere credibile est.

Aurata.

Aurata, quæ meo iudicio ita vocatur, quod in aqua luteo esse colore videatur, & auro quam simillima, figura Sulmoni proxima est; differt tamen dorso depref-

depressiore. expertus ita pronuntio; Auratam non tantum ceteris, de quibus mentionem fecimus, bonitate præstare: verum etiã nego, in mari fluminibusq; quicquam inueniri posse suauius.

Suum autem marinorum duo sunt genera, vnum rostro acuto, vt anseres, alterum tam obtuso, vt cum è mari attollit, sphæra esse videatur. Idcirco ab ea similitudine, quæ est illi cum cucullatis, capita monachorum appellabamus. Ex iis animaduerti lógos circiter senúm pedú, cauda lata, bifidaq;, in capite omnibus erat foramen, quo spiritum ducere, & vndam vibrare solebant. Cũ incipit mare commoueri, super aquam eminentes, præcipue nocte tempestate conflictati, virides apparent, viridemq; reddunt maris effigiem. præterea in morem suum terrestrium, alte anhelant stertuntq;. Quamobrem nauatæ illos vagari & respirare conspicati, tempestatem certissime præfagiunt, quod & sæpe sum expertus. Et quamuis, cum trãquillitas esset, pelago modo crispante, vndiq; suum marinorum circumiecta multitudine, quoad prospici posset, totum mare illis constratum videretur: tamen cum non tam faciles captu essent, quam pisces reliqui esse consueuissent, prout collibuisse in promptu nõ erant. Itaq; vt lectori satisfaciam cumulatius, qua tandem arte capiantur, explicabo. Qui probe inter eos piscandi modum callet, conspicatus è prora, harpagonemq; ferreum manu tenens longurio reuinctum longo crassoque vt hasta dimidiata: qui etiam funi alligatur viginti circiter pedum: gregatim accedentibus, quem ferire possit eligens, tanta vi harpagonem iaculatur, vt si recte percutiat, ferro sus adunco tenetur: tum relaxato fune, quoad fieri potest, dum se dolore saucius in omnes partes conuertit, ferroq; magis induit, sanguis eum paulatim viresq; deficiunt. Nec morati nauatæ ceteri, manu ferrea, quæ & ipsa longurio adhæret captum in nauem pertrahunt. Hac ratione viginti quinq; in itinere cepimus.

Quoad intestina, si vt porco, ita & sui marino quatuor tanquam pernae demantur diuidaturque & visceribus, spina etiam dorsi, costisque ablatis eundem in modum pendeat, hic illi valde similis erit. Iecur eodem sapore. Caro tamen recens dulcior & deterior. Pinguedo in omnibus quos vidi, pollicis crassitudinem nõ excedebat, nullamque puto inueniri, quæ duos superet digitos. Itaque, ne nobis amplius imponat id, quod Lutetiæ alibiq; laridum quadragesimæ piscatores appellant, suisque marini pinguedinem esse arbitrantur: nam ea cum plus quatuor digitum crassitudine pateat, Balænae censenda est. Ceterum quoniam in quarúdam aluo, quas venati sumus, paruuli sunt reperti, quos vt lactentes assos apponebamus, nulla contrariæ opinionis habita ratione, magis existimo sues marinas vt scrophas, viuos quam oua parere. Qua de re si acuser, ad arbitrium eorum qui experti sunt potius, quam qui scripta tantum legere, prouocans: vt rem diiudicare, mei non est instituti, ita nemo, quin ea quæ viderim certa esse credam, iure interdicturus est.

Per multos etiam Requienes, vt à Neustriis appellantur, cepimus. Ii quoq; mare sedato virides apparent: quibusdam longitudine quatuor pedes superantibus, crassis pro magnitudine corporis. Tamen quod eorum caro minus probetur, necessitate compulsi & meliorum inopia, nauatæ Requienem attingunt.

*Sues marini.**Ingens suum marinorum copia.**Modus piscandi sues marinos.**Suum marinorum intestina.**Requienes.*

Pelle sunt aspera ferrataque, capite plano atque lato, ore patulo tamquam lupi Molossive Britannici. Cum hac de causa monstrosi sunt, tum dentibus acutissimis damnosi: quemque semel corripuerint, aut dilacerant, aut in mare deprimunt: qui lauant in Oceano sibi à Requiensibus valde timere coguntur. *Requienses damnosi.* Nec cum essent educti supra foros nauium, quod sæpe accidit, hamis è ferro digitali crassitudine, minus ab iis cauendum erat quam à feris canibus. Quapropter cum neque capti, neque liberi ab iniuria temperarent, parumq; ad uescendum accommodati censerentur: quos eramus piscati lancinantes, atque cruciantes, ut damnosis animantibus dignum erat, claua ferrea mactabamus. Decisis aliquando brachijs, dolique circulo per caudam traiecto, in mare proiecebamus: tum se ipsi iactantes quod diu non mergebantur, ingenti nos voluptate perfundebant. Ceterum, etsi sub Zona Torrida, non sint ea magnitudine testudines, qua in Rubro Indico uel mari Plinius esse dicit, ut singularum superficies contegendis habitabilibus casis, parandisque cymbis accommodentur: tamen cum tantæ ibi existant, ut parum sit credibile, breuiter attingere visum est. Proponam igitur specimen, quò de magnitudine lector iudicare poterit, vnam videlicet in naui Boissiana captam, adeo grandem extitisse, ut octoginta hominibus, quos nauis acceperat, more nautico prandentibus, large suffecerit: superior testa ouali effigie, lata duos pedes cum dimidio, & iusta crassitudine centurioni Mario ad clypeum data est. carne tamen proxime ad vitulinam accedunt, ut lardo traiectæ, tostæque, eodem sapore videantur. *Modus piscandimarinarum testudines.* Hic quoque ut animaduerti, earum est piscatus. Tranquillo mari, alias enim raro apparent, in summa pelagi euectis, Sol testam accendit, ut pati non possint: itaque se inuertunt ad temperandum calorem, diuque in gyrum uersant: hoc conspicati, manu ferrea commissuræ testarum impacta, vi magna nauis quatuor aut quinque connitentes, in phaselum pertrahunt.

Hæc habui de testudinibus breuiter explicanda & aliis piscibus: postea mentio fiet de Delphinis, atque etiam Balænis, pluribusque Cetaceis.

## CAP. III.

*De Equinoctiali circulo, tempestatibus, ventorum inconstantia, pluuiis corruptis, caloribus, siti, aliisque incommoditatibus, quas circa illam mundi plagam sustinuumus.*

*Ventorum inconstantia circa Equatorem.*



T de nauigatione absoluam, tribus aut quatuor citra Equinoctialem lineam gradibus, vento destituti, tempestate aduersa non modo uisi sumus, pluuiam malaciaque inuicem succedentibus, verum etiam (ut nauigatio difficilis atque periculosa est circa Equatorem) obseruaui ventorum inconstantia sæpe accidisse, ut tribus nostris coniunctim hærentibus nauigijs, vnumquodque subito peculiari flatu raperetur, figuramq; trianguli Orientem Occidentemque uersus & Septentrionem delata, efficerent: nulla nauarum industria

dustria prohibente. Illa ventorū conflictatio erat momentanea, erumpebantque vortices, qui & subito cursum remorabantur, & è vestigio vela tam impotenter inflabant, vt mirum sit nauem non inuertisse millies.

Præterea quæ sub Aquinoctiali circulo decidit pluuia, fœda contagiosaq; est, vt si collapsa corpus attigerit, enascantur pustule, vestesque maculentur. Sol autem mire feruet, qua de causa caloribus pressi maximis, ingenti quoque siti laborabamus: quod aqua dulcis, poculentave alia (si prandioli tempus demas & cœnulæ) nos omnino deficeret. Vnde accidebat, quod mihi vsu venisse memini, halitu confūpto, vt hora plus obmutescerem. Hac necessitate compulsi nautæ, nihil magis habent in votis, quam vt aqua falsa cum dulci commutetur. Si quis opponat (repudiato in vndis pereunte siti Tantalō) fieri posse vt aqua marina bibatur, aut humectando saltem palato inseruiat: respōdeo, nullis omnino remediis aquæ falsæ per ceram colandæ, aliterve distillandæ (præterea quum fluctuationes nauium instituendis fornacibus, lagenisque conseruandis minime conueniant) effectum esse, nisi quis vellet, simulatque ori admouisset, ipsa etiam euomere viscera, vt ea degustationi accommodaretur, & potui multo minus. Attamen vitro infusa splendore & puritate nulli cedit. postremo aqua marina (quod & sum admiratus & Philosophis examinandum relinquo) si lardum, halecem, aliave carniū & pisciū genera valde salita temperes, & magis dulcia fient, & citius quam si fontana.

Vt vnde sum digressus eo redeam, fastigium nostræ, sub Zona Torrida, miseræ fuit, quod maximis & continuis imbribus ad carinam vsque permeantibus nautico pane corrupto & mucido, quo tamē vtebamur admodum exigue, vermes vna cum pane (tot inerant enim, quot micæ) nihil abominati, ne siti conficeremur, edebamus: vitiata quoq; aqua dulci oppletaque vermibus cum è vasis effunderetur, stomacho nullus erat tam firmo quin expueret. Qui autem bibebant, vna manu tenere poculum, altera ob fœtorem nares comprimere cogebantur.

Interea quid vobis in mentem venit, hominum delicatissimi? calorem exiguum ferre non potestis, tunicaque interiori commutata, bene tersi, opaco in conclauis & splendido, cathedra lectulove impositi, otium agitis? vobis cordi non est ad mensam accumbere, si lances nitidissimæ, vitra bene lota, cãdidiore niue ipsa mantilia, dapes conquistissimæ apparatusque, vinum deest? Vultis nauigare vt ad hunc modum vitam traducatis? vt auctor vobis nequaquam sum futurus, eaque de re minus cogitabitis, cum quid in reditu acciderit audietis: ita cum de mari mentio incidit, & nauigationibus tam longis, vos vellem oratos qui ex libris tantum sapitis, quodque multo est deterius, ex eorum fabulis, qui mare nunquam viderint, vt elato supercilio Mineruam nõ doceretis: hoc est vt interpretor, iis paululum cederetis, qui tot incommoda perferendo ea sunt experti, quæ nullo certe modo in animum irrepunt, nisi periculum ipse fecerit.

Addam cum ad ea quæ ante commemorauit de varietate ventorum atq; tempestatum, imbribus fœtidis & caloribus: tum quæ in Oceano generaliter

*Pluuia fœda & contagiosa. Aestus maximus.*

*Nautarū desiderium. Aqua marina minime potabilis.*

*Nauticus panis corruptus.*

*Aduersus delicatos inuehitur.*

*Gubernator nauis egregius sine literis.*

fiunt, praesertim sub Aequatore: vidisse me Ioannem Meunium Harefloriensem, ex nostris gubernatoribus, qui cum literas nesciret, cognoscendo Astrolabo, chartisq; nauticis, & Baculi Iacob assecutus est tantam nauigandi peritiam, ut saepe numero, maximeque cum esset tempesta, silentium imponeret viro benedicto, quem nominare non habeo necesse: cum iste tamen pacato mari explicandis Theorematis excelleret. Nec interea propositum est, quicquam detrudere de iis artibus, quae in scholis docentur, & literarum monumentis conseruatae sunt. Sed magnopere vellem, nulla ut hominum auctoritas, & ratio cum experientia contenderet. Veniam igitur a lectoribus efflagito, si in memoriam reuocans nos aqua putri, & mucido pane vixisse, permultasq; rerum incommoditates perpeffos esse, misera illa conditione, cum lautis censorum istorum dapibus comparanda, sum ab incepto sermone paululum digressus, & in eos inuectus. Accidit saepe ob eas de quibus ante diximus difficultates, quae postea demonstrabuntur fusius, absumpto omni comite, citra Zonam torridam retro naues abiisse, quod Aequatorem superare non possent.

Cum hac miseria conflictati circumeundo, & paulatim appropinquando, trigintaquinque diebus transmittere tentassemus, pridie Nouemb. Febr. Deo propitio, Aequatorem attigimus. Aequator autem dicitur, non tantum quod sub hac linea dies noctibus perpetuo sunt aequales: verum etiam quod cum Sol ad eam redit, quod in anno bis accidit, nimirum ad 5. Calen. April. & Id. Septemb. eadem toto in orbe dierum & noctium existit aequalitas, ita ut qui sub Arctico & Antarcticis degunt, duobus illis demum in anno diebus lucem noctemque participant, e vestigio Sole ab eorum conspectu alternatim recedente ad sex omnino menses.

*Aequator  
quare di-  
ctus.*

*Elevatio  
Poli Antar-  
ctici.*

Quo igitur die mundi Zonam sumus praeteruecti nautae solemniter vsurpare: etenim ad memoriam eius rei conseruandam, qui nunquam sub Aequatore fuerunt, eos funibus alligatos in mare demittunt: aut panniculis cacabo affricatis atro vultu inficiunt, vectoribus tamen se pecunia redimere licet, quod & mihi contigit.

*Hist. uni-  
uers. Ind.  
lib. 3. c. 98*

Itaque Iapyge secundo delati sumus ad quartum gradum ultra Aequinoctialem. Hic Polus Antarcticus primum a nobis est visus (quem Neustrii Stellam Su appellabant) quibusdam stellis, ut ab illo tempore animaduerti, in modum crucis depictum: ideoque sydus integrum stellam Su nominant. Retulere, ut quidam scribit, qui hoc primum iter sunt aggressi, albidam circa Polum Antarcticum nubeculam perpetuo videri quatuorque stellas, crucis forma, cum tribus aliis, quae Septentriones valde referunt. Iamdiu Polus Arcticus a conspectu nostro aberat: obiterque dicam, non modo sub Aequinoctiali Polum vtrumque non apparere, quemadmodum plerique arbitrantur, sed neutrum, nisi duobus emelis ultra citraue gradibus.

*Sol pro Ze-  
nith.*

Id. Feb. cum sudum esset, Nautaeque Solis altitudinem Astrolabo deprehendissent, affirmant ad perpendicularum radiare. Idcirco, quamuis periculi faciendi gratia, pugiones, cultellos, aliaque id genus supra foros defigeremus, nostris in celocibus eo die, meridiano praesertim tempore, umbra nusquam est visa.

Duode-

Duodecim fere gradus prouectis, tempestas tres quatuorve dies aduersa extitit: paulo post è contrario tãta malacia facta est, vt interea celocibus immotis, perpetuo hic mansissemus, nisi ventus flauisset.

Toto itinere nostro nondum Balanæ obuiam erant factæ, tum vero prope vidimus. Quo in numero vna, quæ facillime potuit conspici, iuxta nauim emergēs, quoad se commoueret, scopulus credita est, vt metuerem ne impacti, fracta celoce periremus: obseruauim cum se in mare absconderet, ante caput exerentem, ore plus doliis aquæ duobus eiecisse, demergentemq; tantum excitasse fluctum, denuo vt vererem ne in gurgitem nos ad se pertraheret. Estque profecto res horrenda, vt in Psalms, Ioboque legimus, eiusmodi môstra tam facile in Oceano ludere.

Vidimus etiam Delphinæ compluribus piscium generibus comitatos, & militari ordine incedentes: in mari subrubido esse colore putantur, ex istis vnus sexies septiesve, tanquam gratulari vellet, celocem qua eram vectus circundedit: nos inuicem nihil non tentauimus, is vt caperetur, sed caute cum refugeret capi nunquam potuit.

*Balana.*

*Pf. 104.  
26.  
Iob. 40. 26*

*Delphinæ  
piscis alii  
comitatur.*

CAP. V.

*De primo Indiarum Occidentalis conspectu, & incolentium Barbarorum: deque ijs que in mari acciderunt ad tropicum vsque Capricorni.*



**N**D E secundo diu flante Fauonio, ad v. Cal. Mart. anno 1557. mane circiter octauam horam, in conspectu Occidentalem Indiam habuimus (in qua Brasilia) quæ & quarta orbis sectio antiquis penitus incognita, & America dicitur: eius nomine, qui circiter annum 1497. primus eam detexit. Explicare superuacaneum est, quam læti quamque alacriter Deo egerimus gratias, tam prope intuentes continentem optatissimam, breuique adeundam.

*Dies quo primū Americano- bis detecta est.*

*Americus Vesputius in Americā primus nostra memoria nauigauit.*

*Huuassou locua asper.*

Explorato igitur, quod eramus conspicati terram esse (decipi enim facile est nubibus in aerem abeuntibus) eo die ipso, flatu secundo, & prora in altum constituta, cum Boisius esset antegressus, anchoræ iactæ sunt mille passibus interiectis, à regione aspera *Huuassou* Barbaris appellata: tum educa è nauis scapha & tormentis aduentu significato, vt assolent, qui illas regiones adeunt: virorum mulierumque statim manus ingens visa est stare in littore. Hi omnes (vt à quibusdam ex nostris, qui loca illa iam ante cognouerant, est animaduersum) erant natione *Margaiatum* Lusitanis confœderata, Gallis autem inimicissima: vt captis nulla liberationis merces soluenda esset alia, quam vt mactati concisq; Barbaros saginarent. Tum quoque vidimus mense Februario (qui fere tota in Europa est frigidissimus, geluque impedit, ne quid è terra prodeat) nemora & lucos, herbasq; tam esse virides, quam sunt in Gallia, Maio & Iunio mensibus, quo vere perpetuo fruuntur Brasilienses.

*Margaiatum Gallis inimicissima. Nemora, herbaque semper vident in America.*

Hoftilis *Ouetacatum* atque Gallorum inter se animus, quem vtrique vehementer diffimulabant, impedimento non fuit, quo minus è naucleris vnus, qui eorum linguam mediocriter nouerat, cum nauis aliquot scapha conscensa, litrus peteret, vbi magna multitudine Barbari constiterant. Nec tamen intra teli iactum accedere, sed vereri ne à feris hominibus capti, interfectique torrerentur. Ita eminus ostendere cœperunt cultellos, specula, pectines, aliaque id genus, cum quibus ad victum pertinentia, commutare si vellent, petebant. Quare à quibusdam qui propius accesserant, intellecta, nec rogati pluribus, mira celeritate quæsitum excurrere. Mox redeunte Nauclero, farina quapiam ex radice, qua panis loco vtuntur Brasilienses, pernae, carnesque ex aprorum genere, aliaque ad victum necessaria, fructus etiam magna copia, quales gignit regio, allati. Præterea vt & dona offerrent, & aduētum gratularentur, sex, vna comitante femina, Barbari scapham ingressi, sponte sua nos inuisere. Quos cum primùm vidissem, lectoribus cogitandum relinquo, quam eos sim attente contemplatus, de quibus etsi commodius & fustius agendum est suo loco, hic tamen attingere obiter nonnulla decreuimus. Principio tum viri, tum feminae nudi æque agunt, atque quum ex vtero prodire, ad ornatum toto corpore atrati. Ceterum viris est familiare sinciput attondere in formam coronæ monasticæ, occipitis vero crines dimittere, quos tamen vt hi solent, qui apud nos alūt comam, circa collum refecant. Ad hæc pertuso inferiori labro, viridi colore politulum lapidem, capitati argentei latitudine atque crassitudine insertum gestant, quo dextrè foramen illud aperiunt clauduntq; Hunc ad venustatem vsurpant: quo tamen auulso, & in labro inferiori, tanquam ore alterò hiante apparent turpissimi: feminae labrum minime perforant, sed vt nostrates crinem valde summittunt, auriculas autem adeo traiciunt, vt digitum accipiant: vnde candida ossa pendere, & supra humeros fluctuare solent. Alio reijcienda videtur eorum cōfutatatio, qui Americanos esse villosos falso sunt opinati. Antequam autem Barbari à nobis discederent, duo senes qui auctoritate præstabant, demonstrat, illa in regione maximam esse vim Brasili optimi, cui & secando, & exportando suam operam pollicentur, resq; ad victum necessarias: nihilq; præmittunt, quo persuadeant, vt manere vellemus. Præterea quum alio tendebamus, manendi ratio non erat: quod cum inimici essent, & multitudine vincerent, hoc consilio inuitabant, vt si terram tenuissemus, more suo, vulneribus confectos deuorarent. At cum *Margaites* tormenta, & quicquid adeo naues nostræ aduexerāt, valde essent admirati: neq; (maximis de causis, præcipue ne Gallorum periculo fieret, si forte illuc appellerēt) in animo haberemus vim facere, ad suos qui expectabant in littore, veniam redeundi postulant. Itaq; quoniam nullus est apud eos pecuniæ locus, cum rebus quas attulerant, hamos, indusia, cultellos, specula, idq; genus quamplurima commutauimus, quæ quidem sunt ad negotiandum apud Brasilienses accommodatissima. Ad extremum vt quum nos adire Barbari, pudenda liberaliter ostenderant, ita, quum exire, & in scapha sedere vellent, indusia quæ à nobis accepissent, ad vmbilicum vsq; colligentes, atque ne macularent veriti, in natibus demonstrandis nequaquam parci fuere, mira

*Farina ex radice, aliaque Barbarorum cibaria.*

*Primi Barbari ab auctore visi, & descripti.*

*Astutia Barbarorum ad decipiendos Gallos.*

*Pecunia Barbari carent.*

*Urbanitas vere Barbari.*

mira certe vrbalitas & digna quæ legatione fungatur. Nam etsi prouerbio feratur apud nos, pellem indusio esse chariorem: illi contra, excellenti erga nos magnificentia fortasse, nates aperiendo, pelle arbitrantur indusium esse præferendum.

Hoc in loco paululum immorati, quamuis noua illa cibaria primum aliena viderentur, necessitate coacti, tamen auide comedebamus. At postridie eius diei, qui Dominicus erat, sublatis anchoris, vela fecimus. Terram legentes viginti fere millibus passuum interpositis, obiectum habuimus Castellum Lusitanorum, quod illi Spiritum Sanctum, Barbari *Moab* appellant. Hi celoces nostras, myoparonemque adeo conspicati, quem suis ereptum esse facile coniecerunt, tormentis vtrisque ter aut quater displosis, quod extra iactum essemus, pilæ abierunt innoxia.

*Spiritus  
Sanctus  
Castellum  
Lusitano-  
rum.*

Igitur littoribus appropinquante cursu continuato, plagam præteruecti fumus quam *Tapemiry* appellant: hinc quæ in continentem mare influit, parua sunt insulae, quibus incolunt Barbari, vt mea quidem fert opinio, Gallorum focii fœderatique sunt.

*Tapemiry.*

Vlterius paulo circiter gradus viginti, habitant *Paraiba*, quorum in regione, quemadmodum præternaugando animaduerti, tumuli eminent in caminorum figuram abeuntes.

*Paraiba.*

Cal. Mart. Breuia & Syrtes legimus, scopulis & lingulis intermixtas, quæ loca, ne illis naues pereant, maximopere nauæ solent effugere

*Breuia &  
Syrtes.*

Ex aduerso Breuium planiciem sumus conspicati, amplitudine triginta miliarium: hanc incolunt *Ouetacates* homines adeo feri, vt neque pacem inter se colant, & cum finitimis omnibus aduenisque bellum gerant. Cùm vero ab hostibus premuntur (à quibus tamen nunquam iugum accepere) mira pernicitate morti se eripiunt, qua & inter venandum feras ex ceruorum genere quodam assequuntur. Omnium Brasiliensium more, nudi penitus agunt, nihilo tamen secius ad nates vsque comam demittunt, contra quam reliquorum fert consuetudo, qui, vt paulo ante diximus, dicemusque postea fusius, cùm sinciput attondent, tum circa collum crinem refecant. Denique efferati *Ouetacates* illi, regiunculam inuicti habitantes cruda carne vescuntur in morem canum, luporumque, lingua etiam dissident à finitimis, vt inter Occidentalis Indiæ populos immanitate ac sæuitia insignes merito censendi esse videantur. Cæterum quod nullum cum Gallis, Hispanis, Lusitanisque commercium habeant, aliisque transmarinis, carent nostris omnino mercibus. Attamen, vt postea audiui à quodam interprete Neustrio, si eas finitimi cum *Ouetacatibus* communicare desiderant, hac vtuntur permutatione: *Margarias*, *Caraias*, aut *Tououpinambaultius* (quæ gentes sunt vicinae) aliive Barbari, se ipsi *Ouetacati* non credentes, ostentant eminus falcem, cultellum, pectinemve, aut speculum, aut alia eiusmodi, nutuque conquirunt an permutationem velit facere. Tum si consentiat, vicissim plumas depromit, aut virides lapides, qui, vt demonstraui, labris includuntur, aut quædam non absimilia. Deinde locum designant ab hinc trecentis quadringentisve passibus:

*Ouetacates.*

*Margarias*

*Caraias*

*Tououpinambaultius*

hic alter in lapidem stipitemve, quæ putat esse commutanda, reponens, longe abit. Nec moratus *Ouetacas* ad tollendum accedit quæ ille depoluerat, eodemque in loco relinquendum, quæ ipse ostenderat. Fidem hæctenus seruant, permutatione vero facta, cum alter eo rediit, vnde primo visus est, violatis induciis magna contentione certatur, quis cuique permutatum eripiat. Nec dubium est quin *Ouetacas*, venatici canis leuitate, primas ferat. Itaque nostris hominibus, qui arthritide laborant, claudis, tardisq; sunt pedibus, nequaquam censeo, si de conseruandis mercibus cogitant, cum *Ouetacatibus* negotiationem instituendam esse. Cantabri tamen, quorum etiam lingua differt à ceteris, utq; notum est, agilitate præstant, optimeque ambulare videntur: cum duobus his rationibus cum *Ouetacatibus* comparandi sunt, tum eos quis merito dignissimos existimet, qui vna discurrent. Quin & annumerari possent, qui Palmarum flumen accolunt, quadam in regione Florida. Hi (vt memoriæ proditum est) ceruum assequi, totumque diem irrequieti solent currere. Præterea Gigantes ad flumen Platam (eodem auctore) tanta velocitate, vt fugientes capreas sæpe manu retineant. Sed age dum relaxatis habenis, veredos bipedes illos dimittere. Sed vt si libet, Euro citius euolent, interdum etiam vt est verisimile nõ sine graui lapsu, tribus in plagis America (distantibus inter se tamen Platenfi præfertim & Florida plus tricies centenis passuum milibus) & in quarta Europa, niue stipatius concidant, ad institutum sermonem reuertamur.

*Ouetacatum* transmissa regione, aliã in conspectu statim habuimus, quam *Maq-he* appellabant, incoliturque à Barbaris, quos tantum dicam, ob eas rationes, quæ modo explicatæ sunt, minime in vtramque, vt aiunt, aurem dormire: cum ad incursionem faciendam, paratissimos habeant finitimos. Hoc in littore, magna rupes in turris modum se attollit: quæ sole tacta lucet adeo & radiat, vt quibusdam Smaragdi genus esse credatur. Idcirco à Gallis & Lusitanis hac præternauigantibus *Mag-hensis* Smaragdi nomen habuit. Ferunt hanc rupem nauibus adiri non posse, quod ad libellam summæ aquæ scopuli eminentes, plus quatuor millibus passuum excurrant in pelagus: terra etiam negant vllam inueniri semitam, qua rupes ascendatur.

Paruæ ibi sunt tres Insulæ, *Mag-henses* appellatæ, quarum ex aduerso cum iactis anchoris noctem quieuissemus, postridie sublatis dolonibus Friense Promontorium tenere contendebamus. Vento tamen reiecti, eo vnde mane profecti essemus, reuertimur: quo in loco ad Iouis diem in anchoris stetimus, parumq; vt audietis, abfuius à naufragio. Etenim postridie eius diei ad vi. Non. Mar. quo Bachanalia celebrantur ab hominibus male feriatis, ante ieiunium Quadragesimæ, hora vndecima pomeridiana, cum primum acquiesceremus, adeo repente procella extitit, vt cum tempestatem ferre nõ posset funis anchorarius abrumperetur, nauis autem fluctuans, & vi vndarum littus petens eo delapsa sit, vt cum aqua duabus vlnis & dimidia non esset altior (qua breuiore ne parua quidem nauis sustineri poterat) nihil propius fuerit, quam vt in vado adhæresceret. Tum gubernator iacta bolide, cum eo rem deuenisse intelligeret, quanquam illi munus incumbebat, vt bono essemus animo iubere, bis aut ter excla-

*Hist. vni-  
uers. Ind.  
lib. 2. cap.  
46. & 84.*

*Rupes Sma-  
ragdus cre-  
ditur.*

*Proximū  
discrimen  
ex quo e-  
uasimus.*

exclamavit, Actum est, Actum est. Nautæ vero cùm diligentissime alteram iecissent anchoram, quæ, Deo fauente, substitit, ne in scopulos vnus ex Maghensibus insulis (profligata salute, si id quidem accidisset, quod mare commotius illis nauem confregisset) deferremur impedimento fuere. Hoc periculo trium fere horarum spatio sumus defuncti, nec interea proderant nautica keleusmata, quæ commodius in alto vsurpantur, quam prope litora, vbi tempestates maxime sunt timendæ. Cùm autem, sedato mari, dies illuxisset, propterea quod, vt diximus, aqua dulci vtebamur vitiata, quidam ex nostris aquatum profecti in desertas *Maghenses* insulas, non modo terram *ouis auibusque multigenis* (& tamen ab iis, quæ sunt apud nos valde forma dissidentibus) constratam inuenere, sed quod non essent hominibus assueti, tam erant cicures, vt manu capi, fustibusque interfici sustinerent, ita vt à nostris aquatoribus in scapham constipatæ magna copia exportarentur. Ea de causa, cùm superiori nocte laboribus extrahenda, nautæ famem excitassent, aues illas promiscue comedere. Die Iouis, quo *Maghenses* insulas reliquimus, vento vsi secundo, postridie quarta pomeridiana *Friense* Promontorium attingimus, qui portus est oræ totius, ob Gallorum nauigationes, nobilissimus. Hic anchora iacta, tormentisque aduentu significato, centurio & nauis magister, cum aliquot militibus in terram egressi, obuios habuere magna multitudine, Barbaros, ii vocabantur *Tououpinambaultij*, Gallorum socii atque fœderati. A quibus cùm accepti sumus comiter, tum quid ageret *Paycolas* (sic enim *Villagagnonem* appellabant) didicimus, quæ res nobis quidem longe accidit gratissima. Eodem in loco hamis retibusque pisces multos cepimus, complurium generum, & ab iis, qui in nostro mari degunt, valde forma dissimiles. In quibus maxime varium atque prodigiosum genus erat, quod ea de causa describam. *Hornum* magnitudine vitulum fere æquabat, rostro quinque pedes longo, lato sesquipede, vtrinque dentes acuti, tanquam setæ prominebant. Quum vero eductus in terram, rostrum adeo ingens, huc & illud vibraret, mutuo alter alterum appellans, admonebat, tibias vt remoueret. Ceterum carne est durissima: vt enim essemus famelici, ea tamen, quatuor & viginti horas cocta, vesci nunquam potuimus. Hic etiam primum vidimus, non tantum sublime volantes *Psittacos*, & gregatim, vt in Gallia cornices, columbæque: verum etiam vt ex illo tempore obseruavi, binos in aere sibi coherentes, quemadmodum apud nos turtures solent. Cùm igitur sexaginta fere millia passuum itineris superessent, quamq; citissime fieri posset, contenderemus: ad *Friense* Promontorium, breuior quam erat in votis, mora facta est. Itaque eo die ipso sublati vespere dolonibus, tam prospere nauigatum, vt sequenti *Dominico*, *Non. Mart.* anno 1557. Oceanum sub dextra relinquentes, in sinum ingrederemur, à Barbaris *Ganabara* nuncupatum, à Lusitanis vero *Rio de Ienero*, hoc est, Fluuium Ianuarii, quod *Cal. Ian.* cum primo sinum adierant. Posteaquam honoris *Villagagnonis* causa, quingentum fere passuum interuallo, tormenta displosimus, & nobis ille respondit (Castrum enim fecerat in parua quadam huiusce sinus

*Auium  
multitudo  
in Maghē-  
sibus insu-  
lis.*

*Friense  
Promonto-  
rium.*

*Tououpi-  
nambaul-  
tij cū Gal-  
lis fœdera-  
ti.*

*Prodigio-  
sus piscis.*

*Agmen  
Psittacorum  
volantium.*

*Sinus Ga-  
nabare.*

insula) anchoræ sunt in propinquo iactæ. Hæc igitur summa est eorum, quæ inter nauigandum in Brasiliam, tum passi sumus, tum vidimus.

## CAP. VI.

Descriptio sinus Ganabara, qui & Geneuensis appellatur: Insulae, Castellique Collignij, atque insularum adiacentium.



VM sinus iste à Barbaris Ganabara dictus, eo tempore, quo illic agebamus, inter ceteros eius regionis portus, nauibus Gallicis notissimus fuerit: abs re non existimaui alienum, si peculiarem eius descriptionem hoc loco proponerem. Ille à Lusitanis Geneuensis appellatur, quod Cal. Ian. primo cum intrasse credatur, tribusq; viginti gradibus iacentem ultra Æquinoctialem lineam, sub Capricorni tropico. Cuius rei meminisse Lectorem cupio, vt Theueti agnoscat impudentiam. Is in libro vir. Illust. Quoniam becum laudans, ait, me, aut alium impostorem, hunc sinum ad tres & viginti gradus, prope polum Antarcticum collocasse, quum tamē nunquam aliter, quam hîc scripserim. Quæ alii de sinu isto scripserunt, prætermitto, eumq; quatuor & viginti passuum millibus patere affirmo. In quibusdā vero locis in latitudinem crescere, donec 14. aut 16. conficiat. Et quamuis ii montes, quibus iungitur, non adeo sint excelsi, atq; ii sunt, quos Geneuensis lacus alluit, recte tamen cum eo comparari potest propter vicinitatem vndique terrarum.

Comparatio lacus Geneuensis cum sinu Ganabara in Brasilia.

Ostium eius periculosum est, quia relicto mari trium Insularum incultarum oræ legenda sunt: vnde magnū nauibus periculum imminet, ne scopulis allisæ penitus frangantur. Deinde præternauigandum est fretum, quod cum trecentos in latitudinem passus non habeat, enascitur sinistrorsum e monte, ac rupe pyramidis formam imitante: quæ non modo est immensæ magnitudinis: verum etiam eminus artificio quodam elaborata videtur. Propter eius autem rotunditatem, & quod ingenti turri persimilis esset, hyperbolice à Gallis *le Pot de beurre* appellata fuerat. Paulo vterius intra sinum ipsum rupes extat satis plana, quæ in circuitu patet circiter centum & viginti passus. Hæc à nobis *Le Ratier* dicebatur, quam Villagagno cum primū appulisset, imposita primū supellectile, ac impedimentis, muniri posse sperabat: vi tamen vndarū inde pulsus est. Ea porro, quam incolebamus insula, duobus est passuum millibus vterior: hæc (vt cōmemorauī) erat inculta ante Villagagnonis aduentum. In circuitu circiter passus mille cōplectitur, latitudinē sexies superante longitudine: scopulisq; ad libellam summæ aquæ extantibus cingitur, qua de causâ naues citra tormenti iactum accedere non possunt: estque ideo natura munitissima, vt adiri ne nauigiolis quidem possit, nisi è portus latere ex aduerso ingredientis

Rupes vocata vas buyraceū. Muscipula.

Descriptio Insulae & propugnaculi, in quo Villagagno habitabat.

dientis Oceani. Hæc si diligenter custodita fuisset, nec expugnari, nec intercipi potuisset, quemadmodum à reditu nostro fuit à Lusitanis occupata, eorum qui relictæ essent culpa: ab utraq; parte eminebat colliculus, cuius in fastigio tuguriolum Villagagno extruxerat: rupi vero quinquaginta, aut sexaginta pedes in altitudinem porrectæ, & ad insulæ cætrum sitæ, suum imposuit prætorium. Reliqua in planiciem redacta, domiciliis continebantur, quæ, annumerata omni Villagagnonis familia, octoginta circiter homines incolebant. Illa omnia si prætorium excipias, aliquot fabrilibus lignis ædificatum, & propugnacula qualicunque cæmento superinducta, parua erant tuguriola, prout Americani solent, lignis extructa rotundis, herbaq; contecta. Atq; hæc quidem pauca de artificio munitionis illius, quam Villagagno nuncupavit Collignium in Gallia erectum Antartica. Id autem ab eo factum est, ut Gaspari Collignio Gallix Thalassiarchæ gratularetur: neque immerito. Nunquam enim sine illius favore, ac ope (ut antea commemoravi) cum iter illud agere, tum ullam in Brasilia munitionem exædificare potuisset.

Ut igitur quæ restant de Ganabara sinu persequamur, sciendum est ultra propugnaculum decem fere millibus, pulcherrimam, fertilissimamq; insulam iacere: ea cum in circuitu duodecim passuum millibus pateret, Magnæ insulæ <sup>Magna insula.</sup> nomen à nobis sortita est. Quinetiam quod à Tououpinambaulis fœderatis incoleretur, eam frequenter petebamus, ad exportandam farinam, aliaque necessaria.

Sunt præterea in illo sinu maris multæ insulæ incultæ, in quibus præstantissima ostrea reperiuntur. Barbari quidem in littoribus se submergentes, manibus adferunt lapides ingêtes exiguis ostreis (illi *Leripes* vocant) circumdatos, <sup>Leripes ostrea.</sup> quæ sic petris adhærent, ut vix sint auellenda. Horum plenos lebetes coquebamus, & in quibusdam exiguas gemmas reperiēbamus.

Hic fluuius multorum piscium genere abundat, in primis mulis quam optimis, suisque marinis, & mediocribus aliis, quorum nonnullos, in capite De Piscibus, describam. Hic vero ingêtes, ac monstrosas Balenas silentio præterire <sup>Balena.</sup> nolo, quæ pinnis aquam superantibus, nobis ita fiebant obuiæ, ut tormentulis facile peterentur. Veruntamen istiusmodi globis eas valde lædi non existimo, tantum abest, ut interfici possint: eaque de causa recedebant à nobis innoxie, quod pelle sint durissima, crassaq; pinguedine. Harum vna, quatuor, & viginti à Castello miliaribus Friense promotorium versus in vadis adhærescens, Oceani <sup>Balena in vadis.</sup> reperere, quod eam aqua profundior defecerat, non potuit: ad quam tamen accedere ausus est nemo, antequam expiraret, quippe cum suis conatibus vicinam terram concuteret, & à quatuor millibus passuum exaudiretur. Postquam vero vitam exhalauit, multi ex Barbaris, & nostris frustra quædam carniū decifarum abstulerunt: reliquum autem eo in loco remansit. Eas vero carnes parui faciebamus, propter inspidum gustum: pinguedinem vero colliquabamus, ut oleo expresso ad lucernas vteremur. Lingua vero, quæ pars existimatur præstantissima, tale condita, fuit Thalassiarchæ in Galliam transmissa.

*Fluuii dnl  
ces.*

Duo sunt etiam flumina, quæ ad extremitatem sinus terra vndique circundata, cum eo coniunguntur. In iis ego aliquoties cum Gallis nauigavi, & multos Barbarorum vicos in vtroq; littore sitos inuisi. Hæc sunt quæ in hoc sinu præcipua cognoui, atque etiam arcis possessionem Gallis ereptam esse, tanto magis doleo, quanto hæc recte custodita, vt erat facillimum, tutum nobis perfugium, & Gallis commodissimam nauigandi occasionem præbere potuissent. Ultra quadraginta, aut sexaginta passuum millia Platam versus, & fretum Magellanicum, alter est ingens maris sinus, à Gallis Vasarum dictus, ad quem appellant illuc qui nauigant, sicut & ad Friense Promontorium, quod & primum tenuimus, cum Brasiliam peteremus.

## CAP. VII.

*De ingenio, robore, statura, nuditate, ornamentis corporis virorum & feminarum Brasiliensium, apud quos annum fere sum commoratus.*



Actenus ea quæ in mari vidimus, dū Brasiliensium regiones petiimus, descripsi: qualis denique sit Ganabara sinus demonstravi: Nunc antequam naui conscensa reditum in Galliam parem, vitæ genus, & alia hîc à nostris incognita, paucis describere volo.

*Statura ac  
dispositio  
Barbarorum.*

Vt autem ordine cuncta exequar, Barbari Americani, qui terram Brasiliæ incolunt, *Tououpinambaulsi* nominantur, quibuscum ego circiter annum familiariter sum versatus. Ii corpus nec prodigiosum, nec monstruosum habent, sed nostro, qui in Europa viuimus, persimile, quod ad staturam spectat. Sunt quidem fortiores, robustiores, saniores, & minus obnoxii morbis.

*Ætas Barbarorum.*

Pauci apud eos sunt claudi, pauci altero priuati oculo: deformes fere nulli: licet etiam centesimum ac vigesimum ætatis annum sæpe attingant (per lunas enim annos numerare norunt) pauci tamen canescunt. Id vero regionis illius temperiem indicat, quæ cum nullis frigoribus, aut pruinis torreatur, virides herbas, agros, & arbores semper habet: ipsi quoque molestiis, ac curis omnino vacui, iuuentutis in fonte labra rigasse videntur. Et quoniam fontes lutosos, & scaturigines pestilentes non adeunt, è quibus mala omnis generis oriuntur, quæ nos ante tempus attenuant, macerant corpus, animum excruciant, denique perimunt: vtrumque nihil eorum ad illos pertinet, diffidentia, auaricia, litibus, inuidia, ambitione denique non laborant. Colore prorsus nigro non sunt, sed tamen ad nigredinem accedente, propter solis vehementiam, quemadmodum Hispanis, ac Prouincialibus vsuuenire videmus.

*Barbari rerum mundanarum neglectiores.*

Ceterum viri, feminae, infantes nudi prorsus incedunt, nec vllas corporis partes vnquam tegunt, nullo eius nuditatis pudore. At tamen villosi non sunt, vt qui-

*Nuditas Barbarorum in genere.*

vt qui-

vt quibusdam visum est, imo simulatque pili in corpore apparent, aut vngui-  
bus, aut forcipibus paruulis, quas à Christianis accipiunt, euellunt: barbam  
ipsam, palpebras, supercilia eradicant, vnde lusci, toruoque aspectu fiunt. Idem  
legimus in insula Cumana vsurpari à Peruensibus. Caput quidem illi capillis  
vestitum habent, qui maribus ab ineunte ætate à vertice ad sinciput raduntur,  
vt monachorum coronam dicas: ad occiput vero comam nutriunt nostro  
more maiorum, quam, vbi ad collum vsque fluctuat, rescant. Hic, ne (si  
fieri possit) aliquid à me prætermittatur, quod ad hanc tractationem pertineat:  
illud addam, esse nimirum in illis terris herbas quasdam duorum digitorum  
latitudine: hæ paululum incuruæ, in orbem & longitudinem excrescunt, vel-  
uti calamus, qui contegit spicam milij illius prægrandis, quod apud Gallos tri-  
ticum Sarracenum nuncupatur. Vidi aliquando senes (non tamen omnes,  
nunquam adolescentes, multo minus pueros) qui duobus illius herbæ foliis  
acceptis, filoque xylino virilia contegerent, atque etiam fasciis, ac linteolis, quæ  
à nobis habebant, obuoluerent. Qua in re primo aspectu elucere videretur  
scintilla quædam naturalis verecundiæ, si modo id ea de causa facerent. Et si e-  
nim id penitus nunquam sum scrutatus: nihilominus tamen arbitror id ab il-  
lis fieri tegendi alicuius morbi gratia, quo in senectute partes illæ conflictan-  
tur.

Hoc insuper de more habent, vt ab infantia puerulis omnibus labium in-  
ferius pertundant, eoque in foramine os quoddam perpolitum, ac instar ebo-  
ris candidum inseratur, minimarum figura pyramidum, quæ supra mensam in  
quincuncem ordinatæ, verticillo petuntur. Pars fastigiata pollice vno, duo-  
busve digitis extrinsecus porrecta, inter gingiuas, & labium retinaculo adhæ-  
ret: idque pro arbitrio auferunt, reponuntque. Os vero illud fastigiatum, ac  
candidum, in adolescentia tantum gestant. Cùm vero ad grandiores æta-  
tem peruenere, cumque lingua sua *Conomi-onassou* vocari incipiunt, (quod  
grandem, aut crassum adolescentem sonat) foramini labiorum inserunt lapillum  
viridẽ, ex genere pseudosmaragdi, qui similiter obice quodam intrinsecus reten-  
tus, extrinsecus apparet, capitati argentei rotunditate, ac latitudine, crassitudine  
aut duplici. Atque etiã nonnulli reperiuntur, qui digiti longitudine gestent, cum-  
que teretem. Cuius postremi generis vnus à me in Galliam allatus est. His la-  
pidibus interdum sublatis, Tououpinambaultii, linguam foras per rimam il-  
lam labiorum, animi gratia egerunt, ita vt gemini oris effigiem spectantibus  
præbeant. Vtrum vero spectaculum istiusmodi placeat, an deformes admodum  
hac ratione fiant, facile est iudicatu. Alios insuper vidi, qui lapillos eiusmodi vi-  
rides in labiis gestare non contenti, vtrisque malis eundem ad vsum perforatis,  
includebant.

Quod ad illorum nasos attinet, cum apud nos obstetrices soleant ab ipso  
puerorum ortu, vt formosiores ac productiores efficiant, digitis extendere: cõ-  
trarium prorsus institutum apud Americanos nostros obtinuit. Puerorum e-  
nim pulchritudinem nasi depressione metiuntur. Itaque simulac ex vtero

*In eos qui  
Barbaros  
villosos esse  
putant.  
Hist. gen.  
Ind. lib. 2.  
cap. 79.*

*Quare se-  
nes Ameri-  
cani inter-  
dum viri-  
lia tegant.*

*Labiũ per-  
foratũ, &  
eius perfora-  
tionis  
ratio.*

*Lapilli vi-  
rides labiis  
inseti.*

*Male per-  
forata ad  
lapillos in-  
serendos.*

*Hist. vni-  
uer. Ind.  
lib. 4. cap.  
108.* matris prodiere, pollice nasus eis deprimitur, perinde atque catellis in Gallia quibusdam fieri solet. A quibus longe illi dissident, qui quodam in Peruani regni tractu, feruntur tanto esse naso præditi, vt ex eo smaragdi, cyanii, aliiq; lapilli, cum candidi, tum rubri, filo aureo suspendantur.

*Barbari ni-  
gro colore  
infecti, &  
variis colo-  
ribus picti.* Nostri præterea Brasilienses compluribus pigmentis & coloribus sibi corpus variegant: in primis vero crura, ac tibiae adeo inficiunt atro colore, ex succo fructus cuiusdam ab illis *Genipat* dicti, vt eminus animaduersa, femoralibus sacerdotaliis induiti esse videantur. Ea porro nigredo expressa ex illo *Genipat* fructu, ita illorum cuti adhærescit, vt decem aut quindecim dieb. elui nequeat, quamuis se frequenter abluant.

*Menisci  
ex ossibus  
candidis.* Adhæc meniscos etiam habent octo digitis longiores, ex ossibus apprime læuatis, ac instar alabastris candidis (quæ *Yaci* appellant) mutuato à Luna nomine, quam ita vocant: hos funiculo xyliño ad pectus è collo appensos demittunt.

*Bon-re tor-  
ques.* Similiter frustula complura testæ prægrandis lapide quodam diu multumque attrita perpoliunt. Rotunda deinde, ac instar denarii tenuia efficiunt, umbilico pertusa, filoque xyliño traiecta, pro torquibus collo inserunt (hæc *Bon-re* ipsorum lingua vocantur) vt apud nos catenulæ solent aureæ. Id porro, quod à multis buccinum appellatur, esse crediderim, ex quo plerasq; mulieres, zonas apud nos gestare videmus: cuius & quidem præstantissimi, plusquam tres vlnas habebam, cum in Galliam appulsem. Barbari præterea torques (quos ab illis *Bon-re* dici, antea commemorauimus) conficiunt ex quodam genere ligni nigri, ac solidi, cuiusmodi sycorum esse Matthiolus testatur, quod ad eam rem valde accommodatum est: quoniam ad grauitatem, ac splendorem gagatis accedit. Maximam præterea vulgatarum gallinarum copiam habent Americani: quarum progeniem à Lusitanis acceperunt. Albis sæpenumero plumas detrahunt, ac ferramentis quæ nunc habent: antea vero cum illis carent, lapidibus peracutis molliores plumulas minutatim coccidebant. Illis aquæ feruidæ, ac bullienti impositis, ac rubro coloris brasílico tinctis: postquam se gummi quodam ad id accommodato, illeuerunt, contegunt, atq; ornant corpus, brachia, tibiae, variisque depingunt coloribus: ita vt instar pipionis, aliarumve auium recens exclusarum, lanuginem quandam habere videantur. Vnde verisimile est, vt, cum quidam nostrates in eas terras peruenissent, eosque ita initio ornatos prospexissent, nihil penitus de eis perscrutati, hunc rumorem sparserint, Barbaros scilicet profus esse villosos. Res tamen longe secus sese habet, vt qui tales natura non existant. Proinde rumor ille ex rei ignoratione manauit, cui deinde nimium leuiter fides adhibita est. Quidam etiam memoriæ prodidit Cumanos sese vngere solitos gummi quodam, vnguento ve glutinoso, ac deinde se plumis variorum colorum conuestire.

*Barbari  
plumis or-  
nati credi-  
ti sunt vil-  
losi.*

*Hist. gen.  
Ind. lib. 2.  
cap. 79.*

*Frontalia  
ex plumis  
contexta.*

Ornatus vero capitis *Tououpinankiorum* nostrorum hæc est ratio: præter sincipitis abrasionem in coronæ monasticæ formam, crinesque occipitis, quos ad collum summitti diximus, solent insuper auium plumas, rosei, rubei, cuiusuis denique coloris aptissime compositas colligare, easque ad frontaliū vsū adhi-

adhibere. Hæc non male galericula referunt non ita pridem à nobilioribus feminis nostratibus vsurpata : quæ proinde à Barbaris nostris accepisse non immerito dicantur. Frontale autem istud vernacula lingua est *Yempenambi*.

Inaurium quoque ex ossibus albissimis apud eos magnus est vsus, ossibus illis non absimilium, quæ perforatis suis labiis adolescentes imponere diximus. Apud eos auis est *Toucan* nomine, atra toto corpore, ceu coruus, circa ingluuiem plumis tenuissimis, fuluo colore, torque miniato ab imo circumdata. Partis istius pellem detrahunt, detractam siccant, (auis nomen retinet) siccata utriusque genæ applicant cera agglutinata, quam *Trayetic* nuncupant. Quibus ita aptatis, dicas umbones lupatarios ex ære, inauratos ab illis gestari.

Præterea si ad bellum sese accingant, aut pro more (de quo alibi) & solenni pompa captiuum deuorandum sint mactaturi, ut ad ornatum & elegantiam nihil desit, vestes induunt, pileos aptant, armillas brachiis imponunt ex plumis viridis, rubei, cærulei, & cuiuscunque alius coloris compactas, eximia pulchritudinis. Quibus artificiosissime aptatis & interfertis atque adeo calamo tenui arundineo filoque xylyno admodum concinne compactis & connexis, ut vix vllum credam in Gallia esse phrygionem, qui maiori industria plumas illas tractare & aptare possit. Dicas vestes hac ratione contextas è villosa serico confectas esse. Eundem ornatum ligneis suis clavis adhibent, quibus ad hunc modum ornatis elegantius dici nihil potest.

Ornamentorum postremum genus est, quod Struthiocamelorum pennis leucophæi coloris, quas ab accolis accipiunt (ex quo licet colligere grandissimas illas aues in regionibus illis versari, quas tamen illic me non vidisse ingenue fateor) hoc modo conficiunt: caules ordine ab vna parte disponunt, plumæ ab altera eminent, atque in orbem circumflectuntur, in modum conopei vel rosæ. Itaque fit pennarum fasciculus, quem sua lingua *Araroye* appellant. Hunc tergo imponunt, filoque xylyno alligant, caulibus cutem eorum contingentibus. Quo cum sunt ornati, caueam pullis includendis tergo impositam gestare videntur. Fusius alibi à nobis dicitur, eos qui bellicosissimi volunt haberi, quo fortitudinem suam palam faciant, multosque à se interfectos hostes esse demonstrent, captiuos denique vorandos multos mactasse iactent, pectus, laceratos & femora incidere, incisuras vero illas atro quodam puluere inficere, quo ad mortem vsque earum vestigia conseruantur: itaque aspicientibus thoraces & femoralia Heluetico more incisa representant.

Computationibus autem seu *Caouinationibus* & saltationibus illis si sit indulgendum, in quibus certe ut plurimum occupantur, quo magis animum excitent, præter horrendos clamores & eiulatus, quos emittere consueuerunt, fructus colligunt, corticis duri satis, echinum forma & magnitudine referentes, cuius exsiccati nucleum auellunt, atque in eius locum lapillos immittunt: huius generis multos filo attextunt, tibiisque apponunt: non minorem concitati strepitum edunt, ac testæ limacum, si eo aptarentur modo, quin à saltatoriis crepi-

Inauris.

Pennarum fasciculus.

Barbarorum incisuras.

Crepitacula e fructibus.

taculis non longe absunt. Quæ quidem cupidissime exoptant Barbari cum ad eos comportantur.

Fert insuper ea regio arborem, cuius fructus Struthiocameli ouum crassitie adæquat, formaq; refert. Hunc perforatum (eo quo à puerulis nuces apud nos perforatur modo) lapillisq; aut milii crassioris (de quo suo loco) granis immisissis, baculoq; sesquipedali traiecto, instrumentum *Maraca* nomine fabricat. *Maraca instrumentum.* Strepitum edit ingentem, adeo ut suillas vesicas pisces plenas superet: quo fit ut à Barbaris nusquam non manu gestetur. Quæ sit Barbarorum de isto *Maraca* atque eius strepitu opinio, præsertim cum plumis egregie ornatum, certoq; destinatum vsui fuerit, tum à nobis dicitur, cum de eorum religione agemus. Hactenus de natura, vestitu, & ornatu quo *Tououpinambaulsi* nostri vti consueuerunt, paucis dictum esto. Veruntamen appendicis vice addam, crispatum pannum, rubri, viridis, flauiq; coloris à nobis magna copia aduectum fuisse, ex eo vestes omnium generis conficiebamus: quas deinde permutatione facta cum cibariis, cercopithecis, psittacis, brasilio, gossypio, pipere Indico, aliisque id genus, quæ à mercatoribus asportari solent, Barbaris dabamus. At pleriq; nuda corporis parte reliqua, laxa & vndantia femoralia solum induebant: alii contra, femoralibus contemptis, tunicam nates pertingentem induebant. Mox autem emensis aliquot passibus, & in seipsos oculis identidem conuersis, non sine nostrorum risu & cachinnis, exutas illas vestes domi reponebant, quoad rursus eas induere in animum inducerent. De indusiis quoq; & pileis idem iudicium.

*Epilog. 1.* Quæ de externo corporis habitu cum virorum tum puerorum dicenda fuerunt, satis fuisse persecuti nobis videmur. Itaq; si ex hac nostra descriptione Barbarum animo sibi representare quis cupiat: in primis nudum virum imaginetur, cuius membra apte & concinne fuerint composita, pili euulsi, capilli ad sinciput abrasa, labia, genæq; perforata, quibus ossa præacuta aut virides lapilli fuerint inserti, auricula in auribus traiecta, corpus variis fucatum coloribus, femora & tibiæ atro illo fuco è *Genipat* infectæ, collum torque ex minutis cochlearum *vignol* frustulis ornatum: talem certe habebis, qualem in ea regione conspeximus.

*Epilog. 2.* Iam vero si alia forma Barbarum animo informare placet, ridiculo illo amictu detracto, gummi viscoso vniuersum corpus erit perlinendum, deinde plumæ minutim concisæ superiniiciendæ. Hac vero artificiali lanugine indutus vbi fuerit, quam lepidus sit futurus, non necesse est dicere.

*Descriptio 3.* Deinde siue naturalem retineat colorem, seu variis coloribus aut plumis fucatus fuerit, vestes illas, pileos, armillas plumaceas quas descripsimus adhibeto. Tum maxime ornatum esse constabit.

*Descriptio 4.* At si vestes illas crispati panni admouere visum fuerit eisq; (quemadmodum facere eos demonstraui) alia ex parte nudis tunicam imposueris, cuius altera manica sit luteo, altera viridi colore, ad certissimas morionis notas perparum deerit. Deniq; instrumentum *Maraca* his adiungere si lubet; pennarumq; fasciculum *Araroye* tergo aptatum, crepitacula quoq; ex fructibus tibiis alligata, eam referet formam quam saltaturus aut compotaturus obtinet.

Reliquam

Reliquam Barbarorum in ornandis corporibus industriam, iuxta integram quam ante edidimus descriptionem, vix multi exprimerent typi, qui etiam nisi adhibitis coloribus rem totam commode haud representarent: veruntamen præter ea quæ iam ante commemorauimus, cum ad arma & prælia eorum ventum fuerit, toto corpore incisos, clavis ligneis instructos truculento aspectu homines dabo. Attamen hos in præsentia omittamus, ornatuq; suo & voluptatibus (quibus non imperite indulgent) frui sinamus. Cultus vero feminarum, quas illi *Quoniam*, & quibusdam in locis, ex quo commercium cum Lusitanis habent, *Maria* nominant, quanto sit præstantior dispiciamus.

Nuditas in primis, sicut initio huius capituli monuimus, cum viris illis est communis, pilos quoq; consimiliter omnes euellunt, ne palpebris quidem & superciliis exceptis. Ad comam quod attinet, ab illis differunt: viri enim, ut dictum est, ad sinciput abradunt, ad occiput vero demittunt: feminae contra non modo alunt, sed etiam more nostratium frequenter pectere & abluere solent. Quinetiam xylyna vitta rubro colore infecta cõstringere & complicare illis est familiare. Passis tamen & oberrantibus capillis ut plurimum incedunt, quippe

illis circa humeros circumfluentibus & volitantibus delectantur. Alterum quoque discrimen in eo positum est, quod perinde ut viri, labia non perforant; ac proinde gemmis siue lapillis faciem non exornant. Auriculas tamen adeo traiciunt, ut detractis in auribus digitum capiant: in aures istæ ex prægrandi illa cochlea *vignol*, candore & longitudine candelam mediocrem adæquant: quo fit ut humeros, atq; adeo pectus ipsum pertingentes, si eminus conspiciantur, vestigatoris canis pendulas aures referant.

Faciei vero hunc adhibent cultum. Accersita ad hoc ministerium sociæ vel vicina, circulum penicillo in media gena delineat, in cochleæ vero formam fucum cæruleum, flauum, rubrum tantisper circumducit, dum vniuersam faciem coloribus illis distinxerit ac variarit: quinetiam palpebrarum ac superciliorum locum (quod feminas parum pudicas in Gallia factitare audio) penicillo ob-

liniit. Armillas etiam ex compluribus candidissimis ossium frustulis in squamæ modum incisus contexunt: ea tamen adeo apte & concinne cera gummi permixta iungunt, ut nihil supra. Hæ longitudinem palmi obtinent: ac non male brachiale illud referunt, quo folliculo pellendo utuntur apud nos. Torques quoque candidissimos, quos *Bou-re* nuncupant, gestare illis est familiare: collo tamen non appendunt, qui mos est virorum, sed iis in armillarum modum brachia inuoluunt. Hunc in usum vitreos globulos flauos, cæruleos, viridisque coloris, quos filo traiectos habebamus, summe exoptabāt, *Mauroubi* appellāt. Hos, siue ad earum pagos accederemus, siue ipsæ castellum nostrum adirent, ut à nobis extorquerent, oblatis fructibus aut aliis quibusdam, crebro blandissimis his verbis urgebant, *Mair, de agatore, amabé Mauroubi*, hoc est, Galle, bonus es, da mihi armillas ex vitreis globulis. Eadem prorsus ratione pectines, quos *Guap* aut *Kuap* vocant, specula quoque *Aroua*, reliquasque merces, quibus delectantur, flagitabant.

*Americane femine nuda incedunt.*

*In aures monstrosa.*

*Mirra Americane femine faciem circumducunt.*

*Armilla prægrandes ex compluribus ossium frustulis composita.*

*Certum fe-  
minarum  
Amer. de  
vestib. re-  
iciendis  
consilium.*

*Barbara-  
rum fem.  
de crebra  
ablutione  
cōsuetudo.*

*Captiua fe-  
mina mi-  
rum in mo-  
dum nudi-  
tate dele-  
tatur.*

*Canomi-  
miri pne-  
ruli.*

*Barbari  
cur exalte  
exprimi nō  
possint.*

Mirum vero mihi præ ceteris hoc videbatur, quod licet corpus, brachia, femora, tibiasque variis coloribus non ita frequenter distinguant, nec plumarum ornamentis vtantur, vestes tamen ex crispato panno, à nobis sæpius vna cum indufiis oblatas, vt induerent nunquam impetrauimus. Etenim in ea pertinacia permanebant, à qua nondum demotas esse existimo. Excusationem ex recepta ab omnibus accolis consuetudine captabant. Solere omnes ad obuia quæuis flumina & fontes subsidere, vt hausta manibus aqua, caput aspergant: contingere nonnunquam, vt (anatum more) vno die decies immergantur: vestes si toties sint exuendæ, molestissimum fore. Præclaram certe & speciosam causam! Atqui quam necesse erat admittere, quippe cum illis disceptando nihil promouebamus. Adeo autem nuditas est illis cordi, vt non modo *Tououpi-nambaultiorum* femina libera, quæ in continente versabantur, vestes omnes pertinaciter reiicerent, sed etiam captiuae pretio à nobis emptæ, quibus pro mancipiis ad castellum nostrum muniendum utebamur, cohiberi non poterant, quin animi gratia noctu, indufiis, reliquisque panniculantis depositis ante somnum per insulam nudæ oberrarent. Denique si penes eas accipiendarum aut reiiciendarum vestium fuisset potestas, à nobis vero ad eas induendas flagris adactæ non fuissent, æstum solis perferre, lacertosque & humeros, lapidibus & humo comportandis lædere maluissent.

Hæc de ornamentis, armillis, reliquoq; Americanarum feminarum mundo paucis fuere dicenda. Itaq; nullo addito eplogo, prout cuique visum fuerit, animo concipiendas relinquo.

Quis sit infantium ab utero matris ornatus, tum à me dicetur, cum de Barbarorum coniugiis agemus. Hic locus postulat, vt aliquid de maiusculis, hoc est, tertium aut quartum annum excedentibus, quos vulgo *Canomi-miri* nuncupant, dicamus. His certe non parum delectabamur: siquidem, præ nostratibus puerulis, corpore præpingui, osse candido labio inserto, circumtonsis capillis, corpore nonnunquam depicto, nobis ad pagum accedentibus, gregatim choreas agitantes obuiam veniebant. Vt autem aliquid præmii à nobis referrent, sæpius blanda ista verba repetebant, *Coutouassat, amabé pinda*, hoc est, Socie da mihi hamos. hos si quando à nobis impetrabant (quod non raro contingebat) hamosq; decem vel duodecim minores arenae aut pulueri imponebamus, tum illi confestim exultare, & humi fusi terram instar cuniculorum radebant. Quæ res non minimæ erat voluptatis.

Denique quamuis Barbaros cuiusuis ætatis per annum integrum, quo apud eos vixi, sollicitè admodum sim cōtemplatus, adeo vt idea quædam etiamnum animo meo inhaereat: fateor tamen ob varios gestus à nostris prorsus alienos, literis eos picturave exacte referre difficillimum esse. Si quis igitur plenam voluptatem ex illis capere cupit, vt ipsam Americanam adeat auctor fuerim. At vero, dices, non vnus est iter diei. Id quidem ego confirmo: ac proinde non nisi caute fulcipiendum esse suadeo. De illorum casis, supellectile, cubandi ratione, aliisque non paucis, prout res tulerit, posthac dicturi sumus. Priusquam autem huic capiti finis imponatur, in eos aliquid dicendum videtur, qui aut opinantur

nantur tacite, aut etiam scriptis mandarunt commercium illud adeo frequens cum Barbaris nudis, ac præsertim cum feminis, ad lasciuiam & libidinem pro-uocare: dico igitur, quamuis in speciem nuditas illa concupiscentiæ esca non im-merito censeatur, tamē, ut res ipsa comprobauit, inculta illa nuditate certū est, multo minū opinione viros ad libidinem pellici. Itaq; ausim asseuerare splen-didum illū cultum, fucos, supposititias comas, capillos calamistratos, ampla illa & tanto artificio complicata, amictoria pretiosa, mammillaria, laciniatas & vn-dantes vestes, ceteraq; eiusmodi, quibus feminae nostrates tam sedulo formam mentiuntur, plura incommoda & mala parere, quam faciat Barbararum nudi-tas, tametsi forma ab illis non vincantur. Ita ut si pluribus seruato decoro hæc persequi liceret, efficacissimas huic sententiæ meæ subiicerem rationes, refuta-tis omnibus argumentis, quæ in contrariam partem afferri possint. Ac ne diu-tius immorer, eorum testimonium hîc appello, qui mecum in Brasiliam nauig-arunt, quiq; vtrâsq; conspexerunt. Hæc tamen ita accipi nolim, ac si nuditas illa mihi vllō modo contra Scripturæ auctoritatem probaretur. Testatur enim, Adam & Euam, post peccatum, agnita nuditate, pudore suffusos fuisse. Eorum etiam detestor hæresim qui violata naturæ lege, non satis hac in parte à miseris nostris Americanis seruata, morem illum turpissimum inuehere moliti sunt.

Sed quæ de Barbaris istis à me dicta sunt, eo certe tendunt ut constet, nos nihilo minū culpandos esse, qui istis damnatis quod abiecto pudore nudi in-cedant, in aliud extremum peccamus, cultu nimirum nostro nimio. Atq; uti-nam nostrum quisq; modesto cultu, habita necessitatis & honesti ratione po-tius quam fastus & vanitatis, vtatur.

## CAP. VIII.

*De crassis radicibus, & crasso milio, ex quibus Barbari farinam confi-ciunt, qua in panis vtuntur locum: deque eorum potione quam Caou-in appellant.*



Vandoquidem externum ornatum habitumq; Barbarorum superiori capite accepimus, à recto ordine alienum non vide-tur, si de eorum cibariis hoc loco disseramus. Hoc autem in primis est notandū, licet frumentum nec habeant, nec serant, vitesque minime colant, nihilominus tamen (quod experien-tia non semel sum edoctus) laute admodum eos viuere quan-tumuis pane & vino carentes.

Duorum generum radices habent, quibus *Aypi* & *Maniot* nomina indi-dere: hæc inter tres quatuorve menses adeo crescunt, ut sint longitudine sesqui-pedali, femoris crassitudine. Erutas feminae (neque enim circa isthæc occupan-tur viri) igne exsiccatas, *Boucano* nimirum impositas, nonnunquam etiam re-centes, acutis silicibus posti infixis atterunt, prout caseum & odoratas nuces contradere solemus, farinamq; candidissimam ex iis conficiunt. Tum vero cru-

*America  
narū nuditas  
cultu  
nostrarum  
feminarū  
minu no-  
xia.*

*De Barba-  
rorum nu-  
ditate quid  
sentiat au-  
tor.*

*Sine pane  
& vino lau-  
te viuunt  
Barbari.*

*Aypi &  
Maniot  
radices.*

da illa farina, atque adeo succus albus, de quo mox, qui ab ea exprimitur, recentis & liquidi amyli triticei, aqua diu madefacti, saporem prorsus refert. Adeo ut cum post meum in Galliam reditum alicubi me presente fieret, odor ille memoriam refricaret eius quo Barbarorum casæ, tantisper dum ex radicibus farina conficitur, perfundi solent.

Ad farinae istius apparatus feminæ Brasilienses, vasa fictilia prægrandia, utpote quæ singula capiant modia, satis comode effingunt. Quibus ad ignem positis farinam immittunt, continuoq; dum coquitur, dissectæ cucurbitæ altera parte, qua pultarii loco vtuntur, permouent. Cocta tragematis minoris formam habet.

*Ouy-entã  
durior fa-  
rina.  
Ouy-pou  
mollior fa-  
rina.*

Duplex istius farinae genus ab illis conficitur: alia enim percocta est & dura, *Ouy-entan* appellant, quam in militiam profecturi secum ferunt, quod diutius conseruetur: alia vero minus est cocta & mollior, *Ouy-pou* nominant: hæc priore est eo præstantior, quod dum recens ori admouetur ac manditur, panis candidi medullæ saporem refert. Prior vero ille sapor, de quo egi, inter coquendum, in gratiorem & suauiore mutatur.

*Farina ex  
radicibus  
ad panem  
conficien-  
dum mi-  
nus apta.*

Quamuis autem hæc farinae, præsertim recentes saporis sint optimi, summam alendi habeant facultatem, ac facilis earum sit concoctio, nihilominus tamen pani conficiendo (ut ipse sum expertus) nullo modo sunt aptæ. Massa quidem conficitur, quæ non dissimili à triticea modo intumescit, specieque est optima, ac instar similicæ candida: inter coquendum tamen adeo exsiccat & aduritur crusta, ut pane scisso fractove interior pars sicca, & ad pristinam farinae formam redacta reperiatur. Quibus adducor ut credam eum qui primus retulit (cum non satis diligenter quod à me dictum est perpendisset) eos qui viginti duobus aut tribus gradibus ultra Æquatorem porrecti sunt (quos *Tououpinambaultios* esse plane constat) pane ex lignis attritis confecto velci solitos, quod de radicibus istis, de quibus agimus, est intelligendum, hallucinatum fuisse.

*Hist. gen.  
Ind. lib. 2.  
cap. 92.*

*Mingant  
pulmetum  
& radicem  
farina.*

Vtraque vero farina pulmento cõficiendo, quod à Barbaris *Mingant* nuncupatur, est accommodata, præsertim si pingui quodam iure diluatur: tunc enim orizam refert, atq; eo condita modo optimi est saporis.

Ceterum *Tououpinambaultij* nostri cum viri tum mulieres, nec non ipsi pueruli ab ineunte ætate huiusmodi farinam siccam panis vice edere consueuerunt. Cui rei adeo apti frequenti vsu sunt facti, ut summis digitis è figu-

*Barbari pe-  
ritissime fa-  
rinam in os  
coniiciunt.  
Galli ad fa-  
rinam in os  
iniiciendã  
inepti.*

*Succus ex  
humidara  
dice expres-  
sus escu-  
lentus.*

linis vasis desumptam certa manu, ne minima quidem excepta mica, eminens in os coniiciant. Hunc morem imitari aliquoties tentauimus, at farina illa vultum inspergebamus, in hoc nimirum negotio minus exercitati, ac proinde, nisi mimicos moriones referre volebamus, cochlearibus uti necesse erat.

Porro radices illæ *Aypi* & *Maniot* interdum recentes frustatim conciduntur, ex quarum farina, humida quidem illa, pilæ amplæ à mulieribus compinguntur, è quibus intra manus compressis succum, lactis instar, candidum ac liquidum exprimunt. Eum vasis figulinis exceptum soli exponunt, cuius calore

ad

ad modum lactis coagulatur. Edendus vero in patellis testaceis infunditur, ac deinde, prout solemus oua frigere, excoquitur.

Præterea radix *Aypi* non modo ex farinae usu probatur, sed etiam sub cinere cocta utiliter comeditur: quippe & tenerascit, & diffinditur, castaneæque in prunis coctæ, cuius saporem refert, est persimilis: ac proinde ita parata edulis est maxime. At radicis, quæ *Maniot* dicitur, longe alia est ratio: nisi enim in farinam redacta erit atque percocta, periculosissime editur.

Vtriusque caulis, qui forma inter se sunt persimiles, Iuniperi humilis magnitudinem æquat: foliisque Præoniæ similitudine. Quod vero in hisce Brasiliensibus radicibus, *Aypi* & *Maniot* maxime est admirandum, totum in copia positum est, earum rami qui calamos cannabinos fragilitate adæquant, quanta copia perfringi, ac in terram qua altissime defigi possunt, nulla adhibita alia cultura, bimestri aut trimestri spatio radicum copiam gignunt.

Mulieres quoque amplum illud milium, de quo dictum est, quodque vulgo à nobis triticum Sarracenum, à Barbaris *Auati* dicitur, præacuto baculo in terram defixo serunt: ex eo item farina ab illis conficitur, quam eodem prorsus modo coquunt, & comedunt quo superiorem diximus. At vero crediderim (contra quam à me dictum fuerat prima huiusce historiae editione. duo enim distinguebam, quæ ubi penitus perspexi, vnum idemque esse iam comperio) hoc *Auati* nostrorum Brasiliensium idem esse cum eo quod Indorum Historiographus *Mais* nominat, quod, uti ipse testatur, Indis frumenti usum præbet. Illud his verbis describit:

Harundo *Mais*, inquit, in hominis altitudinem, ac nonnunquam amplius adolescit, satis crassa est, foliis palustrum arundinum persimilis, spica nuci pinastri simili, grano amplo, nec rotundo, nec quadrato, nec longitudine cum nostro tritico comparanda, à semente mensibus tribus metitur: imo irriguis locis XLV. diebus. Ex vno grano 100. 200. 300. 400. 500. nonnunquam etiam 600. gignuntur. His abunde docetur quæ sit illius regionis fertilitas, quam nunc Hispani occupant. Quidam scriptis mandauit adeo fertile esse in Orientali India solum, ut frumentum, hordeum, milium denique ad cubitos quindecim adolescat. Hæc sunt, quæ panis vicem apud Americanos supplere animaduerti.

Hispani ac Lusitani, qui sedes in illis terris fixerunt, magna frumenti ac vnicopia abundant, ex quo apparet Brasiliensium oram horum esse maxime feracem. Quod autem iis rebus Barbari carent, ipsorum inscitia tribuendum esse. Nos vero frumentum & vinearum palmites eo comportauimus, expertique sumus vtrumque illic optime prouenire posse, si modo agri eo labore quo apud nos colerentur. Vitæ enim à nobis plantatæ rami fluxerunt, maximo feracissimi soli argumento. Quod ad fructus attinet, primo anno racemi nati sunt acidi, qui non modo non maturescerent, sed etiam in dies indurescerent. At vero quantum à peritis vinitoribus non ita pridem edoctus sum, constat nouelletæ primo & secundo anno labruscas nullius pretii plerumque producere. At verisimile est Gallos, si vitem illam colere perrexerunt, optimas ex ea vitas collegisse.

Radix sub cinere cocta.

Qua sit radicum istarum caulis & foliorum forma.

Mira ratio radices illas propagandi.

Auati, milium amplum.

Mais, Peruanis triticum. Hist. gen. Ind. lib. 5. cap. 215.

Calcondilus de bello Turc. lib. 3. cap. 24.

Americanum solum tritico & vino accommodatum.

recen- Adeo ut ille me- bus fari-

grandia, d ignem ita alte- noris for-

est & du- uod diu- mant: hæc ur, panis coquen-

mi, sum- minus ta- massa qui- que est o-

ficatur nam fari- ai primus

) eos qui quos Tou- solitos, cinatum

gant nun- : tunc e-

non ipsi e consue- is è figu- , eminus farina illa

itati, ac ti necesse

concidu- compin- dum ac li- ius calore ad

Frumentum vero secale à nobis sata folia quidem emisérunt, inque stipulam sunt fastigiata, ac spem fecerunt, in spicis nulla grana extiterunt. Hordeum grana permulta produxit, & ad iustam maturitatem peruenit: vnde credibile est illud solum nimium celeriter extrussisse frumentum, & secalem, quæ diutius in terra foueri expetunt, quam hordeum, ita vt nec florere, nec grana proferre potuerint. Eam ob causam, quemadmodum in Gallia agros, vt sint fertiliores, stercoreamus, contra illam terram assiduo cultu, ac versatione defatigandâ esse arbitror, vt eo modo ferendis frugibus sit aptior.

*America-  
num solum  
ob pingue-  
dinem fru-  
mento no-  
stro seredo  
aneptum.*

Atq; hoc obiter dictum sit, vt iis satisfiat, qui curiosius inquirunt, an apud Brasilienses frumentum ac vinum prouenire possint, si modo excolantur.



Vt autem eo redeam vnde digressus sum, priusquã de carnibus, fructibus, piscibus, & aliis Barbarorum cibis, nostris prorsus ab similibus, loquar, vt melius quæ dicenda proposui distinguam, quæ sit ipsorum potio, quæque conficiatur ratione, edisseram.

Hic

Hic primo notandum est, viros, vt in paranda farina operam non ponunt, sed curam illam mulieribus relinquunt, illud idem hoc in negotio illis vsuenerit. Quia à conficienda potione multo religiosius cauēt, præterquam quod radices, *Aypi & Maniot*, eo modo quo diximus, paratæ, præcipuum ipsis cibum subministrant, potione quoque ex illis hac ratione conficiunt. Eas in primis postquam minutatim conciderunt, quomodo hîc rapas ollæ iniiciendas, solent, inque vasis luteis sufferuefaciunt, quoad mollescant, emollitas ab igne remouent, ac deferuefcere sinunt. His ita expeditis, earum pleræque circa ingentia illa vasa sedentes frustra illa mollita mandendo comminuunt, deinde singula manu ab ore excipientes in aliud vas igni impositum deijciunt, vt ibi rursus ferueant: baculo autem continuo agitant, donec satis ferbuisse iudicent: tum secundo à flammis ablatum in alia vasa figulina, quorum singula cadum minorem Burgundium æquant, minime colatum reponunt: vbi vero rursus ferbuerit, despumatumque fuerit, vasa illa operiunt, quoad, eo quo dicemus modo, ebibant. Vasa porro illa, de quibus vltimo loco dixi, figuram earum cuparum imitantur, quibus ad lixiuium passim vtuntur Borbonii, & Auerni, ore tamen aliquanto angustiore.

*Brasil. femina potum conficiunt.*

Eadem quoque Brasilienses feminæ feruefacientes, ac ore simul mandentes milium illud, quod *Auati* nominant, potum eadem prorsus ratione conficiunt cum superiori. Nominatim vero feminas eam artē exercere repero. Nam quamuis distinctionem inter virgines & mulieres, quæ propterea non abstinēt à virorum consortio (vt male Theuetus scripsit) ea in re nō viderim: nihilominus hoc sibi firmiter persuadent Barbari, potione nullius saporis futuram, si radices aut milium ipsi mandant. Deinde tam hoc indignum arbitratur, quam ineptum est quod à rusticis Segusianis factitatur, qui & nent, & colum gestat. Hanc potione Barbari vocant *Caou-in*, quæ subturbida & spissa est, ac fere lactis saporem imitatur: rubeam etiam habent, & albam, vt & nos vinum.

*Potus ex milio.*

*Sing. Amer. c. 24.*

Quoniam autem radices istæ, ac milium quolibet tempore in eorum regione proueniunt, ideo quotiescunque visum est, potum eiusmodi conficiunt tanta copia, vt semel plusquam triginta cados sexagenum sextariorum Parisiensium in ipsorum ædibus dispositos viderim: vbi pleni, opertiq; remanēt donec illi ad comptandum conueniant. Priusquam vero quæ sit comptandi ratio referam, exclamando præfari liceat: Procul estote Germani, Flandri, Heluetii, omnesq; adeo qui strenue potando palmam petitis. Vos enim audito Barbarorum potandi modo sponte illis cessuros esse video.

*Americani potatores eximii.*

Ergo cum potationem aggrediuntur, præsertim cum captiuum mactant, adhibitis solennibus ceremoniis (de quibus postea) feminæ lentum ignem circa vasa accendunt, vt potus ille tepescat. tepido enim delectantur, contrario prorsus à nostro more, qui vinum frigidissimum expetimus. Id vbi factum est, primum aperiunt cadum, & poculorum loco cucurbitæ amplæ altera parte, quæ tres Parisienses sextarios capiat, hauriunt. Tum viri saltando ad illas accedunt, plenosque cyathos ab ipsarum manibus accipiunt, illæque identidem bibunt, & vno haustu plena pocula absorbent. Haustus vero tantisper repe-

*Caou-in, antequam bibunt, calefaciunt.*

que stipu-  
hordeum  
credibile  
æ diutius  
a proferre  
fertiliores,  
gandâ esse  
t, an apud  
atur.



fructibus,  
vt melius  
nficiatur  
Hic

tunt, dum in cadis omnibus vel vna *Caou*-in gutta restat. Ego quidē ipsos tres dies & noctes continue bibentes conspexi: quin etiam cum vsque adeo essent expleti, potuq; oppressi, vt oneri ferendo impares essent, operi se denuo applicabant, quia incepti certaminis defectio ignauiam argueret.

*Tououpinambaultu inter edendū non bibunt.*

Illud quoq; est obseruandum, Tououpinambaultios inter bibendum nihil edere, atque inter comedendum omnino nō bibere: quo fiebat, vt nostrum viuendi morem valde mirarentur, cum nos alternatim bibere ac edere conspicerent. Ac si quis eos hac in re cum equis compareret, faceti cuiusdam respōsum afferam, qui dicere solebat discrimen in eo esse, quod Barbari aquatum minimē essent deducendi, quodque periculum non esset ne postilenas abrumpere cogerentur. Et quamuis ad cibum sumendum horam statutam non habeant, sed ad libitum urgente fame, vel de media nocte comedant, neq; vllum in bibendo modum seruent, in cibo tamen maxime sunt sobrii, nonnulli os manusque ante, ac post pastum abluunt. quod ad os spectat, id fieri puto, quod alioqui viscoso humore impeditum illis esset futurum, propter eas farinas, quibus panis loco, vt diximus, vtuntur. Mirum illi silentium tempore cibi obseruant, ita vt in aliud tempus referant ea, de quibus colloquuturi sunt. Nos autem cum violato ipsorum instituto, vt in Gallia vsuuenit, inter prandendū sermones misceremus, ab illis irridebamur.

*Barbari quoties esuriant edunt.*

Itaque tantisper dum hac celebratur compotatio, Americani hilares canunt, saltant, choreas agitant: quin etiam se mutuo hortantur, vt in bello sint strenui, & quamplurimos hostes capiant: deinde instar gruū ordine dispositi saltant per domum, in quam conuenerant, cūrsitant, donec cados penitus exhauserint.

*Ebrietatis Barbarorum argumentum.*

At certe quod ebrietatis palmam referant, non infirmum hoc est argumentum, quod nonnulli in istis symposiis 4. Caouini sextarios exhauriant: sed tum maxime, quum plumis instructi (vt antea diximus) captiuum aliquem mactant, & deuorant: tūc enim Ethnicorum more Bacchanalia sua celebrāt. Partius quidem vicini inter se in pendulis illis lectis è gossypio contextis sedentes compotant: sed cum singuli alicuius pagi incolę conueniant sæpius ad compotationes immodicas, nūquam ad cibos, hoc fit vt raro mediocres illar & modestar compotationes locum habeant.

Nusquam vero, ad compotationes seu mediocres, seu immensas accedūt, quin (vt antea diximus) ad expellendas solitudines ad choreas conueniant. Sed præterea peculiare hoc est iunioribus nondum coniugatis, vt pennarum fasciculis tergo annexis, & *Maraca* manibus admoto, nec non aridis illis fructibus traiectis filo, tibiisque aptatis strepitum edentibus (vt antea dictum est) totam noctem huc & illud circumcursent ostiatim saltantes: ita vt iis visis & auditis sæpius in mentem veniret eorum insania, qui in quibusdam Galliar locis vernacule Famuli dicuntur. Solent isti tempore constituto sanctis & patronis vniuscuiusque parocciar summa cum pompa stultorum amictu incedere, tibiis multis tintinnabulis resonantibus, atq; adeo per ædes & plateas choreas agitates, ac maximē Pyrrhicham illam saltationem, huc & illuc diuagari.

Hic

Hic vero quiddam notatu dignum succurrit, in omnibus Barbarorum cho- *Mulieres  
filiæque a  
Barbaro-  
rum cho-  
reis seoran-  
Et.*  
reis, siue alii alios confectentur, siue in circulum disponantur, vt pluribus alibi  
dicturi sumus, nusquam tamen mulieres aut puellas viris interferi: quin potius  
seorsim saltare solitas.

Priusquam vero narrationem institutam de computationibus nostrorum  
Americ. concludamus, faciam admodum historiam, tragicam tamen recitare  
placet, vt à nemine ignoretur, quam large essent vinum hausturi si copia illis  
suppeteret. Quidam *Moussacat*, id est, paterfamiliâs mihi narrauit.

Contigit nobis non ita pridem (inquit vernacula lingua) vt dromadē *Pe-  
ros* (sic illi Lusitanos, cum quibus inimicitias gerunt, nuncupant) opprimere- *Faceta  
Brasilien-  
si Mouf-  
sacat de vi-  
no narra-  
tio.*  
mus, maētatis & deuoratis, quos in ea nacti sumus hominibus, cum merces eo-  
rum à nobis expilarentur, prægrandes offendimus *Caramemos* ligneos (quo no-  
mine dolia, & reliqua vasa significant) portione quadam oppletos: quibus ab al-  
tera parte apertis ecquid rei inesset periculum facere placuit. Ego vero (inque-  
bat vetulus ille) quodnam esset genus illud ignoro, nec satis scio, an etiam apud  
vos tale exstet. Hoc tamen scio nos vbi ad satietatem potauimus, totos tres dies  
adeo sopitos fuisse, vt ægre excitati tertio die fuerimus. Plena nimirum fuisse  
vasa illa coniicio generoso Hispanico vino, quo imprudentes Barbari Bacchi  
festum celebrarint. Mirum proinde non est vini illius vaporibus correptos, cō-  
festim sopitos fuisse, prout ab illo vetulo referebatur.

Nos vero commanducatum illum feminarum in suo *Caou-in* conficien-  
do, initio abhorrebamus. quem vt vitaremus, radices aliquot *Aypi* & *Maniot*  
cum quadam milii copia contusas feruefecimus, gratiorem potum confectu-  
ros nos esse opinantes: sed experientia edocti sumus rationem hæc non succe-  
dere. Quo factum est, vt paulatim Barbarico *Caou-in* assueuerimus: attamen  
illius vsus nobis non fuit perpetuus. Nam saccari cannis, quarum copia nobis  
suppetebat, in aqua refrigerata, ob perpetuum regionum illarum æstus,  
per aliquot dies madefactis, potum parabamus gratissimi saporis. Frigidam  
quoque nonnunquam bibebamus. Illic enim fontes sunt limpidissimi, flumi- *Aqua Bra-  
siliensium  
optima.*  
na quoque aquæ dulcis, ob aeris temperiem ita probatæ & salubris, vt nemini  
quantumuis large pota periculum crearet. Hic mihi succurrit, aquam dulcem  
à Barbaris *vhete*, salsam vero *vhéen* appellari. In qua dictione efferenda præ ce-  
teris laborabamus: ab illis enim imo gutture pronuntiat, quo modo suas gut-  
turales Hebraei solent efferre. Deniq; quia non dubito, quin ea quæ de radicibus  
& milio feminarum dentibus attritis ad *Caou-in* parandum diximus stoma- *Caou-in  
cum vino  
collatio.*  
chum multis ad nauseam vsque mouerint, quo fastidium illud abstergant, peto  
ab illis, vt rationem qua multum apud nos exprimitur animo repetant. Enim-  
vero si vinitores, vindemiarum tempore, in iis præsertim locis quæ vina gene-  
rosissima gignunt, nudis pedibus, nonnunquam calceis indutis labra vinaria  
ingredi vualque calcare, inque ipsis torcularibus immundissime tractare me-  
minerint, multa comperient non mundiora illo radicum commanducatu. Si  
vero quis instet, feruendo ac despumando vinum purgari, respondeo *Caou-in*

quoq; eadem penitus ratione sordes omnes abiicere, ac proinde parem vtriusq; esse hac in parte rationem.

## CAP. IX.

*De feris, prae grandibus lacertis, serpentibus, aliisque Americae  
monstris animantibus.*

*Animalia  
in Ameri-  
ca nascun-  
tur a no-  
stris pro-  
prie dissi-  
milia.*



*Tapirouf-  
son fera  
quae asini  
& vaccam  
resert.*

**D**RIVSQVAM vlteriùs progrediar, statim ab initio huiusce capitis lectorem breuiter admonere visum est, nullas è quadrupedum genere animantes, figura nostratibus omnino similes in toto Brasiliensi orbe reperiri, neque solere *Tououpi- nambaultios* ex istis aliquas nisi perquam raro cicuratas domi educare. Vt autem generatim describam animantes feras, quæ à Barbaris *Soo* appellantur, ab iis quæ vsui humano accommodatae sunt facere initium decreui. Primo illa videtur loco esse ponenda, quæ & vulgaris est maxime: hanc *Tapiroufson* appellant, pilo subrubescenti atque promisso, vaccam magnitudine ac forma valde referentem. Attamen quum cornibus careat, sitque contractiore collo, auriculis longioribus & pendulis, siccioribusque tibiis atque gracilioribus, vngula continua & asini vngulae persimili, merito quis eam vaccae asinique naturae participem esse diceret. differt nihilominus ab utroque plurimum, quod & breuissimam gerat caudam (obiterque hic monendus est Lector, permulta in America gigni animantia, quæ omnino sine cauda sint) & dentes habeat multo acutiores. nec hominibus propterea quidquam periculi ab ea potest creari, quum in fuga potius, quam in viribus salutem ponere consueuerit. Eam Barbari sagittis confixam, vt & alias pleraq; interficiunt, aut fossa excauata, decipulisve alius modi ingeniose fabricatis, venari solent.

*Parme ex  
corio Ta-  
piroufson.*

Ceterum fera illa magno est in pretio apud Barbaros, pellis gratia quam simulatque illi detraxerint, dorsi corium in orbem circumcidentes, ad solem exsiccant, in parmasq; fundi mediocris cadi magnitudine conformant, quibus in bello hostium excepta repellunt. Tantam vero duritiem pellis ad solem siccata contrahit, vt nullius ictu teli quantumuis magno impetu vibrati, transigi posse, facile credam. In Galliam duas eiusmodi parmas studiose afferebam: redeuntibus vero fames ita molesta fuit, vt omni com meatu absumpto, ne *Cercopithecis* quidem & *psitracis*, eiusdemque generis animantibus exceptis, quæ ex regione illa nobiscum aduehebamus, parmae illae duae, carbonibus impositae, fuerint etiam ad depellendam famem comedendae: quibus reliquae pelles, quæ, vt suo dicam loco, in naui erant, additae sunt.

*Tapirouf-  
son carni  
sapor.*

Porro *Tapiroufson* caro ad bubulae gustum fere accedit. Hanc suo Barbari more coquunt, *Boucanare* patria lingua appellant. At quoniam vocabulum illud iam usurpauit, & postea lapsius repetendum erit, ne diutius lector hareat, oblata occasione, quid hoc rei sit exponam.

Americani



Americani defixis in terra ligneis quatuor furcis crassitudine brachii, trium pedum interuallo, quadrata figura, æquali vero trium fere pedum altitudine,



baculos in transfuersum duobus à se inuicem distantes digitis superimponunt, itaque ligneam cratem comparant: hanc sua lingua *Boucan* nominant. In ædibus permultas huiusmodi crates habent, quibus carnes in frusta concisas imponunt, & lento igne siccis è lignis excitato, vt ferè nullus existat fumus, quamdiu fert volùtas coqui hunc in modum patiuntur singulis dimidiæ horæ quadrantibus inuersas. Et quoniam sale cibos minime cõdiunt, quemadmodum hîc mos est, vno tantum coquendi remedio vtuntur ad eorum conseruationem, itaque etiamsi vno die feras quales hoc capite describemus, essent venati, omnes frustatim concisas illis cratibus ingererent, quam citissime fieri posset, ne corrumpèrentur: ibi sæpius circumactæ aliquando plus quatuor & viginti horis torrentur, donec pars interior carniùm æque cocta sit atque exterior, eaque ratione omnes sint à corruptione tutæ. Nec in piscibus apparandis & cõseruan-

*Boucan & Barbarorum culina.*

*Conseruandorum ciborum apud Americ. ratio.*

*Farina è pi-  
scibus.*

dis alia est ratio, quos quum nacti sunt, magna copia ad farinam conficiendam exsiccant, eos præsertim quos patria ipsi lingua *Piraparati* vocant, qui germanissimi sunt muli, de quibus dabitur alias dicendi locus. Istæ autem crates apud Barbaros carnaria & promptuaria merito habenda sunt: ideoque vix eorum pagos adire licet, quin ferarum pisciumque carnibus onusta conspiciantur: sæpius etiam vsuuenire solet, vt postea dicemus, si adeas Barbaros, vt istiusmodi crates humana carne refertas, quam scilicet de victis hostibus interficiendis & comedendis, vt opima spolia reportant, intueare. Hactenus de Americana *Boucanatione* dictum sit, cui cum Barbaris placet elixæ carnes succedunt, quod cum bona Theueti venia scribam, qui hoc negare ausus est.

*Humana  
carnes Bon-  
can impo-  
sita.*

*Seouassou  
genus cer-  
uorum.*

*Taiassou  
aper.*

*Sues qui-  
bus fora-  
men est in  
dorso.  
Lib. 5. cap.  
204.*

*Maxima  
Amer. ani-  
mantia.*

*Agoutine  
fredis cer-  
uus.  
Tapitisle-  
poris genus*

*Mures sub  
vrsi.*

*Pag ani-  
mal macu-  
lis distin-  
ctum.*

*Sarigoy  
fœtidum  
animal.*

*Tatou ar-  
mata squa-  
mie.*

Vt autem inceptam ferarum descriptionem persequar, secundæ magnitudinis partes deferendæ videtur cuidam ceruorum generi, quod illi *Seouassou* nominant, sed cum hoc differunt à nostris, quod multo sint humiliores, quodque minora gestent cornua, tum etiam illo, quod æque pilos demittant, atque nostrates capræ. Aper autem Americanus, quem illi *Taiassou* vocant, corporis mole, auriculis, capite, pedibus, atque iis quæ apud nos gignuntur, forma valde similis est, dentibus etiam & prolixis & acutis, vehementer damnosus: tamen cum & macilentior existat & gracilior, frendeatq; terribiliter, illa quoque deformitate insignis est. Habet à natura foramen in dorso, quemadmodum in capite suem marinum habere dixi, quo spiritum emittit adimitque. Ne quis vero istud prodigiosum existimet, Autor Gener. Indic. Hist. memoriæ prodidit apud Nicaraguenses qui non multum à noua Hispania distant, sues nasci quibus umbilicus in dorso est: qui procul dubio, ad idem genus cum iis de quibus hic trado, reuocandi sunt. Cæterum *Tapiroussou* & *Seouassou* & *Taiassou* reliquas Brasiliensis oræ feras magnitudine superant.

Est quoque apud Americanos fera quædam rufa quam *Agouti* nominant, nefrendis triginta dierum nati altitudine, pede bifido, breuissima cauda, rostro & auriculis fere leporinis, palato gratissima. Sunt & aliæ duorum aut trium generum quas *Tapitis* appellant, nostratibus non absimiles leporibus, subrubescenti autem pilo.

In syluis quoque magnas venantur forices, sciurorum pilo & magnitudine, quæ ad cuniculorum delicias accedunt.

*Pag* aut *pague* (quoniam enim modo id pronuntient, vix ac ne vix quidem intelligas) fera est altitudine mediocri venatici canis, capite deformi, carne ad vitulinæ gustum accedente, pelle pulcherrima, & maculis albis, leucopæis, nigrisque distincta, vt maximi apud nos pretii futura esset, si modo nanciscerentur.

Alia etiam inuenitur, quam *Sarigoy* appellant, quæ ob fœtorem à Barbaris non comeditur. Nos autem quibusdam excoriatis, & detracta rei **um pinguedine**, vnde fœtor ille manabat, sine fastidio edimus: carne enim cum tenera, tum optima est.

Est etiam illa quam *Tatou* vocant. Hæc non adeo cursu valet, veruntamen (vt apud nos erinacei) per dumeta reptans, durissimis est armata squamis

ita vt

ita vt gladio transfuerberari nequeat, pellem etiam illi detractam, ex qua Barbari per multas compingunt cistas, Caramenos ipsis nominatas, si complicaueris, digitalia esse militaria diceres. Carne candida est, optimique saporis. Quod autem ad figuram attinet, tantæ proceritatis nullam videre licuit, quantam expressit Belouius suarum obseruationum extremo libro tertio, vbi tamen Brasiliensem *Taton* nominatum designat.

His etiam animalibus, quæ apud Americanos frequentissima sunt, adduntur Crocodili *Iacare* dicti, instar humanæ coxæ, longitudine iusta. At tantum abest vt noceant, vt plenæ istis Iacaris Barbarorum sint domus, puerique sine villo periculo cum iis lusitent. Nihilominus audiebam senes commemorantes, dum peregrinarentur, se à nescio quo Iacararum genere peti, à quo se magna difficultate sagittis tuerentur. Illud cum appropinquare homines persentisceret, ex arundinibus erumpere dicebant, & impetum in obuium quemque facere.

Cæterum vt illa omittam quæ Plinius & alii de Crocodilis, qui in Nilo degunt, memoriæ prodidere, vniuersalis Indiar. Hist. scriptor illis in regionibus infestos fuisse Crocodilos, ad urbem Panama refert, qui plus centum pedes in longitudinem patebant: quod mihi quidem mirabile & portentosum videtur, tantum abest vt affirmem. Eis autem Crocodilis, quos mihi videre contigit, os erat valde patulum, alta crura, cauda vero non rotunda, nec acuta, sed ad extremum tenuissima. Vtrum autem, vt quidam scripsere, superiorem mandibulam moueant, ingenue fateor me non obseruasse. Venantur insuper Americani lacertas, *Touons* illi appellant, non virides, verum leucopæas & pelle variegata, vt nostrates parua lacerta. Et quamuis longæ sint quatuor aut quinque pedes, iusta crassitudine, ideòque forma terribili, nihilominus in ranarum morem flumina paludesque incolunt, nemini noxiæ. Addam, pelle illis detracta exenteratæ si coquantur summe delicatas esse, nihil vt in America gustauerim suauius. Carne enim sunt, vt apud nos capones alba, delicata, tenera, suauis, vt nihil supra. Initio tamen ab istarum gustu abhorrebam, postea vero quam primum attigi, quod ad cibos attinet, ferebant apud me primas lacertas.

Bufones quoque permagnos habent *Tououpinambaultii*, quibus minime exenteratis, tostis vescuntur. Quum vero & medici doceant & vulgo etiam notum sit & perspectum, carnem, atque saniam, & quicquid adeo bufonis est, lethale esse, facile quilibet me tacente propter illius regionis temperiem, aliave de causa, quæ me lateat, vsu venire vt illic bufones, vt sunt apud nos, minime sint venenati atque periculosi.

Comedunt etiam serpentes crassitudine brachii, quinque fere pedum longitudine, quinetiam animaduerti Barbaros, vt de Crocodilis commemoravi, genus quoddam ex nigro & rubeo discolor, domum afferre, interque vxores & liberos proicere, ita securos vt manibus contrectarent. Has immanes anguillas terrestres, frustatim conscindunt apparantque. Inspidæ tamen sunt & perquam exigui saporis.

Diuerfi etiam generis serpentes apud eos gignuntur, & in fluuiis præsertim, vbi olerum instar virides apparent: longi atq; graciles, quorum ictus maxi-

*Iacare Crocodili.*

*Lib. 5. cap. 196. Crocodili portentosa magnitudinis.*

*Touou lacerta.*

*Maxima in America edules lacerta.*

*Edules in America Bufones*

*Americani per magnos serpentes comedunt.*

*Auctoris  
de prodigi-  
osa lacerta  
commem-  
oratio.*

me noxius est, nec non in syluis existunt lacertæ, præter eas, de quibus supra mentionem fecimus valde periculosa, vt ex narratione quam subiiciam patebit. Itaq; quum aliquando duobus Gallis comitantibus iter facerem visenda regionis gratia, neq; vt mos erat, viæ duces Barbaros haberemus, ideoq; oberarem in syluis, vallemq; profundam pedibus metiremur, audito strepitu venientis animalis ad nos cuiusdam, imbellem esse feram opinati, non secus iter inceptum persequentes securo eramus animo. Statim vero ad dextram triginta fere passuum interuallo, in colle lacertum conspicimus: corpore humano crassiore quinum aut senum pedum. Ille in modum Ostrei squamis albicantibus & asperis totus, altero pede anteriori erecto, capite sublimi, collucentibus oculis nos intueri cœpit. Quare attoniti (nemo enim forte nostrum sclopetum tum ferebat, gladiis tantum eramus accincti, arcusque nobis suppetebant & sagittæ, quæ tela illi monstro tam duris armato squamis nocere non admodum poterat, nihilominus veriti, ne si fuga nobis consulere vellemus, celeritate superius nos vnâ conficeret) alter alterum trepide quum intueretur, eodem in loco stetimus. At postquam ille prodigiosus & formidabilis lacertus, ore aperto, & quod æstus magnus esset (sudum enim erat meridiano fere tempore) altè anhelans, vt facile exaudiremus, per quadratam horæ nos esset intuitus, derepente montis verticem petiuit, tanto fragore virgultorum, atq; ramorum, quantum ceruus syluam cursu pererrans vix ederet. Itaq; nos, qui tum valde timebamus de illo insequendo nõ admodum solliciti, Deo liberatori gratias egimus, & institutum iter denuo sumus aggressi. Mihi autem eorum opinionem recolenti, qui affirmant lacertum aspectu hominis delectari, visum est illi monstro tantum placuisse intuitum nostrum, quantum eius angebamur præsentia. Nec

*Jan-ouare  
fera homi-  
nibus in-  
festa.*

non apud eos fera gignitur è præda victum quarès, quam appellant *Jan-ouare*. Ea fere tibiarum altitudine & velocitate canem æquat venaticum, circa mentum vero pilo est promisso, pelle variegata, pulcraque instar lyncis, ac in reliquis vehementer illi similis. Barbari non immerito feram illam valde reformidant. Nam cum prædæ sit assueta, quemadmodum & leo, si quem eorum assequitur, in frustra concisum deuorat. Illi vero vt sunt vindictæ appetentes, nec quid eorum, quæ molesta sunt, inultum esse patiuntur, si quam excauatis ea de causa foueis aliove decipulorum genere intercipient, sagittis confixam pluribus, quod diutius langueat, lente interficiunt: vtq; facilius pateat, quam male fera illa cum Barbaris agat, cum aliquando in quinque aut sex Gallorū de comitatu, hac transferret, monebāt Americani, vt nobis à *Jan-ouare* caueremus, quod illa ipsa hebdomade tres crudeliter mortales in quodam eorum pago absumpsisset.

*Canes primi  
ab Americanis  
conspiciti.*

Addendum vero huic editioni Latinæ existimaui, Americanos ante Villagagnonis expeditionem canes nunquam vidisse: ideoq; cum permagnum ex venaticorum genere canem intuerentur, quem cum aliquot paruulis eò aduexeramus, nobisq; ille applauderet, propterea quod vt antea commemorauimus, ad *Jan-ouare* formam accedit, obstupescerent, ab illoq; fugiebant. Ea de causa etiam Gomara in generali sua Indiarum historia testatur, anno 1509. cum Christophorus Columbus primum ad Insulam *Boriquen* appulit, quæ & S. Ioannis nomine

*Cap. 44.*

nomine

nomine insignitur, huiusce regionis Indos, qui cum Hispanis bellum gerebāt, vehementer canem subrutidum timuisse, qui etiam duorum fere balistarium stipendium merebat: propterea quod nō modo in Barbaros ferociter impetum faciebat, verum etiam socios ab hostibus discernens, quantumvis provocatus minime illis erat molestus, quin etiam Caribas recognoscens (pessima & maxime detestanda illarum omnium regionum natio) fugientes persequeretur in mediam vsque hostium aciem, qui etiam tātū excitatus, nulla quiete fruebatur, quousq; arreptum hostem dilaniasset: pro Hispanis tam dextre præliabatur, ut illo comitati tam alacriter aduersus Indos pugnarent, quam si tres in suo numero habuissent equites. hic tamen canis dum nescio quem Caribam nando persequitur, venenata sagitta ictus opperit, dominumq; tristē admodū reddidit, latantesq; Indos. Sic & Valboa Hispanorū centurio fortissimus, cum primum Australem patefecit Oceanum, emissis quos habebat canibus in Indos, qui aditu illum arcebant, Barbari tanto timore sunt perculsi, ut fuga sibi consulere cogerentur, Valboæque canes tam profuerint, quam milites omnium præstantissimi. Insuper multi reperiuntur in Brasiliensium ora Cercopitheci, paruuli atque nigri, quos illi *Cay* vocant, quibus describendis supersedebō, propterea quod nobis sunt notissimi. Vnum hoc tātū dicam, quum assidue versentur in cacuminibus arborum fructum in siliquis nostratum fabarum instar gestantium, quo aluntur, atque turmatim istic cōueniant, imbribus præsertim cadentibus, iucundum est illos audire clamitantes, & strepitum facientes. Ceterum cum vno tantū partu, vnicum edat fœtum, Cercopithecus simul atq; editus est in lucem, ea naturali præditus est industria, ut à collo patris matrisve firmissime pendeat: itaque si venatores ingruant, parentibus per ramos desiliantibus vna etiam fuga abripitur: quod certe incredibile videri non debet, cū Matthiolus Commentariis in Dioscoridem editis, Plinio atq; Aristotele auctoribus affirmet, tam amantes prolis esse mustelas, ut teneram adhuc ore comprehensam, huc & illuc circumgestent. Quin etiam animantibus est omnibus illud à natura tributum, ut non modo conseruandæ prolis studio teneantur, sed etiam ad id efficiendum sagacitate mira sint prædita. Qua de causa non facile Barbari Cercopithecōs quacunq; sunt ætate, venari possunt: sagittis tamen vulneratos deiiciunt de arboribus, ac deinde sanatos, & aliquantisper domicuratos cum mercibus commutant. Verū initio adeo sunt feri, ut attrectantium digitos dentibus conuulnerent, adeo ut morfi dolore cogantur illos sæpissime ictibus conficere.

Est quoque apud Americanos alterius generis Cercopithecus, quem ipsi *Sagouin* nominant, crassitudine Sciuri, eodemque pilo rufo: quod vero ad formam attinet, rostro, pectore, collo, reliquisque fere partibus leoni persimilis, audax etiam, nulli paruulorum animalium pulchritudine cedit, quæ quidem illic viderim. Et si tam facile mare transmitteretur quam cetera, multo maioris esset pretii. Sed cum tam infirmo sit corpusculo, ut vacillantem nauem ferre non possit, ea etiam est superbia, ut vel minimum offensus, tædio vitæ cum morte commutet. Hic tamen quidam reperiuntur, mihi que fit verisimile eam

Cap. 62.

*Cay Cercopitheci.*  
Cercopithecorum in paruulis e periculo eripiendis, industria.

*Modus capiendorum Cercopithecorum.*

*Sagouin, pulchrum animalculum.*

esse bestiolam, de qua Marotus suum induxit loquentem seruulum, cuidam Zoilo, cui nomen erat Sago: alludens enim Cercopithecii nomen esse, dicit Sagonem. Vt autem fatear ingenue quod res est, quamuis fuerim curiosus, me omnibus animantibus Americanis obseruandis, non ita fuisse diligentem, quam optarem, nihilominus vt semel finem faciam, duo adhuc describā genera, quæ figura sunt prodigiosa vt quæ maxime.

*Hay defor  
me ani-  
mal.*

Vnum quod Barbari *Hay* vocant, magnitudine canis est, facie Cercopithecii, ventre pendulo, quemadmodum Scrofa parturiētis, pilo leucopæato valde diluto, breuissima cauda, pedibus in morem Vrsi villosis, prolixis vnguibus: vt autem dum in siluis agit valde sit ferum, captum nihilominus cicuratur facillime. Nudi autem Tououpinambaultii non libenter cum illo colludunt, propterea quod tum longos habeat vngues, tum acutos. Ceterum (quæ res fortasse videbitur incredibilis) audiui & à Barbaris, & à quibusdam interpretibus, qui diu in America sunt commorati, neminem vnquam vidisse tum in siluis tum domi animal illud cibo frui, vt quidam aura illud viuere opinentur.

*Coaty-  
stro prodi-  
giose lar-  
go.*

Alterum, de quo etiam mihi dicendum est, à Barbaris *Coaty* appellatum, altitudine leporis est, breui pilo & maculoso, auriculis paruulis erectis & acutis, capite cum paruo, tum ab oculis eminente rostro, plus pede vno longo, scipionis instar tereti, subito ad extremum decrescente, ita vt æqualis vbiq; sit crassitudinis, ore ita angusto, vt vix auricularem digitum recipiat. nullum prodigiosius inueniri potest: deinde cū hæc est capta fera, collectis quatuor pedibus, aut in alterutrum vergit latus, aut concidit, neq; vnquam erigi, neq; cogi potest, vt vescatur nisi præbeantur formicæ, vnde etiam in siluis sibi victum parat. Octauo fere die, quo ad Villagagnonem venimus, Barbari eius generis feram ad nos attulerunt, quæ ob nouitatem omnes magna impleuit admiratione. Nam, vt commemoravi, cū si cum nostratibus conferatur sit valde prodigiosa, sæpe à quodam ex nostris familiaribus excellenti pictore summopere cõtendi, vt tum illam, tum plerasque ceteras, non tantum admirabiles, verum etiam nobis incognitas, penicillo repræsentare vellet, quod maximo dolore meo nunquam ab illo impetraui.

C A P. X.

*De varietate Americanarum auium. De vespertilionibus, apibus, muscis, aliisque regionis illius insectis.*

*Oura a-  
ues.  
Arignau-  
ouson seu  
gallina  
Indica.  
Arignau-  
mirigal-  
lina nostra  
etc.*



Hoc etiam caput, quo de auibus agam, ab iis ordiri placuit, quæ victui humano sunt accommodatæ, generalique vocabulo à Tououpinambaultiis *Oura* nominantur: maximam illi habent earum copiam gallinarum, quibus ab India cognomen addimus, easq; *Arignau-ouson* appellant: nec non ab eo tempore, quo Lusitani apud Barbaros agunt, gallinas etiam nostrates alere solent, ipsis *Arignau miri* dictas. Quamuis autem, vt aliàs commemoraui,

moravi, candidas plurimi faciunt, ut plumis auulsis, rubroque infectis exornent se atque vestiant, ab utroque tamen genere plerumque abstinent, quod ad vescendum attinet. Adhæc quum sibi persuadeant oua, quæ *Arignan-ropia* nominant, esse instar veneni, non modo stupecebant, si oua coram illis sorberemus, verum etiam nos increpantes addebant, non ferendum esse, dum pullationem anteuertemus, nos gallinam in ouo comedere. Itaque de suis gallinis æque ferè sunt solliciti, atque de auibus, quæ vitam in siluis agunt. Illas ubique fert impetus ponere patiuntur. At gallinæ vicissim, pullos è dumis & vepribus domum deducunt, ita ut ea molestia careant Americanæ mulieres, quæ nostrates, in pullis Indicis educandis, quibus etiam ouorum præbent vitellos, fatigantur. Ac tanta fit apud eos pullatio, ut iis in pagis, qui minùs sæpe ab extraneis inuisantur, gallina Indica cultello veniat, qui quidem apud nos vix sestertio numero æstimaretur: altero autem duorum obulùm quinque aut sex gallinæ nostrates constent.

*Arignan-ropia ouis.*

*Gallinæ magna copia in America.*

Vna cum gallinis Barbari alunt etiam domi anates Indicas, *Vpec* ipsi nominant. Quoniam vero ea imbuti sunt superstitione *Tououpinambaultii*, fore ut si animali tam tardo vescerentur, eandem tarditatem contraherent, ita ut si hostes imminerent, fuga sibi salutem querere non possent, ut vel tantillum de iis degustent, non facile quisquam persuaserit, eaque de causa sibi temperant ab omnibus eis animantibus, quæ tarde incedunt, piscibus etiam, ut raiis aliisque, qui non celeriter nare possunt. Quod ad illas aues attinet, quæ degunt in siluis magnæ caponum instar, capiuntur illæque trium generum, quæ Barbari *Iacou-tin*, *Iacoupen* & *Iacou-ouassou* appellant. Pluma est omnibus nigra & leucopæa, gustu ad phasianos accedunt, vereque possum affirmare, nihil *Iacous* illis edi vnquam suauius.

*Vpec Anates Indica.*

*Iacous phasianorum genus.*

Præterea duo sunt genera exquisitissimarum auium, quibus nomen est *Mouton*, Pauonum magnitudine, iisdem plumis quibus superiores, raroque admodum inueniuntur.

*Mouton auis rara.*

*Macacoua* & *Ynambou-ouassou*, duo sunt genera perdicum, anserum nostratium magnitudine non absimili, quo *Mouton* gustu. Idem est, fere trium sequentium sapor *Jnambour-miri*, perdicum altitudine: *Pegassou*, palumbi, *Pai-cacu*, turturis.

*Magnarum perdicum genus.*


Vt autem breuiter de auibus, quæ magna copia reperiuntur, tum in siluis, fluminibus, tum etiam in littoribus, finiam, ad eas veniam quæ non ita sunt ad victum accommodatæ. Inter ceteras duo sunt genera eadem magnitudine, ad corui crassitudinem accedentia: quæ ut reliquæ aues Americanæ rostro sunt atque vnguibus incuruis, quemadmodum & psittaci, quorum in numero ceteri possent. Quod vero ad plumam attinet, ut facile est iudicatu, vix crediderim in toto terrarum orbe aues inueniri tam excellenti pulchritudine, in quibus contemplandis abunde non naturam ut profani, sed creatorem laudandi suppetit materia: utque res pateat, prima, cui nomen apud Barbaros est *Arat*, plumis caudæ, atque alarum sesquipede porrectis, partim purpuræ instar rubeis, partim caruleo colore, vehementer splendenti, cui & reliquæ partes corporis

*Arat, auis excellenti pluma.*

respondent. cum in sole agit hæc auis, vbi plurimum versatur, nemo vnquam illius aspectu satiari potest.

*Canide,  
pluma ca-  
rulea.*

Altera *Canide* dicta plumis inferioribus, quæq; collum circumagunt auri colore micantibus, quæ vero dorsum, alas, caudamque vestiunt excellenti caruleo cum textili aureo inferne induta esse videntur, superne autem holoserico pallio eos qui intuentur summa perfundit admiratione. In suis versibus Barbari huius persæpe meminerunt ad numerum cantillantes;



Ca ni de Iou ue, ca ni de Iouue heuraouech.

*Pluma, è  
quibus pi-  
lei, vestes,  
Etc. compo-  
nuntur.*

hoc est, auis flaua, auis flaua, &c. nam *Iouue*, aut *Ioup* apud eos flauum sonat. Quamuis autem domesticæ non sint hæc aues, frequentius tamen in arborum, quæ in mediis vicis sunt, cacuminibus nidificant, quam in siluis, quo fit vt ter quaterve in anno à Barbaris deplumentur, è quibus plumis pileos, vestes, armillas compingunt, clauarum suarum capulos exornant, corpusque suum cohonestant. Huiusmodi ego pennas non paucas mecum in Galliam afferebam, earum præsertim quas flauo & caruleo colore esse dixi, sed vbi Lutetiam veni, aulicus quidam cui videndas exhibui, importunus mihi esse non destitit, donec eas à me extorqueret.

*Aionrous,  
psittaci ma-  
ximi &  
pulcherrimi.* Psittacorum tria aut quatuor genera illic capiuntur; maximos & pulcherrimos, *Aionrous* Barbari nominant. His rubeo, luteo, ac violaceo colore caput est distinctum, extremis alis est coccineus, cauda, quæ est prælonga, lutea: reliquo corpore viridis. Huiusmodi perpauci ad nos adferuntur. Præter plumarum elegantiam eo commendantur nomine, quod edocti, optime humanum imitantur sermonem. Vnum ab interprete quodam accepi, ab ipso iam per tres annos educatum, qui Gallicas & Americanas voces tam genuine pronuntiabat, vt si nõ esset in conspectu, eius vocem ab humana discernere vix quisquam potuisset.

*Psittaci  
mirabilis-  
tia.*

Longe admirabilius erat, mulierem in vico quodam, qui ab Insula nostra *IV.* passuum millia distabat, huius generis vnum educasse, qui non secus ac si ratione præditus esset, ea quæ iubebatur, caperet. Illac quoties nobis iter erat, statim ab auis illius hera audiebamus, vultisne mihi dare pectinem aut speculum, ego iamiam coram vobis psittacum meum iubebo canere & saltare? Si forte postulatis illius annuebamus, psittacus confestim, auditis quibusdam heræ verbis, non modo saltabat in pertica cui insidebat, sed & garriebat, & sibilabat. Barbaros denique in bellum euntes mirabiliter referebat. In summa, si heræ visum erat imperare vt caneret, canebat, saltaret, saltabat: contra, si indonata paulo acerbiori sermone illi suum *Auge*, hoc est, consiste, imperasset, tum ille obmutescerebat, nec vllis verbis efficere poteramus, vt vel linguam vel pedem motitaret. Quare reputandum Lectoribus relinquo, annon Romani qui, Plinio auctore, coruo à quo omnibus matutinis nominatim ad Rostra salutabatur, funus

*Lib. 10. c.  
43.*

funus innumeris exequiis olim celebrarunt, eumq; à quo esset interfectus morte multarunt, si huiusmodi psittacum habuissent, per quam maximi fecissent. Illum Barbara mulier *Cherimbaué*, hoc est, dilectissimum appellabat. Ei sane adeo charus erat, ut quærentibus nobis, quo pretio mercari possemus, illa *Mocaouassou*, hoc est, tormentum æneum maius, per irrisionem respondebat, itaq; nullo pretio ab ea extorqueri à nobis potuit.

Psittacorum alterum genus est eorum, qui in Galliam aduehi solent, quos *Marganas* Barbari appellant, & minimi faciunt. At vero tam sunt illic frequentes quam apud nos columbi, quo fiebat, ut licet carnibus essent paulo durioribus, quod ad perdicis saporem accederent, illis non raro vesceremur.

*Marganas*  
psittaci a-  
pud nos fre-  
quentes.

Tertium genus psittacorum *Touis* Barbari, nauæ vero Neultrii *Moißsons* vocant: sturnorum magnitudine, caudam prælongam croceis pennis distinguuntibus, cetera viridis est. Priusquam autem sermone de psittacis instituto finem imponam, succurrit non nihil à Cosinographo quodam relatum, psittacos nimirum in arborum ramis pendulos nidos construere, ne à serpentibus ova absorbeantur, quod quidem meras esse fabulas existimo, siquidem in arborum cauatarum antris nidos construere eos deprehendi.

*Touis* psit-  
tacorum  
genus mi-  
nimum.

Inter reliquas aues Americanorum, primus locus cuidam *Toucan* nomine dabitur, cuius ante meminimus: Is columbi est magnitudine, colore atro ceu coruus, excepto pectore, quod crocei est coloris, torque miniato ab inferiori parte circumducto, detracto Barbari ad genarum aliarumq; corporis partium ornatum utuntur. Tum vero maxime apud illos est in pretio, quod saltaturi eo utuntur. Nomen inde est sortitum *Toucan-tavouracé*, hoc est, pluma ad saltandum. Nihilominus tamen, tanta illis earum suppetit copia, ut cum mercibus nostratibus permutare eas non grauentur. Auis istius rostrum reliquum corpus longitudine superat, cum quo gruis rostrum minime est comparandum, itaq; pro monstruosissimo totius orbis rostro est habendum: ergo non immerito Bellonius, vnum cum nactus esset, sub finem tertii libri descriptionis auium depingendum curauit: nomen quidem non edit, at ea omnia, quæ ab illo narrantur, de isto rostro necessario sunt intelligenda.

*Toucan* a-  
uis colum-  
bi magni-  
tudine.

*Rostrum*  
auis mon-  
strosum.

Alia est merulæ magnitudine, & colore, excepto pectore quod bubuli sanguinis ruborem adæquat, à Barbaris eodem quo superius detrahitur modo. Auiem vero *Panou* nominant.

*Panou*, cui  
pectus ru-  
brum.

Est & alia turdi magnitudine, plumis omnibus coccineis, hanc illi *Quampian* vocant.

*Quampi-*  
*an*, auis  
coccinea.

Minime vero est prætermittenda auicula non minoris admirationis quam subtilitatis, quam Barbari *Gonambuch* appellat, plumis albicantibus, & fulgentibus, fucum, aut scarabeum magnitudine non superat, miros tamen cantando edit concentus. Milio illi crasso, quem Americani *Auati* nominant, aut aliis altioribus herbis insidens, tam altum edit cantum, ut, nisi conspiciatur, vix credas ab illo corpusculo tantum, tamq; suauem edi posse. Luscinia nostræ minime cedit.

*Gonam-*  
*buch*, auis  
minima.

Ceterum, quia sigillatim Americanas aues omnes, quæ à nostris non mo-

*Americ.  
animum va-  
rietatis.* do genere, sed & coloris varietate, puta rubei, rosei, violacei, albi, leucopæi, purpurei, &c. à nostris non parum differunt, describere non possum, vnam tamen descripturus sum quam adeo obseruant Barbari, vt eam non modo afficere damno nolint, sed afficientes inultos abire non patiantur. Columbi est magnitudine, colore cinericio, lugubri voce, eam *Tououpinambaultii* noctu frequentius quam interdiu exaudiunt, atque ab amicis & cognatis mortuis ad se mitti credunt, tum vt bonum omen renuntiet, tū præcipue vt animos addat, moneatq; vt se aduersus hostes fortiter in bello gerant. Existimant præterea si recte istæ auguria obseruent, futurum vt hostes hac quidem in vita superent, sed & post mortem ad maiores suos animas post montes conuolaturas, vt illic perpetuas agitent choreas.

*Barbarorum deltra-  
tio, qui a-  
uis cæsum  
obseruant.* Contigit mihi semel, vt in pago à Gallis *Vpec* denominato diuerterem, vbi de nocte aues illas non quidem canentes, sed gementes audio. Barbaros attentissimos video. Rei totius gnarus, stultitiam illam increpo. Sed vbi Gallo mihi adstanti arrisi paululum, vetulus quidam seuerè satis me compefcuit his verbis: Tace, ne nos audièdis faustis nuntiis auorum nostrorū intentos auertas. Quoties enim hæc aues audimus, toties & exhilaramur, & vires nostræ augmētum capiunt. Cui nihil respondi, frustra enim cum illo contendissem. In mentem tamen mihi tum veniebat eorum opinio, qui asserūt animas ad suos officii monendos deuolare, Barbarorumq; nostrorum figmentum ea tolerabilius esse iudicabam. Etenim, vt suo dicetur loco, quamuis animas credant immortales, eò tamen dementia nō veniunt, vt è corporibus semel egressas ad patrios lares redire dicant, aues istas earum esse nuntias tantummodo fingunt. Hæc sunt quæ de auibus Americanis dicenda mihi fuere.

*Lib. 2. cap.  
80.* *De vespertilione fa-  
ceta histo-  
ria.* Habent tamen præterea terræ illæ vespertiliones cornicularum nostrarum magnitudine: hi noctu nō raro in casas veniunt, si vero quem detectis pedibus dormientem offendant, summū eius articulum adoriuntur, sanguinemq; exugunt tanta copia, vt duos sextarios nostrates plerumq; antequam perspiciantur ebibant. Experrecti, mane cubile xylinum cruentatum admirantur. Barbari, siue suis siue nostris id contingebat, in ludibria vertebant. Mihi semel istud accidit, præterquam vero quod sannis sum exceptus, accessit & illud quod extremo illo (licet non infestissimus erat dolor) summi articuli læso, triduum in tibialibus induendis non parum laboraui. Cumanenses quoq; qui cis Æquatorrem decem gradibus iacent, grandibus istis & infestis vespertilionibus infestantur. Gener. Indic. histor. Scriptor de his rem & facetam & notatu dignam memoria prodidit. Monachi cuiusdam puer pleuritide laborabat, in Chiribichi monasterio Sancta fides nuncupato, cuius cum vena aperienda reperiri nō potuisset, mortuus vero ipse haberetur, accedit ad eum noctu vespertilio, talumq; momordit, tantamq; copiam sanguinis hausit, apertaq; vena sponte emisit eger, quāta ad valetudinem sufficiebat. Ego vero cum historia illius Scriptoris dico, opportunissimum & faustissimum ægro illi fuisse istum Chirurgum. Itaq; præter eam quam vespertiliones istos afferre dixi molestiam, satis docet exemplum illud postremum, non adeo noxios esse, ac fuerunt olim Græcorum striges. quæ vt inquit Ouid. Fast. 6.

Nocte

Nocte volant puerosque petunt nutricis egentes,  
 Et vitiant cunis corpora raptis suis.  
 Carpere dicuntur lactentia viscera rostris,  
 Et plenum poto sanguine guttur habent.

quam ob causam nomen illud veneficis est attributum.

Apes Americanae à nostris sunt absimiles, ad minores muscas atras, quibus Americanae apes. aestatis tempore infestamur, accedunt, fauosque suos in exesa arboris cauo condunt. Barbari mel ceramque colligere norunt. Mixtim collecta, *Yra yetic* vocant, *yra* enim mel sonat, *yetic* vero ceram. Scorsim positum mel, nostro more comedunt, ceram vero picis nigredinem imitantem, asseruant, massis brachii magnitudine compositis. Non tamen quod faces vel candelas ea conficiant: lucernae enim alius apud eos usus non est praeterquam ligni cuiusdam flammam lucidissimam emittentis. Praecipue vero ea cera vtuntur ad obturandas ingentes illas cannas, quibus plumas suas imponunt, ne à papilionibus exedantur, quos etiam hoc loco describemus.

A Barbaris *Arauers* appellantur, gryllorum magnitudine, gregatim quoque ad focum vt & grylli accedunt, si quid autem offendant, exedunt, praesertim vero thoraces coriaceos & calceos ita corrodunt, vt superficiem penitus absumant. Si vero gallinas aut alia id genus cibaria, negligentius recodebamus, mane à nobis ossa carnibus nudata reperiebantur. Arauers, papilionus.

Barbaros praeterea infestat exiguum insecti genus, quod *Ton* nuncupant. Ton, insecti genus infestissimum. In puluere nascitur, pulicis magnitudine. At vbi sub pedum & manuum vngulis sese insinuauit, prurigo statim oritur, acyri modo, nisi vero confestim euellatur, breui spatio ad pisi magnitudinem accrescit, extrahique nisi magno cruciatu non potest. Non solum autem Barbari, qui nudi toto corpore incedunt, sed & nos quoque quantumuis bene induti, hoc insecto infestabamur. Ego pro mea parte, licet diligentissime mihi ab illis cauebam, ita fui infestatus vt vno die ultra viginti è variis mei corporis partibus sint euulsi.

Nonnullos etiam vidi minus sibi prospicientes, quibus non modo manus & pedes ab illis infestabantur, sed & axillae reliquaeque molliores corporis partes pustulis istorum insectorum erant refertae. Hoc illud esse animalculum credo quod Ind. Occid. hist. Scriptor *Nigua* appellat, quod etiam apud Insulam Lib. 1. cap. 30. Hispaniolam extat. ab eo his describitur verbis: *Nigua* pulicis salientis speciem refert, puluere delectatur, non nisi pedes infestat, quorum cuti sese insinuat, moxque lendes maiori copia gignit, quam sit credibile, habita subtilitatis ratione, haec alias quoque generant, ac nisi mature obuiam eatur, non nisi igne & ferro eiiciuntur: si vero tempestiue extrahas, minimo dolore curantur. Quin & addit, Hispanos quosdam adeo illis fuisse infestatos vt multi articularum, nonnulli vero pedum ministerio caruerint.

Aduersus ea incommoda hoc remedio Barbari vtuntur: Eas partes, quae huic lui sunt obnoxiae, oleo quodam inungunt, spisso, rubri coloris, ex fructibus quos illi *Conroq* nominant expresso. hoc etiam remedio nos Galli utebamur. Addo oleum illud curandis vulneribus aliisque corporis humani incom-

modis, adeo esse accommodatum, vt apud Barbaros non minoris sit pretii atq; est apud nos confectio illa quam Sanctum oleum nuncupant. Chirurgus noster in Galliam remigraturus, 12. ingentia vasa istius olei asportauit, totidemq; seui humani, quod dum suos captiuos torrebant Americani collegerat.

*Yetin culi-  
ca.*

Gignit praterea Americanus aer subtilissimum culicum genus, quod Barbari *Yetin* nominant, adeo lancinat etiam leuius indutos, vt mucrones acum referant. Ex quo facile est colligere quam ridicule Barbari nostri conspiciantur, vbi his culicibus infestantur, manibus enim sua crura, nates, humeros, brachia ita plaudunt, vt aurigam flagellum quatientem referant.

*America-  
ni Scorpio-  
na.*

In puluere quoq; & sub lapidibus latent in America Scorpiones, ijs qui in Prouincia conspiciuntur longe minores, non tamen, vt experientia edoctus sum, ictu minus venenato & mortifero. Hoc insectum munditie delectatur. Cubile meum mundari curabam, mundatum denuo appenderam, more solito, Scorpio in ruga quadam delituerat, qui mihi quidem incauto dum cubile ingredior sinistrae manus pollicem perculit: manus mirum in modum e vestigio intumuit, ita vt venenum fuerit corpus totum inuasurum, nisi mihi praesto

*Remediū  
aduersus  
Scorpionū  
ictus.*

fuisset pharmacopola, ad quem confestim me recepi: Is mortuos Scorpiones cum oleo in phiala asseruabat, quorum vnum vulneri applicuit. Illud remedium etsi praesentissimum ab omnibus habetur, tanta fuit tamen vis veneni, vt per 24. horarum spatium summo dolore laborauerim. Barbari quoq; eodem vtuntur remedio, scorpiones nimirum, si eos assequi possint, vulneri attritos applicant. Praterea, prout alicubi a nobis dictum est, eos esse vindictae cupidissimos, immo pene dixerim in noxia quaeq; furentes, ita vt si imprudentes in lapide impingunt, rabidorum canum more eos mordeant, in animantia quaeuis sibi noxia sedulo inquirent, eaq; quantum possunt penitus extirpent.

*Barbari  
vindicta  
cupidissi-  
mi.  
Terrestres  
cancris.*

Habet quoque Americana regio Cancros terrestres, eos *Oussa* nominant *Tououpinambaulty*, turmatim locustarum more ad maris littus, & palustria loca conueniunt, si quis ad ea loca accedat, hac illac fugientes videat: In truncos arborum radicesq; sese recipiunt, e quibus extrahi tuto non possunt, digitos quippe & manus capientium forcipibus comprimunt: marinis longe sunt maioribus, quoniam autē iuniperinas redolent radices, palato minime sunt grati.

## CAP. XI.

*De nonnullis piscibus apud Americanos maxime vulgaribus,  
deque eorum piscatu.*



Eidem saepius repetere cogar, a quo abstinere quoad eius fieri potest cupio: lectorem tum ad capita 3. 4. 5. & 6. historia huius tum ad loca alia in quibus de Balænis, marinis monstris, piscibus volantibus, aliaq; complurium generum egimus, remitto. Eos vero hoc capite describam, qui maxime apud Brasilienses nostros sunt vulgares, de quibus nulla est haecenus facta mentio.

Ac



mis quoque durissimis, adeo vt (quod de *Tatou* iam ante dixi) gladio transfuerari nequeat. carne est probatissima, & saporis gratissimi.

*Pana-pana, piscis capite deformi.*

Alterum *Pana-pana* vocant, mediocris longitudinis, cuius hæc est forma, pelle est instar *Requienis* aspera, corpore & cauda illius non absimili, capite plano, atq; admodum deformi, quod ab aqua elatum, in duas diuidit partes, ita vt caput piscis deformius & monstrosius conspici minime possit.

*Viri, mulieres, pueri, peritissime natant.*

De Barbarorum piscatu quod attinet, in primis ad ea quæ dixi de nullis quos sagittis transfigunt (quod etiam de reliquis quoque piscibus est intelligendum, quos petere in aquis possunt) notandum est, non modo viros & mulieres, sed etiam puerulos natandi peritissimos esse. illi prædam natando more barbarulorum canum in mediis petunt aquis; hi simulac ambulare didicerunt, in flumina marisque littus se coniiciunt, atque anatum more huc illuc oberrant. Cuius rei ad fidem faciendam exemplum paucis commemorabo. Die quadam *Dominica* mane, in quodam castelli nostri propugnaculo expatiabamur, lintremque corticeam (quæ etiam suo loco à nobis describetur) qua, vltra trigintatum virorum & mulierum cum puerorum capita ad nos inuisendos vehebantur, in medio mari euersum. Confestim nauigium conscendentes opem laturi ad eos properamus, omnes ad vnum natantes & ridentes comperimus. Quidam vero eorum his nos compellauit verbis: quonam ita festinantes tenditis vos *Mair*? (quo nomine Gallos appellant) Ad vos (dicebamus) opem laturi. Magnam, inquit, habemus gratiam: Atqui existimatisne nos quamuis in mare delapsos, in discrimen vitæ adductos fuisse? Octo dies potius hoc modo in aquis versaremur, quam vt mergeremur. magis vero metuemus, ne magni quidam pisces in fundum nos pertrahant. Ceteri vero qui instar piscium placidissime natabant, audita ob quam ad eos accessissemus causa, fannis nos exceperunt, præque risu nimio eos suum marinorum more stantes videbamus. Ac sane, licet 500. passibus à castello nostro aberamus, perpauci eorum (idque potius garrandi causa, quam vllius periculi metu) nauigium conscenderunt. Ego obseruabam eos nonnunquam nobis præire, ad libitum modo tarde, modo celerius natantes, quotiesque visum esset ad aquæ summum quiescere. Lintrem vero cum quibusdam xylinis lectis, cibariis, nonnullisque aliis, quæ ad nos aduehebant, submersum tantundem curabant, quâ tum sollicitudinis afferret nobis pomi vnus iactura. Dicebant enim, An non sunt alia in terra?

*Barbari narratio de pisce manib. & vultu humanam formam referentibus.*

Priusquam vero ab hoc de piscatu sermone digrediar, historiam à Barbaro acceptam prætermittere nolo. Cùm, inquit, die quadam vna cum nonnullis aliis in summa maris malacia lintre quadam veherer, ingens quidam piscis manu nauigij oram apprehendit, meoque iudicio aut euertere aut conscendere volebat: Id ego conspiciatus falce quam præ manibus habebam, manum illam abscidi, quæ in lintrem decidit, digitos vero nostris persimiles quinque habebat, præterea præ dolore, quo piscis ille fuit affectus, exerto supra aquam capite, ad humanum accedente, aliquantulum concrepuit. Ego lectori dispiciendum relinquo, vtrum (iuxta vulgi opinionem, qua fertur mare in se singula animalium genera habere, quæ in terra conspiciuntur, præsertim vero habita eorum ratione,

ne,

ne, quæ de Tritonibus & Sirenibus à nonnullis sunt scripta) Sireni an vero potius simiæ marinæ manus illa fuerit amputata: tamen (non quod præiudicium iis quæ in hanc rem afferri possunt allatum velim) ingenue fateor me, qui menses nouem in alto mari versatus sum, quiq; nō raro circa littora nauigans ober-raui, piscem vllum, in tanta tot generum copia, quæ à nobis sunt capta, nō conspexisse, qui adeo ad humanam accederet formam.

Atque vt tandem sermoni de Americanorum piscatu finem imponam, præter eum, de quo diximus, modū quo pisces sagittis transfigunt, prisco etiam suo more, spinas in hamorum modum componūt, lineamque herba quadam, quam illi *Toucon* vocant, conficiunt, quibus non modo in littore piscantur: sed etiam in medium mare, fluminaque progrediuntur, ratibus vecti, quas illi *Piperis* vocant, quasque hoc modo componunt: longuios quinque aut sex rotūdos brachii crassitudine, vinculis ligneis colligant, quibus, exporrectis cruribus, ac tibiis insidentes, fuste plano pro remo vtentes, quocumque fert animus errāt: attamen rates istæ vlnæ longitudinem non superant, latitudine pedes duos, quo fit vt neque procellarum fluctus ferant, neque plures vno homine capiant. Nostri itaque Barbari tranquillo mari singuli illis insidentes, ac solis radiis oppositi, simias optime referunt, seu potius ranas, eminūs conspecti. Attamen, quia hæ rates celeriter admodum componuntur, & mergi nunquam possunt, si apud nos in vsu essent, commodissimas fore autumnō tranandis tum fluminibus leniter fluentibus, tum stagnis & paludibus, quibus tranandis cū vrget necessitas, frequenter non parū laboratur.

Ad hæc, Barbari nostri non modo mire delectabantur retium nostrorum, quibus piscabamur, conspectu, sed & ipsi nos adiuuabant, atq; adeo si per nos licebat, perite ipsi piscabantur. Hæc illi sua lingua *Puissa-ouassou* nuncupant. Præterea Gallos eo præcipue laudant nomine, præter alia non pauca commoda, quæ ex mercibus eorum percipiunt, quod cū antea spinas ad piscandum lineis aptare necesse esset, eorū beneficio iam copia illis sit vnculorum illorū ferreorum, quos adeo ad piscandum accommodatos esse prædicant. Ac sane pueruli, (vt ante dictum est) ab aduenis hamos flagitare probe sunt edocti, his verbis: *De agatorem, amabé pinda*, hoc est, tu bonus es, da mihi hamos. *Agatorem* enim eorum lingua bonum sonat, *amabé*, da mihi, *pinda* verò hamum. Si vero repulsam patiantur, capite conuerso in hæc verba statim erumpūt, *De engaipa-aiouca*, hoc est, tu es nequam, es occidendus.

Itaque si quis gratiam inire à parentibus & à liberis cupit, nihil illis est de negandum. Grati quidem sunt, præcipue vero senes, tum cū minūs de eo cogitaueris, muneris accepti memores, aliquid dare solent. Hoc ergo obseruatum est à me, homines hilares, alacres, & liberales, summo apud illos esse loco: contra vero tristes, morolos, taciturnos, auaros, eosque qui sibi solis vi-

uunt, vsque adeo detestantur, vt auctor sim istius farinae

hominibus, ne Barbaros nostros  
adeant.

Bb

*Spina, quibus probamur  
Barbari.*

*Toucon,  
herba.  
Piperis  
ratibus earum-  
que vsus.*

*Puissa-ouassou,  
retia.*

*Hamos  
maxime  
probat  
Barbari.*

*Barbari  
liberalib. ho-  
minib. de-  
lectantur,  
morolos ve-  
ro detestantur.*

## CAP. XII.

De Arboribus, herbis, radicibus, exquisitissimisque fructibus,  
qui in Americano proueniunt solo.



VANDO QUIDEM in superioribus de quadrupedibus, de auibus, piscibus, reptilibus, denique de omnibus Americanis animantibus, à nobis actum est, cōsentaneum videtur, vt priusquam ad religionem, bellum, politeian, aliosque Barbarorum mores accedamus, nonnihil de soli illius arboribus, herbis, plantis, fructibus, radicibus, omnibus denique iis quæ vegetante anima sunt prædita, agamus.

Primo autem, quia Brasilia arbor est totius soli illius celebratissima (à qua etiam nomen est sortita regio illa) præcipue ob fucum quem ex ea conficiunt infectores nostri, eam hoc loco describam. Hæc itaque arbor Barbaris Arabon-  
tan, Brasilia arbor, eiusq; forma. Cap. 61. 85 & 204. Arborum mira crassitudinis.

boutan nuncupatur, quercum nostram proceritate & ramorum copia adæquat. Quædam reperiuntur, quarum crassitudo trium hominum vlnas complectentium implet. Scriptor Hist. Occid. Ind. prodidit duas in illis regionibus visas esse arbores, quarum priorem vix octo hominum vlnæ, alteram vix sedecim amplecterentur: atq; in priore, quæ tanta erat altitudine, vt lapidis iactum superaret, Cacicus quidam casulam cum cōstruxisset, Ciconiæ modo, Hispanis risum commouebat. Alteram admiratione dignissimam asserit. Idem quoq; narrat in Nicaragua Prouincia arborem prouenire, nomine Ceyba, cuius crassitudo quindecim hominum complectentium vlnas impleat. Sed vt ad Brasiliam nostram reuertamur, foliis est buxeis persimilibus. Fructum vero non fert.

Qua vero ratione materia illa in naues importari soleat, hoc loco describere visum est. In primis vero sciendum est, nisi ab incolis iuuantur mercatores, intra annum vix nauem ea materie onerare posse, tum ob duritiem, ac proinde in secando difficultatem, tum vero præcipue, quod iumentis omnibus caret illa regio, ac proinde humeris humanis sit comportanda. Barbari igitur, vestibus, induisiis, pileis, cultellis, aliisq; mercibus conducti, non modo materiam illam securibus & cuneis secant & findunt, & rotundant, sed etiam humeris nudis impositam in naues comportant, nonnunquam vero locis impeditissimis, tribus aut quatuor passuum millibus à silua ad litus intercedentibus. Nominatim vero dico Barbaros, ex quo Galli & Lusitani ad eos accessere, suas Brasilias arbores secare: earum enim excindendarum (quantum à senioribus accepi) ante illud tempus, ratio alia non erat, nisi quod igne admoto eas deturbabant. Præterea quoniam nonnullos scio existimare, materiam illam quæ ad nos aduehitur arborum crassitudinem obtinere, de industria addidi Barbaros eam rotundare, quo facilius comportari ab ipsis possit.

Ad hæc obseruatum est à me, tantisper dum in America vixi, caminoque luculento ligni istius beneficio vsus sum, minime humidum hoc ligni genus esse, quod plerisq; aliis lignorum generibus vsuueni immo quasi natura siccum esse,

Iumentis caret Americana regio.

Barbari materiam secant, & in naues important.

Priscum arbores excindendi modum apud Barbaros.

Brasiliæ lignum fere usum.

esse, accensum vero perparum fumi parere. Sycomorus vero contra (vt ait Matthiolus) præ ceteris lignorum generibus hoc habet peculiare, vt etiam si excisa sit, humiditatem retineat, ac nisi in aquam demersa, non exsiccetur. Aliud insuper commemorabo, quidam è nostris industria nostra mundare cupiebat, cines Brasiliæ ligni imprudens in lixiuum imposuerat, adeo tenaciter rubeo infecta sunt colore, vt quantumuis abluta illum nunquam mutarint, atq; eo colore infecta fuerunt nobis induenda. Si vero delicati illi, qui suas rugas dealbandas in Belgium mittunt, minùs fidem his adhibeant, per me licet illis non modo periculum facere, sed etiam si volent, ingentes illas tuas rugas viridi inficere colore.

*Brasiliæ ligni cines industria rubro colore inficiunt.*

Ceterum quia non mediocriter mirantur *Tououpinambaultij* nostri quum vident Gallos, aliosq; aduenas è procul remotis terris venientes, tantum laboris sumere vt Arabo- vtano suo (id est Brasilio seu coccineo ligno) naues onustas reuehant. Itaque maior natus quidam ex Barbaris hunc in modum me super ea re aliquando interrogauit: quid sibi vult, inquit, quod vos *Mair & Peros* (id est Galli & Lusitani) tam procul petitum ligna veniatis? Nullane vobis ligna ad focum tellus vestra suppeditat? Tum ego, Suppeditat vero, inquam, & quidem magna copia: sed nõ ex eo genere arborum quales vestrae sunt: Brasilium in primis, quod hinc nostri non ad vrendum, vt tu existimas, sed ad tingendum exportant: sicuti & vos funiculos vestros bombycinos, pennas, aliaq; rerum inficitis. Hic ille protinus excipiens: Verum tantane eius ligni copia vobis opus est? Enimuero inquam: quum enim (vt hominis animum admiratione suspenderem) apud nos vel vnus mercator plures coccineos pannos, plures cultellos, & forfices (nota ipsi & familiaria exempla subijciens) plura specula possidet, quam quanta huc ad vos vnquam allata sunt: solus ille omne Brasilium coemet, quo plures hinc naues onustae redeunt. Ah (inquit Barbarus) mira mihi narras! Mox eorum quæ audiuerat memor, percontari vltra perrexit: At, inquit, vir ille adeo locuples, quem tu refers, non moritur? Moritur (inquam) vt & alii homines. Ibi tum ille (vt isti Barbari commentari amant, & cœptum sermonem nullis interruptum diuerticulis ad finem vsq; haud absurde pertexunt) querere ex me: Ergo, inquit, eorum quæ iste moriens bona reliquit, quis hæres est? Liberi eius, inquam, si habet: si non habet, fratres, sorores, aut proximi eius agnati.

*Barbari cuiusdam cum auctore colloquium.*

Quum hæc dixissem, Equidem (inquit meus ille haud sane ineptus senex) facile hinc animaduerto vos *Mair* (id est Gallos) esse insigniter fatuos. Nam quid trajciendo mari tantopere vos fatigari necesse est, in quo superando (sicuti nobis quidem huc appulsi dicitis) tantum malorum exhauritis? Nempe vt liberis vestris aut superstitionibus cognatis opes quærat? Tellus quæ vos aluit, nõ illis quoque alendis sufficere? Nos quidem, & liberos, & propinquos habemus, eosq; vt tu vides, summa caritate amplectimur: sed quum confidamus fore vt post mortem nostram terra quæ nos aluit, eadem & illos quoq; enutriat, in eo acquiescimus.

*Sententia eximia a Barbaro prolata.*

Et certe in hanc sententiam, præclare Socrates olim cuidam vehementi

studio suadenti, vt se liberis etiamnum paruulis seruaret incolumem, Liberi, inquit, Deo, qui mihi eos dedit, curæ erunt. Agesilaus vero, Lacedæmoniorum rex, amicos admonebat, ne tam pecuniis quam fortitudine, ac virtute studeret ditescere: quod frustra paret opes, qui veris animi bonis vacat. Quæ sententiæ ab Ethnicis profectæ admirationem non paruam merentur. Prior enim conuenit cū eo quod scriptum est: Ero Deus tuus, & seminis tui post te. Altera vero respondet dicto illi Christi, Operemini nō cibo qui perit, sed cibo illi qui permanet in vitam æternam, quam Filius hominis dabit vobis.

Ioan. 6. 27

Haectenus paucis, sed fideliter narrationem ab Americani Barbari ore acceptam recitavi. Quamobrem, gens illa quæ adeo Barbara à nobis habetur, nō modo lepide eos irridet, qui magno suo periculo Brasilio ligno querendo, ex quo quæstum faciunt, mare traiciunt: sed etiam quantumuis obcæcata (quandoquidem natura & soli fertilitati plus quā nos Dei potentia & prouidentia tribuit) aliquando cum raptoribus in iudicio surget, qui Christianum nomē præ se ferunt, quorum tam est Europa ferax, quam Brasilia immunis, quoad incolas attinet. Quare, prout à me dictum est, immortale odium aduersus auaros à *Tououpinambaultiis* geri, vtinam auari omnes, qui cūm satiari nusquam possint, continuo pauperum medullam & sanguinem exugunt, in illa terra essent relegati, vt ab iis iam furiis aut Dæmonibus exagitarentur. Necesse mihi fuit magno nostro pudore in Barbarorū gratiam, qui adeo res mundanas contemnūt, digredi. Addere autem non incommode, meo quidem iudicio, possum rem ab

Cap. 108.

Ind. Occid. hist. scriptore memoriæ proditam, de quadā Barbara gente Peruana, quæ cū primū Hispanos versantes in suis locis sunt cōspicati, tum quod barbati essent, tum vero præcipue quod luxui indulgerent, verebantur ne ab illis ipsi corrumperentur, aut auiti mores immutarentur, eos abeuntes increpabant, his nominibus, Spuma maris, sine patribus homines, inquieti, quiq; nullibi consistere possunt ad laborandum, quo victum sibi parent.

In erroneis Barbarorum accusatio.

Palmarū in America 4. aut 5 genera.

Sed vt arborum Americanarū descriptionē persequare, Palmarum quatuor aut quinque genera illic reperiuntur: inter quæ frequentissima numeratur ea, quæ illi *Geran*, alia quoque quam *Yri* nominant: at tamen quemadmodum fructus nulli à me sunt cōspecti, credo etiam nullos edi. *Yri* quidem fructum rotundum producit instar spineorum prunorum ad effigiem racemi amplioris, tanti ponderis, vt ægre vna manu subleuetur, sed nucleus tantum cerasci crassitudine, est edulis. Præterea in culmine harum palmarum est turio quidā albus, qui à nobis vescendi gratia abscindebatur: Philippus vero, qui hæmorrhoidibus laborabat, asseuerabat illi morbo remedium esse, cuius rei fides penes medicos esto.

Turio in capite palmarum edulis.

*Ayri*, hebeni species spinosa.

Alia quoque est arbor, à Barbaris *Ayri* appellata, quæ licet foliis palmæ sit persimilis, caudice spinis circumquaque armata, acuum mucronum specie & aculeo. Fructus mediocri crassitudine, cuius in medio nucleus est niuali albedine, qui tamē edulis non est, quā hebeni genus esse credo: præterquam enim quod colore est nigro tantaque duritie, vt Barbaris clavis suis & sagittis partim conficiendis (quas fufius cū de bellis eorum agetur describam) sit in vsu, læuigatum est quoque ac lucidissimum, adeo denique graue, vt in aquam deiectum ad imum statim feratur.

Complu-

Compluria quoque lignorum multiplicis coloris in America reperiuntur genera, quorum nomina sigillatim edere non possum. Nonnulla vidi, buxi colorem imitantia, alia violacea, è quibus frustula quædam in Galliam aduexam, alba vt charta, rubra, diuersi à Brasilio generis, è quibus etiam clauas suas Barbari conficiunt: vnum quoque quod illi *Copau* nominant, cuius arbor nuci Juglandi est persimilis, nucibus tamen caret, materia quoque affabre facta eadem cum nuce maculas habet. Denique nonnulla reperiuntur, quorum folia sunt capitati numi crassitudine: alia, quorum etiam folia sunt latitudine sesquipedali, atque adeo complurium generum, quæ omnia sigillatim recensere longum esset.

*Ligna varii coloris.*

*Copau, arbor nuci persimilis. Arborum folia crassissima, alia quoque amplissima.*

*Lignu rasi odoris.*

*Aon-ai, lignum terribis odoris.*

*Complures Americanae arbores fructus ferunt venenatos.*

Ad hæc arbor in illis nascitur terris pulchritudinis eximia, atque etiam (quod est maximum) adeo suauis odoris, vt dum à fabris vel scinderetur, vel expoliretur, frustula à nobis collecta vel fragrantissimam rosam referrent. Contra alia illic adolescit quam Barbari *Aon-ai* nominant, alii terribis odore, quem dum secatur, aut vritur nemo est qui ferat: foliis est à pomis nostris non ab similibus: fructus vero eius (qui proxime ad echinum forma accedit) præsertim vero nucleus adeo est venenatus, vt comedenti veneni præsentissimi effectum referat. Nihilominus tamen Barbari nostri, quod ex eo crepitacula sua componunt, fructum illum plurimi faciunt. Hic quoque animaduertendum est, Brasiliam (vt mox dicemus) poma complurium generum optima ferentem, abundare etiam arboribus, quæ pulcherrimos quidem fructus edunt, ad vescendum tamen inutilis. In littore præsertim multæ sunt arbusculæ, quarum poma mespilis nostratibus valde similia, periculose comeduntur. Idcirco Barbari cum Gallos, ceterosque aduenas ad poma illa colligenda accedentes conspiciantur, suo idiomate *Ypochi* crebro vsurpantes, vt ab eis abstineant, admonent.

*Hiuouraé*, cui cortex est semidigitali crassitudine, sapore gratus, præsertim recens ab arbore extractus, genus est Guaiaci, quantum accepi à duobus Pharmacopolis, qui mare nobiscum transmiserant: eaque Barbari vtuntur ad morbum, quem *Pians* appellant, qui, vt postea dicam, æque apud eos perniciosus est, atque apud nos lues Venerea.

*Hiuouraie guaiaci species.*

Arbor *Choyne* Barbaris appellata, mediocri altitudine, foliis, forma & viriditate lauri, pomis, magnitudine capitis infantis, ad figuram ouorum Struthiocameli accedentibus, quæ quidem non sunt edulia. Ex his *Tououpinambaultij* ob duritiem corticis integra quædam in longitudinem, latitudinemque perforantes, quibus *Maraca* conficiunt (de quo iam ante mentio facta est, fietque in sequentibus:) illa etiam ad calices, aliaque vascula excauant, dimittantque.

*Choyne arbor, excuius fructus Barbari sunt Maraca conficiunt.*

Inter arbores quoque Brasilienses numeratur *Sabaucæ*, pugnis ambobus pomo ampliore, formamque calicis imitante: in cuius imo exigui quidam nucleus amygdalini similes comperiuntur, eundem quoque fere cum amygdalis saporem referunt. Ceterum cum pomi istius putamen vasis conficiendis sit aptissimum, arbitror illud esse quod vulgo nucum Indicarum nomine appellamus, aut certe ex illarum genere. Matthiolus enim suis in Dioscoridem com-

*Sabaucæ arbor, cuius fructus vasis conficiendis est accommodatus.*



redeuntes Musam appellant, & Musas similiter fructus: quamque optime eo loco depinxit: cuius descriptionem, quia non parum ad nostrum *Paco-aire* accedit, hoc loco adscribere placet. Musa igitur, inquit ille, adolescit ad quinum, senumve cubitorum proceritatem, è stolonibus alterius sata: folio est arundineo, quod tamen perquam longo, latoque ambitu se diffundit, adeo ut in longum trium cubitorum mensuram quandoque excedat, in latum vero sesquicubitum spatietur, lata, crassaque per medium excurrente costa. Torrescunt folia æstate sui natura, vel etiam fortasse solis ardore, adeo ut mense Septembri eorum costa prorsus nudæ cernantur, decidente foliorum materia, quod admodum sit tenuis. Caulis squaroso foliorum cortice vestitur, palmæ, vel arundinis modo. Ramos habet nullos, sed caudice tantum consistit. E vertice germen emergit materie molli, longitudine fere cubitali, à quo alia ab origine ad summum prodeunt germina, ternum quaternumve digitorum inuicem distantia: è quibus circumveniunt fructus, parui cucumeris magnitudine, qui per maturitatem quadantenus flavescent, cortice fici, qui eodem modo digitis detrahitur. Substantia pulpæ consistit melopeponum modo, nullo intus ossè, neque semine. Primum gustantibus fructus insipiditatem quandam præ se ferre videntur, adeo ut primo statim gustu non placeant, verum qui esui assuescunt, iis indies magis delectantur: quippe qui quadam occulta saporis suavitate allecti, quæ nõ nisi tractu temporis cum palato in gratiam, nunquam saturi videantur. Ita Musam (inquit Matthiolus) mihi describere qui ex Ægypto, & Cypro ad nos reuertitur. Sed quamnam antiquis Musa fuerit planta, quid referam non habeo. Fusiùs hoc ille persequitur, allato Theophrasti, & Serapionis testimonio, ut videre cuius licet. Alibi quidem de ficu Indica (puta Occidentali) agit, cuius pictura quam eo loco exhibet, indicat arborem esse monstruosissimæ formæ: ac veritus ne Lecto-  
*Musa, arbor, eiusque descriptio.*  
*Tuna Americana.*  
 rariæ dium afferam ( præsertim cum minus ad *Paco-aire* nostri formam accedat) intermissam repetam historiam meam seriem: si qui vero plura nosse cupiant, eos ad 145. Commentariorum illorum libri 1. caput remitto.

Quod igitur attinet ad xyliferos frutices, quæ in mediocrem proceritatem assurgunt, in Brasilia magno reperiuntur numero: flores instar campanularum lutearum citrullinorum fere similes emittunt: vbi vero efformatum est pomum, non modo ad fageam glandem proxime accedit, sed etiam maturum in quatuor diuiditur partes, quæ per floccos pilæ magnitudine xylum emittunt, quod Barbari *Ameni-ion* nuncupant. In floccorum illorum medio reperiuntur grana quædam nigra compacta, atque admodum compressa ad renis humani formam, cuius compacturæ magnitudo fabam non superat. Porro Barbaræ feminæ xylillius colligendi, & nendi ignaræ non sunt, eo siquidem cubilia sua conficiunt ad eum, qui à nobis dicitur, modum.

Præterea quamuis olim (quantum accepi) in America nullæ cresceret aurei ac citrei mali arborea, hodie tamen cum Lusitani multas maritimis oris quas accolunt conseruerint, non modo indies propagantur, sed etiam poma ferunt aurea (quæ à Barbaris *Margon-ia* appellatur) prædulcia, & amborum pugnorum crassitudine, citrea quoque & ampliora, & maiora numero.

*Xylifera arborea.*  
*Ameni-ion, Xylon.*  
*Aurea & citrea mala magna in America copia crescunt.*

*Saccari cā  
nam Ame  
rica nasci-  
tur.*

Saccari quoque cannæ optime in illis terris crescunt, & maxima copia: at-  
tamen cum nos Galli, & hominibus, & machinis ad eliciendum faccarum ido-  
neis nondum essemus instructi (vt sunt Lusitani in iis quæ occupant apud Bar-  
baros locis) in aqua cannas illas, vt saccari saporem induerēt, madefaciebamus:  
prout ante est à nobis dictum cap. 8. vbi de Barbarorum potu egimus: alii suc-  
cum & medullam earum exsugebant. Hoc porro loco rem multis fortasse ad-  
mirandam narrabo, cannas huiusmodi nonnunquam mucescere sinebamus,  
& in aqua madefaciebamus, quæ contra saccari qualitatem, quam dulcissimam  
esse nemo ignorat, adeo acida fiebat, vt aceti nobis esset loco.

*Acetum  
e cannis  
saccari.*

*Arundines,  
quib. Bar-  
bari sagi-  
tas suas ar-  
mant.*

Similiter in siluis non raro arundines nascuntur crassitudine cruris huma-  
ni: sed quemadmodum supra dixi de *Paco aire*, adeo sunt teneræ, vt singulæ  
earum vno ictu gladii secentur adhuc stantes, aridæ vero tanta duritie, vt fissis  
illis, & in modum chirurgicorum scalprorum efformatis sagittas suas ita armēt  
Barbari, vt vno iactu feras humi fundant. Sed quando de cannis & arundinibus  
incidit sermo, Calcondilus hist. De bello Turc. scribit, in India Orientali arun-  
dines reperiri tantæ magnitudinis ac crassitudinis, vt nauigii vicem præstent,  
non modo tranandis fluminibus, sed etiam singulæ quadraginta tritici me-  
dimnos capiant, medimno sex modios Græcos continente.

*Lib. 3. c. 14.*

Ad hæc Matthiolus suis in Dioscoridem commentariis ait, arundinē, quæ  
magna copia in Italia nascitur, palis vitium apta, ad decem cubitorum altitudi-  
nem exurgere, lanceæ crassitudine, & pari firmitudine.

*Mastiche.*

Mastiche etiam in hac nostra America in dumetis nascitur, quæ vna cum  
aliis prope infinitis herbis & floribus odoratis, terram suauissimo odore per-  
fundit.

*America-  
na regio a  
nuc. gelu  
& gradine  
immunis.*

*Arbores  
assidue vi-  
rentes in  
America.*

Quamuis autem ea quam incolebamus regio, quæ nimirum Capricorni  
tropico subest, à tonitruis horridis (quæ Barbari *Toupan* vocant) imbribus vehe-  
mentioribus, ventisq; rapidissimis non sit immunis, tamen quia nusquam in ea  
gelu, nix, nec grando conspicitur, ac proinde suis nunquam spoliantur arbores  
frondibus, vtpote quæ frigore non infestentur, per totum annum eo vigēt mo-  
do, quo mensē Maio solent apud nos siluæ. Præterea quando huc vsque sum  
progressus, iuuat commemorare, cum mensē Decembri non modo breuissimi  
sint dies apud nos, sed etiam frigore rigentes manus perstemus, glaciesque naso  
dependeat, tum temporis Americanos diebus longissimis vti, tantoq; aestu tor-  
reri, vt ego sociiq; ad 25. Decembris fluuiis illum ardorem solari cogeremur. Ve-  
runtamen, quod spheræ non ignaris facile est intelligere, cum dies sub tropicis  
nusquam tam longi, neque rursus tam breues atq; in nostro climate exorian-  
tur, multo sunt æquabiliores, multoq; clementiore cælo vtuntur incolæ. Hæc  
mihi dicenda fuere de arboribus Americanis.

*Calidum sub  
tropicis cle-  
mentissi-  
mum.*

*Planta fo-  
liis, Ana-  
nat.*

Plantarum, herbarumq; facturum mentionem, ab iis exordiar, quas tū fru-  
ctibus, tum effectis aliis antecellere existimo: ac primū quidem planta, quæ fru-  
ctum *Ananas* edit, forma iri similis, foliis incuruatis, in ambitu diuisis, ad aloem  
accedētibus, eiusdem cū carduo maiore formæ, pomū vero melonis mediocri  
est crassitudine, nucisq; pineæ forma, in nullam reclinatam partem ad cineræ  
nostræ modum crescit. Ceterum

Ceterum *Ananas* illa, cum ad iustam peruenerunt maturitatem, colore sunt aureo cæruleum imitante, odorem 1 dei rubi fructus edit, adeo ut à nobis in siluis aliisque locis, ubi nascuntur, errantibus, ex odore facile deprehenderentur: sapore adeo dulci, ut à nullis salgamis nostris superentur. Itaque optimum esse totius Americae fructum existimo. Ipse unum aliquando compressi, ex quo cyathum succi elicui, qui maluatico vino nihil cedere mihi videbatur: feminae vero Americanae canistros iis plenos, quos *Panacous* nuncupant, una cum *Pacos* illis, de quibus paulo ante mentionem feci, aliisque fructibus ad nos afferebant, quos singulos singulis pectinibus, aut speculis mercabamur.

*Ananas optimus totius Americae fructus.*

Inter ea quae in America nascuntur simplicia, unum est quod *Tououpinambaultij* nostri *Petum* nominant: eodem cum lapatho maiori nostro modo cre- scit, altitudine nonnihil superat, foliis ab eo non absimilibus, quae tamen pro- prius ad Consolidam maiorem accedunt. Haec herba ob insignem, qua est praed- dita, vim, magno apud Barbaros est in pretio. Hoc autem modo ea utuntur:

*Petum ad- miranda vires.*

Collectam manipulatim in casis appendunt, & exsiccant, dein quatuor aut quinque folia alio ampliori folio inuoluta accendunt, orique accensa admouent, fumumque attrahunt, quo, licet naribus, labiisque perforatis exeat, adeo susten- tantur, ut si ad bellum proficiscantur, aut alia urgeat necessitas, eo per triduum, aut quattriduum alantur. Benzo quoque Noui Orb. hist. ait Indos Peruanos peregre profecturos, herbam (quam Coca ipsi appellant) ore clausam, veluti panchrestum quoddam pharmacum, circumferre: quippe eius praesidio freti integrum diem nullius nec cibi, nec potus egentes iter faciunt. Matthiolus quoque post Theophrastum scribit, Scythas glycyrrhiza contentos, absque alio a- limentorum praesidio decem, duodecimque dies degere: quae *Petum* Barbaro- rum nostrorum non male respondent. Ea quoque in alium utuntur usum: nam quod est cerebro humores superfluos eliciat, vix vllum ex Barbaris offendas, è cu- ius collo fasciculus istius herbae non pendeat, cuius fumum continuo absorbet, etiam cum familiaribus colloquentes: fumus vero (ut ante dictum est) per na- res, labiaque pertusa exhalat, velut à turibulo: odor vero ille minime est grauis. Benzoni itaque interpretis magno errore credidit, hanc eam esse herbam, quam Mexicani *Tabacco*, Hispaniolae vero insulae incolae *Cozobba* nominant, cuius odorem acutum, & tetrum, atque adeo Diabolicum esse Benzo affirmat. Mu- lieres hac herba utentes nunquam animaduerti: cuius quidem rei causam igno- ro: assero autem fumum illum (quem expertus sum) famem non mediocriter depellere.

*Fumus Pe- tum quomo- do a Bar- baris ab- sorbeat.*  
*Lib. 7. ca- pit. 20.*

*Fumus Pe- tum cere- brum pur- gat.*

*Lib. 1. ca- pit. 26.*

Ceterum *Nicotiana*, seu Reginae herba, licet apud nos *Petum* nominetur, tamen ea non est de qua iam ago: quin imò duae istae plantae, neque in viribus vlllo conuenire modo, Villae Rusticae scriptor Gallicus lib. 2. c. 79. asserit, *Nicotianam*, quae à Nicoto, qui primus eam è Lusitania in Galliam trās- tulit, è Florida allatam esse, quae 200000. passuum millibus ab America distat. tota enim torrida Zona inter utramque est interiecta. Praeterea diligenter in plerisque hortis, quorum domini veram *Petum* gloriabantur, perquisiui, nec ta- men haecenus in Gallia nostra reperi. Ne autem Theuetus (qui non ita pri-

*Nicotia- na verum non est Pe- tum.*

dem Angolismensem suam herbam adeo celebrauit, vt veram esse Petum affirmet) credat à me quod scripsit ignorari, de ea idem quod de Nicotiana iudico: siquidem effigies quam in sua Cosmographia depingendam curauit, plantam referat. Itaque à me illi non conceditur quod sibi assumit, se primum omnium veræ *Petum* semen in Galliam attulisse. Quin credo ob cæli inclemenciam ægre apud nos adulescere posse.

*Caion-a  
brassica.*

Brassicarum quoq; illic vidi genus, à Barbaris *Caion-a* nominatum, quibus nonnunquam ius condiunt, foliis est latitudine & forma ad *Nenufar* accedentibus.

*Hetich, ra  
dices opti-  
ma & ma-  
gna copia.*

Quantum vero ad radices attinet, præter *Maniot* & *Aypi*, ex quibus, vt dixi cap. 8. Barbaræ mulieres farinam suam conficiunt, alias etiam habent, quas *Hetich* appellant: quarum non modo æque ferax est Brasiliense solum, atq; Lemouicense, & Sabaudicum est raparum, sed etiam radices ipsæ sunt crassitudine amborum pignorum, longitudine sesquipedales plus minus. Licet autem primo aspectu à terra auulsi vnus generis esse videantur, quia tamen inter coquendum alia violaceum ceu pastinacæ, alia aureum ceu cotonea mala, alia deniq;

*Mira mul-  
tiplicanda  
vñ Hetich  
radicū ra-  
tio.*

album colorem induunt, trium esse generum autumo. Vt vt sit, vere possum affirmare has radices præsertim, quæ aureo sunt colore, in cineribus coctas piris nostris, vel optimis bonitate non cedere. Earum folia, quæ hederæ terrestri more humi serpunt, foliis cucumerum, aut latissimorum spinaciorum simillima, colore tamen differunt, propius ad vitem albam accedente. Ceterum quia semine carent, Barbaræ mulieres, quibus est curæ radicum istarum propagatio, minimo negotio (rem in agricultura inauditam) eas serunt minutatim: siquidem concisas instar pastinacarum, quibus in acetariis vtimur, serunt: quæ frutula non multo post totidem gignunt crassas radices *Hetich*, quot in terram fuerunt iniecta. Tamen quia cibarium est terræ illius præcipuum, passimque peregrinantibus occurrunt, eas etiam sponte nasci existimo.

*Manobi,  
auellanarum  
nucium  
genus sub  
terra nascentium.*

Barbaris quoque fructuum genus est, quod illi *Manobi* vocant, qui sub terra nascuntur more tuberum, tenuibusq; filamentis inter se deuinciuntur, nucleum auellanæ amplitudine & sapore habent: colore tamen leucopæo, putamine pisi siliqua non firmiore. An vero folia, semenq; proferat hic fructus, quamuis sæpius eo vesci mihi contigerit, non tamen adeo est à me obseruatum, vt à memoria repetere possim.

Matthiolus quarundam auellanarum Indicarum meminit, quæ à Serapione, inquit, *Faufel* nominantur, nuci myristicæ persimilium, in quodam inuolucro crescunt *Bombycis* non absimili, quæ frequenter inter alia aromata ex India aduehuntur.

*Piper Indi-  
cum cor-  
num.*

Præterea illic quoque magna est copia Indici piperis, non oblongi (sicut magno errore meo à Neustriis nautis accepto, superioribus editionibus scripseram) sed cornuti, à quibusdam (inquit Matthiolus, à quo etiam est optime depictum) *Siliquastrum* appellati, quod sit gustui acerrimum: foliis, vt idem ait, hortensi Solano similibus, paulo tamen amplioribus, caule cubiti magnitudine, viridi colore, albicante & geniculato: floribus albicantibus, fructu lógo corniculorum

rum

rum instar, qui primo exortu virefcatur, maturus vero adeo ruffefcat, ac læuore quodam ita pelluceat, vt corallum referat, & in quo concludatur pumilum semen lentium modo compressum, vsque adeo acre, præsertim antequam sit exsiccatum, vt si quis manu attrectet, eamque postea ori, aliue corporis parti admoveat, pustulæ statim exsurgant, quod & ipse experimento didici. Quo fit, vt mercatores nostrates ad tincturam tantum eo vtantur. Barbari vero nostri cum sale, quem conficere optime norunt, aqua in fossis ad id referuata, piper illud conterunt: compositionem illam *Ionquet* appellant, qua eo modo, quo nos sale in cibis vtuntur, non tamen quod *Ionquet* buccellæ, antequam in os ingerant, applicent: buccellam enim ante, post vero *Ionquet* summis digitis apprehensum, vt cibo saporem addat, ori imponunt.

*Ionquet,*  
*sal Barba-*  
*rorum.*

Denique crefcit quoque in illis terris fabæ genus, pollicis crassitudine, à Barbaris *Commenda-ouassou* appellata: pisâ quoque alba, & leucopæa, quæ *Com-manda-Miri* nuncupant, citrullæ quoque rotundæ, nomine *Maurongaus*, suauissimi cibi.

*Comenda-*  
*ouassou. fa-*  
*be ample.*  
*Comanda-*  
*miri, pisâ*  
*minora.*

Hæc sunt non quidem, quæ in vniuersum de arboribus, herbis, & fructibus Americanis dici possunt, sed quæ à me sunt obseruata per annum, quo illic vixi.

*Mauron-*  
*gaur, ci-*  
*trulle.*

Denique sicut est à nobis dictum, apud Americanos, quadrupedes, nullas aues, pisces, nulla denique animantia per omnia Europæis nostris respondere: ita nunc assero, quantum per siluas & agros errando experiri mihi datum est, nullas esse arbores, aut herbas, nullos denique fructus, qui à nostris non sint dissimiles, his tribus exceptis plantis, portulaca, ocymo, & filice, quæ in quibusdam locis nascuntur. Quapropter quotiescunque noui illius Orbis imago ob oculos obuersatur, ærisque temperiem, animantium multitudinem, auium varietatem, arborum & plantarum elegantiam, fructuum denique bonitatem animo recolo, toties Prophetæ ista Psal. 104. exclamatio mihi in mentem venit:

*Arbores,*  
*herba fru-*  
*ctusque o-*  
*mnes Ame-*  
*ricani a no-*  
*stris, exce-*  
*ptis tribus,*  
*differunt.*

*O que vis fuit illa, que potestas,*  
*Que prudentia multiplex, creandis*  
*Tot rebus, simul, & simul regendis!*  
*Nam quacunque patet globosa tellus,*  
*Vis quoque imperij tui patefcit.*

Ergo beatos terræ illius incolas prædico, si verum istorum omnium Conditorem agnoscerent. Atqui ad res describendas me accingo, quæ plus æquo, quam sint ab eo alieni, demonstrant.

## CAP. XIII.

*De bello, prælijs, fortitudine, & armis Barbarorum.*

*America  
amplitu-  
do.*



*America-  
nis qua  
causa belli.*

*Barbari in  
gratiam  
e inimicis  
reduci  
non possunt.*

*Brasilienses  
senioribus  
obsequium  
praestant.*

*Seniorum  
Americo-  
ratio.*

VANQVAM *Tououpinambaultij* *Toupinenquin* nostri bellum immortale gerunt aduersus varias finitimas gentes, pro more reliquorum omnium Barbarorum, quartam illam Orbis partem incolentium, quæ à Magellanico freto ( quod ad 50. grad. vltra Antarcticum Polum iacet, vsque ad terras Nouas, quarum situs est ad 60. grad. citra eundem Polum ) latitudine citra quadragies centena passuum millia occupat: proximi tamen & infensissimi eorum hostes ii sunt, qui *Margaiates* appellantur, quiq; eorum sunt focii Lusitani, quos *Peros* appellant. Sicut etiam *Margaiates*, nō modo *Tououpinambaultiis*, sed etiam Gallis eorum sociis sunt capitales hostes. Non tamen quod Barbari isti de finibus propagandis bello certent ( plures enim agros quam opus sit occupant ) aut de diuitiis ex spoliis, redemptionibus, armisq; deuictorum paradisi, cogitent. Hæc, inquam, eos minime mouent. Prout enim fatentur omnes, non alio permouentur affectu, quam vt parentum, amicorumq; iam olim captorum, & ab hostibus eo qui à nobis dicitur modo, deuoratorū, mortē quam seuerissime vlciscantur. Cui studio tam pertinaciter adhærent, vt quisquis eorū in hostium manus inciderit, eandem pœnam necessario expectet, nimirum fore vt mactetur, deinde deuoretur. Præterea, vbi primum inter quosdam ex istis populis bellum est indictum, in eo consentientibus omnibus, hostem, cui illata sit iniuria in perpetuum de ea vlciscenda cogitaturum, ac proinde ignauia tribuendum esse, si in suam redactum potestatem impune dimittant: eorum inimicitia adeo sunt inueterata, vt in gratiam inter se reduci nunquam possint. Merito itaq; dicemus Machiauellū, eiusq; discipulos ( quibus hodie magno suo malo scætet Gallia ) Barbaras istorum actiones imitari. Cum enim *Abes* isti contra doctrinam Christianam & docēt, & ad praxim reuocant, recenti gratia veteres iniurias non esse abolēdas, hoc est, homines Dæmonum similes alios alios parcere nunquam debere, annon satis declarant animos suos tygribus esse ferocios?

Ratio autem, qua *Tououpinambaultii* nostri ad bellum profecturi conueniunt, hæc est, quantum obseruare mihi licuit. Etsi Reges aut principes inter se nullos habent, sed pares sunt ferme dignitate, tamen hoc illis à natura inditum est ( quod etiam à Lacedæmoniis exactissime olim est obseruatum ) vt seniores, quos *Peoreru picheh* nominant, propter rerum experientiam suspiciant & obseruent: in singulis itaque pagis non aspernandum illis præstatur obsequium. Oblata hi occasione, vel inambulantes, aut lectis suis pensilibus xylinis insidentes, ceteros his aut similibus hortantur verbis:

Ergone (inquiunt alternatim loquētes, sermone minime interrupto) maiores nostri, qui tot hostes non modo debellarunt, sed etiam deuicerunt, & mactarunt, & deuorarunt, exemplo nobis fuere, vt perpetuo domi delitescamus?

Gen.

Gentem nostram, quæ tanto olim ceteris omnibus fuit terrori, ut eius cõspectum ferre minime potuerint, magno nostro cum dedecore, tãto affici probro patiemur, ut in laribus ipsis nostris ab hostibus bello petamur? Nostrane ignavia commitemus, ut *Margaiates & Peros-engaipa* (hoc est, illæ gentes nequam) primi in nos impetũ faciant? Tum orator ille, manibus humeros, & nates plaudens, cum exclamatione hæc addit verba: *Erima, Erima, Tououpinambaults, Conomiouassou Tan, Tan, &c.* hoc est, nequaquam populares mei, adolescentes fortissimi, ita nobis est agendum: quin potius ad certamen nos instruamus, mortique & maectationi nos deuoueamus, aut nostros vlciscamur.

His ergo seniorum orationibus, quæ aliquando in sex horas producuntur, auditores, qui attentissime audiunt, adeo ut ne syllaba quidem illis excidat, & animo & viribus aucti, in singulis pagis se inuicem compellantes, ad præfixum locum quam celerrime possunt magno numero conueniant. Verũ antequam *Tououpinambaultios* nostros ad prælium deducamus, quibus sint armis instructi dicendum est.

Ac primũ quidem *Tacapes*, hoc est, clauas, aut enses rubro, aliàs nigro ligno fabricatos habent: longitudine vulgo sunt quinque aut sex pedum, extrema parte orbiculatæ, aut ouali figura, latitudine pedali, crassitudine digiti pollicis in media sui parte, oræ vero commodissime exacuata, siquidem ex grauissimo ligno, quale est buxum, sunt confectæ, securis acutissima aciei perparum cedunt. Adeo ut facile credam vnicum *Tououpinambaultium* istiusmodi claua armatum, ac furore percitum, multum negotii duobus gladiatoribus nostratibus exhibere posse.

Arcus insuper habent, quos *Orapats* nominant, ex eodem ligni genere, rubro nimirum & atro fabricatos: ii longitudine & crassitudine nostros adeo superant, ut eos nec lentare, nec adducere vllus nostrũ possit: quin potius imo totis viribus puerorum decem annorum arcubus curuandis opus esse. Pro neruis ea est illis herba, quam *Tocon* vocant, quæ licet admodum sit exilis, tanta tamen est firmitudine, ut equi vires ferat. Sagittæ sunt vlnali longitudine: tribus iuncturis perficiuntur: media pars ex arundine, reliquæ vero duæ è ligno sunt nigro: segmina porro illa adeo concinne quibusdam arborum corticibus colligantur, ut firmitus agglutinari nequeant. Plumulas duas illis applicant pedali longitudine, quas filo xylino, quod gluten apud eos non fit in usu, constringunt: ossa præacuta mucronibus aptant: aliquando arundinis sicca frustulum palmi longitudine in modum scalpri dolatum: nonnunquam raia piscis caudæ extremum, quæ, ut alibi dixi, maxime est venenata. Ex quo vero Galli & Lusitani in eas regiones comitant, recepto eorum more Barbari sagittas ferreis spiculis, aut saltem clauis acutioribus firmare assueuerunt.

Iam dictum est quæ sit illorum in versandis clauis illis suis dexteritas: ad arcus vero quod attinet, confido fore ut ii omnes, à quibus sunt conspecti Barbari, confirmet eos nudis brachiis tanta celeritate, tamq; certo ictu iaculari, ut (quod bona Anglorum pace, qui tamen peritissimi sagittarii habentur, dictum sit) sagittis suis manui qua arcũ tenent impositis, duodecim ab illis citius quam ab Anglis sex fuerint emissa.

*Tacape, genus claua lignea.*

*Orapat, arcus.*

*Tocon, herba arcibus neruorum loco. Sagittarũ longitudo.*

*Americani sagittarii peritissimi.*

*Parmaco-  
riacea.*

Postremo parmas habent ex tergo *Tapi-rousson*, cuius iam ante meminī, latas, planas, & rotundas ad modū fundi tympani Germanici. His inter præliandum non obteguntur ad eum, quo solent milites nostri, modum, sed iis dimicando sagittas hostium excipiunt. Hæc vero sunt vniuersa Americanorum arma: neque enim aliis armaturis corpus suum obtegunt: quin contra (exceptis plumaceis pileis, armillis, breuibuscq; aliis indumentis quibus corpus suum, vt ante dictum est, exornant) si vel indusio essent induti ad prælium profecturi, confestim illud exuerent, veriti ne illo intricarentur.

*Ferros en-  
ses Barbari  
parui fa-  
ciunt.*

Vt autem sermoni de armis Barbarorum finem imponam, illi si quando à nobis enses ferreos accipiebant, sicut *Moussacat* cuidam ex meis vnum dono dedi, statim vaginas procul abiciebant: idem quoq; acceptis cultris factitabāt, eorum fulgore delectabantur, aut ad abscindendos arborum ramos vtiliores, quam ad pugnam censebant: ac sane, vt à me dictum est, optime suis versandis eos esse exercitatos, commodius illis vtuntur.

Ceterum tormenta aliquot minimi pretii eò deuexeram: hæc Barbari terni singula displodebant, vnus manibus impositum ad destinatum intentabat, alter collimabat, tertius ignem admouebat. Tamen quia cannam ad os vsq; complebant, nisi carbo contusus pulueri tormentario à nobis fuisset admixtus, magno eorum periculo tormentum fuisset disruptum. Ad hæc nolo prætermittere, Barbaros, cum primū tormentorum maiorum, & minorum strepitum audirent, quodammodo territos fuisse, præsertim cum nonnullos ex nostris auem ab arbore deicientes videbant, feramve humi sternentes plumbea glande, quam ipsi non cernebant, tamen arte cognita, hæc reformidare desierunt: dicebant enim se celerius sagittas sex iaculari posse, quam quis tormentum semel aptaret. Si quis autem obijciat tormentum longe altius penetrare: Respondeo, nec thoraces bubalinos, nec hamis confertos sagittæ à Barbaris emissæ impetum ferre, quin ea æque ac glande tormentularia traiciantur. Veruntamen quia commodiori loco hæc à nobis dici poterunt, cum ad Barbarorum prælia ventum erit, ne confuse agam, iam Barbarorum copias ad præliandum educo.

*Seniores  
Barbari  
agminis  
duci.*

*Barbari si-  
ne ordine,  
inconfuse  
tamen in-  
cedunt.*

*Inubia, cor-  
nua ingen-  
tia.*

*Fistula ex  
ossibus hu-  
manis.*

Ea qua dictum est ratione coactis, ad octo aut decem capitum millia, mulieribus non paucis, non ad præliandum quidem, sed ad impedimenta, & com meatus comportandos, in castra conuenientibus, ex senioribus ij, qui hostes maximo numero interfecerunt, & deuorarunt, copiis præficiuntur: quibus ducibus itineri se accingunt. Quamuis autem incedant nullo ordine, tamen cum iter faciunt cōglobati, fortissimis primam aciem occupantibus, mirū est quam commode vniuersa illa multitudo, sine tribuno & mensore se recipiat, ita vt signo dato celerrime in aciem conueniat.

Ceterum nonnulli sunt, qui cornibus, quæ ipsi *Inubia* vocant, sesquiulnæ longitudine, & crassitudine hastæ nostratis ab inferiori parte palmi latitudine, instar buccinæ milites cient, tum patria excedentes, tum etiā castra mouentes. Nonnulli etiam fistulas ex ossibus hostium, olim mactatorū & deuoratorum, gerunt, quibus assidue in itinere canūt, vt sociorum animos excitent, studium-  
que

que hostes consimiliter maectandi, augeant. Si vero, quod frequenter cōtingit, nauigio expeditionē in hostes facere placeat, littora legunt, nec alto mari se cōmittunt. In suis vero se linterib. disponūt. eos *Ygat* nominant, singuli cōstant ex singularū arborum cortice detracto in hūc vsū destinato, tantā tamē amplitudinis, vt singuli quinquagena capiant hominū capita. Itaq; stantes pro more suo nauigiū agunt remo vtrinq; plano, quem medium cōprehendunt. Hi porro lintres cū plani sint, minimo negotio aguntur. Eorū tamen in alto mari, vel oborta tempestate vsus est nullus. Sed in summa malacia Barbaris nostris ad militiam proficiscentibus, classē sexaginta huiusmodi linteribus constantem conspicias. Hi tam celeri æquor percurrunt motu, vt mox oculos fugiant. Atq; hi sunt exercitus *Toupinenquin* terra, mariq;

*Ygat, linter corticeus.*

Hoc instructi modo quinquaginta nonnūquam passuum millia in hostium fines progrediuntur. Primoq; hoc vtuntur stratagemate fortissimi quique, ceteros cum mulieribus, & impedimentis post se relinquunt itinere vnus, aut duorum dierum: summo cum silentio accedunt, silualque occupant insidias hostibus struentes, quibus adeo sunt intenti, vt non raro per 24. horas illic delitescant. Hostes vero, si ex improviso fuerint adorti, quotquot viri, feminae, ac pueri occurrunt, non modo deducuntur, sed etiam maectantur ab hostibus in patriam reducibus, frustatimque *Boucan* imponuntur, ac tandem deuorantur. Atque eo facilius incautos opprimunt, quod pagi (nam vrbes nullae sunt illis) mœnibus non cinguntur, calarumque (quae tamen 80. aut 100. passus in longitudinem protenduntur) fores nullae sunt, earum vero loco palmarum ramos, aut herbae *Pindo* caulem ad ianuas suas apponunt. Quosdam tamen pagos, qui hostibus sunt contermini, iam palis ex palmis longitudine 6. pedum munire & circumuallere didicerunt, praeterea stipitibus ligneis praecutis muricum loco aditus muniunt: itaque si hostes noctu aggredi pagos illos voluerint, quod illis est familiare, pagani tum in eos tuta via irrumpunt, quo fit vt siue pugnam, siue fugam capessant, nusquam euadant, quin aliqui pedum vulneratorum dolore prosternantur, qui confestim ab paganis torrentur, & eduntur.

*Primum Barbarorum stratagemata.*

Si vero aperto Marte pugnare contendunt, copiis vtrinque eductis, vix credibile est quam atrox, quamq; horrendum sit praecelium: cuius ipse spectator fui, ac proinde merito de eo referre possum. Ego cum Gallo altero, paulo curiosius, magno nostro periculo (si enim à *Margaiatibus* capti aut laesi fuissetem, deuorationi fuissetem deuoti) Barbaros nostros in militiam eūtes comitari volui. Hi numero 4000. capita cum hostibus ad littus decertarunt, tanta ferocitate, vt vel rabidos & furiosos quosq; superarent.

*Tououpinambaultij*, cū primū hostes conspexere, in tantos, tamque editos vlulatus perruperunt, vt qui lupos hīc venantur, cum illis vlulatibus comparandos minime edant: clamor vero aērem adeo feriebat, vt tonitru vix exaudiri tū potuisset. Accedentes vero propiūs clamores ingeminabant, cornibusque concrepabāt, fistulis deniq; canebant, minas alii in alios intentabant, ossaq; mortuorum hostium ostentabant: dentes item, quorum nōnulli filo traiectos ultra vlnas duas collo appensos gerebant: denique gestibus horrorem spectan-

*Ad praecelium venientium Barbarorum vlulatus.*

*Offiū maectatorum ostentatio.*

tibus incutiebant. Ad manus autem vbi ventum est, longe in peius res ruere: tanta enim sagittarum nubes est vtrinque emissa, vt muscas volantes multitudi-



*Barbari  
ferocissi-  
mi.*

ne imitarentur. Saucii vero non pauci strenue tela à corpore auellebant, quæ rabidorum more canum mordebant, nec tamen propterea prælio abstinebāt. Hæc enim gens adeo fera est, & truculenta, vt tantisper dum virium vel tantillum restat, continuo dimicent, fugamque nunquam capebant. Quod à natura illis inditum esse reor. Etenim à Nobili quodam accepi viro Gallo, qui militiam colit, bellorum ciuilium nostrorum tempore, in legionibus Gallicis Americanos milites duos fuisse, qui strenue & fortiter se gerebant: quapropter à Centurionibus plurimi fiebant. Quod tamen in eam accipi partem nolim, quasi affirmarem nullos in illis reperiri posse, qui ignauiam Asianorum, molliem Europæorum aut Afrorum imitarentur: assidua enim exercitatio militem strenuum facit. Vtut sit, vbi manus cum hostibus *Tououpinambantij* conferre cœperunt, clavis illis suis vtrinque acerrime ferierunt, adeo vt obuium quemque non

non modo humi sternerent ( non secus ac lanii boues ) sed etiam penitus mactarent.

Vtrum generosis infideant equis an non , à me non quaeritur : Lectorem enim memorem esse credo eorum, quae superius à me dicta sunt , equis aliisque iumentis Barbaros penitus carere, ac proinde pedites omnes incedere. Ego vero, qui alias saepe equum mihi optaram, quem Barbaris conspiciendum praebere, tum sane optimum cui infiderem , praesentique me periculo liberarem, votis omnibus exoptabam : quippe mihi fit verisimile, Barbaros, si cataphractum militem nostratem equo generoso insidentem , ignemque hinc è tormentulo erumpentem, illinc vero equum resilientem conspicerent, *Aignan*, hoc est, cacodæmonem adesse credituros. Tamen à quodam memoriae est proditum, magnum illum Attabalipam Peruensium Regem, quamuis equum antè conspexisset nullum, tanta fuisse animi magnitudine, ut Pisarro ( qui cum ut sese ostentaret, tum ut Indos Attabalipam stipantes perterrefaceret, còtinuo equum suum glomerato gressu solo insultantem agitabat ) propius ad Regem accedente, spumaq; ab equi ore in regis vultum deficiente, minime tamè commotum fuisse, quin morte plecti eos imperasse, qui equi horrore stupefacti terga vertissent. Quae res (inquit historiographus) Barbaris fuit terrori, nostris vero admirationi.

Iam vero, ut narrationis seriem repetam, si quis quaerat quid tu, comesq; tuus tantisper dum praeliū comittebatur, annò vna cum Barbaris dimicabatis? Ingenuè fateor nos, qui adeo imprudenter Barbaros essemus comitati, imprudentiam illam altera cumulare noluisse; sed paulum à conflictu remotos, spectaculo illo contentos fuisse. Testor interea me, qui nò semel rum equitum tum peditum copias ingentes in aciem instructas, hìc conspexi, tanta nūquam voluptate videndis peditum legionibus armis fulgentibus, quanta tū pugnantibus istis *Tououpinambaultiis* perfusum fuisse. Praeterquam enim quod sibilantes, saltantes, & celeriter admodum & dextre sese in orbem glomerantes, iucundissime spectabantur, accedebat insuper telorum nubes densissima, quorū pennae rubrae, caeruleae, virides, roseae, aliorumq; id genus colorum, soli obiectae radiabant, vestes item, pilei, armillae, ceteraq; ex plumis compacta ornamenta, quae mirum in modum spectantium oculos fulgore feriebat.

Hoc praelio trium horarum spatio confecto, multis vtrinque caesis & faucibus, *Tououpinambaultiis* nostri victoriam reportarunt, captiuosq; cum viros tum feminas plus minus triginta ad suos deduxerunt. Nos vero qui officium aliud praestiteramus nullum, nisi quod strictis gladiis, tormentulisque, ut Barbaris animos adderemus, nonnunquā displosis praeliantes spectaueramus ( quod maxime gratum sit illis, si cum ipsis ad bellum proficiscantur hospites ) tantam de nobis concitauimus opinionem, ut ab eo tempore seniores peculiari nos beneuolentia & amore sint complexi.

Captiuus itaque in medio agmine collocatis, nonnullisque ex robustioribus funibus vinctis, ad Ganabarae sinum tendimus, à quo passus circiter XXIV. M. aberamus. Vndique vero ex foederatis permulti saltantes, tripudiantes, &

D d

*Barbari equos si videret quid de illis sentirent.*  
*Hist. Gen. Ind. lib. 4. cap. 113.*

*Corpora telorum, Barbarorum plurimorum ornata.*

*Captiuus vinctus. Barbarorum ob victoriam reportatam planissimus.*

es ruere:  
multitudi-



bant, quae  
bstinebāt.  
vel tantil-  
od à natura  
i militiam  
Americā-  
r à Centu-  
, quasi af-  
litiem Eu-  
em strenu-  
erre caepe-  
quemque  
non

plaudentes nobis gratulatum obuiam veniebant. Denique cum ad locum insulae nostrae oppositum peruenimus, ego comesque meus scapham conscendimus, ad castellumque nostrum reuertimur. Barbari vero in continente pagos suos singuli repetiere. Paucis post diebus Barbari quidam ex iis, qui captiuos apud se habebant, ad castellum nostrum accessere, quos per interpretes rogamus, ut mancipia aliquot Villagagnoni vendant. Sic captiuorum pars magna ex Barbarorum faucibus est erepta: agre tamen, & inuitis Barbaris. Quod mihi non multo post est apertissime indicatum. Mulierem quandam cum puerulo suo vix dum bimulo emebam, pretium erant merces quaedam, quarum aestimatio ad tres libellas Francicas accedebat, venditor autem meus ita conquerebatur: Quid in posterum futurum sit nescio, ex quo autem *Paycolas* (sic Villagagnonem nominabant) huc appulit, vix dimidiam captiuorum nostrorum partem comedimus. Puerulum illum mihi referuare vehementer cupiebam, sed Villagagno, restitutis mercibus meis, & matrem & filium vendicauit. Matri nunquam dicebam fore, ut cum mare transmitterem, puerulum huc transporterem. Illa vero (adeo vindictae reposcendae animis gentis illius haeret cupido) respondebat, malle se, ut à *Tououpinambaultiis* voraretur, quam ut in tam remotas terras deportaretur: sperare se, ut grandior factus ad populares suos quoquo modo elapsus se reciperet, ac cognatorum suorum mortem vlcisceretur. Nihilominus tamen (ut ante est à me dictum) è quadraginta aut quinquaginta mancipiis, quibus ad castelli nostri munitionem utebamur, decem pueros selegimus, quos nauibus impositos ad Henricum secundum tum Galliarum regem misimus.

*Captiui a  
Gallis ere-  
pti.*

## CAP. XIII:

*Captiuos suos quo tractent modo Barbari, quibusque ceremoniis in iisdem  
maetandis & edendis utantur: quibus per occasionem imma-  
nissima crudelitatis alia exempla adiecta  
sunt.*

*Captiui  
quomodo  
excipiatur  
ab hostib.*



*Ad capti-  
ui maeta-  
tionem con-  
uentur.*

UNC superest ut dicamus, quonam modo captiui à victoribus excipiantur. Vbi primum in victorum fines sunt deducti, non modo exquisitissimis aluntur cibis, sed etiam vxores viris dantur (non autem viri feminis) immo non dubitabit is, qui captiuum apud se habet, filiam suam aut sororem in vxorem illi dare, quae viro diligentissime ministrabit. Ceterum cum maetationis tempus non sit praefixum, sed modo citius, modo tardiùs expediuntur, prout fuerint utiles, viri quidem aucupio, venationi, & piscatui: feminae vero hortis colendis, aut ostreis colligendis: omnes tandem suum more saginatos maetant, vorantque his ritibus.

Primum finitimis omnibus res denuntiatur, tum virorum, feminarum, puerorum fit concursus ad locum, vbi est futura maetatio. Ibi matutinum tempus potando

potando transigunt. Inter quos captiuus ille, quem non latet eam in se cudi fabam, plumis ornatus, non modo mortem non horret; quinimo saltando, bibendo, ridendo reliquos superat. At postquam per sex aut septem horas vna cū ceteris perbacchatus fuerit, duo tresve ex robustissimis eum arreptum funibus xylinis, aut ex arboris illius cortice (quam *Yuire* vocant, quæq; tiliæ est perfimilis) medium, minime renuentem, quamuis vtroque sit brachio soluto, cōstringunt, perque pagum quasi in triumphum deducunt. At vero, num putas propterea eum caput demittere, vt solēt hīc fontes? minime vero id quidem. Quin contra incredibili audacia res suas gestas apud eos, à quibus constrictus detinetur enumerat, his verbis: Ego, ego ipse fortissimus, sic vestros olim cognatos vixi, tum se laudibus magis ac magis euehens, modo in hanc, modo in illam conuersus partem, alium quidem ita compellat: Heus tu, patrem tuum ego vorauī, alium vero; ô bone, fratres tuos mactaui & *Boucanaui*: tot deniq; viros, feminas, puerulosq;, ex vobis *Tououpinambaultiis* bello à me captos deuorauī, vt numerum assequi non possim. Ceterum ne ignorete; populares meos *Margaiates* tot in posterum mactaturos esse, quot è vobis intercipere poterunt: atque ita mortem vlciscantur meam.

*Captiuus  
vincitū per  
victū cir-  
cūducitur.*

Tandem, postquam omnium oculis satis superq; fuit expositus, duo illi lictores, à quibus constrictus tenetur, circiter tres vlnas ab eo recedūt, funem tamen pari longitudine firmissime vterq; contrahit; adeo vt captiuus gradū præcise sistere cogatur, progredi autem aut regredi minime possit. Vincito lapides aut testæ confractæ adferuntur. Tum lictores parmis ex tergo *Tapirousson* (cuius ante memini) sese obtegunt, captiuumq; his compellant verbis: Mortem tuam ante obitum vlciscere: Ille confestim lapides in eos summo impetu contorquet, qui se circumstant, quorum numerus plerumq; ad quatuor millia accedit. Ex his minime est quærendum quam multi vulnerentur. Equidem in vico quodam, quem *Sarigoy* appellant, vidi captiuum eiusmodi tanto impetu lapide mulieris crus pertigisse, vt confractum illud esse crederem. Porro lapidibus, ac cespitibus, quos potuit colligere, absumptis, prodit is qui mactationi se accingit, quiq; per totum diem latuerat, clauam ligneam plumis decoram manibus gerens, pileo quoq; ac ceteris ornamentis plumeis ornatus: atque ad captiuum accedit, eumq; his compellat verbis: Annon ex *Margaiatum* es gente nobis infensissima? Annon tu ipse ex nostris amicis & cognatis complures mactasti, ac deuorasti? Cui captiuus, animo quam antea longe præsentiore, sua sic respondet lingua (*Margaiates* enim à *Tououpinambaultiis* sermone non sunt diffoni) *Pa, che tan tan aiouca atoupaue*, hoc est, vtiq; sum fortissimus, atq; ex vestris quam plurimos mactaui & deuorauī.

*Captiuus  
præcise re-  
vincitū,  
mortē im-  
minentem  
vlciscitur.*

Deinde, quo magis hostes suos vrat, vtraque manu capiti imposita, in hæc erumpit verba: O quam strenue in eo me gessi! O quam gnauiter vestros bello lacessiui, cepiq;, quos pene innumeros vorauī! aliaq; id genus multa subiungit. Mactator vero addit, Idcirco tu, qui in nostra es potestate, mox à me mactaberis, *Boucanoque* assatus à nobis voraberis. Quid tum? (inquit ille, ne fractioni quidem animo pro sua gente mactationē subire paratus, ac *Regulus* ille quon-

*Mactato-  
ris cū ca-  
ptiuo col-  
loquium.*

*Mira ca-  
ptiuū confi-  
dentiam mor-  
tem con-  
temnentis.*

dam pro Rep. Romana mortem oppetiit) mei quoque cognati mortem vlciscantur meam. Ad hæc, vt pateat istos mortem (quam tamen mirum in modum reformidant) prorsus contemnere, quod beari se credant publico illo & solenni supplicio: exemplo rem cõfirmabo. Forte in pago quodam Insulæ maioris, quam *Pirani-ion* nuncupant, diuerti, mulieremq; offendi mox isto supplicii genere interituram, ad hanc accedo propius, moneo vt se *Toupan* cõmendet,



(nam ad illius captum sermo erat accommodandus. *Toupan* vero non Deum, sed tonitru sonat) atque ad eum, prout à me docebatur, preces conciperet. Illa vero nutate capite me deridens respondit: quid vero mihi es daturus, si id quod vis exequar? Tum ego, Miserrima muliercula, mox rerum omnium istarũ vltus tibi nullus erit: itaq; de anima tua quam immortalem esse credis (quod faciunt Barbari omnes, vt mox sequenti capite dicemus) serio cogitato. Illa vero rursus me irridens, est maectata.

Sed vt ad rem redeam, variis disceptationibus vltro citroque habitis, nonnunquam

*Barbara  
mulier  
mortẽ con-  
temnit.*

nunquam inter colloquendum, mactator qui praesto adest, claua lignea utraq; manu in altum sublata, orbiculo extremo, captiui caput totis ferit viribus, adeo ut paucissimo sanguine effuso, altero ictu non sit opus. Hinc proverbium illorum, quod iam apud Gallos nostros erat in usu, Confringam tibi caput, pro eo quod solent altercantes milites aduersario minitari his verbis: Ego te confringam.

*Captiuus  
vno ictu  
mactatur.  
Barbaro-  
rum prover-  
biū a Gal-  
lis usurpa-  
tum.*



Captiuo in hunc modum mactato, si coniugatus erat (vxores enim non nunquam illis dari diximus) vxor illius cadaueri adherens, aliquantulum luget, aliquantulum inquam: nam Crocodilum imitatur, quem ferunt, antequam hominis a se necati cadauer deuoret, lachrymas emittere solitum. Non absimili modo illa, postquam lachrymis extortis luctum simulauit, viri sui carnibus omnium prima, nisi quis anteuertat, vescitur. His ita gestis reliquae mulieres, praesertim vero anus (quae cum sint humanarum carnum appetentiores, iuniores continuo eos, a quibus captiui detinentur, hortari solent, ut confestim

*Luctū si-  
mulat v-  
xor capti-  
ui macta-  
ti.*

*Captiui ca-  
dauer non  
secus ac ne  
frens cali-  
da perfun-  
ditur.* morti addicant) aquam feruentem admouentes ad cadauer accedunt, quod adeo fricant, lauant, & calida perfundunt, vt cute sublata pari sit cum nefrendibus assandis candore.

*Cadauer  
captiui in-  
credibili ce-  
leritate in  
frusta seca-  
tur.* Deinde captiui dominus, assumptis secum quanto numero visum fuerit fociis, cadauer diuidit, ac tanta celeritate frustatim discerpit, vt lanus apud nos vix reperiatur vllus, qui veruicem celerius in frusta secare possit. His accedit, quod prout venatores hic cerui capti viscera canibus venaticis porrigunt, Barbari consimiliter hostium suorum mactatorum sanguine liberos illinunt suos, vt ad ferociam crudelitatemq; animos illis addant.

*Barbaro-  
rum pueri  
cur hostiū  
sanguine  
illinantur.* Hæc porro immanis crudelitas, apud Barbaros frequentissima, per se est quidem abominanda. Atqui portentosius id esse videtur, quod patratum à Iudæis fuisse legimus (quos tamē humanitate ceteras gentes antecellere par erat, prohibito à Deo sanguinis escu) Illi enim tumultibus concitandis, vt tradunt historiae, deditissimi, Traiani temporibus adeo horrendas seditiones excitarunt, eoque crudelitatis & immanitatis processerunt, vt cæsis quadraginta hominum millibus in Ægypto, Cyrene, & Cypro, eorum carnibus vesci, sanguineq; vultū oblinire suum sustinuerint. Quin multos à vertice transfixere medios, eorumque pellibus induti immanissimam præ se ferentes rabiem, obambulauere. Quæ

*Iudeorum  
immanis  
crudelitas.* historia si non absoluat, saltem extenuet Americanorum crudelitatem. Ceterum ex quo Christiani ad eos accessere, cum mactatorum corpora, tum animantia omnia, reliquosque cibos cultris secant. Antea vero, quantum à senioribus accepi, lapidibus præacutis ad eum usum accommodatis utebantur.

*Lapides  
cultrorum  
usum Ame-  
ricanis o-  
lim præbe-  
bant.* Singula porro cadaueris frusta, atque adeo ipsa viscera abluta & expurgata, *Boucano* imponuntur. Hæc tantisper dum coquuntur, anus continuo *Boucano* adhærent: mirum enim in modum carnes humanas appetunt, adipemq; à *Boucani* baculis diffluentem excipiunt. Adeo eorum sapit palato, vt continuo adolescentes ad capiendos hostes hortentur, qui cibum eiusmodi suppeditent. Digitos quoq; suos adipe illo conspersos lingentes, conclamant suum *Yguatou*, quod sonat, bonus est. Habes, Lector, quantum obseruando assequi potui, quæ ratione Barbari Americani captiuos suos assant, more nimirum penitus nobis ignoto, nimirum *Boucanando*.

*Barbara  
anus ad-  
ipem difflu-  
entem lin-  
gunt.* At vero quoniam cap. 19. de *Tapirousson* agens, *Boucani* formam fuscè descripsi, ne tautologia laborare videar, ad locum illum Lectores remitto. Interea vero eorum error à me refutabitur, qui suis chartis Barbaros nostros carnē humanam verubus proinde ac nos armos veruccinos assantes depinxerunt, quos etiam prægrandibus cultris ferreis carnes disiectas ad speciem suspensas exponere sunt commenti, prout hic bubula venalis exponitur. Sed ista tam vera, quam ea quæ fabulose de Panurgo Rabelesius refert, quod lardo transfixus & semiasatus tandem euaserit, arguunt chartarum illarum auctores crassissimæ ignorantia. Hæc vt confirmem, addo, Brasilienses non modo à nobis differre assandi modo, sed etiam nostrum morem illis plane fuisse incognitum, tum etiam cum apud illos degebamus. Etenim ego & sodalis quidam meus in vico quodam Indicam, Gallinam cum nonnullis aliis volatilibus veru ligneo impositis,

*Chartarū  
Cosmogra-  
phicarum  
error.*

stis nostro more ad ignem versantes assabamus. Quod factum Barbari in ludibria vertebant, nec prius adducti sunt ut crederent carnes, quæ continuo agerentur, percoqui posse, quam ipsi periculum fecere. Ergo (ut vnde digressus sum, eò redeam) vnus aut plurium captiuorum carnibus (duos siquidem aut tres nonnunquam vno die mactant) in eum modum assatis, turba illa vniuersa quæ mactationi interfuit, *Boucano* circumit exultans, membraq; hostium torrentia toruis intuetur oculis, deinde quantumuis multi particulam singuli arripunt: non tamen cibi causa (quod suspicari non immerito quis posset) isthæc perpetrant: quamuis enim sine controuersia carnes humanas sapore cõmendent, vltionis tamen potius iis edendis, quam victus rationem habent: anus excipio, carnum illarum, ut dixi, auidissimas. Huc vero tendunt, ut mortuos ad ossa vsque corro dentes superstitionibus metum incutiant. Quippe, quo animos suos truculentissimos & læuissimos expleant, nulla est cadauerum illorum particula, ab extremis articulis ad nasum vsque, aures & verticem, quæ (excepto cerebro) ab illis non exedatur. Ptolemæi itaque Lathuri Regis Ægypti barbaries eò fuit immanior, quod licet humaniore esset disciplina excultus, ad tantam sit delapsus crudelitatem, ut cæsis xxx. Iudæorum millibus, captiuos cæсорum carnibus vesci adegerit. Ceterum *Tououpinambaultii* nostri in singulis pagis aceruatim mactatorum caluarias diligenter asseruant (prout apud nos in cœmisteriis solent) Gallis vero ad eos commeantibus fusissime rerum suarum gestarum præconium persequuntur, aceruosq; illos quasi trophæa quædam, fortitudinisque suæ monumenta ostentant. Præterea grandiora crurum & brachiorum ossa non negligenter recondunt, fistulis (vtri dictum est) conficiendis: dentes quoq; auulsos filo traijciunt, & circa collum obuolutos gestant. Gen. Ind. Hist. scriptor de Insula *Zamban* incolis agens, refert eos hostium ab se mactatorum capita ædium sacrarum valuis affigere solitos: dentesq; collo appensos ad ostentationem gestare.

Mactatores vero isti summo illud tribuunt decori: patrato enim egregio illo facinore, secedunt, pectusq; brachia, crura, suras, & reliquas corporis partes incidunt, incisurasq; ut perpetuo cuti inhæreant, vnguento nescio quo illinunt, atroq; puluere inspergunt, quem nulla temporis diuturnitas delere potest. Creduntur autem eò plures mactasse hostes, quo pluribus scatent incisuris, ac proinde fortissimi censentur.

Denique ut tandem horrendæ isti tragœdiæ finem imponamus, si forte contingat, ut mulieres, quæ captiuis nupserant, grauidæ ex illis sint factæ, Barbari (dictu horrendum, visu vero maxime stupendum) liberos nonnunquam recens natos, raro paulo adultiores vorant: hanc autem causantur ratione, pueros illos ex hostium semine progenitos esse. Barbari vero hostes suos quibuscum continenter bellum gerunt funditus aboleri non modo percipiunt (eandem enim crudelitatem *Margaiates* in *Tououpinambaultios* exercent) sed etiam mira perfunduntur voluptate si videant hospites suos eodem esse animo. Etenim carnes humanas nobis ab illis appositas quoties reijciebamus (quod à me & plerisq; ex nostris semper est factum. neq; enim per Dei gratiam adeo immanes vnquam fuimus, ut eas vel attingere religio nobis non esset) nos nõ satis fideles

*Barbari nostri assandi more ludibrio habent.*

*Barbari singuli captiuam carnem frustum arripunt.*

*Caluarias acerui a Barbaris cur asseruantur.*

*Lib. 1. ca. 71.*

*Horrenda crudelitas.*

*Neustrii  
interpretes  
vitā atheo-  
rum more  
transigūt.*

fibi censebant. At meo maximo dolore referre cogor, Neustrios quosdam interpretes, qui apud Barbaros nouennium exegerant, sese vt ad illorum mores accommodarent, vitam atheorum more transigentes, non modo crebris scortationibus sese cum Barbaris feminis inquinasse, adeo vt vnus ex illis trimulum puerulum ex vago illo concubitu sustulerit: sed etiam exuto omni humanitatis sensu, Barbarosque immanitate superātes, à se permultos *Margaiates* & matatos & deuoratos fuisse gloriabātur. Porro, vt quæ sit *Tououpinambaultiorum* in hostes suos crudelitas pergam describere, cōtigit eo tempore, quo apud illos degebamus, vt de vico quodam in maiori insula sito cogitarint. Pagus hic à quibusdam *Margaiatibus* incolebatur, qui tamen *Tououpinambaultiorum* ingruente cum *Margaiatibus* bello, *Tououpinambaultijs* in deditionem venerant, perque totos viginti annos pacifice apud illos egerant. At tandem inter *caouinandum* sese mutuo incitantes, & animos addentes, pagi illius incolas vniuersos internecioni deuouent. Decretum exequi non cunctantur, noctu inopinantes intercipiunt, & semisopitos opprimunt, adeo vt non sine commiseratione clamores & eiulatus audirentur. Galli, re audita, circa mediam noctem eo properant armati (pagus enim à castello nostro non lōgius X. passuum millibus aberat) verū antequam eò aduenissent, Barbari rabie & præda incitati obuios quosque trucidarant, casasq; vt latentes extruderent, incenderant, adeo vt per paucos superstites nostri inuenerint. Quinimmo ex nostris nonnulli asseuerabant, se non modo adultos frustatim concisos, sed etiam infantulos lactentes integros *Boucano* impositos vidisse. Ex adultioribus tamen aliquot mari sese commiserunt, & noctis tenebris obsecundantibus natantes euasere, inq; nostrum castellum se recepere. Quod vbi rescuerunt Barbari, nō æquo tulerunt animo, immo suos hostes à nobis detineri iussitantes conquerebantur. Tandem vero mercibus quibusdam à nobis placati fuere, clientes vero nostros, Villagagnoni mancipia reliquere.

*Pagus à  
Barbaris  
vasianus.*

*Barbaries  
horrenda.*

*Margaias  
in Lusitania  
baptisatus  
captus.*

Interiectis aliquot diebus, ego cum quibusdam aliis Gallis in pago ab indigenis *Pirani ion* nominato, in insula illa maiore animi gratia exspatiabamur, inopinantes captiuum iuuenem, forma & statura non mediocri, in compedibus ferreis, quas Barbari à Christianis acceperant, detentum offendimus. Is lingua Lusitana nos compellat (duo ex nostris ob Hispanici sermonis peritiam eius verba capiebant) significat se in Lusitania fuisse, Christianum esse, Baptismo initiatum, Antonio sibi nomen. Præterea, quamuis natione *Margaias* esset, quod frequenti cum Lusitanis commercio ferinum ingenium ex parte exuerat, innuit se vehementer optare, si qua id ratione fieri posset, ab hostium manibus euadere. Tum nos, præterquam quod nostrarum erat partium quotquot dabatur è Barbarorum faucibus eripere, auditis vocibus Christiani & Antonii, longe vehementius commoti sumus, & miseratione ducti. Atque ita è nobis vnus, qui linguam Hispanicam callebat, quiq; fabrilem exercebat artem, recepit se postridie eius diei limam ad compedes dissecandas allaturum: monuitq; vt simulac solutus esset (nam à nemine obseruabatur) in dumetis ad maris litus sese abderet, tantisper dum Barbaros colloquio occuparem: nos scapha  
exce-

exceptum, in castellum nostrum transducturos: quo si perduceretur, minimo negotio cum Barbaris de sua redemptione transigi posse.

His non parum recreatus, gratias egit, seque singula exacte exsequuturum spondet. At Barbari licet sermones vltro citroque habitos non cepissent, nonnihil tamen suspicantes, simulac è pago egressi sumus vicinitate demum, idque tumultuarie coacta, miserum Antonium maectant. Nos postridie limam afferentes, per speciem farinae aliorumque cibariorum quærendorum pagum illum repetimus: atque à Barbaris quærimus, vbinam captiuus ille, quem pridie videramus. Illi nos in casam proximam deducunt, carniūque Antonii frustra *Boucano* imposta ostendunt. Deinde nos abs se elusos fuisse suspicantes per ludibrium caput ostentabant, nosque cachinnis excipiebant.

Non multo post duos quoque Lusitanos Barbari nostri cepere: quos ex improvise in tuguriolo luteo, in mediis siluis constructo, non procul ab castello suo, quod *Morpion* vocant, adorti fuerant. Lusitani quidem totius diei spatium Barbarorum impetum sustinuerant, at tandem cum eos tela, ceteraque munitiones deficerent strictis maioribus gladiis, quos nos ambarum manuum dicimus, in Barbaros irruunt, ac complures cadunt, multos quoque vulnerant. Barbari contra pertinaciter obsistunt, singulis potius occumbendum ducunt, quam victoria non parta pedem referre. Itaque tandem Lusitanos captos abducunt, è quorum spoliis ipse vestes bubalinas à Barbaro emi. Vnus quoque ex interpretibus argenteam lancem emit, quam Barbari cum multa alia supellectile in illo tuguriolo erant deprædati, quamque, pretii ignari, cum duobus cultellis permutarunt. Porro Barbari in suos pagos reuersi Lusitanis per ludibrium barbam conuellunt, dolorisque impatientes derident, hisque verbis increpant. Quid? vosne, qui nuper impetum nostrum tam fortiter sustinuitis, nunc cum mors erat fortiter obeunda muliebri esse animo? Ac tandem more solito eos immaniter maectant deuorantque.

Exempla quidem permulta de Barbarorum crudelitate præter ista à me possent afferri, nisi quæ attulimus ad horrorem cuiuslibet incutiendum sufficere existimarem. Verumenimvero ut ii, qui hæc tam horrenda passim apud Barbaros usurpata legent, norint permulta quoque non minus detestanda alibi geri, præter eam quam commemorauimus Iudæorum crudelitatem, qui Traiani temporibus quadraginta hominum millibus caesis, non modo eorum carnes deuorarunt, sed etiam sanguine vultum obliuerunt, pellesque induerunt: præter etiam horrendum Ptolomæi Lathuri Regis Ægypti facinus, qui triginta Iudæorum millibus caesis, captiuos occisorum carnibus vesci vi adegit: alia quoque exempla in medium afferam. Chalcondilus historia de Imperii Græci lapsu, & Turcici incremento (quod vere tragicum dixeris) scribit Turacanicum vnum ex Amurati ii. Legatis, Albanorum copiis instructa acie deuictis fusisque captiuos 80. immaniter trucidasse, quorum capita truncata, in pyramidis formam coaceruari iussit, quasi partæ victoriae insigne trophæum. Amuratus vero vltima istmi angustias transducto exercitu, trecentos milites, qui noctis tenebris obsecundantibus in proximum montem confugerant, intercludit. Illi comæa-

*Lusitani  
duo à Bar-  
baris capti.  
& deuorati.*

*Lib. 5. c. 5.*

*Trophæum  
ex captiuis  
humanis.*

*Lib. 7. c. 4.* tus inopia in deditionem venerunt honestas expectantes condiciones. At A-  
*Immanita- tem Amu- ratus im- manitate cumulat.* muratus omnes in vnum locum conuenire mandat, ac coram se iugulandos cu-  
 rat. Idem Amuratus, cuius nondum erat scruicia expleta, ex omni captiuorum  
 copia sexcentos adolescentes forma præstantes, sua emit pecunia: quos deinde  
 patris manibus immolat, quasi peccatorum expiatio in tanta sanguinis huma-  
 ni profusione esset posita. Sed isthæc ludi iocique dicantur præ sceleratissimi  
*Lib. 8. c. 6.* Mechmeti XII. Turcarum Imperatoris crudelitate, qui non modo Imperii ad-  
*Constanti- nopol. ex- pugnatio, regnante Mechme- to, 12. Tur. Imp. ad 56. Cal. Iun.* ministracionis Amurato successor fuit, sed maxime in omni immanitatis gene-  
 re, immo quem in hac parte magno superauit interuallo. Vt enim omittam  
 florentissimæ simul ac celeberrimæ vrbis Constantinopoleos expugnacionem,  
 quæ ipso regnante Anno salutis 1453. ad v. Cal. Iunias contigit, qua sanguine  
 omnia, horrore, morte, fugientibus & persequentibus, victoribus & victis re-  
 plera erant: adeo, vt caëorum & eorum, qui præ ingenti irruentium multitudi-  
 ne suffocati erant cumulus portarum fornices superaret. Peculiaria quædam  
 de monstri illius crudelitate posteris mandata recensebo. Viginti Albanos mi-  
 lites, qui Thrasia, quam ipse expugnarat, relicta, in oppidulum quoddam Phia-  
*Lib. 9. c. 1.* sia, Rupellam nomine, sese receperant, rotario supplicio brachiis cruribusque  
 conquassatis semiuiuos in summo cruciatu languentes, desperabundos reli-  
 quit. Insuper immanissimo illi monstro non satis erat, quoscumque in oppi-  
 dis aut castellis offendebat ferro cadere, prout Leontarii contigit, vbi ne vnus  
 quidem superstes est relictus, adeo vt sex mille hominum cadauera, præter in-  
 gentem equorum & pecorum copiam, illic fuerint numerata: sed inaudito  
*Mechme- si in ipsa bruta ani- mæ in cru- delitas.* hoc supplicii genere complures in super affecit. Acinace peracuto singulos ho-  
 mines in duas partes vno ictu circa transversum septum diuidi iubebat, artificio  
 barbariem omnem superante: bis enim singuli mortis persentiebant dolores.  
*Möstrosa crudelitas.* Vtraque pars per aliquod tempus, præ summo quo opprimebatur cruciatu,  
*Lib. 9. c. 7.* huc & illuc non sine gestibus horrendis sese volutabat. Trecenti milites in op-  
*Et Lib. 10. cap. 12.* pido Mitylene anno 1459. quo capta est vrbs illa, hoc immanissimo supplicii  
 genere sunt affecti. Quingenti quoque alii ab Omare Bassiano Constantino-  
 polim missi, quos in oppidulo à se expugnato ceperat, eadem occubuerunt  
 morte. Horum cadauera postquam aliquandiu in area, in qua laniati fuerant,  
*De boue, qui herum mortuum agnoscit, mira histo- ria.* neglecta iacuerunt, bos horrendè mugiens ad ea accedit, vnamq; cadaueris par-  
 tem cornu attollit, alioq; loci comportat, tum alteram petit prioriq; adiungit.  
 Quæ res, cum à multis perspecta fuisset, breui ad Mechmetum perfertur: ille  
 mirum in modum anxius, cadauer illud disungi, partesq; seorsim ad pristinum  
 locum comportari iubet. Bos insequitur repetitis mugitibus, cadauer vero il-  
 lud inter cetera agnoscit, denuoq; cornibus sublatum alio asportat. Mechme-  
 tus hoc portento vehementer commotus (ac merito quidem) è vestigio, cada-  
 uera sepeliri iubet, bouem vero ad sua pecuaria deducendum, ac per reliquum  
 vitæ tempus alendum curat. Tradunt nonnulli cadauer illud à boue canibus  
 Turcis clementiore asportatum, Veneti cuiusdam corpus fuisse: alii Illyrico tri-  
 buunt. Atqui vt sit (inquit Chalcondylus) hoc ostento multum felicitatis  
 genti, à qua ille oriundus erat, portendebatur.

Vladi

Vladi vero scuitia humanis auribus tinnitum longe grauiorem ciebit, idcirco de ea referre vltimo loco visum est. Vladi attributa Moldauia Mechmeti liberalitate in gratiam fratris cuiusdam Vladi, quo sceleratus Mechmetus ad nefarias libidines abutebatur, hoc primo veluti auspicio prouinciam illam administrare cœpit. Potentissimos quosque Moldauientes, ac primariæ auctoritatis viros, à quibus propter auctoritatem & gratiam, ne defectionem molirentur sibi metuebat, corripit, eosque non contentus est vulgari aliquo supplicio in medio tollere, sed viuos omnes palis transfixos summo cum cruciatu extinxit: immo eorum familias, ne vxoribus quidem & infantibus exceptis, eodem furore sustulit. Adeo vt breui temporis spatio, triginta, & eo amplius hominum millia ab eo trucidata fuisset, à multis confirmetur. Mortuorum porro bona & honores satellitibus suis est largitus. Mechmetus certior factus Vladum de defectione & rebellionem in se cogitare, quædam suum à secretis Catabolmum nomine, natione Græcum, per speciem amicitiae ad eum mittit, eo consilio, vt Vladum ad se blandis verbis pertraheret. Eodem quoque tempore Mechmetus ad Chamum quendam, cui Valaquiam prouinciam clam demandarat, literas dat, mandatque, vt quacumque ratione vi, dolove Vladum corripere: eo nihil gratius sibi accidere posse significat. Hi duo communicatis consiliis Vladum interciperi conantur: Vladus vero nullo modo perturbatus confirmatis militum suorum animis, reliquis omnibus in fugam versis, Chamum & Catabolmum cum quibusdam aliis viuos capit. Quos cruribus & brachiis abscissis, palis viuos affixit. Chamo vero, prout eius postulabat dignitas eminentiorem tribuit locum. Quod ab eo hoc consilio factum est, vt subditis suis terrorem incuteret, ac ne tale quid in posterum auderent, nisi idem supplicium subire vellent, ansam præriperet. Præterea exercitum ingentem summa celeritate conscripsit, Danubiumque flumen transiit, atque in Mechmeti ditionem, quam flumen illud alluit, magno irruit impetu eamque; est populatus, pagos incendit, feminas ipsas, immo infantes in cunis vagientes ferro cecidit. Quacumque vero iter faceret, immanissime sauebat, & vastitatis ubique; notas inurebat. Quibus ad Mechmetum perlatis, maxime vero nuntio de Legatorum morte crudelissima, ac in primis de Chamo tam atroci supplicio affecto, qui præcipua in aula ministeria olim gesserat, Mechmetum non parum commouerunt. At longe molestius illi fuisset tantam iniuriam ab infimæ sortis homine sibi illatam inultam relinquere. Itaque cum instructissimo exercitu Valaquiam ingressus, & Legatorum suorum cadauera palis adhuc affixa conspicatus, nouo quasi dolore, & nouo furore fuit percitus. Cadaueribus autem illis auulsis & sepultis, tria passuum millia est progressus, ac in lanienam illam incidit ab Vladi in subditos patratam, quæ res horrorem conspiciantibus mouebat. Erat enim locus aliquantulum editus, & in omnes partes apertus, duo passuum millia in longitudinem obtinebat, latitudo mille occupabat: innumeris rotis, palis, crucibus, furcis cadaueribus onustis, ceu silua quædam confitus erat. Ex cadauerum facie perhorrida, cruciatus quos ante obitum pertulissent, conijcere facile erat. Laniatorum numerus ad millia viginti facinoris atrocitatem augebat. In his erant infantuli maternis adhæ-

*Vladi immanitas horrida & ceterorum omnium atrocitatem superans. Lib. 9. ca. 12. 13. & 16.*

*Horrendum visum speculaculum.*

rentes vberibus, lactantes enim suffocati fuerant. Inauspicata præterea aues, aërem ceu nubes atra condensabant, ac in corporum humanorum cōcauo, vnde iam ante viscera extraxerant, nidos struebant. Quibus conspectis Mechmetus, ingenio alioqui barbaro & crudelissimo, apud se cogitans vnus homunculi, & quidem abiectissimæ conditionis, atrocitatem ac immanitatem crudelissimam quæque facinora ab se patrata longo interuallo superasse, modo obmutescibat, modo misericordia quadam ducebatur, atq; apud se mussitabat, mirum non esse, quod sceleratus ille subditis suis adeo formidolosus esset, quandoquidem tale facinus patrare sustinisset: ideoq; difficillimum esse statuebat hominem ab sua dititione depellere, qui & imperio suo & subditorū obsequio tam insigniter vteretur. Mox vero collecto animo, neminem esse, qui carnificem illum non contemneret arbitratur. Quinimmo Turcæ ipsi tam horrendo καὶ μισητῆρι conspecto, Vladum adeo atrocis facinoris auctore diris deuouebant. At Vladus omnibus istis neglectis, Mechmeti exercitui cōtinuo instabat, eumque modo in alis, modo in nouissimo agmine laceflebat, atque ita non paucos singulis diebus perimebat, damnumq; non minus equitibus ac Arabibus afferebat. Tamen (ne vltius in his recensendis progrediar) ille suo tandem periculo est edoctus, sæuitiam illam qua in subditos vsus erat, dum res suas egregie stabilire volebat, multo plus detrimenti quam cōmodi sibi attulisse. Nam paulatim suis à se deficientibus Mechmeto prouinciam cedere, atq; in Hungariam profugere coactus est. Eò vbi appulit, ob scelera, quæ mille suppliciis expiari nō potuissent, in vincula coniectus fuit. Quatuor hæc monstra coniuganda, & quasi concathenanda duxi, vtpote quæ infernali remigio sint aptissima, Turcanum videlicet, cuius (quantumuis flagitiosissimi) nequitia penè nulla videatur, si cum Amurato conferatur: quem rursus crudelitate & sæuitia superauit Mechmetus: omnes vero sceleratissimus & immanissimus Vladus magno post reliquit interuallo. At vero (inquies) Turcæ isti fuerunt inhumanissimi, quos merito Brasiliensibus αὐθραστοφάγοις immaniores dixeris.

Quare vt paulo attentius ad ea, quæ apud nos geruntur, animū aduertamus, quæro in primis quid à fœneratoribus & rapacibus auaris præstetur? qui sanguinem & medullas tot viduis, tot orphanis exfugunt, ac proinde viuos deuorant, quos semel iugulasse satius esset, quam languentes diutiùs detinere? Annō feritate & crudelitate Barbaros Americanos superat? Atq; hinc fit, vt exclamet Propheta: Quod comedunt, caro est populi mei, & cutem eorum ab eis nudat, ac ossa eorum diffringunt: diuiduntq; vt quod est in olla, & velut carnem, quæ est in lebate. Iam vero si de carniū humanarum esu ferino prorsus & tygrino, quot quæso, hinc apud nos reperti sunt, cū in Italia, tum in aliis regionibus, ex iis qui Christianum præ se ferunt nomen, qui eò immanitatis delapsi sunt, vt sæuitiam suam explere cupientes, cor iecurq; inimicorum suorum deuorarent? Penes historias innumeras de rebus istis scriptas fides esto, singula enim persequi si cupiam, tempus me deficiat.

CAP.

Fœnerato-  
res Barba-  
ris Ameri-  
canis im-  
maniores.  
Mich. 3.3

## CAP. XV.

*Quid nomine religionis apud Barbaros Americanos veniat: De erroribus, in quos ab impostoribus, quos Caribes vocant, inducuntur: Deque crassissima Dei ignoratione, quæ apud eos obtinet.*



VAMVIS Ciceronis illud dictum, Nullam esse gentem, neque tam inmanuetam, neque tam feram quæ non, etiamsi ignoret qualem Deum habere deceat, habendum sciat, communi omnium calculo pro axioma certissimo habeatur, tamè quomodo erga *Tououpinambaultios* nostros constet, non satis scio. Nam verum Deum ignorant. Nullos quoque Deos falsos siue cælestes siue terrestres agnoscunt, nec colunt: ac proinde locum vllum publicum, in quem religionis ergò conueniant, non habent. Contra quã ab Ethnicis olim, ac etiamnum ab Idololatræ nostri temporis vsurpatur. Nominatim vero ab Indis Peruanam prouinciam incolentibus, quæ cum *Tououpinambaultiorum* regione est continens, ab eaque distat passibus 1000000. qui Soli & Lunæ sacrificant. Mundi quoque creationem ignorant, dies nominibus non discriminant, alium alio non præferunt: hebdomades, menses & annos non obseruant: Tempora Lunis dimetiuntur: Scripturæ, siue sacra illa sit, siue profana, non modo penitus sunt ignari, sed etiam Characteribus, quibus animi sensa notare possint penitus carentes. Quum primò in eas terras venissem, verba & sententiæ aliquas, vt sermoni eorum assuescerem scribebam, easque mox coram ipsis legebam. Illi præstigias id esse rati, inuicem his verbis alii alios alloquebantur: Non mirum: istum qui heri ne vnum quidem verbum idiomatis nostri callebat, nunc vi & ope huius chartæ, quæ illum nostra eloqui docet, ita perite ea sonare, vt à nobis intelligantur? Barbari Hispaniolam Insulam incolentes idem prorsus de Hispanis, qui primi ad eos accesserunt, iudicabant. Hæc sunt historiographi verba: Indi animaduertentes Hispanos etiam absentes, mutuo inter se colloqui literarum beneficio, credebant vel eos prophetico agi spiritu, vel literas ipsas loqui. Quo factum est, vt Barbari, veriti ne peccata innotescerent sua, ita sese in officio cõtinuerint, vt ab eo tempore, nec mentiri, nec quicquam Hispanis suffurari ausi fuerint.

Hic si quis hoc argumentum dilatare cupiat, latissimus ei pateat campus, tum ad scripturæ artem laudibus prosequendam, tum ad demonstrandũ quanto nos Deus affecerit beneficio, nos, inquam, Europæos, Asiaticos, & Afros, præ Barbaris istis quartam orbis partem incolentibus. Illi enim mentis conceptum non nisi expressis vocibus exponere possunt: nos vero scripturæ adminiculo, aliorum arcana cognoscimus, nostra vero consilia cum eis communicamus, qui vel in remotissimis degunt terris. Ac sane præter bonas artes, quas ex libris addiscimus (quæque Barbaris sunt ignotæ) scripturæ quoque ars inter excellentissima, quibus nos Deus cumulauit, dona est recensenda.

1. De leg.

Tououpin.  
verum &  
falsos Deos  
ignorant,  
mundique  
creatione.Quid de  
scriptura  
sentiant  
Barbari.Scriptura  
ars excel-  
lentissima  
Dei donum.

Minime autem moror, quod Socrates ( vt refert Plutarchus ) dicebat: Literas, quas vulgus putat repertas iuuandæ memoriæ, vehementer illi officere. Olim enim homines, si quid audissent dignum cognitu, non libris sed animo inscribebant: hac exercitatione confirmata memoria facile tenebant quicquid volebant: & quod quisq; sciebat, habebat in promptu. Post, reperto literarum vsu, dum libris fidunt, non perinde studuerunt animo infigere, quod didicerāt. Ita factum est, vt neglecto memoriæ cultu, minùs viuuda esset rerum cognitio, & pauciora quisque sciret: quandoquidem tantum scimus, quantum memoria tenemus. Quam ego sententiam, præsertim in Philosopho ac Græciæ sapiente, dignam iudico reprehensione. Nam & Cicero, ceteriq; docti, post eum, historiam, quæ sine librorum vsu commode contexti non potest, matrem esse temporum affirmarunt. Illud quidem verum est, Patres qui ante Mosis scriptorum omnium primi, tempora vixerunt, permulta & quidem optima, quæ non cõmentariis, sed menti & memoriæ mandabantur, posteris per manus tradebant. At longe tutiùs illud est factum, ex quo obtinuit scriptura.

*Barbari de  
Deo vero  
audientes  
admirabi  
di defixi  
manent.*

*Toupan  
tonitru.*

*Psal. 29.*

*America  
ni anima-  
rum cre-  
dit immortalitatem.*

*Ioseph. de  
bello Iud.  
lib. 2. c. 7.*

Ergo, vt ad *Tououpinambaultios* nostros redeamus, Quoties cum illis colloquebamur, ac mentio de Deo incidebat, dicebamus nos credere in vnum Deum creatorem cæli & terræ, qui vt orbem & quæcunq; in eo sunt, condidit, ita omnia pro arbitrio gubernat. Illi vbi hæc audierant, alii alios intuentes, & in hanc vocem (quæ admirationis nota ipsis familiaris est) erumpentes, *The!* defixi & stupefacti hærebant. Præterea, quoniam, vt suo dicemus loco, Tonitru fragore vehementer terrentur (id *Toupan* vocant) si eorum consulentes ruditati occasionem inde arriperemus, eos edocendi, diceremusq; Deum illum esse, de quo verba illis faciebamus, qui, vt suam indicaret potetiam, cælum terramq; eo modo concuteret: illi excipiebant, Deum illum à quo adeo terrentur esse nequam. Hæc est hominum illorum miserrima conditio. At, quærat fortasse quispiam: fierine potest, vt brutorum instar Americani sine religione viuant? Ego vero respondeo, quod iam ante attingi, perparum ab eo abesse, nec credere me gentem vllam in toto terrarum orbe esse, quæ ab omni religione sit magis aliena. Attamen, vt etiam exponam, quantum lucis inter densissimas tenebras, quibus obcæcantur, perspexerim, Affirmo eos nõ modo immortalitatem animarum credere: sed pro certo quoq; habere, post mortem eorũ animas qui virtutem coluerint (virtutem autem illi definiunt suo more, nempe vltionem sumere de hostibus, & quam plurimos mactare) post altissimos montes euolantes, patrum & auorum suorum animis aggregari, ibiq; in amœnissimis hortis, perpetuis deliciis ac tripudiis lætum æuum agere (Hæc est longa illa Socratis peregrinatio, hi Poëtarum Elysi campi) ignauorum contra manes, qui sine vlla propugnandæ patriæ cura inglorii vixerunt, abripi ab *Aygnan* (sic illi cacodæmonem vocant) & cum eo sempiternos inter cruciatus viuere.

Constat etiam Essenios Græcorum sententiæ suffragantes, olim credidisse bonas animas carnalibus vinculis releuatas vltra Oceanum degere (cui furori si fides esset adhibenda, Brasilia denotaretur) vbi eis sit reposita perfruitio: illic quippe esse regionem, quæ neq; imbribus, neq; niuibus, neq; æstu aggraue-  
tur,

tur, sed quam Oceano oriens Zephyrus, & leniter aspirans amœnet: malis autem animabus affirmant (ceu potius somniant) procellosa loca & hyberna destinari plena gemitibus exercendarum sine fine pœnarum. Ceterum miserissimi nostri Barbari, in hac etiam vita misere ab Cacodæmone torquētur (quem alio nomine *Kaagerre* vocant) ipse enim eos nonnunquam vidi, etiam nobiscum colloquentes, protinus instar phreneticorum exclamantes! *Hei, hei, o-*  
*differt hæc Tabula ab illa in Exemplari germanico.*



pem ferte nobis, nos enim verberat *Aygnan*. Immo affirmabant illi cacodæmonem ab se conspici modo beluæ specie, modo auis, modo etiam portentosa aliqua forma. Quia autem magnopere mirabantur, nos ab cacodæmone non infestari: Itaq; dicentibus nobis tormentis illis à Deo illo nos eximi, de quo frequenter illis verba faciebamus, qui Aygnano longe superior esset, ac ne nobis molestiam vllam pareret obesset, non semel contigit, vt periculo vrgente, se in Deum credituros pollicerentur, malo autem liberati promissionis erant im-

*Aygnan  
cacodæmō  
Barbaros  
vexat.*

memores. At vero vt constat, tormenta, quibus infestantur, ludicra non esse, ipse eos nonnunquam vidi, malum illud recordantes adeo horrore perculsos, vt præ angore sudantes, manuque femur plaudentes, his verbis apud nos conquereretur: *Mair Atourassap, Acequeiey Aygnan Atoupaué*, hoc est, mi stulte, mi socie, Cacodæmonem præ reliquis omnib. malis reformido. Si vero quis nostrum contra his eum compellabat verbis: *Nacequeiey Aygnan*, hoc est, ego vero Cacodæmonem non metuo. Tum illi sortem suam deplorantes, Ah, quã nos felices essemus, si eo, sicuti vos estis ab illo, tuti essemus! Tum nos excipiebamus, credendum igitur esset in eum, qui *Aygnan* est potentior. At illi, vt dictum est, quamuis periculo præsentem se id facturos pollicerentur, mox ad ingenium suum redibant. Antequam progrediar vterius, ad ea quæ de Barbaris animam immortalem esse credentibus, addam, id quod ab Occid. Ind. hist. scriptore est relatum, Barbaros Cusco vrbis accolæ non modo animarum immortalitatem, sed etiam ( præter Theologorum axioma Philosophos omnes ceterosque ethnicos, ac Barbaros corporum resurrectionem ignorasse, immo negasse) corporum resurrectionem credere. Quæ res hoc exemplo ab illo confirmatur. Indi, inquit, cum animaduernerent Hispanos sepulchra, vt auro, ceterisque pretiosis potirentur, aperientes ossa proiicere, ac dispergere rogabant, ne ita dispergerentur, ne illud resurrectioni obesset: illi enim ( inquit ) corporum resurrectionem, vt & animæ immortalitatem, credunt. Alius quoque auctor prophanus affirmat, gentem Barbaram & ethnicam eò vsque processisse, vt resurrectionem crederet. Hæc sunt illius verba: Postea Cæsar Ariouistum & Germanos deuicit, qui corporis erant insolita proceritate, fortitudine non minori: fortiter enim pugnabant, mortemque contemnebant, se resurrecturos opinantes.

*Pernenses  
Barbari,  
corporum  
credunt re-  
surrectionem.  
Hist. Gen.  
Ind. lib. 4.  
cap. 124.*

*Vide Ap-  
pianum De  
bello Cel-  
tico. cap. 1.*

*In Atheos.*

Hæc ego ideo commemoro, vt intelligant omnes, si Athei, quorum plena hîc sunt omnia, id habent cum *Tououpinambaultijs* commune, quod sibi persuadent, & quidem portentosiùs quam illi, nullum esse Deum, ab illis saltem discant Cacodæmones esse, qui in hac etiam vita eos excruciant, qui Deum, eiusque potentiam inficiantur. Si vero obiiciant (quod faciunt nonnulli) Cacodæmones aliud nihil esse, quam prauos hominum affectus, ac proinde stulte Barbaros ea imaginari quæ non sunt. Respondeo: si ea, quæ à nobis verissime dicta sunt, considerentur, nimirum Americanos visibiliter & realiter à Cacodæmone excruciarî, ex eo patere satis quã inepte cruciatus ille humanis tribuatur affectibus. Etenim quânam fieri potest, vt quantumuis sint violenti, homines vsque adeo afficiant? Ea omitto, quæ quotidiana hic edocet experiëntia, immo etiam, nisi illud esset coram porcis margaritas proiicere, Dæmoniacos, quorum meminit historia Euangelica à Christo sanatos huc afferre possim.

Deinde, quandoquidem Athei isti indigni sunt penitus, quibus ea proponantur, quæ tam diserte de animæ immortalitate sacræ testantur literæ, Barbaros denuo illis nostros opponam, à quibus, licet obcæcatissimis, discant animam hominem præditum esse, quæ non modo nunquam intereat, sed etiam à corpore seiuncta, vel æternæ destinatur beatitati, vel damnationi sit obnoxia.

Tertio,

Tertio, ad carnis resurrectionem quod attinet, quoniam canes isti sibi quoque persuadent, corpus semel extinctum nunquam excitatum iri: Indos Peruenies illis oppono, qui falsa licet sint imbuti religione, immo non alio quam naturæ ducantur instinctu, cum nefariis tamen istis in iudicio sunt surrecturi. Veruntamen cum sint Cacodæmonibus ipsis peiores (vti iam diximus) *Iac. 2. 19.* qui Apostolo teste Deum vnum esse credunt & horrescunt, plus æquo illis à me tribuitur, quando Barbaros Americanos illis pro doctoribus propono. Quapropter perditorum illorum mentionem in posterum non faciam, sed eos tam inde ad Inferos relego, vbi portentosorum errorum suorum fructos promeritos percipient.


Ergo vt ad institutum sermonem meum reuertar, nimirum de eo, quod religionis nomine apud Barbaros nuncupari potest, si diligenter id, quod iam ante attigi, perpendatur, eos nimirum, quibus alioqui maxime grata esset ab omnibus perturbationibus immunitas, audito tamen tonitru inuitos contremiscere, potentia cuiusdam metu, cui resistere nullo modo possint: inde facile est colligere, nō solū Ciceronis sententiam à me initio allatam, apud eos locum habere, verum etiam metum illum potentia Dei, quem agnoscere nolunt, *Act. 14. 17.* *aiαπολογίας*, illos redditurum esse. Ac sane ex eo, quod Apostolus dicit Deum, qui præteritis temporibus finit omnes Gentes suis ipsarum viis incedere, non tamen passum esse se expertem testimonii, bona tribuendo, dando cælitus pluuias, ac tempora fructibus edendis apta: patet satis solam hominum malitiam obstare, quo minus ad Creatoris sui notitiam perueniant. Alibi quoque dicitur Dei inuisibilia ex creatione mundi perspici. *Rom. 1. 20.*

Itaque licet Americani nostri ore Deum non confiteantur, quādoquidem apud se ipsos cōuincuntur aliquam esse diuinitatem. Inde colligo eos nec excusabiles futuros, nec ignorantia prætextum merito captaturos esse. Verum præter ea, quæ à me dicta sunt de animæ immortalitate, quam ipsi credunt, de tonitru, quem perhorrescunt, & de Cacodæmonibus, à quibus excruciantur (quæ tria in primis sunt notāda) quartum insuper addam caput, ex quo manifestum erit tenebras densissimas, quibus obruuntur, minime efficere, vt religionis illud semen (si modo nomen tam augustum rei adeo obscuræ cōueniat) in illis non pullulet, aut penitus extingatur.

Igitur vt narrationem ipsam ordiar, in primis tenendum est Prophetas, seu *Caraibes, pseudo-propheta.* sacerdotes quosdam apud eos esse, quos ipsi *Caraibes*, qui vicatim commean-tes miseris illis persuadent, se (quod cum spiritibus commercium habeant) quibuscunque visum fuerit fortitudinem impertiri, qua bello hostes superentur, sed etiam sua ope fructus omnes, crassasque illas radices enasci, quas Americanum solum producere diximus. Præterea (quantum à Neustriis interpretibus accepi, qui multos annos in illis terris vixerant) *Tououpinambaultijs* id moris est, vt tertio, vel quarto quoque anno frequentissimi conueniant. Cui conuentui ex inopinato, vt mox dicam, ipse interfui. De quo, quæ sequuntur, referenda habeo. Ego, cum Gallo quodam nomine Iacobo Ruffo, atque etiam interprete quodam Neustrio peregre profecti, in vico quodam diuertit-

*Narratio de maxima Barbarorum celebratione.* mus: postridie illius diei ad iter nos summo mane accingebamus, cum vndiquaque confluentes accolae conspicimus. Vici vero illius incolae aduenientibus sese adiunxerunt, ac mox sexcentenos in area quadam aggregatos videmus. Nos conuentus illius causam sciscitamus: consistimus; sciscitantes turbam illam in tres diuidi partes videmus. Viri omnes in casam quandam se recipiunt, feminae in alteram, pueri quoque in tertiam confugiunt. Ego, qui *Caraibes* aliquot viris permixtos videram, insolitum quid ab illis factum iri suspicans, ab comitibus meis efflagito, vt mecum rem totam obseruari illic consistant: quod ab illis impetraui. *Caraibes*, antequam feminas & pueros dimitterent, summa cautione prohibuerunt, ne e casis suis egrederentur, sed diligenter ad tantum attenderent, nobis quoque indicunt, vt in ea, in qua erant mulieres, casa delitesceremus. Nos, qui ientaculo intenti eramus, atq; eorum, quae acturi erant ignari, murmur quoddam submissum e casa, in quam viri secesserant, e-rumpens exaudimus (casa porro illa a nostra triginta ferme passibus distabat) mulieres, quae numero erant 200. stantes, auresq; arrigentes in vnam veluti aceruum sese glomerant. Viris vero vocem paulatim attollentibus, adeo vt eorum distinctae voces a nobis exaudirentur, hortantium istam interiectionem identidem repetentium:

*Barbarorum modulatio.*



*Vlulatus gestusque horrendi feminarum Americ.*

Lib. 3. c. 3. mox mulieres tremula voce eandem illam interiectionem recinētes audimus, *He, he, he, &c.* Vocem vero tanta animi contentione sustulerunt, idque toto quadrantis horae spatio, vt nos spectatores in admirationem rapuerint. Ac sanē illae non modo horrendum vlulabant, sed etiam magno impetu profusiebant, mammaeque suas concutiebant, spumamque ore emittebant: immo nonnullae (non absimili ab iis modo, qui comitiali morbo conficiuntur) exanimēs pro-cidebant. Quo fit, vt credam Cacodæmonem corpus illarum inuasisse, easque Lib. 3. c. 3. daemónicas repente factas fuisse. Praeterea perspectis iis, quae a Bodino libro, cui Daemonomaniae nomen fecit, de veneficarum extasi, quam asserit veneficis omnibus, quae cum Cacodæmone expressum sœdus pepigerunt, familiarē esse, quaeque nonnunquam spiritu rapiuntur, corpore sensus omnis exper-te remanente, quamuis etiam & corpore & animo nonnunquam rapiantur. Lib. 1. c. 3. Adde (inquit ille) quod nusquam conueniunt quin choreas agant; inter quas cap. 1. quantum ex veneficarum quarundam confessione elicere potuit, conclamant omnes: *Har, har* (quod optime cum *He, he*, Americanarum nostrarum cōuenit) *Damon, huc salta, illuc salta*: aliae vero respondent: *Sabbath, Sabbath*, hoc est festum, seu quietis diem, manus, scopasq; quas in manibus habent attollentes, vt certissimum lætitiæ edant signum, seq; ex animo Dæmoni seruire significent, atque adeo vt adorationem Deo debitam imitentur. Nam in Lege Deut. 12. diuina Israelitis præscriptum erat, vt ad Dominum manus attollerent, ac coram

6.7.

coram ipso sese exhilararent. His inquam perspectis, colligo Satanam vtrarumque Dominum esse: easque eodem duci spiritu, nec locorum interuallum obstare, quo minus pater ille mendaciorum hinc & illic in eos agat, qui sibi iusto Dei iudicio traditi sunt. Pueros consimiliter conclamantes cum audissem (et iam si iam per feminam cum Barbaris egeram, ac pene eorum moribus assuefactus eram) tamen, ne quid dissimulem, non nihil tum timui, presertim quum quis rei illius exitus esset futurus ignorarem: tandem quum clamoribus illis finis est impositus, viris aliquantulum silentibus, pueris quoque & feminis penitus tacentibus, mox viri tam suauiter, tantaque cum harmonia cantare ceperunt, ut miro eos videndi tenerer desiderio. Sed cum e casa illa exire vellem, & a mulieribus detinebar, & ab Interprete admonebar, se (qui septem iam annos apud Barbaros exegisset) ad solennia illa accedere nunquam ausum fuisse, denique si accederem, non satis prudenter me facturum. Quibus effecit, ut periculi metu paulisper haerem; attamen, quoniam ille probabilem nullam rei illius causam afferebat, feminis & interprete non nihil reluctantibus, egressus sum, vetulorum quorundam vici illius incolarum amicitia fretus. Accedens igitur ad eum locum, in quo concentum illum audiebam, ego ut commodius quid intus fieret perspicerem, casa tectum manu perforaui. Sunt enim oblongae ac rotundae in morem pergularum hortensium nostratum, herbisque a summo ad imum connectae. Inde comites meos digito innuens aduoco, ac tandem in casam illam ingredimur. Barbaros, ut vidimus praesentia nostra non commoueri (quod futurum suspicabatur Interpretes) immo ordines optime seruare, ac versus suos persequi: in angulum quendam secessimus, ac otiose eos contemplati sumus. Atque ut id exequar, quod pollicitus sum superius, descripturum me esse alterum chorearum genus: hi sunt eorum inter saltandum gestus. In orbem dispositi erant, sibi mutuo adhaerentes: manus tamen sic mutuo non apprehendebant prona, corpore non nihil inclinato, alteram tantum e tibiis, nimirum dextram, succutientes, manu dextera clunibus imposita, sinistra vero pendula, atque hoc habitu & cantillabant, & tripudiabant. Tres istiusmodi orbis vniuersa illa multitudo constituebat, in quibus mediis terni erant aut quaterni *Caraibes*, pileis, vestibus, atque armillis plumaceis ornati. Eorum singuli vtraque manu *Maraca* gestabant, hoc est, crepitaculum illud e fructu struthiocameli ouum magnitudine superante, cuius iam ante facta est mentio, in eum inquebant usum, ut ex illis spiritus loqueretur: atque ut ea rite consecrarent, continuo cocutiebant. Porro typo, quem subiecimus & tripudiatorem, & *Caraibem Maraca* quatientem oculis conspiciendum praebemus.

Insuper *Caraibes* illi saltantes modo progrediebantur, modo regrediebantur, nec continuo, ut ceteri, in eodem loco fixi manebant. Praeterea obseruaui eos frequenter canna praelonga, cui *Petum* herbam accensam imponebant, huc & illuc sese conuertisse, ac herbae illius fumum in circumstantes exfuisse cum his verbis: Accipite omnes spiritum fortitudinis, quo hostes vestros superetis. Id vero ab *Caraibibus* istis saepius est factitatum. Rituum istorum celebratio in duas horas producta est: viris illis continuo saltantibus, & cantillantibus. Concentus

*Americana mulieres eode cum veneficis nostratibus ducuntur spiritu.*

*Quae sit casarum Americae forma.*

*Barbarorum in orbem saltantium gestus.*


*Caraibes Maraca consecrantes.*

*Caraibes Barbaros exfustator.*

vero eorum adeo suavis erat, vt inexpertis vix sit credibile, quam optime symphonia illa quadret, præsertim cum Barbari musicæ artis penitus sint ignari. Ac




sane cum initio aliquo fuisset percussus metu, vt nuper cõmemorauì, contra tunc tanta fui lætitia perfusus, vt non modo extra me raptus fuerim: sed nunc etiam, quoties mihi in mentem venit concentus ille, & exultat animus, & eo aures continuo personare videntur, præsertim vero rhithmi epodium gratum auribus sonum exhibebat, quod post singulos versus ad hunc modum modulabantur.



Heu heura heura heura heura heura heura heura ouech.

Modula-

Modulationi illi finem imposituri pede dextero vehementius quam antea humum quatientes singuli quoque sputum emiserunt, atque omnes una voce, eaque rauca, hunc crebro repetitum modulabantur cantum.



He he hua he hua he hua hua.

Tum ego qui, quod eorum linguam nondum plane callerem, non pauca eorum, quae ab illis fuerant dicta, non ceperam. Interpretem rogo, ut ea mihi explicare velit. Ille mihi significat, istos primum quidem auos vita functos, qui fortissimi fuerant, luxisse: tandem vero consolationem ex eo cepisse, quod sperarent futurum, ut illos tandem post montes adirent, ac cum illis tripudiant, & hilaria celebrarent: deinde grauissime *Ouetacatibus* (populi sunt non multum ab eis remoti, quibuscum inimicitias perpetuas gerunt, quos etiam superare nunquam potuerunt) interminatos esse, ac praedixisse futurum, ut breui caperentur ac deuorarentur, prout ab *Caraibibus* ominatum erat. Insuper nescio quid cantionibus suis interseruisse de diluuiio aquas olim adeo exundasse, ut vniuersam terram operuerint: atque illa inundatione homines omnes fuisse extinctos, exceptis demum maioribus suis, qui praeternas arbores conscenderant. Quod postremum proxime ad sacram accedit historiam, & ab illis alias non semel audiui. Verisimile est autem illos de Diluuiio, quod Noachi temporibus contigit, aliquid audiuisse, ac postea (quae est hominum in veritate obscuranda procliuuitas, adde quod ut nuper attigi, omni carent scripturae genere, ac proinde difficile est illis res vetustate obsitas ab mendacio factas tectas conseruare) fabulam illam confinxisse, Proauos nimirum suos proceris arboribus conscensis saluti consuluisse.

*Confusa  
Barbaro-  
rum opinio  
de Dilu-  
uio.*

Sed ad *Caraibes* nostros redeamus. Illi eo die ab Barbaris laute excepti fuere: nam & cibus exquisitissimis, & largo potu *Caouin* liberaliter fuerunt tractati. Ego quoque cum sociis meis, qui inopinato Bacchanalibus illis interfueramus a *Moussacat* nostris, hoc est, patribus familiis, qui victum hospitibus praebent, lautissime fuimus excepti. Praeter ea autem, quae a me dicta sunt diebus illis (quibus haec solennia tertio quoque anno celebrantur apud *Tououpinambaultios*) exactis, aliquando quoque antequam aduenerint, *Caraibes* illi vicatim circumeunt, pluris praestantissimis in singulis familiis iubent ornari tria quatuorve illa crepitacula, quae *Maraca* nominant: quibus ita ornatis, longiorem baculi quo transfiguntur partem humi defigunt, tum cibum potumque eis apponi iubent. Quo fit, ut miseri illi ex impostorum illorum persuasione credant fructus illos excauatos, atque ad illum modum ornatos, cibos absumere. Quare singuli *Moussacat* diligenter eis apponunt, non modo farinam cum carnibus & piscibus: verum etiam *Caouin*. Quinimmo *Maraca* illis in terram ita defixis, totos dies quindecim summa cum diligentia ministrant. Denique miseri illi post fascinationem illam tantam de *Maraca* illis (quae

*Maraca,  
Appara-  
tus.  
Crassa sine  
persuasio.*

*Crassissi-  
mu error.*

continuo manu gestant) opinionem induunt, vt sanctitatem illis tribuentes, affirmant, dum ab se concutiuntur, spiritum quendam secum e medijs illis colloqui. Adeo autem erant præstigijs illis fascinati, vt si nos illac iter facientes, cõspectis delicatioribus quibusdam cibus, quos *Maraca* suis apposuissent, edendos accipiebamus (quod sæpe factum est à nobis) Barbari magnum aliquod infortunium inde nobis euenturum rati, non minùs offendebantur, ac solent superstitiosi, ac Baalis sacerdotum successores, si libationes idolis suis oblatas abripi videant: quibus tamen in Dei contumeliam tum ipsi, tum meretrices cum spiriis suis aluntur. Præterea si ex eo arrepta detegendi eorum errores occasione, significaremus se ab *Caraibibus* decipi non modo in eo, quod *Maraca* edere ac bibere docerent, sed præsertim in eo, quod falsissime iactarēt, sua opera fructus & radices crassas, quibus vescerētur, nasci: quod soli Deo, in quem crederemus, esset acceptum ferendum. Quam ob causam impostores illi *Caraibes* non minore nos prosequerentur odio, atque olim Baalis pseudoprophetae Eliam suas præstigias detegentem. Ac proinde conspectum nostrum fugiebant. Ceterum licet *Tououpinambaultij* nostri, vt à me initio huius capituli est dictum, externo ritu nullo, immo ne adgeniculatione *Caraibes* suos, nec *Maraca*, nec rem vllam, creatam colant, multo minùs adorant, vel inuocant. Exemplum subijciam earum, quas in illis obseruauimus, religionis reliquiarum: Cùm forte aliquando cum alijs Gallis aliquot, in quodam pago essem (*Ocaentim* ipsi nominant) & in aperto ac propatulo cœnarem, confluentes Barbari eius vici incolæ, nostri cõtemplandi non conuiuandi gratia (nam hoc de more habent, vt cum iis, quos maxime colunt, nusquam conuiuenter) maiores natu præsertim, cum multis beneuolentiæ signis nos tanquam stipatores nostri circumstabant, è naribus piscis cuiusdam os longitudine trium quatuorve pedum, in ferræ formam, præ manibus habentes, pueros à nobis arcebant his verbis: Procul este, nebulones; estis enim indigni, qui ad viros istos accedatis. Nos vero ne minimo quidem verbo dicentes interfati, attente & tacite intuebantur. Donec peracto conuiuio maior natu quidam quum obseruasset, nos à precibus cibum auspicatos, precibus quoq; cœnam clausisse, accedens ita inquit: quid sibi vult hic ritus, quo vos modo vsi estis, cùm sublati pileis omnes præter vnum qui loqueretur silentium tenuistis? ad quem pertinebat ea oratio, quam ille habuit? Vestrumne præsentium ad aliquem, an ad absentium? ibi ego opportune oblatam eam occasionem arripens, vt apud eos de vero Dei cultu loquerer: cùm præter eius pagi amplitudinem & frequentiam, Barbaros etiam solito attentiores animaduertentem: rogare Interpretem nostrum, vt suis verbis meum illis sermonem, quoad capere ipsi possent, explicaret. Tum à quæstione senis exorsus, preces nostras ad Deum dirigi respondi: eumq; etsi sub ipsius aspectum nõ caderet, non tantùm liquide audiuisse nos, sed etiam quidquid pectore occultum haberemus, id perspicue cognoscere. Inde ad creationem mundi delapsus, in primis laborauimus, vt docerem hominem nobilissimum inter creaturas à Deo esse conditum, vt eo magis celebrandæ opificis sui gloriæ studeat. Ac nos quidem, quod ipsum coleremus, eius manu infinitis periculis longissimæ nauigationis in tam vasto

mar

1. Reg. 18.

19.

Veritas  
mendacium  
fugat.

Vetuli Bar  
bari quo-  
modo Gal-  
los exci-  
piant.

Occasio  
veri Dei  
annuntiã-  
di Barba-  
ris.

mari eripi, eiusdemque ope fretus ab omni *Aygnan* metu, tum in hac, tum in ventura vita esse liberos. Quare si *Caraibum* suorum imposturas, & Barbarum deuorandæ humanæ carnis morem abiicere vellent, eadem prorsus Dei dona consequuturos, quæ nos habere cernerent. Multa præterea de humani generis labe ac ruina, vt eorum animos ad Christum præpararem subiecimus, quoad eius fieri potuit accommodatis ad eorum captum rationibus & exemplis (pro- ut legimus à Paulo & Barnaba factum, qui Lystrenses ab idololatria ad verum Dei cultum reuocaturi docebant, vt à vanis rebus, quibus dediti erant, ad Deum viuum conuerterentur, qui fecit cælum & terram, & omnia quæ in eis sunt) quæ in præsens fusiùs persequi supersedeo. Illi quum nos ingenti cum admiratione duas amplius horas perattente auscultassent: tum vnus ex iis auctoritate & atate grauis, in hunc modum disseruit: mira, equidem, optima, & nobis non ante audita, hinc dixistis. Ac vestra quidem oratio mihi in memoriam redigit, quæ nobis sæpe auos nostros narrantes audiuius: nempe iam inde à præcis temporibus, & tam multis ab hinc Lunis, quot iam meminisse non possumus (quippe illi Lunarum numero aut vicibus, non mensibus atq; annis temporum spatia definiunt) venisse in has terras quendam *Mair* (id est Gallum, seu qualibet alia è gente aduenam) vestro more vestitum & barbatum. Atque eum, vt ipsos sub Dei vestri obsequiũ duceret, eadem oratione apud eos esse vsũ, quæ nos hodie affamini. Sed, vt nobis quoque à Patribus per manus traditum est, eos illius verbis fidem adhibere noluisse. Itaq; mox successisse alium, qui Ensem, symbolum maledictionis, illis traderet. Inde sequuta inter nos bella, neq; ex eo mutuis cædibus alii in alios sæuire destitimus. Nunc vero, postquam diuturno vsu his assueuimus, si nunc repente auitum morem exueremus, apud vicinas gentes ludibrio & derisui essemus.

Hic nos summa contentione ac vehementia testari, tantum abesse, vt finitimorum ludibriis moueri oporteret, vt contra, si summum illum & cæli & terræ opificem serio colerēt, de omnibus, qui ob id vltro molesti essent, victoriam referrent. Postremo eam verbis nostris efficaciam addidit Dominus, vt non multi tantum Barbarorum, ad eam quam ex nobis didicissent legem, deinceps vitam composituros, nec cætorum hostium carnes vltra esturos se promitterent: sed secundum hoc colloquium, positis humi genibus, nobiscum Deo gratias agerent. Ea oratio, quæ ab vno è nostris clara voce in medio eorum cœtu ad Deum concepta fuerat, mox illis per interpretem exposita est: nos ab illis in pensilia è bombyce cubilia, dormitum deducimur: sed nondum somnus nos corripuerat, quum ecce istos cantantes, & conclamantes audimus. Sumendam de hostibus vltionem, & plures, quam antea esse mandendos. En inconstantiam miseri huius populi, & humanæ naturæ triste exemplar. Mihi tamẽ equidem persuadeo, si nos diutiùs in illis terris morati essemus, fore vt aliqui tãdem Christo lucrifierent.

Id mihi ab illo tempore non semel in mentem venit, quod dixerat ille à maioribus sibi per manus traditum fuisse, *Mair* quendam, hoc est, nostratẽ hominem (neque enim, Gallusne fuerit an Germanus, multum laboro) ad se de-

Act. 17.  
15.

Barbari de  
vero Deo  
sermonem  
audientes  
obstupe-  
scunt.  
Notate  
dignissima  
Barbari  
narratio.

Barbari  
Dei cultui  
adherere  
pollicetur,  
precibusq;  
interfuit.

uectum, verum sibi Deum annuntiasse: ac querere apud me cœpi, an non ex Apostolis quendam innuant. Ac sane, quamuis eos libros meo calculo comprobare nolo, qui præter Dei verbum de Apostolorum peregrinationibus mira narrant, Nicephorus de Diuo Matthæo agens, scribit illum apud Cannibals Euangelium prædicasse, qui & ἀνθρωποφάγοι sunt, nec multum ab Tououpinambaultiis distant. Sed multo magis mouet me Diui Pauli, quem ex Psalmo 19. desumpsit locus, *In omnem terram exiit sonus eorum, & in fines orbis terrarum verba eorum*: quod à doctis quibusdam interpretibus ad Apostolos refertur. At enim quandoquidem constat Apostolos in remotissimas vsque orbis partes penetrasse, quid incommodi ex eo consequetur, si asseramus vnū aut plures Apostolos in Americam commeasse? Faceret illud quoq; ad generalissimam expositionem, quam nonnulli afferri volunt dicto illi Christi, fore vt prædicetur Euangelium regni in vniuersa terra. Quod tamen præcise de Apostolorum ætate affirmare nolim. Confirmo tamen (quod à me iam initio est dictum) me nostra memoria Euangelium apud Antipodas annuntiatum vidisse & audisse. Itaque & obiectio soluetur, quæ illi loco fieri solebat, & Barbari in extremo die magis fient ἀνθρωποφάγοι: Ad reliquum vero Americanorū sermonem quod attinet, quo affirmant maioribus suis recta docenti & monenti obsequentes se præbere reculantibus, gladium datum fuisse, quo etiam nūc se mutuo trucidant: non alienum ab eo videtur, id quod est in Apocalypsi equo rufo infidenti datum fuisse, vt tolleret pacem è terra, vt alii alios mactarent, datumque fuisse ei gladium magnum. Hæc sunt ipsa Ioannis verba, quæ, quo ad litteram (vt loquuntur) ad Tououpinambaultiorum nostrorum sermonem proxime accedunt: attamen, ne sententiam detorquere, neve longius petita afferre videar, locum hunc aliis applicandum relinquam.

Interim alterum succurrit exemplum, ex quo patet Barbaros illos Brasilienses, si modo diligenter docerentur, satis dociles esse, vt ad veram Dei cognitionem perueniant. Exemplum illud hoc loco inseram. Ego cibariorum parandorum causa, in continentem transductus, cum Barbaris duobus Tououpinambaultiis ac tertio Oucanen (quæ gens est Tououpinambaultiis fœdere iuncta) qui cum vxore amicos inuiserat, atq; tum domum redibat. Cum his tribus iter per siluam faciens, noua arborum herbarumq; specie, simul canoro auium cœcentu, ad prædicandas Dei laudes inuitatus, totum Psalmum 104. alta voce cecini. Tres illi mei comites adeo cantu (neq; enim verba capiebant) sunt delectati, vt Oucanen ille finito Psalmo vultu maxime hilari his me compellarit verbis: Tu sane suauissime cecinisti, ac tuus cantus mihi in memoriam reuocauit gētis cuiusdam, quæ & vicina est nobis, & socia modulationem: quo non mediocri affectus sum lætitia. At (inquit) illius verba capimus, tua vero minime: quæso igitur, vt quidnam id sibi velit, quod cecinisti, nobis exponas. Ego, tū quātum potui, copiose (solus enim tum Gallus cum illis eram, duo vero me in proximo vicino opperiebatur) exposui me in genere Deum celebrasse, ob rerum conditarum pulchritudinem, ac earum administrationem: speciatim vero id illi à me tributum fuisse, quod solus homines ceteraq; animantia alat, quodq; arbores ac plā-

tas,

Lib. 2. capit. 41.  
Rom. 10.  
18.

Mat. 24.  
14.

Euangelii  
nostra ætate  
apud Antipodas  
annuntiatum.

Cap. 6. 4.

Nota sermonis serie  
& quaestiones  
Barbari.

tas, quæ in vniuerso sunt terrarum orbe, eius vi ac potentia enascantur. Cantionem porro illam iam olim ante decem Lunarum millia ( quæ sola est illis temporum distinctio ) à Deo illius mei spiritu dictatam fuisse, atque ab Propheta ex nostris summo cantatam, & posteris in eundem usum traditam. At hæc Barbari ( prout sunt ad ea, quæ dicuntur attentissimi, & cæptum sermonem minime abrumpunt ) hunc meum sermonem, quem in semihoram produxeram, auide excipientes ingenti cum admiratione, in exclamationem hanc eruperunt. *The!* quam vos *Mair* ( sic illi Gallos appellant ) felices estis, qui tot arcana sciatis, quæ nobis miseris occulta sunt! Inde ex illis quidam, vt mihi gratularetur animalculum *Agoti*, quem gerebat ( de quo Cap. 9. ) ita me compellans dono dedit: En tibi, quia suauiter accinisti. Hanc ego digressionem haud grauate adiunxi, vt docerem Barbaros Americanos quantumuis in hostes ferocissimos, non adeo esse agrestes, vt ea quæ audiunt, cum iudicio non discernant. Immo ausim affirmare illos sermonibus texendis aptiores esse, quam sint rustici nostrates, atque adeo ex illis permulti, qui vel magnifice de se sentiunt,

Iam superest, vt quæstionem expediam, quæ hinc oritur, vnde nam Barbari Americani genus duxerint. Ego vero primùm assero quidem eos ex vno filiorum Noachi originem traxisse, sed à quo non ita constare: quod neque ex sacra historia, neque ex profana confirmari possit. Constat quidem Mosem, vbi de Iapheti filiis verba facit, eos Insularum incolas fuisse asserere: sed quia omnes in eo consentiunt, quod eo loco Moses Græciam, Galliam, & Italiam designet, quas regiones, quod interiectum sit mare, insulas appellat, minime consentaneum est illud ad Americam referre. Neminem quoque credo assensurum, si dicantur à Semo oriundi, à quo Iudæi & semen benedictum: licet ipsi quoque vsque adeo fuerint deprauati, vt eos tandem meritissime, reiecerit Deus. Itaque quandoquidem illi earum rerum penitus sunt ignari, quæ ad salutem æternam spectant ( quam in solo Christo sumus adepti ) sintque gens ( si quæ alia ) à Deo maledicta & derelicta: etsi ad hanc vitam, quod attinet, iam demonstravi, atque demonstrabo etiam deinceps, eos de rebus istis caducis non admodum sollicitos esse, quo fit, vt vitam hilarem, ac ferme curis vacuam transigant, contra quam faciunt nostrates non pauci, terrenis istis adeo inhiantes, vt veriùs languere quam viuere dicatur, probabiliùs esse videtur, eos à Chammo originem trahere. Quam sententiam hac coniectura verisimillima confirmo. Cum Iosue iuxta promissiones Patriarchis factas, mandatumq; sibi peculiariter datum, in terram Chanaan ingrederetur, testatur scriptura, tantum terrorem irruisse super illius terræ incolas, vt diffuxerint metu Israëliitarum: vnde etiam fieri potuit ( quod aliorum pace dixerim ) vt Americanorum nostrorum Maiores, Israëliitarum conspectum fugientes mari se commiserint, ac tandem in terram Americam appulerint. Quinetiam Gomara, historię Indicę scriptor, vir eruditus, existimat Peruenes, quorum terra Brasiliæ est contermina, à Chammo originem ducere, ac maledictionis diuinę in Chamum hæredes esse: Quod mihi in mentem venerat, & in commentarios retuleram, annis 16. antequam Gomaræ libros conspexissem. Huic quoque sententiæ id suffragari videtur,

G g

*Barbari  
suum agno  
scunt obce-  
cationem.*

*Vnde nam  
originem  
traxerint  
Barbari.*

*Gen. 10. 5.*

*America-  
ni feliciter  
hæc transi-  
gunt vitam.*

*Ios. 2. 9.*

*Lib. 5. ca-  
pit. 217.*

quod in Sapientiæ libro scriptum extat, cap. 12. vers. 4. 5. Antiquos habitatores terræ sanctæ, viscera comedisse humanarum carniū. At tamen quia multa aduersus isthæc afferri possunt, prout multos in obiectionibus afferendis laborasse scio, nihil mihi hac de re statuendum existimo. Ergo fruatur vnusquisque sua sententia. vt vt sit, ego pro mea parte, certissimè scio eos homines esse, ex Adami corrupto semine prognatos, ac tantum abest, vt eorum in diuinis rebus <sup>aiuo. Inoia</sup> perspecta, fides mea, quæ aliunde, per Dei gratiam firmatur, concussa aut labefactata fuerit, multo minùs, vt inde, Atheorum & Epicureorum more, aut nullum esse numen, aut si quod sit, rerum humanarum curam abieciſſe concluderim. Cùm potius agnito in illis maximo discrimine, quod est inter eos, qui Spiritu Sancto & Sacrarum literarum lumine sunt illustrati, & alios qui cæcitate suæ ac reprobo sensui sunt traditi, magis ac magis fuerim in amplexanda cælesti veritate confirmatus.

## CAP. XVI.

*De coniugio, polygamia, & consanguinitatis gradibus, quos Barbari obseruant: deque liberorum apud eosdem educatione.*

*Consanguinitatis gradus.*



*Polygamia.*

*Concordia inter Americ. mulieres admiranda.*

N coniugiis hi tantum obseruantur consanguinitatis gradus: nemo eorum matrem, sororem, vel filiam in vxorem ducit: reliquorum ratio nulla habetur: patruus neptem ducit, atque ita deinceps. Tamen, vt infra dicitur in colloquio Americano, nemo filiam aut sororem sui *Atourassap* matrimonio sibi iungere potest. Is autem *Atourassap* dicitur, cuius tanta est cum quodam necessitudo, vt bona inter vtrumque sint communia. Ritibus vero seu ceremoniis nullus est locus. Qui viduam aut virginem cupit, comperta amatae voluntate parentes, aut si desint, propinquos adit, rogatque num filiam suam sibi nubere velint? Si annuant, eam continuo domum deducit, nullo cōscripto dotali instrumento (per scriptoribus enim apud Bárbaros nullus est locus) atque pro legitima vxore habet. Si vero repulsam patitur, absque vlla animi perturbatione cæpto desistit. Sed notandum est polygamiam apud eos in vsu esse, ac proinde cuilibet viro tot vxores ducere, quot visum fuerit licere. Immo quo plures quis habuerit, eo fortiorem & generosiorē censerī. Inter ceteros quendam vidi, qui octo domi haberet, atque de illis non raro per multa in sui commendationem prædicaret. Id vero est maxime mirandum, quod in tanta vxorum multitudine, licet vna præ ceteris à viro diligatur, ceteræ nusquam illud agre ferant, aut Zelotypia ducantur, aut aperte mussitent. Ita; tranquillissime & maxime concorditer viuunt, sua xylina cubilia texentes, rem familiarem curantes, hortos construentes, radices plantantes. Dispiciant vero omnes, annon (etiamsi polygamia à Deo non esset prohibita) inter mulieres nostrates tam bene conuenire posset. Melius sane cum quouis ageretur, si ad triremes demandaretur, quam vt tanto rixarū inuolucro implicaretur.

Huius

Huius rei testis est Iacobi S. Patriarchæ anxietas, ductis Lea & Rachel quantumuis sororibus. Quî vero fieri posset, vt nostrates mulieres plures vnâ simul viuerent? vt vna illa, quæ à Deo in adiutorium viro data est, non raro instar mali cuiusdam genii domestici cum vexet? Attamen non eo hæc à me dicuntur animo, quali eas insimulare velim, quæ sese in officio continent, hoc est, obsequium cultumque viris debitum exhibent: quin immo has, quæ sibi hac ratione laudem conciliant, tanto magis laudandas, quam reliquas vituperandas existimo. Atqui, vt ad institutum de Americanorum coniugijs sermonem reuertar, sciendum est, adulteras mulieres adeo Barbaros abominari, vt sola naturæ lege ducti, hæc obseruent, in viri sitam esse potestate adulteram, vel mactare, vel saltem summa cum ignominia & opprobrio dimittere. Hoc quidem verum est, eos de innuptarum pudicitia conseruanda nõ admodum sollicitos esse: immo facile cuiuis eas prostituere: ita, vt (quod iam à nobis est dictum) permultas in varijs pagis ab Neustrijs Interpretibus compressas viderim, quibus tamen nulla ob eam rem ignominia nota iniusta erat. Nuptæ vero diligenter caueant, ne hac in parte peccet, ni mactationis aut ignominiosæ dimissionis pœnam velint incurrere.

Gen. 29.  
& 30.

Adulteriũ  
abhorrent  
Americ.

A me præterea est obseruatum (quamuis illi regionem calidam incolant, ac contra quam de Orientalem plagam incolentibus vulgo dici solet) Iuuenes cum mares tum feminas libidini non admodum deditos esse. Atq; vtinam nostrates æque sibi hac in parte temperarent. Verum ne plura quam par sit illis tribuam, memini, eos nonnunquam inter rixandum conuitium hoc *Tyuire*, hoc est, *αποτιναλῆαι*, mutuo sibi obijcere solitos, ex quo conijcere est (neque enim pro comperto habeo, nec asseuerare velim) flagitium illud apud eos locum habere.

Grauidæ mulieres ab grauioribus oneribus tantum abstinere, reliqua munia consueta exequuntur. Ac sane mulieres multo labore viros antecedunt: viri enim (nisi quod aliquando matutino tempore, nusquam meridiano, arbores quasdam ad hortos construendos collucant) tempus infumunt in militia, venatione, piscatu, clauis ligneis fabricandis, arcubus, sagittis, alijsq; id genus. Ad mulierum partum quod attinet, non auditione accepta, sed visu percepta referemus. Ego aliisque Gallus in vico quodam diuerteramus, circa mediam noctem clamorem muliebrem ingentem exaudimus, surgimus, eam ab belua *Ianouare* interceptam rati, accurrimus, mulierem parturientem offendimus, cui vir obstetricabatur: is puerulo in vlnas recepto, dentibus vmbilicum abscidit, nasum vero depressit (illi enim puerorum formam in similitate collocant, contra quam faciunt obstetrices nostrates, quæ infantulorum recens natorum ad elegantiam protrahunt) quod etiam apud ceteros omnes locum habet: editus in lucem infantulus statim lauatur, ac coloribus atro & rubro ab patre depingitur: tum, fasciis minime inuolutus, xylino cubili pensili imponitur. At si maculus fuerit, pater ligneum gladiolum, pulillum arcum, & paruas sagittas iam inde ab natiuitate ei dabit, lectuloq; cum puero imponet, ac puerulum osculis, hisq; compellabit verbis: Mi fili, vbi adoleueris, ad vltionem de hostibus tuis fumen-

Gravida  
mulieres  
Americ.  
quomodo  
se gerant.

Viri Ame.  
uxoribus  
obstetri-  
cantur.

Quare  
Barbaris  
infantulis  
deprimatur  
nasus.

Infantuli  
crepundia.

*Qua sit A-  
meric. no-  
minū im-  
ponendorū  
ratio.* dam fortis esto. Ad nominum impositionem quod attinet, memini eum, de quo modo egi, ab parente *Orapacen* nominatum fuisse. Quæ dictio arcum & neruum sonat: vox enim est composita ex *Orapat*, quod est arcus, & *Cen*, neruus. Eadem quoque in aliis seruat ratio. Nam illi sine delectu rerum sibi cognitarum nomina liberis imponunt, ut nos canibus, aliisque nostratibus brutis: verbi gratia, *Sarigoy*, quadrupes animal: *Arygnan*, gallina: *Arabouten brasilia arbor*: *Pindo*, herba prægrandis, & sic de aliis.

*Infantulo-  
rum ali-  
mentum.*

Alimentum est præter lac maternum, farina mansa, & tenerrimum quodque cibi genus. Puerpera biduo tantum, aut ad summum triduo discumbit, deinde puerulo mitella xylina imposito vel hortum petit, aut ad cetera expedienda negotia proficiscitur. Quæ tamen non ita sunt accipienda, quasi nostratium mulierum consuetudini detractum quicquam velim, quæ ob aeris intemperiem viginti minimum dies resupinæ in lecto iacent: quæque adeo sunt delicatæ, ut nulla urgente necessitate, simulac liberos sunt enixæ, procul ab se eos ablegent, atque adeo vel incisiis ipsis extinguuntur, vel saltem iam grandiusculi sint, oportet ut lusuibus eas oblectent, antequam domum admittantur. At vero si delicatæ quædam querantur iniuriam sibi à me fieri, qui eas cum Barbaris mulieribus comparem, quarum, inquit, rusticitas nihil habet cum sua teneritudine commune: equidem ad leniendum acerbum istud dictum eas ad Bruta ipsa animantia remittam. Quæ quidem vniuersa ne exceptis minimis auiculis vna veluti voce eas docebunt, generi animantium omni à natura esse inditum, ut de prolis educatione sit sollicitum. Atque ut tandem obiectiones omnes anteuertam, quæro ab istius farinæ mulierculis annon sint delicatiores regina quadam Gallica? quæ cum comperisset puerulum suum alienæ mulieris lac exsuxisse, materno accensa affectu, adeo excanduisse fertur, ut non prius conquieuerit, quam infantulus lac alienum euomisset.

Sed ad rem. apud nos hæc obtinuit opinio, puerulos, nisi diligenter fasciis inuoluerentur, ac constringerentur, distortis futuros cruribus: atqui assero isthæc minime à Barbaris curari (utpote qui infantulos recens natos, nudos ac minime religatos lectis xylinis imponant) quorum tamen liberi omnium mortalium rectissime incedunt. Fateor equidem aeris temperiem ad id plurimum valere, ac proinde concedo, puerulos nostrates hyemis tempore diligenter esse inuoluendos, ac fasciis in cunis religandos, quod alioqui frigori ferendo sint impares. At æstate ac temperatis anni tempestatibus, præsertim cum gelu non riget (cum bona tamen aliorum venia) censuerim, quantum experientia assequi potui, infantulos vinculis illis esse soluendos, atque in libertatem vindicandos, genere quodam cubilis ad id excogitato, ex quo decidere minime possent. Ac sane in hæc sum sententia, non parum incommodi afferre calorem summum, quo æstatis tempore pueruli apud nos fasciis reuincti quasi percoquantur.

*Infantuli  
Amer. mū  
dissimi abs-  
que linteo-  
rum usu.*

Ne tamen plura quam par sit fatagere me ab nonnullis obijciatur: puerulos nostrates parentibus & nutricibus educandos relinquo. De Americanis vero addo, matres quæ & linteis carent, & foliorum (quorum tamen maxima illis

illis suppetit copia) ad hæc ministeria non vtuntur adminiculo, frustulis ligneis tam diligenter polteriora infantulorum abstergere, vt ab omni sorde continuo sint immunes. Adultiores quoque eandem seruant rationem, quos etiam (in scedam istam materiam paulisper digrediens) commemorare libet, in casis quidem mingere consueuisse, nec tamen fœtorem vllum inde oriri: licet ignibus crebris fere iugiter colluceant, atque arena sint stratæ: at quoties aluum sunt exoneraturi, procul ab ædibus secedere solitos. Præterea, cum Barbari de liberis suis singulis sint solliciti, quorum in singulis familiis magnus est numerus (non tantus tamen, vt occurrat pater, qui sexcentos filios susceperit, prout Gen. Ind. Scriptor affirmat regem conspectum esse, cui tot essent liberi, quod merito quidem inter prodigia est recensendum) tum vero maxime mares diligunt, quod soli bello sint apti, ac vindictæ de hostibus sumendæ sint cupidissimi. Iam vero si quis quærat, quonam eos imbuant à teneris eruditionis genere? Respondeo: ex iis quæ à me capitibus 7. 13. & 14. de eorum ingenio, bellis, ac hostium deuorandi ratione dicta sunt, facile esse colligere, eos, quibus scholæ ne auditione quidem notæ sunt, bonas artes minime edocere. Ac proinde, eos tanquam veros Lamechi, Nimrodi, & Esauī successores, non modo venatores esse, & bellatores, sed etiam hominum mactatores & deuoratores.

Insuper de *Tououpinambaultiorum* coniugio dicere quantum feret pudor, pergens, assero (contra quam ab nonnullis est confictum) viros naturalem verecundiam seruantes, nusquam cum vxoribus coram congregari. Quam in re non modo sunt Cynico illi præferendi, qui *ἐν τῷ αἰτῶν* deprehensus impudentissimè respondit, se hominem plantare: sed etiam fœtidissimis nostratibus hircis, qui hominum conspectum turpia quæq; admittentes minime fugiunt. Præter ea quæ dicta sunt, notatu est imprimis dignum, nos qui in terris illis per annum integrum viximus, feminam nullam menstruis laborantem vnquam conspexisse. Ego crediderim fluxum illum ratione nobis ignota eas diuertere. Puellas enim annos duodecim natas vidi, quarum latus ab axilla ad genu vsq; animalis cuiusdam dente acutissimo ab matribus inciderebatur. Puellæ vero præ summo dolore frendentes, magnam cruoris copiam emittebant: hoc illas remedio menstrua anteuertere conijcio. Hic vero si à medicis, atq; aliis harum rerum peritis obijciatur, hæc cum eo, quod nuper à me est dictum, mulieres Barbaras esse fœcundissimas, nõ cõuenire, quandoquidem menstruis cessantibus mulieres nec concipere, nec parere possunt: Respondeo, mihi in animo nõ esse quæstionem hanc soluere, immo nec plura de his adicere.

Capit. 7. sub finem eorum refellimus errorem, qui vel scripserunt, vel tacite crediderunt, feminarum nuditate viros ad libidinem pellici. Nonnulla etiam de puerorum Barbarorum educatione adiunximus. Itaque ea lector inde requirat moneo, vt fusiori suppleant tractationi.

Cap. 96.

Gen. 4. 13.  
& 10. 8. 9.  
& 27. 13.  
Quibus in  
rebus occu-  
patur Bar-  
bari.

Naturalis  
verecundia  
in Ameri-  
canorum  
coniugis  
seruatur.

Americ.  
feminarum  
purgatio.

## CAP. XVII.

*Quid leges, quidque politia apud Brasilienses nuncupari possit: quam humaniter excipiant hospites: deque lachrymis ac fictis sermonibus, quibus hospites in ipso ingressu ab mulieribus excipiuntur.*



*Barbari  
cōcorditer  
vivunt.*

*Homicida  
rum apud  
Barbaros  
pena.*

*Leuit. 24.  
19. 20.*

*Pagi & fa-  
milia A-  
meric. quo  
disponantur  
modo.*

*Pagorum  
apud A-  
mer. trans-  
portatio.*

*Hist. Gen.  
Ind. lib. 2.  
cap. 60.*

*Quos a-  
gros pecu-  
liariter pos-  
sident A-  
meric.*

**A**D politiam Barbarorum quod attinet, vix credibile est quam pulchre inter eos sola naturæ luce ductos conueniat. Nec referri istud potest, nisi summo eorū pudore, qui diuinis & humanis sunt instructi legibus. Quod tamen de tribulibus inter se, aut de fœderatis est intelligendum: etenim erga inimicos quomodo se gerant, iam est à nobis demonstratum. Si quæ tamen contentio inter quosdam apud eos exoritur (quod rarissime accidit, nam toto anni spatio, quo apud eos vixi, bis tantum rixantes videre mihi contigit) spectatores litem componere minime curant: sed eos pro libidine agere, oculos licet sibi mutuo sint confossuri, sinunt. At si alter alteri vulnus infixerit, comprehendiq; possit, vulnus ei eadem in corporis parte ab vulnerati cognatis infligitur. Imo si forte vulnus mors consequatur, ab mortui cognatis de medio tollitur homicida. Deniq; vitam pro vita, oculum pro oculo, dentem pro dente rependunt. Sed isthæc, vt dixi, rarissime apud illos contingunt.

Res soli apud eos sunt casæ, & agri longe ampliores, quam qui incolis alendis desiderentur. Ad casæ quod attinet, sciendum est primum, singulos pagos sexcentena hominum capita capere, quare complures eadem casâ habitare necesse est. Attamen singulis familiis suum occupantibus locum (absq; vlllo interstitio: nam nihil est quod impediât, quominus ab extremo vno ad alterum ædes illæ pateant, quæ in passus 60. vt plurimum producuntur) pater quisq; familias vxores & liberos seorsim positos habet. Ad hæc obseruandum est (quod est sane mirandum) Americanos vnum locum vltra quinq; aut sex menses non incolere. Sed exportata materia, atq; herba *Pindo*, quibus casæ eorum constant, vicus suos frequenter transportant, quibus tamen eadem semper seruantur nomina. Nos ipsi pagos nonnullos à pristino loco mille passibus remotos conspeximus. Ex quibus satis constat, non modo apud Americanos nostros ingentia non edificari palatia (quemadmodum à quodam scriptum est, Indos Peruêses domos ligneas tam magnificas habere, vt in illis cœnacula sint longitudine passuum c l. latitudine vero l x x x.) sed etiam à nullo casam edificari, quam & perficere, immo vltra vicies struere ac destruere ante obitum non cogatur, si tamen iustam hominis ætatem attigerit. Iam si quærat ab ipsis, cur nam tam frequenter sedes mutant? In promptu est responsio: Cæli mutationem ad valetudinem multum conferre: prætereas, si ab maiorum consuetudine recederent, confestim interituros. Ad agros quod attinet, *Moussacat* quisq; aliquot quidem peculiare habet, quos pro arbitrio vbiunque visum fuerit, ad componendos hortos seligit. Sed anxiam illam curam de fundis diuidendis, & limitibus

tibus figendis , & definiendis agris auaris & leguleiis nostratibus relinquunt.

De eorum supellectile non semel à nobis in superioribus est dictum. Sed ne quid eorum omittamus, quæ ad Oeconomiam Barbarorum pertinent, hoc loco recensebo Americanarum mulierum in gossypio ( cuius apud eas usus est multiplex tam in funiculis, quam in pensilibus suis cubilibus texendis ) nendo artificium.

Extractum ex flocculis, pro omni carminatione digitis aliquantulum extendunt, tum humi aceruatim disponunt ( nam colis uti non norunt ) pro fuso virgulam habent digiti crassitudine, pedali longitudine, qua orbiculū ligneum transfigunt, gossypium virgulæ summæ alligant, tum ad femur ( ut fusos suos solent nostrates ) instrumentum illud torquentes, è manu emittunt. Orbiculus ille per domos vel plateas instar verticuli deuoluitur. Atque eo modo filamentum, non modo crassum ad cubilia xylyna texenda, sed & subtilissimum. Huiusmodi ego in Galliam attuli, quo thoracem è candida tela ornari curavi: cuius tanta erat tenuitas, ut à quibusuis pro lectissimo Serico haberetur.

Cubilia sua xylyna *Inis* nuncupant. Feminae, ad quas pertinet istud opificium, textrinas habent ab nostratibus non nihil absimiles: neque enim in planum sunt constructæ, neque tot machinamentis constant, sed editæ ad earum staturam, suo more ordiuntur, tum ab imo texendi initium faciunt. Quædam ex cubilibus illis ad formam retium, alia densiora instar telæ rarissimæ conficiunt. Quinque aut sex pedum longitudinem obtinent, latitudinem vlnæ: extremo utriusque fibulæ xylynae adduntur, quibus funes annectunt: ac trabibus ad hunc usum in casis accommodatis suspendunt. In Castris degentes, aut in siluis ad venationem, aut in litoribus ad piscatum ea ex arboribus suspendunt. Hæc cubilia ( nequid à nobis prætermittatur ) ubi fordes vel ex humano sudore, vel ex fumo, ob ignis perennitatem contraxerunt, hoc abluuntur modo. Mulieres fructum quendam in siluis colligunt, forma ab cucurbitæ planæ non absimili, verum longe ampliorem, adeo ut ægre singula poma altera manu gestentur, hos fructus frustatim concidunt, atque in prægrande aliquod fictile vas coniectos aqua madefaciunt. Tum baculo vehementer mouent, atque spumam ex illis excitant, cuius ope ( loco saponis ) cubilia sua ita mundant, ut niuem vel fullonicos pannos candore adæquent. Ceterum expertis iudicandum relinquendo, annon suauius, æstiuo præsertim tempore, in cubilibus illis decumbatur, quam in lectis nostris vulgaribus: an etiam temere in historia nostra Sancerrana, affirmari longe commodiorem esse eiusmodi cubilium usum in excubiis, quam & recepto more, milites in *Arabia* voluntentur, nam & vestes conspurcantur, & pediculi comparantur; & quod magis est, si ad certamen sit confurgendum corpus quodammodo armis, quæ continuo militibus adhærent, conquassatur: quod in urbis Sancerranæ obsidione experti serio sumus. Hostis enim per integrum annum ad portas nostras permansit.

Reliquam Americanorum Supellectilem, ut in pauca contrahamus, mulieres ( quibus res domestica est curæ ) Cannas ingentes parant, & prægrandia

*Gossypium  
quo modo  
nunt  
A-  
mer-  
m-  
liera.*

*Inis, cubi-  
lia xylyna.*

*Cubilia  
Barbaro-  
rum quo-  
modo ster-  
nantur.*

*Spuma  
que Sapo-  
nis vicem  
supplet a-  
pud A-  
meric.*

*Ingentia,  
mediocria  
& exigua  
fictilia va-  
sa mulieres  
Americ.  
fabricant.*

fictilia vasa conficiunt ad *Caouin* suum imponendum. Ollas quoque varia forma effingunt, pelues paruulas & mediocres, paropsides, atque id genus alia vasa, quae extrinsecus quidem minime sunt polita, intrinsecus tamen adeo laeuigata & alba, nescio qua infectura, quae continuo indurescit decorata, adeo ut singulorum nostrorum industriam mulieres illae facile adaequent. Praeterea fucum nescio quem *Leucopæum* aqua madefaciunt, deinde varias rerum formas in suis vasis affingunt intrinsecus, atque in iis praesertim, in quibus farinam, aliaque ciborum genera asseruanda reponuntur. Eorum itaque usus est gratissimus, immo longe praestant illa vasa ligneis, quibus non pauci hinc utuntur. Hoc tamen pictrices illae laborant vitio, quod ubi penicillo quicquid collibuerit effinxerunt, si rogentur eadem denuo pingere, minime possint: quod exemplum nullum praeter phantasiae suae industriam propositum habeant. Hinc fit, ut picturarum istiusmodi duae vix vnquam similes reperiantur.

*Pocula, a-  
liq; vasa  
ex fructib.  
corbes &  
canistri.*

Praeterea (ut alibi dixi) Barbari cucurbitas aliaque fructuum genera habent, quae diuidunt atque concauant, illique pro poculis (quae *Coni* appellant) aliisque varii usus vasis utuntur. Corbes quoque habent amplas & mediocres, atque adeo canistros, iuncis aut herbis subflauis, ab stramine triticeo non alienis aptissime contextos. Hos *Panacon* nominant, inque illis farinam, aliaque quae fuerint visa, imponunt. De armis, vestibus plumaceis, Instrumentoque *Maraca* iam est a nobis facta mentio, itaque ut breuitati consulam, plura non addo. Ecce iam Casas Barbarorum extractas atque suppellectile instructas habemus, iam ipsi in illis sunt inuisendi.

*Barbari  
comiter  
hospites ex-  
cipiunt.*

Sed paulo altius istud est repetendum. Etsi *Tououpinambaultij* hospites perquam humanissime excipiunt, tamen Galli, aliaque aduenae, qui eorum linguae sunt ignari, initio non parum sunt ob tam insuetos mores attoniti. Ego quum primum inter illos versarer (quod vigesimo circiter die post nostrum ad castellam Colignium appulsum contigit) Interpres quidam ad vicus quosdam in continentem me deduxit, is, quem primum vidi indigenarum lingua *Ybouraci*, Gallica vero *Pepin*, de naucleri cuiusdam nomine, qui quodam ad eum locum nauem onerarat, nuncupatur: quatuor tantum passuum millibus ab castello nostro distat. In ipso ingressu me frequentes circumeunt Barbari, hisque compellant verbis: *Marape-derere, Marape-derere?* hoc est, quo nomine vocaris? quae quidem voces vere mihi erant Barbarae, alius vero eorum galerum meum mihi ablatum capiti suo imponit, alius cingulum & enssem meum lateri nudo suo subligat: alius tunicam induit, meque suis clamoribus hebetant, atque meis induti spoliis huc & illuc discursant. Ego tum meorum omnium iacturam fecisse me arbitrabar, nec satis sciebam quam tuto apud illos essem. Verum ut ipse expertus sum, metus ille ex moris illorum ignoratione oriebatur, illi enim idem omnibus aduenis, praesertim iis, quos nondum conspexerunt, factitare solent, sed ubi animi gratia aliquantisper eo habitu obambularunt, singula praecise restitunt. Tum fui ab interprete admonitus, illos vehementer optare, quod mihi nomen esset, intelligere: sed in eo ededo ab nominibus apud nos usitatis abstinendum esse, utpote quae Barbari nec pronuntiare (Ioannis enim loco *Nian* dice-

*Eorum qua  
auctori cum  
primu Bar-  
baros adit,  
acciderunt,  
facetanar-  
ratio.*

dicebant) nec memorię mandare possent: sed aliquid esse proponendum quod illis ellet notum. Res tam feliciter successit, vt, quantum significauit mihi interpres, qui linguę Brasilię erat peritissimus ( neque enim subtilius inquirendo hæc confinxi, vt impudenter calumniatur Theuetus, ineptissime de suo *Quoniambeco* Viror. Illust. libro differens ) nomen meum Lerij Ostreum significaret. Itaque respondi me, *Lery-ousson* vocari. Illi rem probare, atque interiectione sua admirante *The!* crebro vsurpata, his me compellare. Præclarum sane nomen! nec vnquam *Mair* vllum offendimus, cui tale esset nomē. Ac sane Circe nusquam hominem in tale ostreum transformauit, nec qui tam sedulo cum Vlysse differeret, quam ego ex illo tempore cum Barbaris differui. Obseruandum est autem eos adeo tenaci esse præditos memoria, vt si cuiusquam nomen semel audierint, illud nunquam obliuioni mandent. Reliquos, quos in hospitibus excipiendis obseruant ritus, postea recensebo: iam quid mihi tum primùm inter Barbaros versanti contigerit, explicabo. Ego cum interprete eo die vltorius sum progressus, atque in pago *Euramiri*, Indigenarum lingua, Gallica vero *Goser* de interpretis cuiusdam nomine, qui eum aliquandiu incoluerat, diuertimus: occidente sole appulimus, Barbaros saltantes, & *Caouinantes*, ob captiuum, quem eo die mactarent, offendimus. Carnium illius frustra Boucano imposta animaduerto. Quanto ibi horrore fuerim perculsus, minime quærendum arbitror. Attamen id minimum fuit, si cum summo metu, quo postea fui consternatus, conferatur. Casam ingredimur, cubilibus pensilibus infidemus more recepto: feminæ eo, qui à nobis dicitur modo, lugent, Paterfamilias amicis nos excipit verbis. Interpres qui istis erat assuefactus, quique eorum computationibus apprime delectabatur, me rerum omnium ignarum in salutatum relinquit, atque ad saltantes ac *caouinantes* abiit. Ego vero qui defessus eram, postquam me farina, & quibusdam aliis cibus nobis appositis refeci, in cubili decubui. Attamen & strepitu Barbarorum saltantium & *caouinantium*, & captiuum deuorantium, mox fui expergefactus, & (quod maximum) quodam qui captiuum boucanatum pedem manu gestabat ad me accedente, atq; à me ( vt postea intellexi, tum enim verba illius minime capiebam ) annon vellem ex eo edere quærente, adeo fui metu consternatus, vt à somnolentia fuerim penitus liberatus. Ac sane omnino credebam gestu illo, quē in deteriorem partem rapiebam, ab Barbaro mihi indicari, fore vt mox carnes meæ eo modo vorarentur. Præterea vti metus suspicionem parit, in mentem mihi exemplo venit, Interpretem prodidisse me, atq; in Barbarorum manus tradidisse. Quare, si qua fugiendi patuisset mihi via, ego impigre fugā capessissem. Sed vndiquaq; me Barbari, quorum mentem non satis noueram ( nihil enim mali in me moliebantur ) circumstabant. Ego in metu confirmatus futurum ominabar, vt mox mactaret, quare totam noctem precibus ad Deum fundendis transegi. Cogitent lectores, qui de iis quæ à me narrantur, serio cogitabunt, nū mihi longissima visā merito fuerit. Prima luce Interpres (qui totam noctem cū Barbaris genio indulserat) ad me redit, atq; me pallidum atq; febri correptum videt. ibi quærit, num me malè haberem, annon placide quieuissem? Ego tū acriter eum

*Auctoris  
nomen A-  
meric. lin-  
gua.*

increpare, qui me inter Barbaros illos solum reliquisset, quorum sermonem minime capiebam: quid multa? cum metum deponere non possem, obnixè rogo vt sine mora illinc faceremur. Ille vero bono me animo esse iubet: ac minime male in nos affectos esse Barbaros denunciat. Rem omnem Barbaris aperit, qui mihi totam noctem, vt aduentum gratularentur, adstiterant: illi significant, se de eo non nihil subolfecisse, dolere tamen se, quod in tanto eorum metu noctem illam transegissem. Ac tandem in cachinnos prorumpunt, quod fuit metus illius mei solatium. Inde ad quosdam alios vicos ego & Interpres ille perreximus. Sed isthac de primo meo inter Barbaros errore dicta sint satis. Ad cetera reuertar.

Hi sunt ritus, quos excipiendis hospitibus Barbari obseruant. In primis oportet hospitem statim, vbi in domum *Moussacat* illius fuerit ingressus, quem sibi hospitem delegerit (quod in singulis pagis est faciendū, nec ad alium est diuertendum, nisi illius in malam gratiam velis incurrere) cubili xylino pensili infideat, ac tacitus ibi aliquantulum remaneat. Mox mulieres adueniunt, cubile cingunt, humique sedentes manus oculis imponunt suis, atq; eo modo faustum hospitis aduentum desidentes, innumera in illius laudem proferunt. Verbi gratia: tu tantum vt ad nos accederes laborem suscepisti: tu bonus es, fortis es. Si vero hospes fuerit Gallus, addunt, merces præclaras permultas nobis attulisti, quibus hîc caremus. In summa, vt dictū est, mulieres illæ, lachrymis obortis, adulatoriis

*Mulieres  
Americana  
hospitiū  
aduentum  
desident.*

*Hospitis a  
pud Amer.  
gestu.*

huiuscemodi sermonibus hospites excipiunt. Hospes vero, qui in cubili xylino sedet, si gratiam vult cū hospite inire, composito vultu, nisi serio lachrymari voluerit (prout nonnullos ex nostris vidi adeo fracto animo, vt feminarū istarum vlulatu lachrymæ illis excuterentur) saltem quædā respondendo, & suspiria trahendo fletū simul necesse est. Peracta hac lepidissima à mulieribus salutatione, *Moussacat*, hoc est, paterfamilias, qui etiam, vt in pictura videre licet, in fabricanda sagitta vehementer occupatus, ne oculos quidē quasi non animaduertens in hospitem per aliquod tempus coniecerit (blāditia à nostris amplexibus admodum alienæ) tandem ad hospitem accedens, his eū compellat verbis: *Ere Ioube?* hoc est, venisti ne? tum, vt vales? quid quæris? &c. quibus quo sit respondendum modo, inferius in colloquio Americ. dicitur. Quarit postea num esurias? Si annuas, confestim cibos varii generis, puta, farinam, quæ illis panis vices præstat, ferinam, volatilia, pisces, aliaq; id genus, in fictilib. tibi apponi iubet: verū, quod mensis scamnisq; vsus non sit apud eos, humi omnia illa apponuntur. Ad potum quod attinet, si *Caouin* volueris, domiq; fuerit, statim tibi dabitur. Deniq; postquam mulieres fletibus hospitem aduentum strenuè celebrarunt, ad eos accedunt fructus aut alia munuscula ferētes, atq; ita tacite pectines, specula, vitæ eos globulos, quibus brachia inuoluunt, exigunt.

*Moussa-  
cat, quomo-  
do hospite  
excipiat.*

Porro si in eo vico pernoctare voles, *Moussacat* cubile mundissimum tibi suspendi iubet, quod circum igniculos accendi curabit, atque noctu crebro suscitari folliculis, quæ ipsi *Tatapecona* vocant, ab orbiculis non absimilibus, quibus ignis inuasionem ab vultu arcet apud nos delicatioris feminæ. Non quod frigori obnoxia sit illa regio, sed propter noctis humiditatem, maxime

verò

vero quia moribus est ab illis receptum. Sed quando in ignis mentionem incidimus, quem illi *Tata*, fumum vero *Tatatin*, nuncupant, operæpretium puto præclaram illius excitandi rationem ut exponam. Ea non minorem meretur admirationem, quam Scoticus lapis, qui (ut refert singularitatum regni illius inuestigator) stuppa aut stramine obuolutus ignem per se excitat. Ergo Barbari, quod eo admodum delectentur igne, ubicunq; sint, ægre carent, siue domi, siue in siluis venantes, siue ad littus piscantes, præsertim noctu: vehementer enim metuunt, ne incauti excipiantur ab *Aygnania*, à quo (ut iam diximus) crebro cæduntur, & affliguntur. Itaq; pro eo, quod nos lapide atq; chalybe ad ignem excitandum utimur, cuius usus ille est incognitus. Illi lignorum genera duo habent, quorum alterum est mollissimum, alterum vero durissimum, quibus ad ignem excitandum hoc utuntur modo: virgam ex præduri illius ligni pedali longitudine ab altera parte exacuant ad fusi modum, huius cuspidem in frusto aliquo mollis illius ligni defigunt, tum siue humi, siue stipiti impositum, virgam illam, manuum volis maxima celeritate voluunt, quasi suppositum ligni frustum perforaturi: Illa tam celeri, tamq; violenta agitatione non modo fumus excitatur, sed etiam ignis, itaq; admoto gossypio, vel foliis quibusdam siccis (fomitibus nostratis loco) commodissime ignis concipitur. Cuius rei ego ipse feci periculum. Nec tamen mihi est animus ea confirmare, quæ Theuetus scripsit, Barbaros Americanos ante ignis usum cibos fumo exsiccare consueuisse, prout enim philosophicum hoc *ἀέθιαμα*, quod in prouerbiū abiit ut verissimum habeo, ignem absq; fumo non esse, sic eum indoctum physicum iudico, qui nobis persuadere nititur fumum absq; igne existere. Fumum hinc intelligo, cibus percoquendis aptum, cuiusmodi ab Theueto innuitur. Nam si hac solutione nudo illo se expedire vellet, se id de exhalationibus intellexisse, etiamsi concedatur calidas esse, non tamen datur eas cibos exsiccare & percoquere posse: quinimo & carnibus, & piscibus potius humiditatem sint aucturæ. Quapropter, quid quæso est lectoribus imponere, si hoc non est? Quando igitur adeo grauer, tū in Cosmographia, tum alibi de iis conqueritur Theuetus, quos, quia res ab se commemoratas pro sua libidine non exponant, eo accusat nomine, quod non satis diligenter in suis scriptis sint versati: Lectorem rogo, ut locum istum diligenter obseruet de nouo isto calido, ac imaginario fumo, quem ego ad ipsius ventosum remitto cerebrum.

Iam igitur ad *Tououpinambaultiorum* in hospitibus excipiendis curam redeamus. Postquam eo, quo diximus modo, hospites cibum sumpserunt, atque decubuerunt, si liberales sint, viris cultros, forfices, atq; volsellas, ad barbam euellendam aptas: feminis pectines, & specula; pueris hamos dare solent. Si vero cibus hospes indigeat, ubi de pretio est conuentum, ea asportare licet. Porro quia illi iumentis omnibus carent, omnes pedibus iter facere necesse est, si aduenæ fuerint defessi, atq; cultrum cuidam ex Barbaris obtulerint, ille confestim (nam ad gratificandum sunt promptissimi) operam suam offeret ad defessum gerendum. Ego ipse, cum in terris illis versarer, non semel baiulis illis vectus fui, & quidem bis mille passuum itinere. Quos si ut paulisper requiescerent mone-

*Scoticus lapis admiranda ratione ignem concipit. Cur Barbari igne delectentur: atque de egregia illius apud eos excitandi ratione.*

*Sing. Amer. c. 53.*

*Aduena quid hospitibus rependant.*

*Barbari aduenas humeris gerunt.*

*Gradarii bipedes.* bamus, illi nos his verbis irridebant: Quid? nōsne tam effœminatos aut fracto animo esse censetis, vt oneri succumbamus? te potiùs totum diem absq; vlla intermissione gestarem. Nos vero in cachinnos erumpentes gradarios illos bipedes mirabamur, atq; illis animum addentes, dicebamus: Pergamus igitur.

*Barbari natura dicitur esse charitatem colūt.* Naturalem charitatem abunde inter se mutuo exercent: nam & pisces, & ferinam, & fructus, aliaq; quotidie alii aliis donant, immo vehementer dolerēt, si vicinos iis rebus, quas ipsi habent, indigere cernerent. Atque etiam eadem liberalitate erga aduenas vtuntur. Cuius rei exemplum vnum afferre satis erit. De periculo quodam quod euasimus, ego Galli q; alii duo, quod scilicet, mors nobis imminebat, ingenti lacerto nobis obuiam facto, capite huius libri nono memini: nos tum à via in mediis siluis per biduum aberrauimus, ac famem nō mediocrem sumus perpeffi, tādē ad vicum quendam, *Pauo* nomine, ad quem iam ante diuerteramus, peruenimus. Ibi nos liberalissime ab Barbaris fuimus excepti. Illi enim auditis incommodis, quæ perpeffi eramus, ac præsertim summum in quo versati eramus periculum, vt ab feris deuoraremur, maxime vero vt ab *Margaiatibus*, communibus nostris hostibus, maçtaremur, ad quorum fines per imprudentiam proxime accesseramus. Conspectis quoque spinarum incommodis, quorum misere cutis nostra erat lacerata, adeo nostra mala grauius tulerunt, vt vere affirmare hoc loco possim blanditias fictas, quibus nostrates miseros consolari solent, longe ab sincera gentis illius, quam nos Barbarā appellamus, humanitate abesse. Illi enim limpida aqua pedes nostros (quod antiquorū morem mihi in memoriam reuocauit) abluerunt, singulis nostrū feorsim in pensili lectulo sedentibus. Tum patresfamiliās, qui iam cibos nobis apparari prouiderant, recentemq; farinam, quæ (vt aliās dixi) cādidi panis medullæ bonitate non cedit, corradi iusserant, confestim nobis nonnihil refocillatis præstantissimos quosq; cibos, puta ferinam, volatilia, pisces, fructusq; exquisitissimos, quibus continuo abundant, nobis apponi iubent.

*Barbarorū humanitatis insignie exemplum.* Præterea nocte adueniente *Moussacat* hospes noster, pueros omnes à nobis, vt placidiùs quiesceremus, remouet. Postero autē die summo mane ad nos accedit, quaritque agite *Atourassap* (hoc est fœderati intimi) placidēne hac nocte quieuiſtis? Placidissime excipimus. Tum ille: adhuc quiescite, filioli mei, heri enim vos admodum defatigatos esse animaduerti. In summa, verbis exprimere non queo, quam humaniter & blande à Barbaris illis excepti fuerimus, qui nos non minori prosequuti benignitate, ac Melitenses Barbari Paulum ceterosque naufragos: de quibus Lucas in Actis Apostolicis. Ceterum nos nunquam absq; pera mercibus plena peregre proficiscebamur, quæ nobis pecuniæ instar essent apud Barbaros illos. Itaque illinc abeuntes quæ visa sunt hospitibus donauimus: nimirum cultros, forfices, volsellas viris: pectines, specula, armillas, & vitreos globulos feminis: pueris vero piscatorios hamos.

*Act. 28. 1. 2.* *Quanti a Barbaris estimantur cultri, aliaque merca.* Hic quid mihi aliquando apud eos contigerit narrare libet, vt quanti faciant merces illiusmodi commonstrem. Ego in quodam pago diuerteram, à *Moussacat* vero meo rogatus sum, vt quid in pera mea haberem, sibi indicarem, vasque ingens fictile mercibus meis imponendis afferri iubet: vniuersas depro-

mo,

mo, ordineque dispono: tum ille vehementer admiratus Barbaros reliquos ad-  
 nocat, atque inquit. Videte quaeso, o boni, qualem virum apud me exceperim!  
 an non liquidissime apparet illum praediuitem esse, quandoquidem tantas o-  
 pes apud se habet? Illa tamen merces (vt comiti meo Gallo subridens signifi-  
 caui) quas tanti Barbarus ille faciebat, nimirum cultelli sex vario capulo, toti-  
 dem pectines, tria specula, aliaque minimi pretii pauca, vix Lutetiae duobus ar-  
 genteis capitatis vaniissent. Ego tum, quia homines liberales (vt est a nobis di-  
 ctum) amant, vt mihi auctoritatem & gratiam apud illos conciliarem, *Moussa-*  
*cat* meo cultrorum meorum praestantissimum coram omnibus donauit, quem  
 non minoris ille fecit, atque apud nos quilibet torquem aureum maximi pretii  
 donatum faceret.

Iam si quaeratur, an tuta nobis esset apud illos habitatio? respondeo eos *Barbari*  
 prout inimicos tam infano prosequuntur odio, vt captos mactent vorentque: *amici fi-*  
 sic vice versa tanto, tamque arcto amicos (in quorum eramus numero) amore *dissimi.*  
 complecti, vt potius quiduis subeant ad eos tuendos, quam vt villo eos affici in-  
 commodo patiantur. Itaque eorum expertus fidem illis iam tum maxime fi-  
 debam, ac nunc facilius fiderem, quam plerisque Gallis infidissimis, atque a  
 proauorum fide degeneribus. Nominatim degeneres addo: nam bonis, qui-  
 bus per Dei gratiam nodum penitus est destituta Gallia, villo modo detractum  
 nolim.

Veruntamen vt nihil quod ad eorum mores attinet dissimulem, rem hic *Historia*  
 narrabo maxime mihi in speciem periculofam. Accidit vt sex Galli casu in vi- *de periculo*  
 cum illum *Ocarantim* (de quo sepe facta est mentio) conueniremus: ibi perno- *in speciem*  
 ctare statuimus, ternique arcu contendimus, ea conditione, vt victi Indicis gal- *imminete.*  
 llinis, aliisque cibis in caenam multarentur. Ego qui cum sociis inferior in ludo  
 fueram, gallinas venales conquiro. Puer quidem ex eorum numero, quos supra  
 Rosea naui aduectos fuisse ad linguam Americanam ediscendam demonstraui,  
 mihi occurrit, dicitque: En tibi praepinguem Indicam anatem: Eam occide, pre-  
 tiu postea numerabis. Pareo, eoque facilius, quod non semel in pagis aliis itidem  
 Gallinas occideramus, quas cum bona Barbarorum gratia cultris quibusdam re-  
 demeramus: mortuam manu apprehendo, domumque, in qua ad *caouinandum*  
 frequentes Barbari couenerant ingredior: cuiusnam sit anas, precium numeratu-  
 rus quaero: prodit vetulus quidam caperata fronte, ac suam esse significat. Pro  
 ea sibi numerari quod velit pretium peto. Cultrum, inquit ille. Ego haud mo-  
 ra praebco: Elegantiozem velle se ait. Denuo elegantiozem offero. Nec istum  
 placere ait: Quid ergo a me exigis? inquam. Falcem, excipit. Ego qui pretium  
 inauditum exigi a me videbam, quique apud me falcem tum non habebam, cul-  
 tro contentus sit moneo, meque aliud nihil daturum esse. Interpres, cui mores  
 Barbarorum innotuerant (quamuis hac in parte, vt mox dicam, deceptus fuit)  
 vehementer Barbarum iratum esse significat; falcem quouis tandem pretio  
 inuestigandum esse, atque illi pendendam. Falcem ab puero, de quo nuper di-  
 xi, mutuo accipio, ac Barbaro trado. Renuit. Ego nonnihil iratus, tertio ab eo  
 quaero quid igitur petat? Ille audacissime, te interficere volo, ait, pro vt anatem

meam occidisti. Ea enim fratris cuiusdam mei olim fuerat, atq; idcirco præ omnibus meis in pretio habebam. His dictis bardus ille domum abit, clauaq; ingenti lignea sex pedum longitudine instructus ad me redit: denuoq; mortem mihi minatur. Ego tum valde fui attonitus, metum tamen meum dissimulabam diligenter. Tum interpres cubili pensili, quod inter me & aduersariū meum erat interiectum, quid facto opus esset opportune monuit. Gladium tuum & arcum ac sagittas ostentando, inquit, his illum compella. Quo cum sibi negotium esse putet? te fortem ac strenuum esse, nec impune eum mortem tibi intentaturum: deniq; quod in animo erat dissimulans, variis sermonibus vltro citroq; habitis, nullo de dissidio sedando laborante, Barbarus ille meus ebrius, quippe totum diem *Caouinando* transfegerat, dormitum abiit. Ego cum interprete ad socios nostros contentionis meæ ignaros cœnatum me confero. Nihilominus tamen totum illud à Barbaro meo ioco factum fuerat. Norūt enim illi se, qui immortales cum Lusitanis inimicitias gerunt, si vel Gallum vnum occidant, mercibus penitus prohibitos iri. Ac sane ille paulo post experrectus, per Barbarum quendam mihi significat, me suum esse filium, quæq; abs se acta fuerant, eo tantum animo gesta fuisse, vt quam strenue in Lusitanos & *Margaiares* bellaturus essem, periculum faceret. Ego vero, vt occasionem omnem eidem vel in me, vel in alium quemuis tentandi tollerem, adde quod istiusmodi lusibus delectari nemo solet: Respondeo me facile tali parente, qui exserto gladio filiorum periculum faceret carere: immo etiam postridie eius diei domum quandam, in qua erat, ingressus, vt quam ægre illud ferrem, serio cognosceret, eo præsentem, astantibus cultellos, aque hamos dono, illum vero indonatum relinquo. Ex hoc igitur exemplo, eoq; cuius ante memini, de periculo quod sum imaginatus tum, cum primum apud illos versatus sum, satis apparet ea, quæ dixi, constare, nempe amicis eos fidissimos esse. Istud quoq; obiter est notandum, quod Senes, qui securibus, falcibus, ac cultris olim caruerunt, quibus tamen ad ligna secanda, ad arcus fabricandos, sagittasq; parandas tam commode iam vtuntur, non modo Gallos humanissime excipiunt, sed & iuniores, vt idē in posterum præstent, crebro hortantur.

## CAP. XVIII.

*Quam curam morbis suis adhibeant Barbari: de eorum sepultura & exequijs: deque insano eorum circa mortuos luctu.*



ANDEM vt huic de Barbaris Americanis sermoni finem imponamus: hoc quoque loco aliquid de eorum in morbis suis cura ac obitu dicendum est. Ergo si forte contingat, vt eorum aliquis in morbum incidat, partem dolore affectam vbi indicauit, ægroti intus quidam ore exsugit, nōnunquam etiam ab impostoribus quibusdam, quos illi *Pages*, hoc est, medicos aut chirurgos, appellant (sunt autem à *Caraiibus*, de quibus antea diuersum genus)

*Pages, Barbarorum medici.*

genus) ministerium illud præstat. Dolorem quoque se extrahere dicunt, ac vitam producere. Febris, aliisque vulgaribus morbis aliquando laborant: at non ita frequenter atque nos solemus. Præterea cum insanabili quodam morbo conflictantur, quem illi *Pians* vocant. Is plerumque à libidine provenit: puerulos tamen eo infectos vidi, non absimili ab variolis nostratibus modo. Contagio hæc in pustulas tandem abit digito pollice ampliores, quæ corpus vniuersum, atque adeo faciem ipsam inuadunt. Itaque iis, qui hoc morbo affecti fuerint, tam insignes suæ impuritatis notæ inuruntur, atque apud nos venerea lue laborantibus. Cuius rei exemplo fuit Neustrius quidam interpres, qui crebris sese scortationibus cum mulieribus ac puellis Barbaris contaminarat. Is meritis dignissimam reportauit mercedem: nam eius corpus vniuersum, atque adeo vultus ipse, tam erat deturpatus, vt elephantiaco morbo laborantem deformitate referret: tamque insignes iniustæ sunt notæ, vt deleri nusquam potuerint: hinc fit, vt morbus ille omnium perniciosissimus ab illis habeatur. Sed ad rem. Ægrotanti cibum nusquam præbent, nisi ab eo petatur, inedia licet sit periturus. Præterea morbus quantumuis sit grauissimus, valentes non desistunt saltando, cantando, bibendo, more recepto, miserum ægrum strepitu obtundere: nec conqueritur æger, quod se nihil profecturum esse norit. At si diem suum obeat, cantus ille (si præsertim pater quidam familiâs fuerit) in lachrymas repente conuertitur, tantique eduntur gemitus, vt si forte in pago quodam diuertebamus luctus illius tempore, nobis vel aliò erat commigrandum, vel insomnis nox erat ducenda. In primis autem non sine admiratione mulieres exaudiuntur, quæ sic vociferantur atq; exclamant, vt luporum aut canum ululatus, non humanas voces edi dicas. Has autem effundunt querelas voce tremula: Obiit fortissimus ille, qui nobis tot captiuos deuorandos olim præbebat! Tum ceteræ, ô egregium venatorem, ô præstantissimum piscatorem, ô strenuû Lusitanorum & *Margaiatum* mactatorem! In summa, mulieres illæ sese mutuo ad luctum incitantes, brachiaq; inuicem amplexantes, vt in subiecta pictura videre est, ab his luctibus ac præconiis non prius desistunt, quam cadauer elatum fuerit.

Deniq; Barbaræ istæ mulieres Bearnensium ritum in viris suis mortuis lugendis imitantur, quos quantum accepi, his prosequuntur querelis: *La mi amou, la mi amou; Cara rident, œil desplendou; Cama leugé, bet dansadou; Lo mé balen, lo mi esburbat; mati de pes; fort tard cougat*, hoc est, mi amice, mi amice, vultu hilari, oculis splendentibus, cruribus pernicipibus, egregie saltator, fortis ac strenue, qui summo mane surgebas, atque ad multam noctem vigil decumbebas. Vacones quoque mulieres, quæ superioribus isthæc addunt, *Yere, yere, O le bet renegadou, ô le bet iougadou qu'here*, hoc est, heu heu, quam strenuus erat deierator, quæ insignis lusor! Porro iis quas diximus querelis Barbaræ mulieres crebro epodiû hoc adiiciunt. Obiit, obiit is quæ iam lugemus! Tum viri, heu! mortuus est, nec eum amplius videbimus, donec post montes cum ipso, prout docent nos Caribes nostri, choreas agamus. Alia insuper eiusdem generis multa addunt. Eiulatus vero illi ad sex horas producuntur, neq; enim mortuos suos insepultos

*Barbaræ  
grosquo-  
modo tra-  
stent.*

*Sepulchra,  
atq; in se-  
peliendo ri-  
tus Ame-  
ricanorū.*

diutiùs seruari solent. Tum excauata fossa non oblonga, vt solemus, sed in orbem, dolii maioris instar, cadauer erectum sepelitur. Patres vero familiàs defun-ctos cubili suo xyolino obuolutos in mediis ædibus sepeliunt, plumis, aliisq; qui-bus dum vita manebat delectabantur, in sepulchro reconditis. Per multa in hãc sententiam antiquorum exempla huc afferri possent, à quibus idem olim erat factitatum: cuiusmodi est illud, quod Iosephus commemorat de pecuniis in Dauidis sepulchro conditis: id etiam quod profanæ testantur historiæ de viris



*Mundus  
cum cada-  
uere sepeli-  
tur.  
Consule  
Benzonem  
lib. 3. c. 22.*

illustribus, qui post obitum pretiosissimo quoq; mundo ornati sepulti sunt. Ac ne longiùs ab Americanis nostris recedamus, Indi Peruenfes Reges suos ac Ca-cicos sepelientes, magnam auri, argenti, atque gemmarum vim in eorum con-ijciunt sepulchra: quæ cum Hispani scrutarentur, ingentes inde diuitias con-traxerunt. Quibus rapacissimis hominibus apprime id conuenit, quod Plutar-chus de Semiramide commemorat. Semiramis Regina, quæ Babylonem con-didisse dicitur, monumento quod sibi pararat inscripsit: Quisquis rex pecuniis eguerit,

eguerit, apertō monumento quantum voluerit capiat. Darius potitus ea ciuitate, titulo credens, saxum ingens, quo claudebatur monumentum, vix amolitus, nihil quidem inuenit pecuniarum, sed ex altero saxi latere hoc inscriptum reperit: Ni vir malus esses, & pecunia inexplebilis, haudquaquam mortuorum loculos moueres. Sed ad *Tououpinambaultios* nostros redeamus. Ex quo Galli ad eos conmeare cœperūt, ab pretiosorum in sepulchris repositione abstinuerunt. Sed inauditam, ac vere diabolicam superstitionem retinuerunt. Prima <sup>Error vere diabolicus.</sup> a funere nocte, Barbari, quibus hoc persuasum est, fore vt *Aygnan*, ni alios cibos offenderet paratos, cadauer effoderet, ac deuoraret, vasa nō pauca farinae, piscium, carniū, aliorumq; ciborum diligenter paratorum, nec non potionis *Cao-uin* plena circa sepulchrum apponunt. Quam libationem tamdiu faciunt, quo ad cadauer penitus consumptum esse credant. A quo errore eò difficilius dimouebantur, quod interpretes quidam Neustrii, sacrificorum *Belis* exemplo, non semel ante nostrum aduentum cibos illos clam subriperant. Quo facto Barbaros in errore adeo cōfirmarant, vt quamuis cibos illos vespere appositos mane superesse demonstraremus, magno tamen labore perpaucos ab errore dimouimus. Hoc autem Barbarorum somnium ab Rabbiorum commento nō est alienum: nec ab eo quod *Pausanias* cōmemorat. Rabbini enim scribunt cadauer hominis tradi in potestatem *Cacodæmonis* cuiusdam, quem *Zazel*, aut *Azazel* nominant: quemq; principem deserti in *Leuitici* libro dici affirmant. In cuius erroris confirmationem *Scripturæ* locos detorquent, quibus dicitur <sup>Leu. 16. 3.</sup> serpen-  
 ti, puluerem comedes omnib. diebus vitæ tuæ; atq; ita ratiocinantur. Quādo quidem corpus nostrum è limo terræ desumptum est, qui serpentis est <sup>Gen. 3. 14. Isa. 65. 24.</sup> cibis, ei subijciatur necesse est, quoad in spiritualem naturam transformetur. *Pausanias* etiam auctor est interpretes *Delphicos* tradidisse *Cacodæmonem* quendam, quem *Eurinomum* appellant, mortuorum carnes deuorare solitum, atq; ossa carnibus nudata relinquere. Qui errores ad Americanorum somnia proxime accedunt.

Denique quoties Barbari, eo quo diximus modo, vicos suos alio comportant, sepulchris mortuorum tegmina quædam ex herba *Pindo* imponunt. Quo fit, vt viatores cœmeterii formam quandam agnoscant. Ad quæ loca, si quando in siluis errantes virorum defunctorum recordentur, tantos edunt eiulatus, vt procul exaudiantur. Tandem eas quò quantum ad satietatem fuerit, lugeant relinquo. Quando igitur Barbaros ad sepulchrum vsque sum prosequutus, de eorum moribus dicendi hic finem faciam. Lector tamen præter ea quæ attigimus, nonnulla poterit obseruare in eo, quod subiicimus colloquio: quod scriptum fuit eo tempore, quo in America viuebam ope cuiusdam interpretis, qui & linguæ Americanæ erat peritissimus (quippe septem annos iam in illis terris vixerat) & linguam Græcam, à qua non paucas voces mutuatur Barbari, optime callebat.

## CAP. XIX.

Colloquium in ipso aditu Brasiliensis oræ inter indigenas Tououpinambaultios Tououpinenkin Brasiliæ ac Latine conscriptum.

Tououpinambaultius.

Ere-ioube? Venisti ne?

Gallus.

Pa-aiout, Sic est, veni.

T.

Teh! auge, ny-po, Bene dixisti.

Mara-pe-derere? Quomodo vocaris?

G.

Cognomen auctoris lingua Americana. Lery-ouffou, Ostrea magna.

T.

Ere-iacassô pienc? Patriam ergo reliquisti, vt hîc deinceps habitares?

G.

Pa. Ita est.

T.

Eori-decretani ouani repiac. Adesdum igitur, & locum habitationis tuæ circumspice.

G.

Auge-be, Bene est.

T.

I-enderepiac? aout I-enderepiac aout é cheraire. Teh! Oouerete Teuoi Lery-ouffou yme en! Ecce igitur, fili mi, venit in has regiones nostri memor, papæ!

Caramémo arca, aliaque vasa. Ererou de caramémo? Attulisti ne captas? Eo vero nomine comprehendimus, quidquid includendis omnis generis vestimentis aptum est.

G.

Pà arout. Etiam, attuli.

T.

Mobony? Quot?

Quotquot habueris vsq; ad numerū quinq;, verbis notare poteris, hoc modo. Augepe, 1. mocouein, 2. mossaput, 3. oioicoudic, 4. ecoinbo, 5. Si duas tantū habes, quatuor numerare non oportet. Satis enim erit si dixeris tria mocouein. Si quatuor habueris, sic dices oioicoudic. Et sic de reliquis. At vero si quinariū numerum excedant, numerum quem voles totidem digitis tuis, aut si non sufficiunt, sociorum qui tibi adstant iudicare poteris: non enim habent aliam numerandi rationem.

T.

Mae pererout, de caramémo poupe? Quid in captis attulisti?

A-aub;

<i>A-aub</i> , Vestimenta.	G.	<i>Vestimenta.</i>
<i>Maravae</i> ? Cuius coloris?	T.	
<i>Sobouy-etc.</i> Carulei.	G.	<i>Colores.</i>
<i>Pirenk.</i> Rubei.		
<i>Foup.</i> Lutei.		
<i>Son.</i> Nigri.		
<i>Sobouy-massou.</i> Viridis.		
<i>Pirientz.</i> Variorum colorum.		
<i>Pegassou-aue.</i> Coloris columbini.		
<i>Tin.</i> Albi. Et de indusiis intelligitur.		
<i>Mae pamo</i> ? Quid praeterca?	T.	
<i>Acang aube roupe.</i> Galeros.	G.	
<i>Seta-pe</i> ? Multos?	T.	
<i>Jcatoupaue.</i> Innumeros:	G.	<i>Galeri.</i>
<i>Ai pogno</i> ? Id ne totum est?	T.	
<i>Erimen.</i> Minime.	G.	
<i>Esse non bat.</i> Omnia nomina.	T.	
<i>Coromo.</i> Expecta paululum.	G.	
<i>Nein.</i> Age igitur.	T.	
	G.	
<i>Mocap</i> , seu <i>Mororocap</i> . Ignea tormenta, Catapultas vtriusque generis: <i>Tormenta bellica.</i>		
Nam <i>Mocap</i> omne genus tormenti significat: maiora etiam, quae nauibus imponuntur ad repellendos piratarum insultus. Pronuntiant autem aliquando per B. & in scribendo, si fieri posset, intermiscendae essent M. & B. <i>Puluis pyroideus.</i>		
<i>Mocap-coni.</i> Attuli etiam puluerem igneum. <i>Instrumenta ad puluerem comminandum.</i>		
<i>Mocap-coniourou.</i> Cornua & alia instrumenta ad puluerem includendum.	T.	
<i>Maravae</i> ? Cuiusmodi sunt?	G.	
<i>Tapirousson-ak.</i> E cornu bouis conflata.	T.	

*Augé gatou-tégue.* Optime dictum.

*Mâc pé seponyt rem?* Quid tibi numerabitur pro ea re?

G.

*Arouri.* Ea instrumenta tantum attuli, quasi dicas, nolo tam cito vendere.

T.

*Interie-  
ctio.*

*Hé!* Interiectio est, qua vtuntur dum quis eos alloquitur, quasi respondere velint, Libenter? Et tamen quiescunt, ne importuni videantur.

G.

*Arrou-ita ygapem.* Cultros ferreos attuli.

T.

*Naopiac-icho pén é?* Nunquid eos videbo?

G.

*Bégoé irem.* Quando erit otium.

T.

*Falces.*

*Néréroupe guya-pat?* Nunquid falces attulisti.

G.

*Arrouit.* Attuli.

T.

*Jgatou pé?* Sunt ne pulchræ?

G.

*Guiapar été.* Eximia sunt.

T.

*Aua-pomoguen?* Quis eas fabricauit?

G.

*Pagé-ouassou remymognén.* Ille qui tibi notus est, cuiusque nomen tale est, eas fabricauit.

T.

*Augé-terah.* Id bene se habet.

T.

*Acēpiati-mo-men.* Papæ? Libenter eas viderem.

G.

*Karamouffee.* Alio tempore id fiet.

T.

*Tâcépiah tangé.* Iam iam videam.

G.

*Eémberéingué.* Expecta adhuc.

T.

*Eréroupé itaxé amo?* Attulisti ne cultros.

G.

*Arroureta.* Plerosque attuli.

T.

*Secouanrantin vaé?* Sunt ne cultri capulo diuiso?

G.

En-er

En-en. Non. *Juetin*. Albo capulo.  
Taxe miri, paruos cultros.

*Pinda*, hamos. *Moutemouton*, Subulas. *Arroua*, Specula. *Kuap*, pectines. *Hami*,  
*Mourobouye te*, Armillas caruleas. *Cepiah yponcum*. Cuiusmodi hic non ex- *subula, spe-*  
tant. Eaq; pulcherrimae sunt inter eas, quas hic vidimus ab eo tempore quo ad- *cula, pecti-*  
ferri ceperunt. *nes, armil-*  
*las.*

T.

*Easo-ia voh de caramemo t'acepiah de mae*. Aperi arcam vt tua bona intuear.

G.

*Aimossaenen*. Occupatus sum.

*Acepiag-oucairen desue?* Alio die aperiam ad te veniens.

T.

*Narour icho p'Iremmae desue?* Nonne aliquando ad te bona adferam?

G.

*Mae! pererou potat?* Quidnam vis adferre?

T.

*Sceh de*, Nescio. Quid tu?

*Mae pereipotat?* Quid vis?

G.

*Soô*, feras. *Oura*, aues. *Pira*, pisces. *Ouy*, farinam. *Yetic*, rapas. *Commenda-* *Bestia, a-*  
*ouassou*, magnas fabas. *Commendamiri*, fabas paruas. *Morgouia ouassou*, aurea *ues, pisces,*  
& citrea mala. *Mae tirouen*. Omnes deniq; aut plerasq; res. *farina, ra-*  
*pe, fabe,*

T.

*Mara-vae soo ereiusceh?* Cuius generis animal comedere aues?

G.

*Nacepiah queuon, gouaire*. Nolo ea comedere, quae hic proueniunt.

T.

*Aassenon desuoe*. Ea tibi nominabo.

G.

*Nein*. Age vero.

T.

*Tapiroussou*. Fera quam sic vocant, quam semi asinum aut semi vaccam di- *Tapirouss-*  
cere possis? *son quale*  
*animal.*

*Se-ouassou*. Genus cerui ac Damae.

*Taiassou*. Aper.

*Agouti*. Rufum animalculum nefrendis magnitudine.

*Pague*. Fera est magnitudine nefrendis, nigro & albo colore distincta.

*Tapiti*. Genus leporis.

G.

*Esse non oocaychesue*. Nomina mihi aues.

T.

*Iacon*, est auis caponis magnitudine. Eius autem tres sunt species, nempe *Magna a-*  
*Iacoutin, Iacoupet, & Iacon-ouassou*; boni gustus omnes inter ceteras aues. *ues trium*  
*generum.*

*Mouiton.* Syluester pauo. Sunt autem nigri & leucopæi, & corpus adeo magnum habent ac nostri, auis rara.

*Genus magnarum perdicum.*

*Mocacoua,* est genus perdicis, quæ corpus magnitudine caponis habet.

*Ynambou-ouassou,* est etiam perdix fera, alterius magnitudinem æquans.

*Ynambou,* Perdix est non multum ab iis distans, quas in Gallia videmus. *Pegaf-*

*Turtura.* *fon,* Turtur. *Paicanc,* aliud genus turturis minoris.

G.

*Seta pe pira senae?* Est ne magnus bonorum piscium numerus?

T.

*Nan.* Tot sunt.

*Kurema.* Mulus.

*Parati.* Mulus altero melior.

*Aaara pep.* Piscis planus, delicatior aliis.

*Atrara bouten.* Alius lutei coloris, qui minoris est pretii.

*Atrara meri.* Maxime parui, qui in dulci aqua viuunt, boni q; gustus sunt.

*Ouara.* Magnus piscis boni saporis.

*Kamouroupony-ouassou.* Magnus piscis.

G.

*Mamo pe deretam?* Vbi nam degis?

T.

*Vici circa ripas Ganabara.*

*Kariauh, ora ouassou-onee.* *Iauen urassic?* *piracam, opem, Eiraja itanem, taracouir- apam, Sorapo- u.* Sunt nomina propria virorum, qui Ganabaram sinum ingredientibus ad sinistrum latus apparent, nec mihi commode explicari posse videntur.

*Keri u Ahara- u Kouroumoure, Ita- auh, Ioira rouem.* Vici in ripa eiusdem fluminis ad latus dextrum.

Maiores vici in continenti ex utroque latere hi sunt.

*Sacouarr-oussou- tuue, Ocarentin, Sapopem, Nouroucuue, Arasa tuue, Vsi- potuue.* Ac multi alii, qui ab iis, qui cum indigenis commercium habuerunt, cognosci poterunt, & à patribus familiâs, quos falso reges vocant, qui in illis vicis habitant.

G.

*Mobony pe toupicha gatou heuou?* Quot magni sunt in his regionibus, hoc est, fortes?

T.

*Seta gue.* Multi sunt.

G.

*Essenon auge pe quoube ychesue,* Nomina mihi aliquem.

T.

*Nân.* Vocabulum ad reddendum eum attentum cui vis aliquid dicere!

*Eapira- ui ioup.* Nomen proprium hominis, quod nomen sic exponas, caput semi caluum, & pilo admodum raro.

G.

*Mamo*

*Mamo pé se tam?* Vbi habitat?

T.

*Kariauh-be*, In vico quem ita appellant, est autem nomen fluminis cuiusdam, à quo nomen vicus sortitur, quia ad eum situs est. Significat autem *Karios* domum. Componitur autem ex voce *Karios*, & *auh*, quæ domum significat, extrahendo *os*, & addendo *auh*, erit *Kariauh*. *Be* autem est articulus ablativi, & significat locum, quem petis, aut in quem proficisceris.

*Kariauh-be*, nomen compositum.

T.

*Mossen ygerre*. Quod significat custodem medicinarum, aut ad quem medicinae pertinent. Eo vero vocabulo utuntur, quum mulierem veneficam designare, aut à Cacodemone agitatum. Nā *Mossen*, est medicina. *gerre*, proprietas.

*Custos medicinae aut femina Cacodemone obsessa.*

T.

*Ourauh ousson auh arentin*. Vici illius maxima penna.

T.

*Tau-conar-ousson tunc-gouare*. In quo cannae instar magnarum arundinum leguntur.

T.

*Ou-acan*. Præcipuus locus eius vici, quod significat caput ipsorum.

T.

*Soonar-ousson*. Folium ab arbore collapsum.

*Diversarum rerum nomina.*

T.

*Morgonia-ousson*. Ingens malum citreum aut aureum, sic vocatur.

T.

*Maé du*. Est flamma ignis.

T.

*Maraca-ousson*. Magnum tintinnabulum.

*Tintinnabulum.*

T.

*Mae-uocerp*. Res quæ partim emerfit è terra, aut ex aliquo loco.

T.

*Kariau piarre*. Via quæ ducit ad Carios. Sunt vero ipsi præcipui inter eos, qui fluuium Ganabarum incolunt.

T.

*Che-rorup-gaton, derour ari*. Maxime gaudeo te venisse.

*Nein téréico, pai Nicolas iron*. Mane vero cum domino Nicolao, sic nominabant Villagagnonem.

*Pai Nicolas Villagagnon. Miceco, vxor.*

*Neréroupé déré miceco?* Adduxisti ne vxorem?

G.

*Arrout-iran-chereco augernie*. Adducam quum expedita erunt negotia mea.

T.

*Marape derecouran?* Quid tibi est negotij?

G.

*Cher auc-ouam*. Domus ad habitandum paranda est.

*Domus.*

T.

*Mara-vac-auh?* Quod genus domus?

G.

*Seth, Dae-ehereco-rem-couap-rengne.* Nondum scio quid sim factururus.

T.

*Mein tereicouap derecorem.* Cogita ergo quid sit faciendum.

G.

*Peretam-repiab-irée.* Postquam vestram regionem videro, & aliquandiu commoratus fuero.

T.

*Nereico-icho pe deauem a irom?* Nonne cum tuis, hoc est, cum popularibus tuis habitabis?

G.

*Marau-amo-pe?* Cur illud petis.

T.

*Aipo-que.* Non sine causa dico.

*Che poutoupa-gue deri.* Id me male habet, quasi dicas, id scire cupio.

G.

*Princeps aut senex.* *Nen pe amotareum-pe oreroubicheh?* Nunquid primarium nostrum siue senem odio habetis?

T.

*Erymen.* Minime vero.

*Serecogaton pouyr eim ete mo.* Nisi res esset maxima cura digna, dicendum esset.

G.

*Secouae apoau e eugat engatouresine, yporere cogaton.* Est mos boni parentis, ut quod amat diligenter conseruet.

T.

*Bellum.* *Neresco-icho pirem ouarini?* Nonne in bellum posthac es profecturus?

G.

*Asso irenue.* Aliquando proficiscar.

*Mara-pe perouagerre-rere?* Quod est nomen vestris hostibus?

T.

*Nomina hostiū Tonoupinamb.* *Touaiat,* siue *Margaiat,* gens est, quæ eadem est cum illis lingua, apud quam Lusitani habitant.

*Ouetaca* vere sunt Barbari, & degunt ad fluuium *Mach-he,* & *parai.*

*Oueanem,* hi Barbari ceteros antecedunt, in siluis & montibus habitant.

*Cararia,* hi nobiliores sunt, atque etiam cibis, tum aliis rebus ad vitam necessariis præ ceteris omnibus abundant.

*Affinitas ac differentia linguæ inter Bras.* *Karios,* est populus, qui degit ultra *Touaiare,* ad fluuium *Platam,* cuius lingua eadem est cum *Tououpinambaultiis* & *Tououpinenkin.* Differentia idiomatis est inter eos, quos supra nominauimus. Ac primum quidem *Tououpinambaultiis toupinenzin,* *Tououaiarre,* *Tenreminon,* & *Kario.* Ferme eandem habent linguam.

*Kararia.*

*Karaia.* Diuersam à reliquis habent & viuendi & loquendi rationem.

*Ouetaca.* Differunt ab vtrisque & viuendi & loquendi ratione.

*Oueanem.* Hi etiam diuersum & victus & sermonis ab aliis modum habent.

T.

*Teh-oioah pæireca à paauué, iendéue.*

Alius alium quærit, atque id magno nostro bono. Nam vox hæc *iende-ue*, Modus loquendi. est dualis, quo Græci vtuntur, cum de duobus fit sermo: hic tamen resoluitur voce nobis.

*Tyierob ah apóau ari.* Exultemus quod nos homines inuisunt.

*Apóau ae mae gerre, iendesue.* Gens est nostri commodi studiosa, quæ nobis bona sua largitur.

*Tyréco-gatou iendesue.* Diligenter eam conseruemus, hoc est, eam ita expiamus, vt ipsi satisfaciamus.

*Iporencece-am reco iendesue.* Præclara se nobis res offert.

*Tymaran-gatou apoau-ape.* Huic populo nos dedamus.

*Tymomourrou, me mae gerre iendesue.* Ne iniuriam faciamus Genti, quæ sua bona nobis affert.

*Typoich apoaué iendesue.* Suppeditemus eis cibos ad viuendum.

*Typoeraca apoaué.* Laboremus, vt prædam pro ipsis venemur. Vox *yporraca*, præcipue de piscium venatione intelligitur, sed eam ad alia etiam genera extendunt.

*Tyrrout mae-tyronam ani ape,* adferamus illis quidquid inuenire poterimus.

*Tyre comremoich-mciende-mae reconssa-ue.* Ne illos male excipiamus, qui nobis adferunt bona sua.

*Pe-peroinh auu-mecharairé oueh.* Ne mali sitis pueri mei.

*Ta pere coih mae.* Vt bona consequamini.

*Tærecoih peraire amo.* Et vestri etiam liberi.

*Nyrecoih ienderamoyñ mae pouatre.* Nulla bona habemus ab auis nostris.

*O pap cheramouyn mae-pouaire aitih.* Quæcunque mihi auus reliquerat proieci.

*Apoau mae ry oi ierobiah.* Magni æstimans ea bona, quæ nobis afferuntur.

*Jenderamouyn remie piæ potategue aou-aire.* Quæcû nostri videre optassent, nec tamen viderunt.

*The! oip ot arhete ienderamouyn recohiare ete, iendesue.* Id bene est, quanta potior nostra conditio patrum nostrorum conditione?

*Jende porrau oussou vocare.* Id nobis tristitiam omnem eximit.

*Iende-co-ouassou gerre.* Id efficit vt magnos hortos habeamus.

*En sasi piram, iendere memynon ape.* Nô amplius dolent pueruli nostri quum rudentur.

*Tyre coih apoau, ienderoua-gerre ari.* Hos nobiscum contra hostes deducamus.

*Toere coih mocap, o mae-ae.* Habeant catapultas, quod genus armorum sibi vendicant.

*Mara-mosentén gatou-euin amo?* Cur non essent strenui?

*Memé-taé morerobiarem.* Est gens impauida.

*Tyfenenc apouau, maram-iende-iron.* Experiamur ipsorum vires dū nobiscum erunt.

*Ménré-taé moreroar roupiare.* Illi sunt qui debellant alios, id est, Lusitanos.

*Agne he oueh.* Quasi diceret, quidquid dixi verum est.

T.

*Nein-tya-mouéta iéndéré cassariri.* Colloquamur de iis qui nos inuisunt, Quod in bonam partem est accipiendum.

G.

*Differētia inter Atour-assap, & Cotouassap.*

*Nein-che atour-assap,* age igitur mi socie: hic vero notādum voces *Atour-assap* & *Cotouassap*, differre. Nam prior significat perfectum fœdus inter eos ac nos pactum esse, quo fit vt bona sint communia, cuius filiam aut sororem ducere in vxorem non possumus. Non ita vero de *Cotouassap*: ea enim appellatione nominis alicuius vtuntur, vt tibiæ, oculi, auriculæ, & alia pleraque eius generis nomina.

T.

*Maé-resse, iende moueta?* De quibus loquemur?

G.

*Colloq. de variis rebus.*

*Sceh macrouem-resse.* De multis ac variis rebus.

T.

*Mara-pieng-ouah rere?* Quomodo vocatur cælum?

G.

*Cælum, sol, luna, stella, terra, mare, aqua dulcis & salia.*

Cælum.

T.

*Cyh-rengne-tassououh maetrouem desue.*

G.

*Augebe, Recte.*

T.

*Mah,* Cælum. *Couarassi,* Sol. *Iasce,* Luna, *Iassi tata ouassou,* Stella matutina & vespertina, quæ Lucifer vocatus. *Iassi-tata-miri.* Aliæ omnes stellæ paruæ: *Ybouy,* Terra. *Poirauem,* Mare. *Vh-ete,* Aqua dulcis. *Vh-éen,* Aqua salia. *Vh-éen buhk,* Aquæ, quas Nautæ vocant *Sommaque.*

T.

*Ita, petra, metallum & domus fund.*

*Ita,* proprie lapis est, accipitur etiam pro quolibet metallo & ædificii fundamento, vt *ach ita,* domus columna.

*Yapurr ita,* fastigium domus.

*Iura ita,* trabes domus.

*Omne genus lignorum.*

*Igourah* seu *ybouirah,* omne genus lignorum.

*Ourapat,* arcus, & quamuis nomen sit compositum ex *ybouyrah,* quod est lignum, & *apat,* vncum: tamen pronunciant *orapat* per syncopem.

*Arre,* aer.

*Arr aip,* malus aer.

*Amen,* pluuia.

*Amen*

*Amen poitu*, tempestas pluuiæ ingruente.

*Toup-en*, tonitru: *toupen* *Verap* est coruscatio.

*Yori-hu*, nubes aut brumæ.

*Ybneture*, montes.

*Quum*, campestria loca, vbi nulli montes.

T.

*Taué viri aub*, domus. *Vh-écouap*, fluuius decurrens.

*Vhpaou*, Insula.

*Kaa*, omne genus siluarum & nemorum.

*Kaa-paou*, est silua in media planitie.

*Kaa-ouan*, qui in siluis educatus est.

*Kaa-gerre*, Cacodæmon est, qui ipsos vehementer vexat.

*Ygat*, linter ex cortice arborum, triginta aut quadraginta homines ad bellum euntes capiens: accipitur etiam pro nauis, quam vocant *yguerrossou*.

*Puissa-ouassou*, est rete piscatorium.

*Jnguea*, est magna Cymba ad piscandum.

*Jnguêi*, diminutiuum, Cymba quæ vsui est cum fluuii exundant.

T.

*Nomoquot, mae tasse nomi désue*, quæso ne quid amplius nomines.

*Emourbéou deretam ichesue*, iam de tua patria & habitatione dissiere.

G.

*Augébé derengue eporen doup*, bene est, primùm ergo interroga.

T.

*Ja eh marape deretam-rere*, hoc faciam. Quod est patriæ ac regioni tuæ nomen? *Colloquiũ de Gallia.*

G.

*Rothomagum*, Vrbs quædam nominis.

T.

*Tan ouscou-pe-oum?* estne magnus vicus? Nullam ponunt differentiam inter urbem & vicum: quia ipsi nullas habent vrbes.

G.

*Pa*, sic est.

T.

*Moboi-j-pe-perouhichah gatou?* Quot habetis Dominos?

G.

*Augé-pé*, vnicum.

T.

*Mara-pe-sere?* Quod illi est nomen?

G.

*Henry*. Tempore Henrici secundi hæc nauigatio fuit suscepta,

*Henric. II.*

T.

*Tére-porren c.* Præclarum nomen est.

*Mara-pe-peroubichan eta-euin?* Cur non habetis plures Dominos?

G.

*Pluuia.*

*Tonitru.*

*Nubes.*

*Montes.*

*Planities.*

*Vici &*

*fluuii.*

*Insula.*

*Sylua.*

*Kaa-gerre*

*Cacode-*

*mon.*

*Ygat, Cym-*

*ba.*

*Retepisca-*

*torium.*

*De principi-  
pe ac sub-  
ditis.*

*Moroéré-chih-gue.* Non plures habemus.

*Ore ramouim-ae.* A temporibus maiorum nostrorum.

T.

*Mara pienh-pee?* Vos vero quid?

G.

*Oroicógué.* Nos eo contenti sumus.

*Orée mae gerre.* Et bene nobiscum agitur.

T.

*Epé noéré, coih péroupichah maé?* Vester autem princeps bona ne habet?

G.

*Oerecoub.* Infinita habet.

*Oré maé gerre ahépé.* Quidquid habemus in ipsius arbitrio positum est.

T.

*Oriuij pe ogépé?* In bellum ne proficiscitur?

G.

*Pa.* Ita.

T.

*Colloq. de  
urb. ac  
vicis.*

*Mobouy-taue-pe-ioucanymae?* Quot vices aut vicis habetis?

G.

*Setà gatou.* Plures quam possim dicere.

T.

*Nirefci nouih ichopene?* Nunquid mihi recensebis?

G.

*Ypo icopouy.* Id nimis longum foret.

T.

*Yporrenc pe-peretani?* Locus vestrae originis estne pulcher?

G.

*Yporren gatou.* Pulcherrimus.

T.

*Eugaya pe-per-auce?* Vestrae domus suntne similes nostris?

G.

*Oicoe gatou.* Multum abest.

T.

*Mera vaé?* Cuiusmodi sunt ergo?

G.

*Ita gepe.* Sunt profus lapideae.

T.

*Tourousson pe?* Suntne magna?

G.

*Tourousson gatou.* Maxima.

T.

*Vate gatou pé?* Suntne multum excelsae?

G.

*Mahmo.*

*Mahmo.* Multum. Id vero vocabulum admirantis est.

T.

*Engaya-pe-pet-ancynim?* Interior pars accedit ne ad similitudinem nostrorum?

G.

*Erymen.* Non.

T.

*Esce non de rete renomdau eta ichesué.* Recita mihi ea, quæ ad tuum corpus pertinent.

G.

*De rebus  
ad corpus  
spectanti-  
bus.*

*Escendoup.* Audi.

T.

*Jeb.* Paratus sum.

*Che-acan.* Caput meum. *De-acan.* Caput tuum. *Ycan.* Caput suum. *Oreacan.* Nostrum caput. *Pé-acan.* Vestrum caput. *Anatcan.* Eorum caput. Ut autem hæc pronomina melius intelligantur, personas singularis & pluralis numeri tantum declarabo.

Primum.

*Che.* Est prima persona singularis numeri, quæ in omni sermonis genere, siue primitiuo siue deriuatiuo, possessiuo, aut alio deniq; inseruit.

*Che-aiué.* Caput meum aut capilli.

*Che-roua.* Mea facies.

*Che-nembi.* Meæ aures.

*Che-ßhua.* Mea frons.

*Che-ressa.* Mei oculi.

*Che-tin.* Meus nasus.

*Che-iouou.* Meum os.

*Che-retoupaué.* Meæ genæ.

*Che-redmiua.* Meum mentum.

*Che-redmiua-aiue.* Mea herba.

*Che-ape-con.* Mea lingua.

*Che-ram.* Mei dentes.

*Che-aioué.* Meum collum, aut mea gula.

*Che-asseoc.* Meum guttur.

*Che-poca.* Meum pectus.

*Che-rocape.* Mea pars anterior.

*Che-atoucoupe.* Mea pars posterior.

*Che-pouy-afoo.* Mea spina.

*Ché-roußony.* Mei renes.

*Che-reuire.* Meæ nates.

*Che-inuanpony.* Mei humeri.

*Che-inua.* Mea brachia.

*Che-papouy.* Meus pugnus.

*Che-po.* Mea manus.  
*Che-poncu.* Mei digiti.  
*Che-puyac.* Stomachus meus aut iecur.  
*Che-reguie.* Venter meus.  
*Che-pourou-asseu.* Umbilicus meus.  
*Che-cam.* Mammæ meæ.  
*Che-oup.* Coxæ meæ.  
*Che-roduponam.* Genua mea.  
*Che-porace.* Cubiti mei.  
*Che-retemen.* Tibiæ meæ.  
*Che-pouy.* Pedes mei.  
*Che-pussemp.* Ungues pedum meorum.  
*Che-ponampe.* Ungues mearum manuum.  
*Che-guy-encg.* Cor meum & pulmo.  
*Che-encg.* Anima mea aut mens.  
*Che-enc gouere.* Anima mea postquam è corpore exiit.  
 Nomina partium corporis pudendarum.  
*Che-renouem.*  
*Che-rementien.*  
*Che-rapoupit.*

Quæ quidem breuitatis causa non fusiùs perfequar. Notandum vero est, nomina rerum accommodari non posse, nisi pronomina primæ, secundæ ac tertiæ personæ vtriusque numeri attribuuntur.

Vt autem melius capiantur, hoc sit exemplum.

Primo.

*Che, Ego. De, Tu. Ahe, Ille.*

Plurales.

*Oree, Nos. Peè, Vos. Au-ae, Illi.*

Quod ad tertiam personam *ahé*, est masculinum. Et pro feminino & neutro *ae*, sine aspiratione. Et in plurali *Au-ae*, est masculini aut feminini generis, & proinde communis.

De rebus ad domum & culinam pertinentibus.

*De rebus ad familiam spectantibus.* *Emiredu tata.* Accende ignem.  
*Emo-goep-tata.* Extingue ignem.  
*Erout-che-rata-rem,* adfer fomites ad ignem suscitandum.  
*Emogi-pira.* Pisces coque.  
*Essesit.* Torre.  
*Emoui.* Elixæ.  
*Fa-vecu-ouy-amo.* Fac farinam.  
*Emogip-caouin-amo.* Compone potum.  
*Coein-oupe.* Vade ad fontem.  
*Erout-ou-ichesue.* Adfer mihi aquam.  
*Che-renni-augepe.* Da mihi potum.

Quere

*Quere me che remyou recoap.* Veni vt mihi cibum præbeas.

*Taie poeh.* Manus meas lauem.

*Tae-ionrou eh.* Abluam os meum.

*Che-embouassi.* Esurio.

*Nam che iourou-eh.* Non esurio.

*Ehe-usséh.* Sitio.

*Che-reaic.* Calco, Sudo.

*Che-rou.* Frigeo.

*Che-racoup.* Febricito.

*Che-carouc-assi.* Tristis sum.

*Carouc* tamen vesperam significat.

*Aicoteue.* Me res quædam excruciat.

*Che-poura-oussoup.* Pessime agitur mecum.

*Cheroemp.* Lætus sum.

*Aico memouoch.* Ludibrio expositus sum.

*Aico-gatou.* Res mihi cedunt ex sententia.

*Che remiac oussou.* Meum mancipium.

*Chere miboye.* Meus seruus.

*Che-roiac.* Qui sunt minores me, & ad mihi ministrandum nati.

*Che-porracassare.* Piscatores mei.

*Che-mae.* Bona mea, merces, supellex. Denique quidquid meum est.

*Che-rémigmonem.* Est industriæ meæ.

*Che-rere-couarré.* Meus custos.

*Che-roubichac.* Qui est maior me, quem nos Regem nostrum, ducem, principem denique vocamus.

*Moussacat.* Est bonus paterfamiliâs, qui peregrinos viatores excipit.

*Querre-muhau.* Potens in bello, & in quadam re perficienda strenuus.

*Tenten.* Qui videtur in bello, aut in alia re fortis.

*Che-roup.* Pater meus.

*Che-requeyt,* Meus frater natu maior. *Che-rebure.* Minor natu.

*Che-renadire.* Mea soror.

*Che-reue.* Filius sororis meæ. *Che-tipet.* Filia sororis meæ.

*Che-aiche.* Amita.

*Ai.* Mater mea. Dicunt etiam *Che-si,* Mater mea: & sæpe quidem dum loquantur de ipsa.

*Che-sut.* Socia matris meæ, quæ patris etiam est vxor.

*Che-raÿt.* Mea filia.

*Chérememynou.* Filii filiorum meorum & filiarum.

Notandum est auunculum nomine patris vocari, & patrem nepotes & nepotes suos filios ac filias appellare.

Quod Grammatici nostri verbum nominant, apud Brasilienses dicitur *Verbū Apud Grammaticos.* *guengae,* quod idem est ac loquendi modus. Vt autem aliquam eius rei notitiam habeamus, exemplum in medium proferemus.

*De proge-  
nie.*

Primum.

Singular. Indicat. aut demonstrat.

*Aico*, Sum. *Ereico*, Es. *Oico*, Est.

Pluralis.

*Oreito*, Sumus. *Peico*, Estis. *Aurae oico*. Sunt.

Tertia persona singularis & pluralis similes sunt, nisi quod in tertia *an ae*, pluralis numeri pronomen est addendum, quod significat *Illi*, ut apparet in praeterito imperfecto, numeri singularis, quod resoluitur per adverbium *aquoeme*, id est, eo tempore.

*Aico-aquoeme*, Tunc eram.*Ereico-aquoeme*, Tunc eras.*Oico aquoeme*, Tunc erat.

Plus imperfectum.

*Oroico aquoeme*, Tunc eramus.*Peico aquoeme*, Tunc eratis.*Aurae-oico-aquoeme*, Tunc erant.

Pro praeterito perfecto.

Singularis.

Accipiemus verbum *Oico*, ut ante & hoc adverbium *Aquoemene*, quod est temporis praeteriti & plusquam perfecti.

Exemplum.

*Assauoussou-gaton-aquoemene*, Eum perfecte amavi eo tempore: *Quo-uenen-gaton-tegne*, Nunc vero nullo modo, quasi dicas, debebat amicitiam meam colere, quando ipsum amabam.

Pro futuro. *Aco-iren*, Ero in posterum. Et ita deinceps de singulis personis tam singul. & plural.

In Imperativo.

*Oico*, Sis. *Toico*, Sit.

Plurali.

*Toroico*, Simus. *Tapeico*, Sitis.

*Aurae-toico*, Sint. Pro futuro vero addere oportet, *Iren*, ut ante. Et imperando pro praesenti dicendum est, *Taugé*, quod est, Statim.

Pro optativo.

*Aico mo-men*. Quam libenter essem. Et sic deinceps.Optativum resolvimus per adverbium *Iron*.

Exemplum,

*Taico-de-iron*, Tecum sim, & sic deinceps.

Participium.

*Chérécoruré*. Ens. Quod participium recte per se intelligi non potest, nisi addatur pronomen *de-abe-et-ae*. Pluralis quoque *Oreé, pée, an ae*.

Vox indefinita pro infinito accipi potest. Sed ea raro utuntur.

Coniugatio verbi *Aiout*, Exemplum indicatiui aut demonstratiui in praesenti tempore.

Singu-

## Singularis numerus.

*Aiout.* Venio, aut veni.*Ere-iout.* Venis, aut venisti.*O-iout.* Venit, aut venit.

## Plural numerus.

*Ore-iout.* Venitis, aut venistis.*An-ae-o-out.* Veniunt aut venerunt.

In aliis temporibus accipere debemus aduerbia, quæ post declarabimus. Nul-  
lum enim verbum coniugatur, quin per aduerbium resoluatur, tum in præ-  
terito, præsentis imperfecto, plusquam perfecto, Indefinito & futuro.

Exemplum præteriti nondum perfecti.

*Aiout-agouéme.* Tunc veniebam.

Exemplum præteriti imperfecti & perfecti.

*Aiout-agouéméné.* Veni, aut veneram eo tempore.*Aiout dimac-né.* Longum tempus elapsum est à quo veni.

Quæ tempora potius indefinita sunt censenda.

Exemplum futuri.

*Aiout. Iran-né.* Veniam certe die. Possumus etiam dicere *Iran*, quamuis nõ addatur *né*.

Notandum est etiam, quod dum adduntur aduerbia, personæ repetendæ sunt, vt sic in præsentis indicatiui & demonstratiui.

Exemplum Imperatiui singularis numeri.

*Eori.* Veni: habet tantum secundam personam.

*Eyot.* Nam in hac lingua non possumus imperare tertiæ personæ, quam nõ videmus. Possumus quidem dicere:

*Emo-out.* Fac vt veniat.

## Pluralis numeri.

*Pe-ori.* Venite.*Pe-iot.* Venite.

## Soni.

*Eiot* & *pe-iot*, Similem sensum habent, sed prior, *eiot*, honestius est inter ho-  
mines, quoniam vltimus *Pe-iot*, vsurpatur in vocandis bestiis & auibus, quas  
domi alunt.

Exemplum optatiui: tamen videtur imperare.

## Singula.

*Aiout-mo.* Libenter venissem. Et sic de ceteris personis, vt in Indicatiuo: ha-  
bet tempus futurum addito aduerbio:

Exemplum coniunctiui.

*Ta-iout.* Veniam.

Sed ad implendam significationem addenda est hæc vox *Nein*, quæ est ad-  
uerbium exhortandi, imperandi, orandi, & incitandi. Verbum hoc indicatiuo  
caret: attamen ab eo formatur participium.

*Tovvme.* Veniens.

Exemplum.

*Che-rourmé-Affoua-nitin.**Che-remiéreco pouére.*

Vt veniens inueni quod aliàs perdideram.

*Senoyt-pe.* Hirundo.*Inuby-a.* Cornua lignea, quibus Barbari sonitus cient.

FINIS COLLOQUII.

Insuper vt faciliùs iudicium de rebus à nobis in hac historia commemoratis ferre possint, tum ii quibuscum eundo, ac redeũdo nauigauit, tum ii omnes, qui me in America viderunt (è quibus non paucos superstites esse credo) ipsiq; adeo nauarum, alique qui vel tantillum ad Sinum *Ganabara* sub Capricorni Tropico vixerunt: In eorum gratiam colloquio catalogum hunc, qui nomina pagorum 22. ad quos non semel oberravi, adiungere visum est.

*Pagin. 2.  
quos in A-  
merica  
peragravit  
auctor.*

Ac primùm quidem hæc sunt eorum nomina, qui siti sunt ad dexteram, ingredienti sinum illum. *Cariauc.* 1. *Taboraci.* 2. Quorum postremum Galli *Pepinum* nominabant, de nauarchi cuiusdam nomine, qui nauem aliquando ad eum pagum onerarat.

*Euramyry.* 3. A Gallis *Goffet* nominatur, de interpretis cuiusdam nomine, qui aliquandiu ibi habitarat.

*Pira-ouassou.* 4. *Sapopem.* 5. *Ocarentin*, pagus amœnissimus. 6. *Ouraouassou-ouécé.* 7. *Tentimen.* 8. *Cotiua.* 9. *Pauo.* 10. *Sarigoy.* 11.

Alium præterea *Talli* petram vocant, ob rupeculam à mola non absimilem, quæ siluam ingredientibus iter ad istum pagum indicabat. 12. Alium quoque Galli *Vpec* nominant, de Indicarum gallinarum nomine, quas Barbari *Vpec* nuncupant.

Alium præterea sagittarum vicum appellabamus, quod cum primùm ad eũ iter faceremus, in siluam ingressi, sagittas multas ad procerissimæ cuiusdam arboris putrefactæ cacumen emissas defixeramus, quæ in posterum indicis vires nobis præstarent. 14.

Qui ad dexteram.

*Keri-u.* 15. *Acara-u.* 16. *Morgonia-ouassou.* 17.

Qui in Insulam magnam.

*Pindo-oussou.* 18. *Corouque.* 19. *Piraijou.* 20. Alius præterea, cuius nomen mihi excidit, situs inter *Pindo-oussou*, & *Piraijou*, ad quem in quibusdam captiuis emendis operam posui. 21.

Alius quoque inter *Carouque* & *Pindo-oussou*, cuius etiam appellatio non occurrit. 22.

Quæ sit tum pagorum, tum ædium forma, alibi demonstraui.

CAP.

## CAP. XX.

*De nostro ab America discessu: deque naufragijs & alijs non minimis periculis, quæ primum in reditu nostro euasimus.*



OSTquam menses octo in Insula, quam occuparat Villagagno, viximus, ab eo eiectioni fuimus. Itaque in continentem secessimus, ad sinistram Ganabaræ sinum ingredientibus, ad eum locum quem nos *la briqueterie* nūcupamus, qui ab castello Collignio passibus M. distat. Ibi menses duos in tuguriolis quibusdam à Gallis piscatum euntibus olim extructis degimus. Per illud tempus Chappellæus & Boissius, quos apud Villagagnonem reliqueramus, ad nos veniunt, eandem ob causam eum deserentes, ob quam nos ab illo discessionem feceramus. Duo vero illi in nostrum sunt adscripti numerum, qui nauticum sexcentarum Gallicarum libellarum, vnà cum aliquanta commeatus copia cum nauclero, cuius nauis transportati sumus, pacti eramus.

*Lateritia, locus in America.*

*Chappellæus, Boissius à Villagagnone abscedunt.*

Verùm antequam ulterius progrediar, id est à nobis dicendum, quod antea nos dicturos recepimus, nimirum quo se gesserit modo in nobis dimittendis Villagagno. Legati regii nomen præ se ferebat, munusque obibat in illis regionibus: quare Gallorum, qui eò veniebant, nullus quidquam cōtra illius nutum adgredi ausus erat. Ille igitur tantisper dum nauis, qua reuecti fuimus, in anchoris stabat, ad Ganabaræ sinum, quo in loco onerabatur, ex scripto nobis abeundi potestatem facit, & literas dat ad nauarchum, quibus illi significat, ne cunctaretur nos nauis deportare, id quidē illi per se licere: nam (inquebat fraudulenter) quam gratus fuit mihi olim eorum aduentus, quo me id assequutum esse rebar quod optabam, eorum discessione tam delector, quādo mecum non consentiunt. Qua specie insidias nobis clam struxerat. Arculam enim cerata tela obuolutam (qui mos est ab nauigantibus receptus) epistolis plenam, quas ad familiares scribebat, eidem nauarcho tradit: quibus dicā in nos conscriptam clam interfert, qua primo quoque obuio regio ludici, vt in nos manus conijciat. Atque ita merita nostra in se collata Villagagno indignissima perfidia veluti obsignauit. Quam tamen (vt mox dicetur) in contrarium Deus conuertit euentum: maximo enim nostro solatio, Villagagnonis vero ignominia cessit.

*Villagagnonis indignissima perfidia.*

Tandem Prid. Nonas Ianuarii, Anno 1558. nauem nostram, Iacobæam nomine, Brasilio, pipere Indico, gossypio, cercopithecis, Sagouinis, psittacis, alijsque id genus, quæ iam pridem plerique nostrum sibi compararant, oneratā conscendimus. Sed antequam è portu soluamus prætermittere nolo, vt magis ac magis pateat Villagagnonem vnum impedimento fuisse, quo minus Galli regionem illam tenuerint, Faribæum quendam nomine, Rothomagensem, nauis nostræ præfectum nauigationem illam suscepisse religiosi nominis procerum rogatu, vt terram illam exploraret, atque habitationi idoneum locum deligeret. Ac sane is nobis significauit, nisi Villagagnonis defectio obstitisset, ultra octingenta hominum capita longis Belgicis nauibus eò nauigatura mox fuisse.

*Villagagnonis in causa est, cur à Gallis America non sit occupata.*

Ego vero facile credo, si Villagagno constanter in proposito perseuerasset, è Gallia ultra capitum decem millia eo commigratura fuisse, quæ & Insulam nostram ab Lusitanorum insultibus propugnassent (qua tamen non multo post discessum nostrum sunt potiti) amplissimosq; ac fertilissimos agros sub regia auctoritate in America incolerent. Quæ terra si id contigisset, antarctica Gallia nomen, quod inditum fuerat, merito retinisset.

*Qua die  
ab Ameri-  
ca discesse-  
rimus.*

Sed ut ad rem, eodem ipso die, nimirum *Præd. Non. Ian.* soluimus, ac Deo duce, vasto illi Occidentali Oceano rursus nos committimus. Recensione facta, capitum numerus ad quadraginta quinque est inuentus. Nauigium enim quo vehabamur oneraria erat nauis mediocris, cuius Nauarchus, nomine Baudouinus, de quo ante facta est mentio, nautas viginti quinque habebat, nos vero quindecim eramus. Nauigationem porro illam non nisi imminentis periculi cum formidine suscipimus: enimvero plerique nostrum ob infinitos, quos inter eundem exantlauerant labores, nisi adeo iniquus nobis fuisset Villagagno, ut in Galliam remigrarent, nunquam adduci potuissent: tū quod sincere Deum illic colere liceret, tū etiam soli fertilitate experta: quarum rerū in Gallia tū erat, atq; est etiam nū lōge maior difficultas. Hinc fit ut ego, qui patriam meam semper amaui atq; amo, Americae valedicturus, hoc loco fateri cogar, me non raro Americanorum consortii teneri desiderio, apud quos integritatē ac sinceritatē maiorem sum expertus, quā apud nostros plerosq; Christianum nomen præ se ferentes. Iam enim apud nos fides nulla superest, resq; adeo nostra tota immutata est, inq; dissimulationibus, atq; verbis inanibus posita.

*Breuiā.*

At quoniam ipso nauigationis nostræ initio Breuiā erant nobis transmittenda (sunt autem scopuli arenæ permixti) quæ in mare ad *L. X.* pass. Mill. porriguntur, quæ etiam quam longissime possunt fugiunt nautæ, vento non satis ad altum tenendum secundo, ut tam graue declinarem periculum, retro cedere propemodum coacti fuimus. Attamen postquam totos septem dies fluctibus agitati oberrauimus, nec multum promouimus, circa mediam noctem accidit nobis, ut nautis pro more alternatim aquam è sentina *ἰσραήλω* haurientibus, quamuis diu multumq; in illo perstitissent labore, eam tamen exhaurire nusquā potuerunt. Nauclerus noster rem illam admiratus ad sentinam descendit, quidnam rei illud esset sciscitaturus. Nauem rimosam atque adeo aquis opletam, ut iam paulatim demergi eam perferiremus, comperit. Quare minime querendum arbitror, vtrum singulis nostrum expergefatis, vbi imminens illud periculum, in quo versabamur, innotuit, vehementer perculsi fuerimus, nec ne. Ac sane tam certum erat submersionis mox futuræ indicium, ut salutis spe omni abiecta, plerique iam mortem expectarent.

*Imminens  
nausis-  
simā.*

Veruntamen Deo ita prouidente quidam (in quibus eram) vitam suam quam longissime possent producere decernunt: seque colligunt, ac duobus *ἰσραήλω* nauem ad horam vsq; meridianam sustentant, hoc est, duodecim horarum spatio, quo tanta abundantia in nauem influxit, quanta totis viribus à nobis potuit exhauriri. Immo cum Brasiliū, quo erat nauis onusta, aqua attigisset, sanguinem bubulum rubore referens è canalibus effluebat. Tātisper igitur

ΕΥΚ

tur dum tanta cum diligentia, quantam res ipsa flagitabat, neruos omnes contendimus, secundo flante vento ad reditum in Barbarorum oram, quā (utpote non multū à nobis remotam) illius diei hora vndecima conspeximus, proram eò conuertimus. Interea nauæ, qui cum fabro lignario sub foris erant rimulas, quæ aquæ ingressum præstabant lustrantes, tam nauiter officio functi sunt, ut lardo, plumbo, panniculis, atq; id genus aliis, quæ illis non parce à nobis ministrabantur, infestissimas quasq; obturant: atque ita viribus iam deficientibus paulisper leuati fuimus. Attamen vbi faber lignarius nauem vndiquaque diligenter recognouit, asseruit eam (utpote vetustam & vermibus erosam) ad tantam nauigationem minime esse parem, quāta erat ea, cui iam nos accincti eramus: auctorque fuit, ut vnde excesseramus eò rediremus, ibiq; vel nauem aliam è Gallia venturam opperiremur, vel nouam conderemus: de qua sententiâ acerrime est cerratum. Nihilominus tamen vicit naucleri sententia, qui veritus ut si littus repeteret, nautis destitueretur, malle se affirmavit, vitam suā ad omnes casus obiicere (quæ erat illius amentia) quam mercium, atque adeo nauis ipsius iacturam facere. Se quidem Philippo, aliisq; quibus præerat, si ad Americam oram redire animus esset, scapham ad eos vsus daturū esse. Ad quæ propere Philippus se quidem Galliam repeterere decreuisse, atque suis omnibus, ut idem facerent, auctorem esse respondit. Nauclerus vero alter excepit, nauigationem periculosissimam esse: ac præterea præsentire se eam diuturniorem futurā quam vulgo crederetur: ac proinde comeatum tot hominibus alendis nō suffecturum. Quibus auditis ex vniuerso numero sex conuenimus, qui nauigationis pericula, ac præcipuè famem imminentem reformidantes Americanam oram, à qua x x. tantum passuum millia aberamus, repeterere statuimus.

Id consilium ut exequeremur, haud mora, sarcinas nostras in scapham cōiicimus, quæ nobis data fuerat, cum farinæ exigua copia, atq; aliquantulo potu. Sed dum mutuo valedicentes bene alii aliis precaremur, quidam ex iis, qui cum Philippo remanserant, summo quo me prosequeretur amore motus, manum mihi porrexit, atq; ita inquit, obsecro te, ut nobiscum remaneas, fac nos minime in Gallia esse appulsuros, attamen longe maior affulget spes salutis, siue ad Provinciam Peruensem, siue ad aliquam insulam appellamus, quam si ad Villagagnonem reuertamur, apud quem (ut facile est coniecere) quieti nunquam eritis. His permotus cum longiori orationi locus non daretur, ego relicta in scapha sarcinarum mearum bona parte in nauem rursus confestim conscendo, atque ita periculum summum (ut dicemus) ab amico illo sagaciter præuisum, effugi. Quinque reliqui, quorum nomina nō sine causâ hoc recensebo loco, Pe-

trus Bordonius, Ioannes Bordellus, Matthæus Vernellius, Andreas Fontanus, Iacobus Ballæus, ægre à nobis nec sine lachrymis abscedentes, Americanam oram repetiere. Ad quā non nisi maximo labore tandem appulerūt, atq; ad Villagagnonem redierunt; quorum tres primo loco nominatos suffocados curauit.

Itaque rebus omnibus apparatis, vela damus, rursumq; mari nos cōmittimus, putri ac vetusta illa nauis vecti, in qua ceu in sepulchro mortem potius quam vitā operiebamur. Ac sane præterquam quod maximo cū labore Breuia

*Gallorum  
quinque in  
Americā  
redierunt.*

illa transgressi sumus, per totum Ianuarium mensem cōtinuis procellis ac tempestatibus agitati fuimus, nauisq; nostra maximam aquæ copiam rimulis excipiebat, quam nisi continuo exhaustissemus, centies de die (vt ita dicam) periissemus. Labor autem ille non fuit vnus diei.

*Insula inculta arboribus atq; auib. abundans.*

Maximo igitur illo labore vltra quadringenta passuum Mill. prouecti, Insulam quandam incultam conspicimus, in modum turris rotundam, quæ quantum coniectura assequi possum, passus mille in ambitu habebat. Eam vero, cum ad dexteram præternauigaremus, arboribus non modo virentibus eo mense Ianuario abundare animaduertimus, sed etiam tanta auium copia, quarum non pauca malo rudentibusq; nauis nostræ insidentes prehendi se atq; contrectari patiebantur, vt eminus columbarium forma referret. Aues in ea erant nigri, leucopæi, subalbi, atq; varii id genus coloris: omnes quidem inter volandū amplitudinem non mediocrem præ se ferebant, verum captis quibusdam vbi plumis eas nudauimus, corpore passerem amplitudine nō superante eas esse comperimus. Vltra quatuor passuum Mill. progressi, ad dexteram rupes acutas emergentes conspicimus, quæ res metum dedit, ne plures illiusmodi sub aquis laterent, ad quos nauis allisa frangeretur, quod si contigisset, ab ea exhaurienda immunes fuisset. Toto nauigationis illius nostræ tempore, quæ fuit quinque mensium, terras nullas, exceptis insulis illis, conspeximus, quas Nauiculatores nostri in suis chartis minime notatas inuenerunt, ac forsitan etiam à nullis antea conspectæ fuerant.

*S. Rochi promontorium.*

Sub finem Februarii mensis ad æquinoctialem circulum accessimus, adeo vt tribus tantum gradibus ab eo distaremus. Sed quia dies iam quinquaginta erant elapsi, cum nauigationis partem tertiam nondum confeceramus, com meatu vero pars bona erat consumpta, ambigebamus, vtrum ad S. Rochi promontorium deflecturi essemus, necne? quæ terra Barbaros quosdam incolas habet, à quibus com meatum nos accipere posse nonnulli spem faciebant. Vicit tandem eorum sententia, quibus visum est vt vltèrius progredieremur, vtq; cer copithecorum & psittacorum, quos nobiscum vehebamus, pars occideretur, atque ita com meatui parceretur.

*Quid cau sa sit, cur circa æquinoctialem lineam difficilis sit nauigatio.*

Porro quarto huius historiæ capite summos retulimus labores, qui nobis inter eundem fuerunt exantlandi, vbi ad circulum æquinoctialem accessimus. At vero quia ipse expertus sum, non faciliorem à polo antarctico huc tendentibus esse accessum, quæ mihi de ea re probabiliter videntur, dicenda hoc loco ad iiciam. In primis igitur illud ponendum est, circulum æquinoctialem, cuius situs est ab Euro ad Fauonium, quasi dorsum siue spinam mundi esse, iis qui ab Aquilone ad Austrum nauigationem instituunt, & contra (nam alioqui fat scio, in globo nihil summum, nihil infimum esse) dico igitur & accessum ad mundi illam summitatem esse ab vtraque parte difficillimum, & in mari fluctus vtriusque æstuant, quos tamen in immani illa abyssu cernere est difficile. Ventos quoque ab eo loco erumpentes, atque in contrariam partem flantes, naues ipsas Æquinoctialis circuli accessu prohibere. Cui meæ sententiæ id suffragatur, quod statim vbi vel gradum vnum ab vtrauis parte transgressi fuerint nauæ, lætitia summa

summa exultantes, ac de reliqua navigatione bene ominantes sese inuicem ad comitatum edendum hortantur: adeo ut naues in decliui globi versantes, non ita difficulter agantur, atque ad summitatem illam tendentes agebantur. Adde quod maria omnia inter se quamuis conuexa (quæ tamen admiranda DEI prouidentia, ne terras obruant frēnantur, licet in terris fundata sint, atque adeo supra ipsam terram elata, quam in varias Insulas, & quasi particulas diuidunt, quas item inter se quodammodo concatenatas quibusdam filamentis & radicibus, ut ita loquar, in imis gurgitibus esse existimo) cum inquam hæc tanta aquarum moles vna cum terra ipsa suspensa, quæque duobus axibus sustentata (quos axes in quadrangulis vtrique polo oppositos esse fingo, quorum quatuor, decussus duas faciunt, quæ in orbem & semicirculum spheram totam ambiunt) perpetuo agitur motu, quod ex æsto marino apparet. Cum igitur motus ille sub Æquinoctiali circulo initium habeat, certissimum est, hemisphærio meridionalium aquarum ad præscriptos limites recedente eos, qui in medio globo versantur, quasi in æquilibrio non nihil hac quoque ratione ab cursu cohiberi. Adde insuper, quod & alibi attingi, æris intemperiem malaciamque, quæ sub æquatore crebro obtinent, non parum incommodi afferre: imo obstare, quo minus celeri cursu transmittatur. Hæc sunt quæ paucis ac quasi obiter de hac re mihi dicenda fuere, de qua tamen in vtramque partem controuerti facile esse existimo. Ac sane nemo est, quantumuis eruditus, qui de his rebus statuere quidquam possit, quod non refellatur. Solus enim Deus, qui ingentem hunc orbem aqua terraque constantem condidit, quemque non sine insigni miraculo suspensum continet, arcana isthæc omnia nouit. Ac sane non est difficile argumenta, quæ passim in scholis de hac re agitantur, confutare: quæ tamen minime sunt contemnenda, eo præsertim nomine, quod ingenia acuunt, dummodo isthæc omnia non primam (quod faciunt Athei) sed secundas esse causas meminerimus. Denique nihil certi hac in parte agnosco, nisi id quod sacra tradunt literæ. Illæ enim spiritum illius auctorem habent, à quo veritas omnis manet, ac proinde solas illas indubitatas habeo.

Sed rursum nostrum persequamur. Cum tandem ad Æquinoctialem circulum paulatim maximis cum laboribus peruenissemus, Gubernator nauis, eleuationem nostram astrolabio rimatus est: atque asseruit nos sub linea illa Æquinoctiali eodem ipso die, quo sol ad eam peruenerat versari, nimirum 4. Id. Mart. quæ res ut apprime notanda, quæque ante illud tempus paucissimis contigisset, ab illo est obseruata. Pluribus hæc persequi non lubet, cuiuslibet tantum æstimandum relinquo, quantos æstus tum perpessi fuerimus, quibus Sol esset pro Zenith. Præterea quamuis aliis anni temporibus Sol modo ad vnum, modo ad alterum ex tropicis exspatiatur, nullibi tamen siue mare siue terram spectes, æstus infestior persentitur, quam sub illa zona. Satis id mirari non possum, quod à quodam alioqui fide (quantum mihi cernere datum est) dignissimo, est memoriae proditum: Hispanos quosdam per regionem quandam Peruanam iter facientes, non modo miratos esse, quod sub æquatore niuem cõspexissent, immo montes niue obiectos ægre superassent, sed etiam tantum frigus ex-

*Sub Æquatore ipso die Æquinoctiali versati sumus.*

*Hist. Gen. Ind. lib. 4. cap. 126.*

perti essent, vt sociorum suorum nonnulli gelu rigore fuerint examinati. Iam si vulgaris illa physicorum afferatur sententia, niuem in media aëris regione creari, quam faciat ad rem (quod cum bona eruditorum venia dictum sit) non satis video. Sol enim perpendiculariter in illa linea radios suos in terram emittit, ac proinde aërem calefacit, qui niuem ferre non potest, nedum vt eam congelet, concreetq;. Nec magis mouet me, quod de montium altitudine atq; de Lunæ frigiditate vulgo dici solet.

Quare insolidum quid illud esse statuo, atq; ab Philosophorum regulis exceptum: solutionem vero certiore afferi minime puto ea, quam Deus ipse *Iob. 48. 22* Iobo affert, cui vt ostenderet homines, quantumuis acutissimos præclaris suis operibus capiendis minime pares esse, ait: An meos thesauros penetrasti? An grandinis thesauros oculis perlustrasti? Quasi summus ille opifex Iobo diceret, Quod horreum mihi putas esse, quo isthæc contineantur? tunc istarum rerum causas rimari potes? Minime id quidem, tu imperitior es, quam qui isthæc possis assequi.

Sed ad rem. Africus tandem ventus nos ab æstibus illis summis eripuit, ac mox arcticum polum, cuius conspectu annum integrum carueramus, intueri cœpinus. Ceterum ne lectores diutius detineam, ea minime repetam, quæ à nobis sunt commemorata, de permultis obseruatu dignissimis, de piscibus volantibus, aliisq; prodigiosissimis, non vnus generis, qui à nobis inter eundem sub torrida illa zona visi sunt: verum eos ad narrationem illam remitto.

Iam igitur eorum, à quibus eripuit nos Dominus, periculorum narratio est repetenda. Iurgium subortum erat inter vnum ex præfectis nauis nostræ, & nauiculatorem nostrum, quo fiebat, vt neuter recte officio suo fungeretur. Cōtigit, vt nauiculatore ad 7. Cal. April. vicem suam explente vela omnia expandi, atque in altum erigi iusserit: turbinem vero imminentem non animaduertit, qui repente in vela nostra tanto impetu irruit (quæ vt contraherentur iussisse debuerat) vt naui in latus inclinata, adeo vt mali summum aquam attigerit, quin & rudentes, auium caueæ, aliæq; sarcinæ paulo negligentius collocatæ in mare deciderint, non procul abfuimus ab exitiali submersione. Attamen rudentibus summa celeritate abscissis, nauis paulatim erecta est. Nihilominus tamen nos in summum discrimen tum deuenisse merito affirmare poteramus. Illi tamen, quorum culpa totum illud nobis euenerat, non illo periculo mansueti facti sunt, atque ad concordiam allecti. Sed contra simul atque à periculo exsoluti fuerunt, gratiarum actionis loco pugnam intenterunt inter se adeo obstinatam, vt periculum esset ne tandem ad eandem deuenirent.

*Humanū ingenium, nisi à Deo immutetur, indomitum.*

Aliquot post diebus obtinente malicia, faber lignarius cum nautis, qui de nobis leuandis à tanto labore (dies enim ac noctes in nauis exhaurienda *ὄσπρωλοῖς* occupabamur) solliciti erant, rimas, quas obturarent, diligenter perquirunt. Sed dum quandam sarcinam, accidit, vt asser longitudine & latitudine pedis vnus auulsus sit, aqua vero tanta copia, tantoque impetu in nauem irruperit, vt nautas ipsos è vestigio abegerit, adeo vt illi fabrum lignarium reliquerint solum, ad

nos

nos vero, qui in foris eramus accedentes, re ipsa minime explicata summo cum pauore exclamabant, actum est de nobis, actum est de nobis.

Ad hæc Præfectus, cum nauarcho & Gubernatore, periculo urgente affe- <sup>Casus, qui submersio- nem nobis propemo- dum attu- li.</sup> res nauis, quæ foris sunt tegumento, confestim in mare deiciunt, quo facilius educeretur scapha. Brasili quoq; maximam vim aliasq; merces, quarum precium ad Gallicarum libellarum millia decem accedebat. Illi igitur consilium de naue relinquenda inibant, deq; salute quærenda in scapha: quam rursus ne nimio onere opprimeretur metuebant. Quo factum est, vt nauarchus stricta machæra nos omnes ingressu illius prohibuerit: minatus, se brachium illi abscissurum, qui primus in illam ingressum moliretur. Igitur rabido mari permisos nos esse autumabamus. Prius tamen illud naufragium, ex quo singulari Dei ope emerferamus, in mentem nobis redibat, hortabaturque, vt totis viribus in eo præstaremus, ne nauis obrueretur: cum tamen alioqui æque mortem atq; vitam operiremur. Tamen tantum effecimus, vt nauem incolumem retinuerimus. Atqui non omnibus erat ea animi fortitudo: nautæ enim plerique mortis illius, quod imminebat genus reformidantes, adeo obstupuerant, vt rerum omnium curam iam abiecissent. Ac sane, merito quidem asseuerare possum impios illos atheos, qui passim inter pocula eos irrident, qui mari sese committunt, quique tot pericula subeunt, si apud nos adfuissent, nugas illas & ludibria sua confestim horrendis terroribus permutaturos fuisse. Mihi porto dubium non est, quin eorum, qui isthæc aliaque quæ iam commemorauimus, pericula sunt lecturi, plerique ex nostrate forma exclament: Quam tutum est brassicas in continente plantare! Quam facilius admiranda de Barbaris audiuntur quam visuntur! Quam sapienter olim Diogenes eos laudabat, qui nauigandi consilio inuito, minime tamen nauigabant! Atqui nondum nostrorum hic fuit exitus malorum: tum enim cum in istud incidimus discrimen, ab portu ad quem tendebamus vices centena passuum millia aberamus. Fuerunt itaque multa alia nobis subeunda pericula: quinimo (vt mox dicetur) tantam perpessi fuimus famem, vt non pauci ex nostris extincti ea fuerint. Sed interim subiicienda est ratio, qua istud euasimus periculum: Faber noster lignarius humilis quidem staturæ vir, sed animo forti, nauis sentinam vt ceteri, minime reliquerat, sed contra penulam suam nauticam vasto illi hiatui admouerat, pedibusque, vt aquæ viribus obsisteret (quibus tamen non semel est à suo loco dimotus, atque in altum elatus) calcabat, tum quanta poterat vocis cõtentione eos aduocabat, qui in foris erant consternati, atq; in summam iam deuenérat desperationem: monebatq; vt sibi vestes, xylyna cubilia, aliaq; quæ vsui erant subministrarent, quibus quam maxime posset, aquæ impetus tantisper cohiberetur, dum asserem appareret, quo hiatus ille perniciosus refarciretur. Quibus diligenter suppeditatis, illius opera ab tam præsentis periculo liberati fuimus.

Ab eo tempore ventis adeo aduersis vsi sumus, vt nauis nostra modo ad Euum, modo ad Fauoniũ depelleretur, cum tamen ad Austrum tenderemus. Præterea Gubernator noster illius artis non admodum peritus à cursu aberrauit, atq; ita incertum cursum, donec ad Tropicum Cancræ peruentum fuerit tenuimus.

M m

*Herbidū  
mare.*

*Hist. Gen.  
Ind. lib. 1.  
cap. 16.*

*Herbarū  
illarū ma-  
rinarum  
descriptio.  
Quisqui-  
lia rubra  
marinana-  
tans.*

*Bolis quid  
sit, quisue  
illius usus.*

*Calchond.  
de bello  
Turcico.*

Præterea per quindecim dies inter herbas mari innatantes versati sumus, quarum tanta erat densitas, tantaque copia, ut nisi securibus eas secantes, nauigio, quod illis frangendis erat impar, viam fecissemus, futurum autumo fuisse, ut ibi substitissemus. Quoniam autem herbarum illa copia mare quodammo- do turbidum efficiebat, nos in paludibus cœnosis versari credebamus: ac proinde Insulas quasdam in propinquo esse iudicabamus. Verum iacta bolide, cui funis quingentenarum vlnarum longitudine alligatus est, nec fundum attigimus, neq; etiam Insulas vllas aut continentem animaduertimus. Ad hæc id cō- memorare libet, quod ab Ind. Hist. de hac re memoriæ est proditum: Christo- phorus Columbus, inquit, ea quam primum instituit nauigatione ad Indiam nouam cognoscendam, Anno nimirum 1492. commeatus reparandi gratia ad vnam ex Canariis Insulis diuertit, à qua paulo post digressus, cum dies permul- tos nauigasset, tandē ad mare adeo herbidum deuenit, ut pratum referret. Quæ res non parum eum commouit, quamuis nullum subesset periculum. Sed her- barum illarum descriptionem subiungere placet. Colore sunt subflauo, ad fœ- num iam exsiccatum accedente, foliis à ruta hortensi non absimilibus: baccis iuniperinas referentibus: prælongis quibusdam filamentis ac fibris colligatur, non absimili ab hedera terrestri modo, atq; ita radicibus expertes, mari ipso in- natant. Ceterum non satis tuto tractantur, nonnunquam etiam sordes nescio quas rubras, quarum forma ad galli gallinacei cristam accedit mari innatantes vidi, quarum adeo periculosus erat contactus, ut si à nobis attrectarentur, ma- nus confestim intumesceret, ac rubore infestaretur.

At quia nuper in sermonem de bolide incidimus, de qua multa ab anilium fabularum commentis non admodum aliena sæpius audiui, nimirum nauigā- tes ea iacta è terra quæ inhæret, quibus in regionibus versentur agnoscere, quod falsissimum esse de Occidentali mari assero. Itaque quod res est subiiciam. Bolis ergo instrumentum est trunculum pyramidalem formā referens, ac acuta par- te perforatum, quod funibus attexitur, sebum vero ab altera parte applicantes in profundum demergunt nautæ, quoties locum stationi idoneum nactos se esse putant. Cui, si arena adhæserit, opportunam esse stationem colligunt: sin minus, limum aut rupes subesse cognoscunt, cui anchora defigi minime potest, ac proinde alio esse properandum.

Hæc habui dicenda ad erroris illius refutationem. Ii enim omnes, qui in alto Oceano nauigarunt, immensam esse illius & inscrutabilem, quantavis ma- xima funium copia adhibita, profunditatem norunt: quo fit, ut dies noctesq; quam diu secundus est ventus, cursus sit tenendus: obtinente vero malacia, cō- sistere necesse sit. Nauigia enim mari illi accōmoda perinde ac naues actuariz remis non aguntur. Ex quo patet nugas esse ea, quæ vulgo referuntur: bolide humum erui, quæ in quibus terris nautæ versentur, dignoscant, cum vasti illi gurgites (ut supra dixi) sint penitus imperferutabiles: quod si in mediterraneo mari, aut in ipsa terra, ut quidam de Africa desertis referunt, in quibus stellarum & pyxidibus marinæ ductu viatores iter conficiunt, locum habeat: penes auctores fides esto. Ego quæ de Occidentali Oceano dixi, vera esse confirmo.

Igitur

Igitur postquam herbosum illud mare prætergressi sumus, veriti ne in piratas incideremus, tormenta aliquot ferrea aptauimus, aliaq; munimenta instruximus. Quæ res nouum nobis creauit periculum. Cum enim tormentarius noster puluerem igni admouisset, tandiu eum apud ignem reliquit, quoad vas, cui fuerit impositus, candesceret, atq; adeo ignem cõciperet: cuius flamma vniuersum nauigium nostrum penetrauit. Adeo vt perparum abfuerit, quin ob picem, qua vndiquaq; oblitum erat nauigium, flammis correpti fuimus, quibusdam velis ac rudentibus infestatis, tribus quoq; nautis grauissime adustis, quorum vnus post aliquot dies vitam cum morte commutauit. De me quod attinet, nisi vultui meo pileum opposuissem, haud dubie adustione fuisset turpatus, nisi quid grauius mihi accidisset. At illius mei pilei beneficio summis tantum auriculis capillisque adustis incolumis euasi. Quod quidem ad decimum septimum Cal. Maias nobis contigit. Iam hoc loco aliquantulum est respirandum nobis per Dei gratiam ab naufragiis, submersione, incendioq; hætenus liberatis.

## CAP. XXI.

*De extrema fame, tempestatibus, aliisque non paucis periculis, à quibus in Galliam redeuntes diuina ope erepti sumus.*

**T**Or tantisque euitatis periculis è Scylla in Charybdim incidimus. Etenim cibariis nostris iam ante non quidem opiperis pars media repẽte fuit detracta, eò quod tum temporis à Gallia decies centena passuum millia aberamus, quam moram nõ tempestates tantum nobis attulerunt. Nam (quod etiam alibi dixi) Gubernator noster à cursu adeo aberrauerat, vt cum assereret nos ad Hispaniæ oram accedere, Insulas Essoreas legeremus, quæ ab Hispaniensi ora sexies centena passuum millia distant. Ille igitur error eò inopia nos redegit, vt sub Aprilis mensis finem commeatu penitus careremus. Postremum igitur solatium fuit, vt Cellulam gypsatam, in qua commeatus recondi solent, euerreremus: in qua vermes & murium excrementa maiori copia quam micæ reperimus, quisquiliis tamen illis diligenter collectis, ac sigillatim distributis, pulmentum conficiebamus, quod & nigredine & amaritudine fuliginem superabat. Id genus cibi quam palato esset gratum, minime est quarendum. Per illud tempus quicunq; cercopithecus & psittacos reseruarat iis (quod iam pridem à multis erat factum) vesci non dubitarunt. In summa, iam ipso Maij mensis initio ex nautis nostris duo fame necati sunt, atq; pro nauigantiũ more in ipso profundo sepulti. Præterea tam dira vrgente fame totos viginti dies procellis ac tempestatibus adeo vexati fuimus, vt non modo vela omnia complicare, clauumq; obligare, sed nauigium amplius regere impotes permittere illud flatibus atq; vndis coacti fuimus. Quæ res effecit, vt per totum illud tempus, quantumuis vrgente fame, piscis à nobis nullus fuerit captus. In sum-

*Vermes ad murium excrementa una cum micis panis colliguntur & eduntur.*

*Nauta duo fame necati.*

ma repente nos in diram famem incidimus extrinsecus vndis, intrinsecus vero aqua petimur. Quare in eorum gratiam, qui mare nōdum viderunt, quos merito mediam tantum mundi partem vidisse dixeris, hoc loco, id est, in memoriam reuocandum, quod Psaltes de nauigantibus asserit:

*Psal. 107.*  
*23. 24.*

*At vos tranantes pictis vada salsa carinis,  
Maris coloni diuitis,  
Magna Dei vere miracula cernitis, alti  
Dispersa campis aequoris.  
Nam simulac inhsit, rapidi tota aequora venti  
Ad ipsa tollunt sidera.  
Abripitur pariter ratis, & nunc nubila tangit:  
Tumente vecta gurgite,  
Tartara nunc contra praeceps contendit ad ima,  
Ipsisque mergitur inferis, &c.*

Per illud tempus cogente rerum inopia, admiranda concipiebant vota Nautæ: at nos ad verum illum Deum vota omnia dirigebamus, cuius benignitatem atque fauorem toties experti eramus: cuius etiam ope in media ipsa fame, non sine insigni miraculo sustentabamur, à quo etiam vno mare ipsum ac tempestates sedari posse noueramus.

Interim licet inedia ac proinde macie adeo cōfecti essemus, vt nauigationis obeundis ministeriis vix ac ne vix quidem idonei essemus, egestas tamē singulos eò compellebat, vt quacumq; fieri posset ratione, de famelico ventre saturando cogitarent. Nonnullis in mentem venit, vt frustula parmarum ex tergo Tapirousson, de quo antea, in aqua decoquerent, ederentq;: at illa inuentio non ita successit. Alii igitur eadem frustula excipientes prunis imposita torrēt, quod adustum erat cultro eradunt; quod optime successit: corium enim illud nobis fame iam confectis suillam cutem prunis assatam sapore referebat. Hoc facto experimento, quicumq; parmas eiusmodi habebant, frustatim eas concidebant falcibus, aliisq; instrumentis, frustaq; diligenter in sacculis recondita apud se continuo gestabant, immo in tanto apud eos erant illa pretio, atque loculi auro oppleti apud auaros & fœneratores nostrates esse solent. Iosephus de Hierosolymitanis obsessis verba faciens, memoriæ prodidit, eos nec cingulis nec calceamentis abstinuisse, Coriaque scutis detracta mandisse. At non defuerunt inter nos, qui & Coriaceos thoraces, ipsaque adeo calceamenta ederent. Immo pueri, qui nobis famulabantur, fame adeo pressi fuere, vt à laternarum cornibus non abstinuerint, quarum in nauigiis maxima suppetit copia, immo sebaceis ipsis candelis, si quas offenderent, nō pepercerunt. At nos summe debilitatos iugiter in exhaurienda naue laborare necesse erat, alioqui mox submersi fuissetemus, inediamq; nostram largo potu compensassemus.

Porro ingentem bolidem tertio nonas Maias sub solis occasum in aere ardentem conspeximus, cuius tanta erat velis nostris reuerberatio, vt ea igne iam correpta esse crederemus: attamen nullo nostro incommodo statim euolauit. Iam si queratur, vnde bolis illa ortum habuerit. Respondeo rei illius causam indagare

*Parme ex tergo Tapirousson manduntur.*

*De Bell. Iud. lib. 7. cap. 7. Thoraces coreacei & calceamenta exceduntur.*

*Laternarū cornua candelarū, sebacea cibi vices prestant.*

*Bolis ignea in aere cōspiciuntur.*

indagare difficillimum esse, præsertim cum terras nouas, ex quibus ichtyocol-  
læ aduehi solent, Insulamque Canada præterlegeremus, quæ regio est frigidif-  
sima, ex calidis exhalationibus ortam esse nemo dixerit. Nos igitur ut genere  
omni incommodorum afflicteremur, Aquilone vento adeo infestati fuimus,  
ut totos dies quindecim calorem vix vllum perferimus.

Tormentarius noster ad 4. Cal. Maias, cum ante tanta fuisset fame oppres-  
sus, ut psittaci viscera me præsertim cruda paulo ante deglutisset, diem suum obiit,  
nec terræ, sed mari sepulchrali, ut & superiores mortui, mandatus est. Cuius  
mortem eò æquiore tulimus animo, quod opera ipsius facile careremus: ete-  
nim si Piratæ quidam eo tempore nos aggressi fuissent, non modo non pro-  
pulsarem eos, sed vltro in deditionem venire summis votis optabamus (quæ  
erat nostra miseria) dummodo cibus suppeditaretur nobis. Sed prout Deo vi-  
sum est, nos per totam nauigationem illam affligere, vnicum conspeximus na-  
uigium, quod assequi minime potuimus: vela enim apparare maturè per imbe-  
cillitatem nostram non licuit.

Ceterum consumptis illis, de quibus paulo ante memini, parmis, coriis, *Mures*  
ipsisque adeo arcarum tegumentis, breuiter quicquid famem explere poterat, *captantur*  
nos vltimam nauigationis nostræ lineam attigisse existimabamus. Sed penuria *atq; man-*  
artium inuentrix, quosdam ex nobis mures ut venarentur compulit. Illi enim *duntur.*  
fame oppressi (quod micæ ceteraque omnia, quæ corrodere solebant, diligen-  
ter collegissemus) turmatim per foros cursitabant. Nos vero cum diligenter,  
tum ingeniosissime iis captandis variis decipularum generibus adhibitis inui-  
gilabamus, nonnunquam etiam noctu felium more eos obseruabamus. Quo  
factum est, ut quantumuis latentes perpauci manus effugerint nostras. Ac sa-  
ne murem tum pluris quam bouem faceremus, in continente æstimabamus.  
Vidi enim qui coronata tria, nonnunquam quatuor, in singulos mures nume-  
rarent. Immo quendam obseruavi, qui cum Chirurgus noster mures duos si-  
mul cepisset, hac voluit cum illo agere conditione, ut si murium suorum alte-  
rum commodare vellet, cum primum ad portum appelleremus, galerum, tho-  
racem, femoralia, & tibialia ipsi penderet. Ille tamè (quod vestes vitæ suæ post-  
haberet) conditionem respuit. Denique mures frequentes ac minime exente-  
rati in aqua marina elixabantur, qui tamen maiori nobis erant in pretio, quam  
sint in continente veruecini armii.

Præterea quo magis ac magis pateat, nihil quod edule esset à nobis con- *Murium*  
temni, de quodam narrabo, qui cum Præfectus noster murem satis grandem ap- *pedes dili-*  
parasset, quatuor exsectis pedibus, quos in foris reliquerat, eos diligentissime *gentissime*  
collegit, prunisque assauit, assertitque se perdicum alas tam sciti saporis mi- *colliguntur.*  
nime vnquam edisse. Ac sane, quid est quod non tanta inedia oppressi man-  
dissemus, aut potius vorassemus, qui ad explendam famem ossa ipsa olim proie-  
cta, aliasque id genus sordes summopere optabamus? Nec dubium est, quin si  
nobis virides herbe aut scænum adfuisset, brutorum more ea mandissemus. At-  
qui non solum cum malo hoc conflictabamur, totis enim viginti diebus, qui-  
bus fame illa infestati fuimus, neq; vinum neq; aqua dulcis in naui nostra visa est,

restabat tantum exiguus sicera cadus, quem praefecti nostri adeo parce distribuiebant, ut si vel Monarcha quis tum nobiscum fuisset, ceteris largiorem potum non obtinuisset: singulis autem cyathus quotidie assignabatur. Cum itaque non minus siti quam fame infestaremur, quotiescunq; decidebat pluuia linteis expansis, ferreoq; globulo in medio sito, ut commodius in vasa subiecta instillaret, aquam excipiebamus. Immo eam, quae per foros effluebat, diligenter colligebamus, nec obstabant sordes, quae eam longe turbidior em, quae per vicos in urbibus praeterfluit, reddunt, quominus à nobis ebiberetur.

*Sitis fame intolerabilior.*

*Sancerrana famas.*

Deniq; quamuis ea famas, quae Anno 1573. in obsidione Sancerrana perpeffi sumus, in earum numerum, quae grauissimae habentur, recenseri debeat, ut videre est ex historia, quam de ea re nos ipsi edidimus, quamuis diuturnior, non tamen aequae grauis, atq; de ea qua nunc agimus, fuit. Sancerrae enim neq; aque neq; vini laborauimus inopia, praeterea herbae quaedam ac radices, vitiumque gemmae nobis suppetebant. Ego sane si ob causa iustae patrocinium, obsidione alicubi tenerer, tantisper dum Deo creatis rebus benedictionem suam impertiri visum eslet, quid pelles, membranae, bubalini thoraces, aliaque eiusmodi succum aliquantulum habentes, quibus tamen quotidiano vsui, quamuis minime familiaribus, in illa obsidione famem tolerauimus, expertus, minime vnquam famis metu in deditioem hostibus venirem, dummodo earum rerum copia suppeteret. At in illa nostra nauigatione longe diuersa erat ratio: eò enim redacti fuimus, ut nil nobis restaret, praeter Brasiliium lignum, praeter omnibus aliis lignorum generibus siccum, atq; humore expers. Nihilominus tamen non defuerunt inter nos, qui fame ad extremum adacti, cibi alius inopia, lignum illud dentibus atterere conarètur. In quibus erat Philippus dux noster: qui cum frustulum ori admouisset, altum trahens suspirium, me his còpellauit verbis: Heu mi Leri, pecunià in Gallia ad quater mille libellas olim credidi, cuius apocham vtinam conscribere tenerer, & mihi pro ea panis vnus cum cyatho vini mihi praerberetur. Petrus autem Richerius Pastor, qui nò ita pridem Rupellae ad Dominum migravit, in cellula sua prostratus iacebat, adeoq; erat viribus omnibus expers, ut caput ad Deum oraturus minime posset attollere, attamen ita prostratus indefinenter precibus ad eum fundendis intentus erat.

*Brasiliium ligni corroditur. Philippi votum.*

*Richerii debilitas.*

Antequam sermoni huic finem imponam, id obiter obseruare libet, quod in aliis quidem, maxime in meipso animaduerti, qui binas famas expertus sum, easque eiusmodi, ut nullum vnquam horridiores euasisse credam. Corporibus inedia debilitatis, & deficiente natura, sensibus alienatis, spiritibusq; dissipatis, non modo feroces, sed & morosi & iracundi fiunt homines. Illa porro iracundia merito rabiei genus dici potest: Quo fit, ut apposite vernaculo nostro sermone is fame dicatur furere, qui fame premitur. Praeterea quoniam experientia res omnes expressius edocet, video nò sine causa Deum, populo suo minantem famem nisi suis pareat praecipis, diserte exprimere futurum, ut viri illius, qui fuerat mollis, & delicatus, valde malignus sit oculus in fratrem suum, & in vxorem sibi charissimam, atq; in filios suos, adeo ut non det vlli ex eis de carne filiorum suorum quam comedet. Nam praeter ea, quae in Hist. Sancer. commemorauimus

*Inedia rabiem generat.*

*Deut. 28. 53-54.*

morauimus

morauimus exempla de parentibus, qui ex liberis suis vnum comederunt, deq; militibus quibusdam, qui postquam cadauera eorum, qui bello cæsi fuerat, degustassent, se decreuisse, si malum illud diutiùs perstitisset, viuis manus afferre, affirmare possum nos durante illa Nautica fame vix ac ne vix quidem pacate alii cū aliis colloqui potuisse, licet Dei timore cohiberemur, immo quin (quod Dominus condonet nobis) malignis oculis alii in alios fuerimus.

*Prodigio-  
famula fia-  
mistempo-  
re in men-  
tem plerif-  
que vene-  
rant.*

Sed vt reliquum nauigationis nostrę cursum describere pergam: Contigit rebus nostris in peius ruētibus, vt nauta alii duo 17. Cal. Maias fame necari fuerint. Quo tempore ex nostris nonnulli fuere, qui tam diuturnum errorem nostrum in aquis secum reputantes, nulla obiecta terra animo suo fingebant nos in nouo versari diluuiio. Cū igitur nautas illos mortuos in mare præcipites dari animaduertimus, eūdem nobis exitum omnibus impendere credebamus. Ego in tanta rerum inopia, qua, vt dixi, cercopitheci ac psittaci, quos vehebamus, confecti fuere, ad illud vsque tempus psittacum plumis decorum, anseris magnitudine, articulate voces multas humanas imitantem, studiosissime conseruaram: eum Gaspari Collignio offerre sperabam, atque ea spe quinque dies cautissime occultaram, nullo ei præbito cibo. Hunc tum urgente fame, tum quod vererer, ne mihi noctu furto surriperetur, post alios omnes occidi. Ille mihi amicisque aliquot meis per tres quatuorve dies alimento fuit: integer autem à nobis fuit esus, nullam enim particulam præter plumas eiecimus, adeo vt non carnes tantum, sed & viscera & pedes ipsos, atque adeo vngues, vncumque rostrum corroserimus. Auis istius mortem ægerrime postea tuli: dolorem auxit, quod quinto ab eius obitu die terram conspeximus. Cū igitur illius generis aues facile careant potu, vel tribus nucibus totum illud tempus vitam illius sustentare potuissem.

*Nauta fa-  
me necati.*

At vero, dicet quispiam, quid nobis cum tuo psittaco? nōne perpetuo in miseris illis vestris suspensos tenebis? Annon tandem aliquando malorum & quidem omnis generis fatis? Nunquid aut vita aut morte finis tandem dabitur? dabitur vtique: Deus enim, qui (non sane vulgari cibo) corpora nostra sustentabat, opem nobis tulit opportunissimam, effecitque immensa sua bonitate, vt 8. Calend. Iun. cum iam ad foros ferme languore confecti iaceremus, Britanniam inferiorem conspexerimus. Veruntamen quod non semel à Gubernatore nostro decepti fuisset, qui terræ loco nubes nobis ac chimæras indicarat, quæ propere euanuerant, speculatore iterum atque iterum pro more exclamante, Terram, Terram, vix tamen vere illud dici credebamus. Atqui secundo flante vento prora obuersa mox certo cognouimus, continentem in propinquo esse. Iam vero vt liquido appareat, quantam in miseriam quantumque in discrimen adducti fuerimus: quamque opportune Deus sit nobis opitulatus, huc referre lubet, quod nauclerus noster edita voce affirmavit statim, vbi gratiarum actiones ob imminentem liberationē nostram egisset: se nimirū omnino decreuisse, si diem vnum adhuc in illo tam misero statu permanissemus, nō quidem sorte agere (vt ab nonnullis, in tales redactis angustias est aliquādo factū) sed aliquem ex nobis clam interficere, qui ceteris esui esset. Quæ res mini-

*Qua die  
continen-  
tem con-  
speximus.*

*Prodigio-  
sum deci-  
tum.*

me me commouit, conscius enim mihi eram (quamuis omnes macie essemus confecti) me ab illo periculo tutum satis fuisse, nisi forte cutem & ossa nuda pro carnibus habere voluisset. Quoniam autem nauæ nostræ Rupellam appellere decreuerant, vt ibi Brasiliū suum lignum venderent, cū iam à Britannia sex passuum millibus tantum abessemus, Nauclerus cum Philippo & quibusdam aliis scapha vecti ad oppidulum proximum (Hodiernam vocant) contendunt, cibaria comparaturi. Inter quos duo ex nostris, quibus pecunias speciatim numeraueram ad cibaria quædam mihi comparanda, vbi ad continentem appulerunt, nauem nostram famis domicilium esse rati, diserte testati sunt se in eam pedem nunquam relaturos: quod ab ipsis est factum. Relictis enim in naue sarcinis suis, ab illo tempore eos nunquam vidimus. Attamen eorum vnus, qui solus mecum è quatuordecim illis, quorū nomina initio recensui, hoc anno 1584. quo historiam hanc corrigo recenseoque, quanto cum labore pristina restituti fuerint valerudini ad me scripsit. Nobis quid hac in parte contigerit, mox narabo. Nobis in anchoris nostros operientibus ad nos accessere piscatores quidam, à quibus cibaria petimus, illi se à nobis irrideri arbitrati, immo ne iniuria aliqua afficerentur veriti, fugam capessunt; at nos quos vrgebat fames, eos vt consisterent cogimus, inque eorum lintrem irruimus. Tum illi extrema quæuis sibi imminere credebant. Nos vero pacate omnia agere, cumq; cibariorum nihil præter cibarii panis frustra aliquot comperissemus, vnus ex illis inuentus est, qui exposita extrema qua premebamur fame, adeo ferum se præstitit, vt pro panis illius frustulo, quod vix obulo vānisset, sestertios duodecim nō dubitavit à me exigere. Nostri autem mox cum cibariis ad nos redeunt, quam auide à nobis fuerint excepta, necesse non est dicere. Tum in proposito perseverantes, nimirum vt Rupellæ littus peteremus, iam passuum sex millia nauigaremus, cū ab Nautis, qui nos assecuti sunt, admoniti fuimus, Piratas quosdam ad oram illam vagari. Quare post tot tantaque pericula, quæ Dei ope euaseramus, si vltro in periculum nos coniceremus, vidētes illud nihil aliud esse, quam Deum tentare, illo ipso die 7. Cal. Iunias portum intramus Blauuetensem, in Britannia: ad quem per illud tempus naues permultæ è variis regionibus reduces appellabant: quæ & tormenta displodebant, aliaque nauigantibus solemnia celebrabant, atque ob portas victorias triumphabāt. Inter quas vna erat ex vrbe Sammalea, cuius nauæ Hispanicam ex terris Peruanis reducem ceperant. Ea pretiosis quibusq; mercib. erat onerata, cuius pretiū ad sexaginta aureorū nummorum millia æstimabatur. Cuius rei fama, cū per vniuersam Galliā sparsa fuisset, mercatores non pauci Parisienses, Lugdunenses, alique eò ad merces illas commendas commeabant. Quæ res commodissime nobis euenit: accidit enim, vt cū è naui egrederemur mercatorum illorum plerique iis auditis quæ perpessi eramus, & nos præ infirmitate minus ad gressus figendos idoneos sustentarint, & opportunissime admonuerint, vt ab nimio esu diligenter nobis caueremus, paulatimque vires nostras pauculo cibo repararemus, iure ex veterum gallinarum decoctione, lacte caprino, aliisque ad viscera dilatanda accommodatis. Ac sane cum iis omnibus, qui tam salubri paruerunt consilio, bene est actum. Nau-  
tæ ve-

tæ vero, qui repente ventrem cibo impleuere, non tulerunt impune: nam è viginti, tot enim incolumes terram attigerunt, plures decem sibi mortem accersuisse autumo: nos vero (quindecim eramus numero) qui, vt iam dixi, nauem illam in America conscenderamus in Galliam remigraturi, ad vnũ omnes terram mariq; incolumes tum seruati sumus. Hoc quidem verum est, nos nonnisi cute & ossibus tum constitisse, adeo vt alii alios intuentes cadauera è sepulchris eruta videre videremur. Adhæc vbi cælum terrestre persensimus, tantum ciborum nos cepit fastidium, vt (nam de me nominatim verius referre possum) in diuersorium tandem delatus, oblatum mihi vinum vbi olfeci, deliquium animi passus sim, inque arcam, quæ in propinquo erat delapsus. Qui vero aderant, futurum vt animam mox agerem existimabant, habita præsertim debilitatis meæ ratione. Atqui minimo affectus fui casu illo incommodo. Itaq; in lectum decubui, tamq; suauiter dormiui, vt nonnisi sequenti die, & quidẽ multa luce experrectus fuerim: quamuis ante decem menses in lecto nõ decubuissem, quod ideo cõmemoro, quod faciat contra eorum opinionẽ, qui putant eos, qui ab mollibus cubilib. desueuerũt, ea repetentes initio dormire minũs posse. Blaueti igitur quatuor diebus transactis, Hannebonem nos conferimus, quod oppidulum ab Blaueto quatuor passuum millibus distat. In quo totos quindecim dies quieuius, nosq; ex medicorum præscripto curauimus. Quantumuis tamen diligenter nobis caueremus, nemo nostrum effugere potuit, quin tumore per totum corpus infestaretur, me cum tribus aliis exceptis, qui ab vmbilico ad pedes vsq; eo morbo laborauimus. Insuper cum *diapnoia* & stomachi solutione cõflictabamur, adeo vt intra corpus nihil consisteret eorum quæ immittebantur. Tamen medicamẽti genus nobis est indicatum, quo postquam vsi sumus, confestim ab eo morbo sanati fuimus: est autem eiusmodi: Ius hederæ terrestris est accipiendum cum oryza probe cocta, in ipsa olla pannis veteribus restincta, deinde ouorum vitellis permistis, denuo igni admouenda. Confectio- nem illam cochlearibus ad modum pultis ori admouebamus. Ac sane nos omnes morbo illo extinctos futuros fuisse, nisi medicamentum illud adhibitum fuisset facile credo. Hæc sunt deniq; quæ de nauigatione illa nostra habui referenda: quæ sanè inter minimas non est reponenda, si animaduertas nos gradus septuaginta tres nauigasse ab Aquilone ad Austrum. Verum ne palmam merentibus præripere videamur, quantula est, si cum ingenti illa Ioannis Sebastiani De Cano Hispani, aut (vt quidam volunt) Veneti, vel etiam vt aliis placet, ab vrbe Guetaria in Cantabria Prouincia oriundi, qui vniuerso orbe circumdato, quod ni fallor, contigerat ante eum nemini (post eum quidem de Dracho Anglo idem referunt) qui in patriam redux pro insignibus orbem terræ depingi curauit, cum hac inscriptione, *Primus me circumdedisti.*

Ceterum iis à me lectis, quæ Hieronymus Benzo de sua in Peruensem terram, aliasque orbis illius regiones peregrinatione, quæ fuit annorum quatuordecim, scripsit: commune hoc mihi cum illo esse animaduerti, quod (vt ipse historix suæ initio refert) annos viginti duos natus esset, cum multorum exemplo peragranti orbis cupidus, ac præsertim visendæ eius mundi partis nuper re-

*Famè con-  
sequitur ci-  
borum fa-  
stidium.*

*Medica-  
mentum ad  
restringen-  
dã aluum  
accommo-  
datum.*

*Ioan. Se-  
bast. de Ca-  
no, Hispanus,  
et Dra-  
chus Anglus,  
vniuersum ter-  
rarum or-  
bem circũ-  
dederunt.*

*Consule  
Hist. Gen.  
Ind. ca. 98.  
Iren. Pope-  
lin. De tri-  
bus mũdis.*

*Statim  
post Benzo-  
nis reditu  
accingit se  
ad iter A-  
mer. Au-  
stor.*

pertæ, cui Indiæ Occidentalis nomen factum est, explere animum secum tandem constituit: Ego vero eodem studio impulsus, totidemque annos natus, in Brasiliam nauigationem suscepi, pro vt ipse historiae huius initio adnotauit: sed aliud est longe maiori dignum obseruatione, quod nimirum Benzo ( licet ille de nobis nihil, nec nos de ipso vnquam audiuissemus ) affirmat se idibus Septembris Anno 1556. in Hispaniam, peractis suis peregrinationibus, appulisse: nos vero ad 4. Idus eiusdem mensis, eodemque anno in Brasiliam profecturi, domo discessimus. Iam igitur si quis temporum seriem obseruare velit, eorum qui in Americam nauigarunt: nos statim post Benzoni reditum essemus collocandi. Porro cum Benzoni historia Latino sermone primùm, ac postea Gallico Urbani Caluetonis amicissimi mei opera extet ex Italico conuersa, cui titulus est, *Noua noni orbis historia*, adde quod auctor ipse inter eos, qui multa obseruarunt, atq; obseruata elegantissime scriptis mandarunt, postremum nõ obtinet locum: necesse penitus esse ex illo iis, qui Americanorum mores probe nosse cupiunt, atque adeo quam immaniter miseræ illæ gentes ab Hispanis, à quibus subactæ sunt, excipiantur, vt historiam illam diligenter perlegant. Ille autem eo maiori est dignus laude, quod historiam tuam concludat præstantissima gratiarum actione, quam ad Deum dirigit. In quo se minime ingratum in eum fuisse, à quo beneficium hoc acceperat, vt res adeo nouas, tamque à nobis remotas terras uideret, per totum quatuordecim annorum spacium, cuius etiam ope tot pericula euasisset. Illius tamen clarissimum nomen obscurare nititur Theuetus, veritatis ( si quis alius nostra memoria extitit ) acerrimus hostis, suo virorum illustrium libro, quem nuper edidit. Ille enim de Francisco Pizarro Hispano, à quo Attabalippa Peruensium rex fuit deuictus, verba faciens, totam Benzoni historiam ita in dubium reuocat ( à cuius tamen facundia longissime abest ) vt meras fabulas esse dicat. Quæ res forte à Theueto de industria est suscepta, quod Galliam patriam suam debito non prosequatur affectu, cuius tamẽ lepidissimus Benzo famæ est studiosissimus, aduersus eos, qui quod minimo negotio Indos illos subegerint, ceteras omnes gentes tam facile se deuincere posse iactant.

*Theuetus  
Benzoni  
obstrictus.*

Sed vt ad nos redeam, finem ac requiem laborum cõsequutos nos esse forsitan quis existimet: attamẽ nisi ille idem, cuius ope à tot naufragiis, tempestatibus, extremaque fame aliisque incommodis, quæ nos inter nauigandum assidue vexarunt, liberati sumus, nos ad littus appulsos seruasset, extrema quæque nobis impendebat. Iam supra dixi Villagagnonem tradidisse dicam in nos perscriptam, præfecto nauis illius qua reuecti sumus, vna cum mandatis ad obuios quosq; magistratus, vt in nos animaduertent, ignique addicerent. Contigit autem, vt Philippo Duci nostro cum Magistratibus ( ab religione quam profitebamur non abhorrentibus ) cui arcula illa epistolis dicæ illi adiunctis plena tradita fuerat, necessitudo intercederet. Quo factum est vt optime ab illis excepti fuerimus, contra quam cupiebat Villagagno, imo etiam fortunis suis non pepercerunt, quin nostris, quibus opus erat, eas largirentur: Philippus quoque ab illis pecunias mutuo accepit, atque ita Deus ille, qui astutos in astutia deprehendit,

*Pronidentia  
Dei ad  
miranda.*

hendit, nos ab illo periculo liberavit, effecitque ut scelerati Villagagnonis perfidia detecta, id totum ad illius contumeliam, nostrum vero solatium redundarit. Tanto igitur accepto beneficio ab illius manu, qui nos toties terra marique seruauit. Nautis nostris Hanebone excedentibus, ut Neustriam patriam suam repeterent: Nos etiam, ut ab Britannis illis recederemus, quorum idioma non minus nobis erat Barbarum, atque fuerat Americana lingua, ad Nannetes properamus, non quod per celeres iter illud confecerimus: tanta enim erat infirmitas nostra, ut equis, quibus insidebamus regēdis minime pares essemus. Quocirca mercenarii, à quibus regerentur, singulis fuerunt mercede conducendi.

Quoniam autem quodammodo restauranda erant corpora nostra, non minus portentosis flagrabamus appetitibus, atque ii sunt, quos de pręgnantibus mulieribus referunt: quorum, nisi ad finem properarem, exempla admiranda referre possem: quin etiam plerique ab vino ita abhorrebant, ut ab eo per mensem integrum abstinuerint. Tandem ubi ad Nannetum urbem peruenimus, quasi inuersi essent sensus nostri vniuersi, aures oculique nostri adeo hebetes repente facti sunt, ut formido incesseret, ne in surdos atque cęcos euaderemus. Huc referri potest, quod Ionathan Saulis filius dicebat: illuminatos fuisse oculos suos, postquam aliquantulum mellis gustasset: quibus verbis non obscure significabat oculos antea fuisse inedia hebetatos. Verum tamen ab primi nominis medicis quibusdam, aliisque claris viris, qui ad nos frequentissime accedebant, tanta cū diligentia curati fuimus, ut nulla tantorum malorum vestigia nobis adhęserint: quin imo de me possum affirmare, exacto ab eo tempore mense me optimum aurium oculorumque vsum habuisse. Hoc quidem verum est, me ab eo tempore stomachi debilitate semper laborasse: quę etiam fame illa Sancerrana, cuius paulo ante memini, adeo est cōfirmata, ut minime dubitem, ea me nunquam liberatum iri, donec me totum Deus felicissima resurrectione instauret. Itaque apud Nannetes, quo in loco (ut dictum est) optime excepti fuimus, recuperatis valetudine ac viribus, nostrum singuli quo visum fuit abiēre.

Denique, quandoquidem (ut ex hac Historia satis apparet) & in genere & speciatim tot periculis, totque mortis abyssis ereptus sum, an non merito cum sancta illa Samuelis matre exclamare possum, Iehouam morte afficere, & in vitam restituere, demittere in sepulchrum & educere? possum sane. Et quidem, ni fallor optimo iure, si quis alius nostra memoria. Attamen si huius esset loci, addere possem Deum immensa sua bonitate me ab infinitis aliis, in quibus versatus sum, discriminibus eduxisse. Quare, si mare elementum adeo furens, me non absorpsit, si Barbari anthropophagi, quibuscum ferme annum vixi, me non deuorarunt, fameque extremę, quas toleraui, me non necauerunt: an nō patria mea Gallia, tygride immanior erit, si violentam atque immaturam mihi afferat mortem? Vtcunque tamen sit, ego, qui mortem filiorum Dei (in quorum numerum me ascitum certo scio, coram eo pretiosam esse noui, totum me ipsius voluntati permitto. Hęc tandem sunt, quę à me tum in ipso mari, eundo, ac redeundo, tum in terra America, apud Barbaros obseruaui. Me autem

*Natura  
restaurata  
appetitus  
mirabiles.*

*Surditas  
oculorumque  
hebetatio ex fame  
orta.  
1. Sam. 14  
27. 29.*

*1. Samuel.  
1. 6.*

non latet tam amplum argumentum, resque adeo varias à me commemoratas eo stylo, eaque qua decebat grauitate minime fuisse descriptas: imo etiam lubens agnosco, me hac tertia editione nonnunquam ea, quæ paucis fuerant perstringenda, fusius quam par erat, persecutum esse, & cõtra in extremum aliud peccantem ea, quæ longiorem postulabant orationem, plus æquo contraxisse. At lectores rogatos velim, vt studium meum æqui bonique consulant, quod orationis non satis comptæ damna resarciat: cogitentque quam dura mihi rerum, quæ in hac Historia commemorantur, fuerit experientia.

Regi autem æterno, immortalis, inuisibili, soli sapienti Deo honos sit & gloria in secula seculorum, Amen.

F I N I S.

EXEM-

